


FLI's Language and Cultural Series 19

# کوهستان ده نباتات گہ گوڑیو اسیو کمون

(انڈس کوہستان میں نباتات اور جڑی بوٹیوں کا روایتی استعمال)





رازول کوہستانی



FLI's Language and Cultural Series 19

# کوهستان ده نباتات گہ گوڑیو اسیو کمون

(انڈس کوہستان میں نباتات اور جڑی بوٹیوں کا روایتی استعمال)



رازول کوہستانی

### **FLI's Language and Cultural Series**

- 1 Reports on Local Names & Uses of Plants in Kalam Kohistan (in English, Urdu, and Gawri)
- 2 Pahari and Pothwari: A Sociolinguistics Survey (in English)
- 3 Traditional History of Kalam (in Urdu)
- 4 Kalkatak: A Crossroads of Cultures in Chitral (in English)
- 5 Treasures of Seven Kings: Stories from Northern Pakistan (in English)
- 6 The Ormuri Language in Past and Present (in English and Ormuri)
- 7 Palula Vocabulary (in Palula and English)
- 8 Palula Texts (in Palula and English)
- 9 Ushojo Wordlist (in Ushojo and Urdu)
- 10 Dameli Wordlist (in Dameli and Urdu)
- 11 Gawarbatl Wordlist (in Gawarbatl and Urdu)
- 12 Yidgha Wordlist (in Yidgha and Urdu)
- 13 Dameli Proverb (in Dameli, Urdu and English)
- 14 Proverbs of Torwali Kohistani (in Torwali, Urdu and English)
- 15 Shina Gilgiti & Shina Kohistani: Comparison of Words & Verbs (in Shina and Urdu)
- 16 Ormuri Dictionary (in Ormuri, Urdu and English)
- 17 Gawarbatl Grammar and Proverb
- 18 Languages of Chitral, Past Present future (In Urdu)
- 19 Traditional Uses of Plants and Herbs in Indus Kohistan



# کوہستان دہ نباتات گہ گوڑیو اسیو کمون

(انڈس کوہستان میں نباتات اور جڑی بوٹیوں کا روایتی استعمال)

رازول کوہستانی



اس کتاب کے جملہ حقوق مصنف کے نام محفوظ ہیں۔ حوالہ جاتی مقاصد کے لیے اس کے مختصر اقتباسات نقل کیے جا سکتے ہیں تاہم اس کتاب یا اس کے کسی بھی حصہ کی دوبارہ اشاعت، نقل یا کاپی کے لیے ناشر کی تحریری اجازت ضروری ہے۔

نام کتاب : کوہستان دہ نباتات گہ گوڑیو اسیو کمون

زبان : کوہستانی (شینا)

سال اشاعت : 2024 اشاعت اول: 1997

محقق/مصنف : رازول کوہستانی

نظر ثانی : ڈاکٹر ظفر ثاقب عظیمی، رستم نامی، محمد امین صادق

ناشر : فورم فار لینگویج انیشیویز

سلسلہ : FLI's Language and Cultural Series

سلسلہ نمبر : 19

قیمت : 500

فورم فار لینگویج انیشیویز

پوسٹ بکس نمبر 763، اسلام آباد

[www.fli-online.org](http://www.fli-online.org)

info@fli-online.org

ISBN: 978-969-9437-51-9

## انتساب

Mr. Guy Duke, Mr. Robert E Whale, Dr. Are John  
Kunudson,

ڈاکٹر روبینہ رفیق، ڈاکٹر ظفر ثاقب عظیمی

کے نام


جنہوں نے انڈس کوہستان میں نباتات اور جنگلی حیات کے علمی اور تحقیقی مطالعہ کے ساتھ  
ساتھ دُنیا میں انڈس کوہستان کو مثبت شناخت دینے میں اہم کردار ادا کیا۔



## فهرست مضامین

xi	پیش لفظ
xiii	عرض ناشر
xv	دیباچه
xxi	اظہار تشکر
xxiii	تعارف
1	اصطلاحات
3	نباتاتو کوسٹینو نومی
13	نباتاتو اسیو کمون
249	چلکی گہ چوکی فصلو نومی
253	کتابیات

## انڈس کوہستان





## پیش لفظ

آ کتاب ده ذکر تھیلی گورٹی گہ نباتات اورژون، سیون، نکھلون، کمون گہ اسٹے داروئے سنونے سُکشیار زرگن کالو تجربہ گہ اسیو علم گئی پوٹن۔ اسیو لچھیار گہ سُکشی بر ثقافت گہ معاشرہ ده پکھو گوٹ کلجانی، کھاں سجنی کوئے قوم گہ قبیلو لگتھو گہ ای وختے لھاتیار یا اُتھلیار لیل تھجانی۔

رازول صاحب سہ دبو گہ پوٹ کالوج پتوڑ تومی جے احیا گہ ترویجے کریا شیتلی کڑاو تھیو بوجن، آں آس مچی یٹوڑ برئی گہ ہشلن، چئے بُجیش یٹے بہودائے کتابجی بسکہ چھاپ بلان۔

یہ تومی تحقیق گہ سچھنی کریا نیپال، برطانیہ، جرمنی گہ ناروے ملکوں لے چوٹ گیان۔ کوسٹینو جے لسانی تحقیقے لڑ ده چے چوٹ یونیورسٹی آف اوسلو (ناروے) دعوت گئی اسدیڑ گیان۔ اسدی یٹا تومی استاد ڈاکٹر رتھ لیلی شمٹ سے ساتی ٹل بوئے کوسٹینو جے تم مچھنی گرائمرے تحقیقی کوم تام تھیگاس۔ اسہ کتاب 2008ء ده جرمنی جی چھاپ بوئے تام دُنیرہ ده خوربلن۔

رازول صاحب ای نباتات گہ گورٹیو بارد 1991ء ده مقامی جگوجی معلومات ٹول تھون گلہ دیگاس۔ 1997ء ده یٹے ایک لیکھو ہو کتابچہ گورٹیو بارد چھاپ بلس، اسدیو پتو یٹا بسکوچو تحقیقی کوم تھیو گیاس، کھاں آنئی کتابے شکل ده لیل یٹو۔

بيٽي تحقيقي ڪوٺي ٻارڊ لداخ جي ٻري بندوڪش بڻجيش بسمه علمي جگو پيو  
 ده لئي پڙي قدر گه اهيٽن، ٻي ائڪ مخلص، سونجهو گه مستند محقق  
 ڪلجنن آن لا جڪ سه بيٽي تحقيقاتجي استفاده تهينن. بيٽي تام جودنه گه  
 اج آ تحقيقي گه تصنيفي ڪوٺن. ڪوستان گه ڪوستانه جگوڙ ڏينه ده  
 تومن اصل گه مٿئي شناخ دون مڃي بيٽي لو پڙو ڪردارن.

ڪوستانه تومن ائڪ خاص اهيٽن، اسه جيلو جي مال منورو تگيارن، مگر  
 به طريقه پڙ گه دويون گي ايله علائقو جيلو حالت لئي ڪهچڙين، آ بڻجيش  
 چه چيئه توم گورڙي دونه ڪريا گه ايله زائي ده مڙنه توم نه هشينو. اڏيو علاوه  
 اسه ماليو حالت گه لئي مڙنه نانن. ائڪ ڏو مالي (چوڙ، سپٽ) اڏيهه بنن  
 چه سيٽه حالت سمن، آن مالنه ڪريا تشار چر هشينن، مگر بسڪي ماليوڙ چر  
 ڪم پيو بوجون گي سم شان گي مالنه تگيار نه پين. آ سه اثر مالنه پهراو گه  
 گي ڏڊجي، ته چه اسه جڪ هر ڪال اج اسه ماليوڙ بوجنن ڪڍي  
 چر پائڏخ ڪم بلن آن ڪوٺه زيوڙ مالي نونيونه سم دوئيجهيو بوجانو.

آ ڪتابه بسڪيار اسه جب ده ائڪ مٿو ڪوٺن، آ گي ائيل اسيو علمي  
 سڪتتار گه لجهني بسڪي. اسوڙ پڪارن چه بيگه خهوس تومن جب ده لئي  
 جي لئي لڪوڻ گه پڙيون تو اسه جب نوشونجي رچهجيئه.

رستم نامي (اڏيهه، شاعر)

اڏس ڪوستان

## عرض ناشر

ایف ایل آئی سال 2002 سے مادری زبانوں کے تحفظ کے لیے کوشاں ہے۔ شمالی پاکستان میں بولی جانے والی تیس کے قریب یہ زبانیں منفرد ثقافتوں سے منسلک ہیں اور نہایت تحقیق سمیت کسی قسم کی سرپرستی کے فقدان کی وجہ سے اپنی افادیت کھو رہی تھیں جس کا نتیجہ مذکورہ زبانوں کی معدومیت کی صورت میں سامنے آرہا تھا۔ اس خطرے سے نمٹنے کے لیے ایف ایل آئی نے مقامی طور پر محققین کی استعداد کاری بڑھا کر زبانوں کو مستحکم کرنے کا بیڑہ اٹھایا اور گزشتہ دو عشروں پر محیط اس دورانیے میں تیس میں سے چوبیس زبانوں پر مختلف درجے کے کام کیے گئے ہیں جن میں مقامی لوگوں کو ان کی مادری زبانوں پر تحقیق و تدوین کی تربیت دینا، مادری زبانوں میں تعلیم کا رواج عام کرنے کے لیے مہم چلانا، مادری زبانوں کی اہمیت کے حوالے سے مختلف اداروں، پالیسی سازوں اور برادریوں کی سطح پر آگہی پھیلانا شامل ہیں۔ ان میں سب سے اہم کام اپنے تربیت یافتہ محققین کی کتب کو شائع کرنا ہے۔

ایف ایل آئی مادری زبانوں میں کتب کی اشاعت کو بہت اہمیت دیتا ہے کیوں کہ اس سے ناصرف ہماری برادری کے لوگوں کو ان کی اپنی زبان میں مطالعے کا مواد دستیاب ہوتا ہے بلکہ ان کتابوں کی وجہ سے ہمارے کئی ثقافتی ورثے محفوظ ہو جاتے ہیں۔ خصوصی طور پر ان زبانوں میں جن میں لکھائی کا نظام حال ہی میں متعارف ہوا ہو جن میں کتب کی اشاعت ہماری اولین ترجیحات میں شامل ہیں کیوں کہ ہم ان کو دیگر زبانوں کے ہم پلہ دیکھنا چاہتے ہیں۔

فخر الدین اخونزادہ

ایگزیکٹو ڈائریکٹر، ایف ایل آئی

اسلام آباد



## دیباچہ

1992 ده موم بمالين جنگل پراجيڪٽ ڪريا ايڪ A Preliminary Ethnobotanical Checklist: Plants with socio-economic value in Palas Valley لڪاڻس ڪهانس ده نباتاتو بارد بڙي بارے چيئے مشوجي معلومات ٿول تھجلیاسی۔ مون اڪے نباتاتو لیجھڪ (ماہر) ناسس، مگر می تحقیقے گوٹ اسے تومو لوک ورثہ نو، چہ جک سہ نباتاتو شناخ کاتھ تھینن، کاتھ آن کھان مدا ده نڪھلینن، کاتھ اڪوڑ اڪے داروئے سنینن، آن کھان مرضو ڪريا ڪچا مقدار ڪمینن۔

اسه وخ ده اسے روم ده محترمہ روبینہ رفیق سہ نباتاتجی پی ایچ ڏی تھیسے، آ گئی موم اسه فھرست محترمہ روبینہ رفیق ٿر پلاس، چہ سینس مقامی نباتاتو سائنسی نومی معلوم تھی۔ سیٹوجی پتو اسه نباتاتجی جناب ڏاکٽر ظفیر ثاقب ای کوم تھائوس۔ اخسر مقامی ادویاتی نباتاتو سائنسی نومو شناخ ڏاکٽر ظفیر ثاقب، ڏاکٽر روبینہ رفیق گہ کوئے مٿہ لیجھڪ جگا تھیگاس۔ 1993ء جی 1996ء بُجیش لوک وراثے حوالہ گئی پھت بلی معلومات موم ست دُبار ٿول تھے ایڪ لیکھئی ہے کتاب ”کوسٽان ده ادویاتی گوڑیو روایتی استعمال“ 1997ء ده چھاپ تھیائوس۔ 1998ء جی 2009ء بُجیش بمالین جنگل پراجيڪٽ، پالس کنزرویشن اینڈ ڊویلپمنٹ پراجيڪٽ، نان ٿمبر فارسٽ پراڊڪٽ پراجيڪٽے وخ ده گہ نباتات گہ گوڑیو بارد معلومات جمع تھیو گیائوس، چہ کھان ڪمیتیا پھت بِلن اسه تام تھم۔

پالس کوہستان دہ باقاعدہ شان گئی نباتاتی مطالعہ ڈاکٹر محمد رفیق اعوان،  
 ڈاکٹر روبینہ رفیق<sup>[1]</sup> گہ ڈاکٹر ظفر ثاقب<sup>[2]</sup> ای گلہ دیگاس، بیٹا ادی نباتاتو  
 تحقیق دہ بی ایچ ڈی تھیگان۔ <sup>[3]</sup>ایک نارویجن یونیورسٹی عالم Are John  
 Knudsen ای گہ زنگلاتو انتظامی ادی بی ایچ ڈی تحقیقی کوم تھان۔ مٹہ  
 محققینو مجی کوہستان دہ Dr. Karl Jettmar, Dr. Ahmad Hassan Dani,  
 Fredrik Barth, Claus Peter Zoller, Dr. Ruith Laila Schmidt, Dr. Clare F.  
 Radloff, Dr. Jurgen Wasim Frembgen, Daniel G. Hallberg, Calinda E.  
 Hallberg, ڈاکٹر ضابطہ خان شنواری، ڈاکٹر مسعود ارشد مخدوم، ڈاکٹر آدم  
 نیر، محمد اسلام، طارق خادم، احمد خان، نعیم اشرف راجا، عبدالغفور،  
 پرویش شاہین گہ کچا مٹہ ماہرین، طلباء گہ جگا ادی تحقیقی کوم تھیگان۔

---

<sup>1</sup> Dr. Rubina Rafiq, (1994). A preliminary botanical inventory and ethnobotanical checklist. Palas Valley, District Kohistan, NWFP. A report submitted to Himalayan Jungle Project, Palas Kohistan;

Dr. Rubina Rafiq, (1996<sup>a</sup>). The flora of Palas valley and plant conservation priorities. Report on the botanical studies in Palas valley (1992-1995). Report prepared for Himalayan Jungle Project, Palas Valley, Kohistan;

Dr. Rubina Rafiq, (1996<sup>b</sup>). Taxonomical, Chorological and Phytosociological Studies on the Vegetation of Palas Valley. Ph. D. Dissertation Botany Department, National History Museum, Vienna, Austria;

Dr. Rubina Rafiq, (1996<sup>c</sup>). "Three New Species from Palas Valley, District Kohistan, North West Frontier Province, Pakistan." Novon a journal of botanical nomenclature from the Missouri Botanical Garden.

<sup>2</sup> Dr. Zafeer Saqib, "Long term support to the ethnobotanical programme" of PCDP. (Mid Term Report);

Dr. Zafeer Saqib, 2003. Scientific Research Paper, BL/PCDP Kohistan

<sup>3</sup> Are John Knudsen, 2009. Violence and Belonging: Land Love and Lethal Conflict in the North-West Frontier Province of Pakistan (NIAS Press, 2009)



1995ء ده برطانیہ اے مشہور ”Royal Botanic Gardens - Kew“ اے اےک تحقیقی ٹولیو پالُس ده نباتاتو تحقیق تھیگس، آن اڈیو کوئے نباتاتو بی ہری برطانیہ ده پالُس اے نومجی ایک باغ قائم تہجلن۔

آئے کتاب ده ٹل اخسر نباتاتو سائنسی نومو شناخ ڈاکٹر روبینہ رفیق، ڈاکٹر ظفیر ثاقب، جناب محمد اسلام گہ کوئے مٹہ جگوجی تھیگان آن نباتاتو مقامی نومی گہ داروئے سنون گہ مال منوڑو کریا کمونے بارد لکیلہ موڑی می تومہ ٹول تہیلان۔ روایتی علم ده اخسر گوڑی گہ نباتاتو داروئے کمون گہ اسٹے مختلف انواع اے استعمالے بارد معلومات بین کھائیٹے دستاويز بندی گئی اسہ نباتاتوڑ ایک قسم کرے تحفظ ہشینو۔ نباتاتو روایتی علم اخسر قبیلو گہ ثقافتی ٹولیو مجی تومی تومی جب ده ہشینو، آ گئی اسیو روغیائے نظامے (نظام صحت) اہمیتے بارد جگو مجی چنلیار (بیداری) لئینی۔ روایتی علمے دستاويز سازی تھون گئی سائنسی تحقیق گہ توثیقے کریا ایک بڑی کُریپ ہشینی۔ لا جدید داروئے روایتی نباتاتو طریقوجی سنجن داروئے جی حاصل بلان۔ آ گئی محققین سہ ادویاتی نباتاتو فارماسولوجیکل خصوصیات اورڈیان یا چکبانن کھان گئی سائنسی مطالعاتو ذریعہ گئی اسٹے کمونے تصدیق گہ توجیح تھوبانن۔ ادویاتی مٹھو بارد روایتی معلوماتو نوشون عالمی سطح جی ایک لئی بڑی شاشم کلجانی۔ آ معلومات ده مقامی جگو تومو داروئے سنونے طریقائے، مقصد، کھان کھان نباتات گئی کھان کھان مرضے کریا کاتھ آن کھان ولجی کمجن، آ علم نوشون گئی حیاتیاتی تنوع ٹرلو بڑو نوخصان اچھانو۔

مقامی جگو تومو علم نوشونے لے وجوہات بینن: کاتھ کاتھ معاشرو مجی نیار

(جدّت) اینی تو جک تومہ روایتی طریقوجی دُورجیو بوجنن، روایتی علمے رچھیار (تحفظ) گہ اُچھیار (ترسیل) کم بیو بوجانی۔ ایک جے قبیلانے جک تومی زائی پھتے مٹیو بوجون، مٹی جب گلہ دون یا مٹو قبیلو سے ساتی کھوش یا سَت گئی سیٹو مجی ضم بون، کھاں گئی روایتی علم بڑجیانو آن تومی جب نوشانی۔ لا معاملات دہ، روایتی علم موش کال گئی ایک مٹو اُچھیانو، آن بڑی بارے یا عقل من جگو مرگے وجہ گئی آ علم نوشونے خطرہ گہ لئی پینی۔ کوہستانے نباتاتو ایک مطالعہ دہ رجیگان چہ<sup>[4]</sup>: ”زنگلوجی ہشی خورکے نباتاتو مقامی استعمال دہ جگو تجربہ گہ معلوماتو لو بڑو ذخیرہ محفوظن، کھاں گئی آ علاقہ بائیو کلچرل ریویوگیا شان گئی تسلیم تھجیانو۔ زنگلی خورکو استعمال گئی آ موش خرگن بلن چہ کھٹاری علاقہ حیاتیاتی ثقافتی تنوع کریا ایک اہم مقامن۔ مطالعہ دہ رجیگان چہ مقامی نباتاتو علم جودریون گہ حیاتیاتی ثقافتی تنوع رچھونے کریا مضبوط گہ مٹنے پالیسی ضرورتن۔ ادی ایتھنوگرافک مطالعہ جات، روایتی خورکے نظام گہ مقامی ماحولیاتی طریقائے گہ اسٹے انتظام دہ چیو کردار چکون پکارن تو مقامی خورکے نظام گہ مشکلاتو مٹنی تفہیم بوائے۔“

آ کتابے مقصد گہ مقامی نباتاتو بارد کھاں لوک ورثہ گہ علم مقامی جگوڑ تومو مالو دادوجی میراث دہ ہشلن اسہ سے دستاویز سازی تھے محفوظ تھجیئے آن اسے جب گہ قومے سوٹیلہ موڑی گہ معلومات نوشن نیں۔ اسے وطن دہ بڑہ ماہران جک لگتھان کھانس گوڑیو بارد لئی گھٹ لیچھینس۔ بیٹو مجی ایک بڑو نوم

<sup>4</sup> Muhammad Amin, Muhammad Abdul Aziz, Andrea Pieroni, Abdul Nazir, Abdullah Ahmed Al-Ghamdi, Aleyna Kangel, Khalid Ahmad and Arshad Mehmood Abbasi- Edible wild plant species used by different linguistic groups of Kohistan Upper Khyber Pakhtunkhwa (KP), Pakistan- Journal of Ethnobiology and Ethnomedicine 2023,19(1):6

گبیرے از تو سبیل پچائے نو، کھان سے دارو گہ پیئی بدون گئی کینسرے پر بارہ  
روغ بلیانی، آں اسہ مریضی اش گہ جودان۔

کوہستان دہ اش بیلہ گہ چيے مُشے سہ گوڑیو بارد لو مِسْثُو علم لرین، تومی  
نجوڑتیو علاج دہ مقامی نباتات کمین، مگر پھری گہ مقامی سطح جی آ  
روایتی علم کم پیو بوجانو۔

گوڑی نکهلون دہ ایک بڑی احتیاط آ موڑے گہ ہنی چہ حدجی بسکئی گوڑی  
نکهلون گئی نباتات نوشیو بوجن۔ آس دہ لئی احتیاط تھون پکارن چہ ای وختے  
کریا بیہ آئیٹوجی محروم نہ بوں۔

رازول کوہستانی

پاُس، انڈس کوہستان

31 مئی، 2024



## اظہار تشکر

مؤس ڈاکٹر ظفیر ثاقب عظیمی (انٹرنیشنل اسلامک یونیورسٹی اسلام آباد)  
اے لئی بڑی مشیّار گنّمس چہ سیٹا تومو پی گئیّار گئی کوئے نباتاتو سائنسی  
نومی سونچہریگہ آن بوبا سمار نظرثانی گہ تھیگہ

مؤس ایف ایل آئی پاکستانی ڈائریکٹر جناب فخرالدین اخونزادہ،  
جناب نسیم حیدر گہ جناب امیر حیدر  
اے لئی مشیّار گنّمس چہ سیس شمالی پاکستان اے جبو ترویج گہ ترقی  
کریا لو مشٹو گہ بڑو کوم تھینن





## تعارف

انڈس کوہستان، صوبہ خیبر پختونخوا اے ایک پھت پلو (پسماندہ) علاقہ نو۔ اش بیلہ انتظامی شان گئی آ علاقہ چے ضلعو مجی بگجلن: ضلع کولئی پالس کوہستان، ضلع لوئر کوہستان، ضلع اپر کوہستان۔ آ چوہہ ضلع جات اباسن دریابے وار پار خورن آ ادی کوہستانی شینا، انڈس کوہستانی، بٹیری، چھلسیو گہ گباری جبو جک بسمن<sup>[5]</sup>۔ آئینوجی علاوہ ادی گوجریو گہ پوختو جے جگو گہ اپن لئی تعداد ہئی۔ آ علاقہ لسانی، ثقافتی، سماجی، تاریخی گہ جغرافیائی شان گئی اہم کلجانو۔

بر قوم گہ جب دہ تومہ تومہ لوک ورثہ رچھیلو بینو، کھال بر مچھنی پیڑی جی پتنی پیڑی (نسل) مراٹ دہ ہشینو۔ اگر جک سے تومی جب دہ مؤش کال تھون لش نہ بین، تومی جب دہ لکون پڑیون کھوش تھین، تومہ بال چھلوسے تومی جب دہ مؤش کال تھون مٹٹی گئین، تومی لیکھی مدرسو مجی تومی جب دہ سبق رزین، تومی جے کھال لفظی بڑجیو (متروک) بوجنن یا بال چھلوڑ نہ اینن، اسہ سیٹور پشین، وطن گہ باہر دہ تومی جب دہ مؤش کال تھون لش نہ بین، آ ولجی تومی جے مٹٹی رچھیار گہ ترویج بوبانی آ تومی جب نوشونجی رچھجا گہ ہئی، جب رچھجلی تو جب سے لا کومی گہ رچھجنن۔

رازول کوہستانی، 1998 انڈس کوہستان: شین، یگلن وکمین قبال اور ان کا نظام معاشرت، شینا ریرچ فورم<sup>5</sup>۔

کوپستان، نباتات گہ بنے جنسرو حوالہ گئی دُنیرے ده مشهورن۔ کوپستانے بال چهل، چیرے گہ مُشرے سه زنگلی انواعو بارد لئی لچھین گہ جمدارن، جیل گہ مالیوڑ لا این بوجنن، کاٹھه، بُتھو، کچ، گوڑی، گُگْھیلی، شائے گہ میوائے اُچینن، آگئی بال چهل گہ چیرے مُشرے سه زنگلی انواعو بارد اسیو بڑو علم لرینن مگر آ علم تام شان گئی بیٹے جوڈن گہ تگرے کریا نه کمجانو یا نه کمجلن<sup>[6]</sup>۔ کوپستانے زنگلوڑ ادا نباتات گہ بنے جنسری بشینن کھان پاکستانے مُتئی علاقو مجی لا کم یا نه بشینن۔ کوپستان ده ادا نباتات گہ بشلان کھان نباتاتی سائنس ده بالکل نان کلجنن۔ کوپستان ده کوئے نباتاتو موجوده حالت آ نی، کھان سه ذکر پالس کنزرویشن اینڈ ڈویلپمنٹ پراجیکٹسے ایک رپورٹ ده تهیگان:

کوپستان ده کھان نباتاتو انواعو بسکی پیلن (خطرانی):

*Ulmus wallichiana* Planch.; *Dolomiaea costus* (Falc.) Kasana & A.K.Pandey; *Bergenia ciliata* (Haw.) Sternb.; *Delphinium swatense* Qureshi & Chaudhri; *Delphinium palasianum* Rafiq; *Bistorta amplexicaulis* (D. Don) Green.

کوپستان ده نایاب نسلو نباتاتو انواع:

*Inula racemosa* Hook.f.; *Rhododendron collettianum* Aitch. & Hemsl; *Fraxinus raibocarpa* Regel; *Meconopsis aculeata* Royle; *Aquilegia nivalis* (Falc. ex Brühl) J.R.Drumm. & Hutch.; *Delphinium nuristanicum* Tamura;

<sup>6</sup> Emily Woodhouse, 2006. Perceptions of conservation by children and women in the Palas Valley, Pakistan & implications for environmental education. P-58.

*Ulmus villosa* Brandis ex Gamble; *Cypripedium cordigerum* D. Don'  
*Herminium pugioniforme* Lindl. ex Hook.f.

کوہستان دہ اسے نباتاتو انواع کھائیٹوڑ خطرہ بوبانی:

*Viola betonicifolia* Smith; *Viola biflora* L.; *Viola canescens* Wall. ex Roxb.;  
*Polygonatum multiflorum* (L.) All.; *Dioscorea deltoidea* Wall. ex Griseb.;  
*Elwendia persica* (Boiss.) Pimenov & Kljuykov; *Rhamnella gilgitica*  
Mans. & Melch; *Aconitum heterophyllum* Wall. ex Royle; *Rheum*  
*webbianum* Royle; *Geranium wallichianum* D. Don ex. Sweet; *Gentiana*  
*cachemirica* Decne.; *Achillea millefolium* L.; *Ephedra gerardiana* Wall. ex  
Klotzsch & Garcke; *Adiantum capillus-veneris* L.; *Adiantum venustum*  
D. Don; *Paeonia emodi* Royle; *Juglans regia* L.; *Taxus wallichiana* Zucc.

کوہستان دہ ڈاکٹر روبینہ رفیق اے اورٹیلہ ناں نباتات:

*Delphinium palasianum*; *Jasminum leptophyllum*; Distribution and  
habitat; *Pseudomertensia flavescens*; *Jasminum leptophyllum*.

کوہستان گہ شمالی پاکستان دہ حیوانیہ گہ نباتیہ لوک علم (Indigenous  
Knowledge) لو شیلو گہ بسکن۔ ادی جک سہ سنکڑیو جی مالی بُجیش لا  
قسمو ماحولی منطقو مجی اُجیئے دین گہ باسم تھین [7]۔ آگئی بیٹے نباتات  
گہ زنگلی انواع سہ شناخ بسکینی، بیٹے تومی اُتھیاک بیاکے جوڈن دہ  
قدرتی زرمو اہمیت گہ ایکتیار (وابستگی) لیو بوجانی۔ مٹی کھگجی ادی لئی  
جنی گئی سماجی، ثقافتی گہ ماحولیاتی تبدیلی عمل گہ روان۔ معاشی گہ

رازول کوہستانی، 1998۔ انڈس کوہستان: شین، یٹکن و کمین قبائل اور ان کا نظام معاشرت، شینار لیرچ فورم، قراقرم۔<sup>7</sup>

اقتصادی ترقی لڳا سڀس بون گئي جگو تگيار مقامی وسائلوجي بسکيؤ بوجاني، کهاڻ لئي جني گئي کم پيؤ بوجن. ادي مڙني طبي سهولت نش، آڙي وجہ گئي ادوياتي نباتاتجي جگو تگيار ليؤ بوجاني.

آ ڪتاب ده ادا نباتاتو بارد معلومات ٿول تھيليانئي، کهاڻ گئي اسے جک سه اڪوڙ اڪے تومنئ نجوڙتيؤ ڪريا داروئي سنين گہ ڪمين. نباتاتو داروئي سفوف، شربت، ملهم، پئي، بئي، گولي، پيلہ (عرق)، تانگ گہ پٽھو تيپے بدوني صورت ده ڪمجن [8].-مقامي جک سه تومنئ نباتاتي علم گئي تومنئ گہ تومنئ مال گہ لچو دم دارو اڪے تھين. آ علم کم بسکو ھر مٿسا گہ چيئي سي ٻڃھيني.

1976ء جي پتو ڪوستانے علاقائے باقاعده ضلعي انتظام ده ٿل ٻلان، شاھراھ ريشم تام بون گئي مقامی جگو مٿه ضلعو جگو سرے راش درش بسکيؤ گيئي نئي، آگئي آعلاقوجي ٻاھري لسانی، سماجي، سياسي، معاشي گہ ثقافتي اثر بسکيؤ گياؤن، آ گئي اسے ديس ديزے اُتھياک پياک اپني يا لئي بدل بون گلہ دتن، کهاڻ گئي اسے ثقافتي ٻاش زاپ، ديس ديزے ڪوم کار، کھون پيون، غم خادي گہ ڪچا مٿه قسمو الفاظي اسے جيبي نوشيؤ بوجن. ايک جب نوشوني مقصد آيني چہ ايک قوم، ايک قبيلہ گہ ايک وطنے تاريخ، ثقافت، جب گہ جگو ھر قسمے روايتي علم گہ اُتھياک پياکے نکھہ ڏنيے جي بڙجي

رازول ڪوھستاني، 2008- انڊس ڪوھستان ڪافوک لور، مطبوعہ صوبہ سرحد ڪا ثقافتي انسائيڪلوپيڊيا، لوڪ ورثہ اسلام آباد. 8

تام بین، آن سُمجی بیٹے جوک گہ نکھو نہ پھت پی، آ ایک بڑو عالمی المیہ  
 گئیجانو۔ کھاں وخ ده ایک جب دُنیے جی نوشانی تو اسہ جی ہر سماجی،  
 لسانی گہ ثقافتی ذخارہ (ورثہ) جب سے ساتی نوشانو، آن قوم گہ نسلے شناخ  
 گہ تباہ بینی۔ آ سے کیریا اسوڑ تومی جب محفوظ تھون پکارن۔ جب محفوظ  
 بلی تو اسے تاریخ، ثقافت گہ اسے تمام لوک ورثہ اکوڑا کرے محفوظ بوبانو۔

رازول کوہستانی

## اصطلاحات

اردو	کوسٹینو
ٹہنی، چھوٹی شاخ	بکھنی
شگوفہ	بوقو
بیج، تخم	بی
چھلکا	پٹ
پتی، کلی	پٹھو
پتا (عام یا بڑا پتا)	پٹھو
پھول	پھڑو
چھوٹا سا پھول	پھڑو
سفوف	پھک
کشید کیا ہوا عرق	پیلہ
تائیر (جڑی بوٹی کی)	تائیر
گرم (تائیر)	تنو/تنی
درخت، شجر (دیار، چیر، چلغوزہ، کائل وغیرہ)	توم
ڈنٹل/ڈنڈی	ٹونشو
جُنڈ	جھاق
جھاڑی	جھول
جڑ	چھرش

اردو	کوسٹینو
سرد (تاثیر)	چھہو
کوئیل	خُکئی
انار کا چھلکا	دٹشاک
گول دانہ (جیسے پیاز)	ڈڈورو
پودے کی نازک ٹہنی	ڈھنڈی
بیل (درخت پر لٹکنے یا زمین پر پھیلنے والی بیل)	سرائے
شگوفہ	غٹے
گھاس	کچ
استعمال کرنا	کمون
بھانگ کے پودے کی ٹہنی کی باریک چھال	کھاپ
بیل (درخت پر چڑھنے یا پھیلنے والی بیل)	گبنی
کڑوا یا بلوط کا دانہ/پھل	گڑولی
جڑی بوٹی	گوڑی
عام چپٹے پتوں والے درخت	مٹھو
چھوٹا سا پودا یا چھوٹی سی جھاڑی	مٹھو

## نباتاتو کوسټینو نومنی

پښتو	کوسټینو نوم
28	15. اونچهو
29	16. اولو
30	17. آلو
31	18. آلوچا
32	19. آنرو
33	20. آوزکي
33	21. بښيښ
34	22. بښلاون
34	23. بښري
34	24. بښترنگو
35	25. بښنگ
36	26. بښي (1)
37	27. بښي (2)
37	28. بښگوړي

پښتو	کوسټینو نوم
13	1. اچهوئي
14	2. اپهرکاڼا
16	3. ارنی
16	4. ازاڼو
18	5. اسپاڼي
19	6. اسپرکي
21	7. اسپغول
22	8. اسپندر
23	9. اسکنچي
24	10. اشانو
25	11. اشپيتي
26	12. املک
27	13. اوبو
28	14. او



پٹھو	کوستینو نوم
52	45. پچھلی
53	46. پسوئی
54	47. پشکے
54	48. پشلمی
55	49. پشوٹ
55	50. پشیئے
56	51. پلایک
57	52. پلوٹ
59	53. پلوئی
60	54. پٹر
61	55. پھیل
63	56. پھروں
63	57. پھکڑ
64	58. پھگوئی
66	59. پھلا/کیر
67	60. پھلوڑو

پٹھو	کوستینو نوم
38	29. بُرُورُ
39	30. برمول
39	31. بریت
40	32. برین
40	33. بشمول
41	34. بکھئیں
42	35. بنکے
43	36. بنی
44	37. بہو
45	38. بہائیل
45	39. بہانگ
47	40. بہنگرا
48	41. بیئوں
49	42. پاڑا
50	43. پاسکر
51	44. پتریس

پڙهڻ	ڪوسٽيٽو نوم
83	77. ٽڻي
84	78. ٽوڪٽوڪو
85	79. ٽوڪو
85	80. ٽهڙهڙوڪوئي
88	81. ڄاڇو
89	82. ڄاو
89	83. ڄدرگوڙي
90	84. ڄريڻ
91	85. ڄش
92	86. ڄگلوڻو
93	87. ڄلجالي
93	88. ڄلدھڙيال
94	89. ڄمين
95	90. ڄن سنگ
97	91. ڄهو
98	92. ڄهاڙگوڙي

پڙهڻ	ڪوسٽيٽو نوم
68	61. ڀيلو املڪ
69	62. ٿير
69	63. ٿٿير
71	64. ٿرپاتھ
72	65. ٿرڪ
73	66. ٿرڻ
73	67. ٿروڻ
74	68. ٿلسي/ٿلسي
76	69. ٿلمرا
77	70. ٿمڪو
77	71. ٿهاڀاڙ
78	72. ٿهوليش
80	73. ٿونڊل
81	74. ٿانگور/ٿانگو
81	75. ٿبڪوئي
82	76. ٿٿري

پڻھو	کوسٽينو نوم
112	109. چھليوڻ
113	110. چھورو
114	111. چوڻيال
115	112. چوڏڻ (لھيلو)
116	113. چوڏڻ (شو)
117	114. چنار
118	115. چورو
119	116. چونڌل
120	117. چوئي
121	118. چين
122	119. چُسو
123	120. چيپڻھو
123	121. خار بولي
124	122. خھيرو
125	123. خرڏڪ
126	124. ڏيرے گوڙي

پڻھو	کوسٽينو نوم
98	93. جوڙي
99	94. جولوس
99	95. جومي
100	96. جوڻڻھيل
101	97. جوئي
102	98. جيسميني
103	99. جيلگبي
103	100. چٿور
104	101. چڪني
106	102. چڪي
107	103. چڪي
107	104. چڪي بيون
108	105. چلاڪي
109	106. چٽي گوڙي
109	107. چھاگوڙي
110	108. چھلي

پڻھو	کوسٽينو نوم
139	141. زنگلي
140	142. زلي
141	143. زنگلي بهندي
141	144. زنگلي پالڪ
142	145. زنگلي پسته
143	146. زنگلي پلو
143	147. زنگلي پياز
144	148. زنگلي راگم
145	149. زنگلي سُرْمِي
145	150. زنگلي گوبهي
147	151. زنگلي گولاب
148	152. زنگلي برو
148	153. زنگلي هُگي
149	154. زُون (شو)
150	155. رَچ
151	156. رَڪيڻي

پڻھو	کوسٽينو نوم
126	125. دُئوئي
128	126. دُومپڻھو
129	127. دُون گورِي
130	128. ڏٽيلون
130	129. ڏٽيلون
130	130. رائيس
131	131. رتراتي
132	132. رتڻجوك
134	133. رسمار
134	134. رَنگسالو
135	135. رُون/رُون
136	136. رئايا
136	137. ريڻ (ڀڙي)
137	138. ريڻ (ليڪهي)
138	139. زروخل
139	140. زلزالو

پڻھو	کوستينو نوم
164	173. شانس
165	174. شِيھيل
166	175. شِسُو
167	176. شُگلو
169	177. شليٽھي/شليٽ
170	178. شمڪر
171	179. شٽي
172	180. شئيگو
174	181. شونٽ/شوانٽ
175	182. شيشي
175	183. شرشري
177	184. شيلو
177	185. شينٽھل
178	186. شينمٽھو (1)
179	187. شينمٽھو (2)
180	188. شيئي گوڙي

پڻھو	کوستينو نوم
152	157. ژون
152	158. ژريس
153	159. سخو بئي
153	160. سرگوڙي
154	161. سُرمي
155	162. سِزن
155	163. سفيرٽ (شو)
156	164. سفيرن (لهيلو)
156	165. سُکوجو
157	166. سزالو
158	167. سُمبل
159	168. سُمچڪو/چڪو
160	169. سنا
161	170. سُوري مُڪھ
162	171. سُون/بيشے گوڙي
163	172. سويٽ

پڻھو	کوسٽينو نوم
197	205. کلير
197	206. کڻو
198	207. کڻيس/کڻي
198	208. کهريس
198	209. کهکڙا
199	210. کهکو
200	211. کهگيو
200	212. کوڻشريس
201	213. کهيانر
203	214. کورٽ
204	215. کورکهاپ
204	216. کوڙپلاؤن
205	217. کوڙو
205	218. کوڻڌيرو
206	219. کڻو/کوٽو
207	220. کيا

پڻھو	کوسٽينو نوم
181	189. شگني/شگائي
181	190. غاڻٽول
182	191. قيمت گل
183	192. کاگه ولنس
184	193. کالزري
186	194. کاملا
186	195. کاؤ
189	196. کتهڻ
189	197. کجي
190	198. کچماڇو
191	199. کچهل
192	200. کدي گورڙي
193	201. کربي
194	202. کستي
195	203. کسودر
196	204. کيکولومکيرس

پڻھو	کوستینو نوم
222	237. مالپڻھوئی
222	238. مامیخ
223	239. مامیر
224	240. مامیری
225	241. میچھو
226	242. مراڙو
226	243. مرڙنگ
227	244. مرڪنڌی
227	245. مرگیا
228	246. مڙل
230	247. مروج
231	248. مڙنا
232	249. مڙڪڙو
233	250. مکبرسه
234	251. مگرچھی
234	252. ملڪالو

پڻھو	کوستینو نوم
207	221. گپے پھڙو
209	222. گراچنی
210	223. گراچنی
211	224. گگخھیلی
212	225. گگریئے
212	226. گماری
213	227. گھیس
214	228. گھنار
215	229. گھنلی
215	230. گورت
216	231. گولبو
217	232. گون بالو
218	233. لگان
219	234. للیو
220	235. لٹی
221	236. لوه

پڙهڻ	ڪوسٽينو نوم
244	265. بریمبر
245	266. برگلی
245	267. بروئی
246	268. بلوری
247	269. بند
247	270. بوئوبل
249	271. بولو
249	272. بیچهر
250	273. بیون (کٽو)
251	274. بیون (شو)
	275.
	276.

پڙهڻ	ڪوسٽينو نوم
235	253. مگو گوڙی
236	254. ممیری
236	255. منو
237	256. مٿیال
238	257. مٿیری
239	258. مورچهر
240	259. مھو
241	260. مھاری
241	261. نک
242	262. نمیر/نمیرو
243	263. نورعالم
244	264. بتوئی





## نباتاتو اسیو کمون



❁ کوسټینو نوم: اچھوئی

نباتاتی نوم: [9] *Juglans regia* L.

تائیر: کلی تتی

قسم: مٹھو

کُوت: چہرِش، اچھو، کلی، پٹ، پٹھو

ناروغتیا: دودے دڑ، بت پاں پھون، دودو پلار، دڑہ، پیش، ڈیرے  
دجی، کھو، انٹھیو کمزورتیا۔

سنون گہ کمون: کوہستان دہ اچھوئے دُو قِسمانی، ایک بٹی اچھوئی،  
دوموگی چنجی اچھوئی۔ بٹی کھکیئے گئی نوٹن، چنجی کھکیئے کھون۔  
[1] دودے دڑے کریا چہرِشے پٹ نکھلے، چکڑے، ووئی ٹل تھے اپنی شبہ  
آنڑی دہ رٹے تھو تھون گئی دودے دڑ نوٹانی یا کم بیو بوجانی۔ [2] پھیلپی  
تلیو کریا نیلو اچھوئے پٹ پھیلپی زائی جی گاڑون گئی تلیئے روغ بین۔  
پھیلپی تلیو کریا نیلو اچھوئے پٹ اچھون کارن۔ [3] کھکیو کلی کھون گہ  
تیل نکھلونے کریا کمجن۔ کلی بسکی کھون بادگیر کلین۔ آمدنے کریا

<sup>9</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

کھکے مُلّی دینن۔ دی سزے داج ده گہ کھکے دینن۔ [4] چہرے پٹ ووئی  
 ده روئی اسہ ووئی گئی پمیلی گُوٹیوڑ روئگ گہ دینن۔ آئے گُوٹیوگئی شوکائے  
 گہ پمیلی کھویوَجی پُھڑہ چِچینن۔ [5] آئے سے چہرشو پٹ (دنداسہ) گئی  
 دودئی صاف تھینن۔ جَک سہ دنداسہ نکھلے مُلّی گئی دینن۔ [6] کُلُو گہ  
 پھوئے کِریا آئے سے نیلو پُھو تپے گزوں گئی کُلُو بُس دجی جِنی روغ بینو۔  
 [7] اچھوئی کاٹھو بُکے کُدو، شینو کا گہ مُتہ فرنیچرے کِریا کِمجانو۔ [8]  
 کھکیئے کھون گئی ڈیرے دجی کم بینو۔ [9] کھکیئے کھون گئی ڈیرے  
 قبضی گہ کم بینو [9] پیشے مرضے کِریا گہ کھکیئے مِشٹی کلینن۔ [10]  
 کھکیو کَلی سہ ہی رَگوڑ شت اچارنن، رَگو مَجی لیل مڑنی شان گئی یازانو۔  
 [11] مَمون دہ جُریلی کھکیو کَلی چُھنسونے کِریا مَریننی [12] کَلی سہ  
 اوڑتی بلریے قبضی نہانن۔ [13] کھکیو کَلیو مَجی تیل گہ پروٹین لئی مقدار  
 دہ بینو، کھان صُرتے کِریا لو غورہ کلینن، [14] کھکیو تیل ایگزیمہ بلی زائی  
 جی پلینن۔ آئے گئی ایگزیمائے مرض نوشانی [15] کھکیو کَلی انٹھیو طاقتے  
 کِریا مَریننی۔

کوسٹینو نُوم	سائنسی نُوم	تائیر	کُموت
❁ اپھرکاٹا	؟	تتو	بی، پٹھہ

ناروغتیا: دودے دڑ، چھوئیں شال، کھو/کھوروس، چُھنسون، ہی  
 دڑ، روگ/جرام، قبضی، پیش، مٹانائے بٹوئی۔

سَنُون گہ کَمُون: اپھرکاٹائے بی گہ پٹہ دودے دڑ گہ چھہوئیں شلے کریا غورہ دارونو کَلجانو۔ [1] دودے دڑے کریا آئے سے بی شلا دودجی بدون گی دڑ کم پیو بوجانی۔ آئے سے پٹھوگئی دودی صاف تھینن آں دودجی کیس گہ نہ شچانی۔ [2] چھہوئیں شالے کریا پٹھہ چُکٹے عرقے پیلہ سنے دیزہ مجی چے چوٹ ایک ایک پیلہ دون گی شال چھجانی یا نکھزانی۔ [3] کھوئے کریا بی پیڑی دیزہ مجی دو چوٹ تلی دون کی کھو نوشانی۔ [4] آئے سے کُلو چُٹی چُٹی چَکائی (قاش) تھے، شیلو بوتل دہ وی، تیل گئی پُرے بڑے پھتیا۔ دبو دیزوجی پتو سوری دہ پھتے، پتو آئے سے تیل چھاڈ تھے، شیشے دڑ، چھنسون گہ شقیقائے کریا ابو بو نوتھو دہ ویونن۔ [5] دڑو کریا آئے سے تیل گئی مالش تھینن۔ [6] تام مُٹھو نکھلے، چھبجا شوڑے، بگار دہ دی، آئے سے شو نکھلے چے دیڑو بُحیش ووئی دہ بلے پھتیا۔ چے دیزوجی پتو اسہ ووئی بگارجی روٹہ۔ ووئی بڑجی کھری لُوٹی ہرے پھت بو کھاں پوٹی کھو، پیش گہ بضمائے کریا دُو رتی مقدارے استعمال تھون پکارن۔



### کوسٹینو نوم: اُرنی

نباتاتی نوم: [10] *Corylus jacquemontii* Decne.


تائیر: بی تتو یینو

کُموت: بی، کُله، پٹھہ، کاٹھو

ناروغتیا: دڑہ، پٹھو اشتیار

<sup>10</sup> Plant name identified by Dr. Rubina Rafiq, 1992-95; Dr. Zafeer Saqib, 2003.

سنون گہ کمون: [1] آئے مٹھے کُلہ اُمودی مرضو مرکبات داروئے سنونے کریا  
 کمجن۔ [2] آئے سے بی تیل نکھلے دڑو گاڑیارے (مالش) کریا کمین۔ آ  
 گئی رگوڑ شت اجینی۔ [3] پٹھہ مالے کھون، کاٹھہ دہونے کریا کمجن۔



❁ کوسیتینو نوم: اڑاٹو

نباتاتی نوم: [11] *Artemisia brevifolia*

Wall. ex. DC

مٹھو: ساخت:

پٹھو، خُکنی: کموت:

تتو: تاثیر:

ناروغتیا: پرہار، بادخوری، ٹبک/تیغے چوٹ، ناؤں، چتھے/انٹھیسے

بُچڑہ نکھلون، اشتیار۔

سنون گہ کمون: اڑاٹے پٹھہ اُمودی کورسیتینو کریا کمجن۔ [1] پرہارے کریا

اڑاٹے پٹھہ شوڑے، پیڑی پرہارجی پئی سنے بدین۔ آئے گئی پرہارے رُو جنی  
 اینی۔ راتی گہ سورئ مجی پئی بدل تھین۔ [2] بادخوری کریا اڑاٹے پٹھہ  
 چُکٹے ووئی دہ بق بق تھے پُھڑجلی زائی جی بدیگہ تو بادخوری کم بیو  
 نوشانی۔ [3] ٹبک یا تیغے بڑی پرہارے کریا اڑاٹے پٹھہ پھیل گہ بھانگے پٹھو  
 سے ٹل تھے چُکٹے آئے سے پئی سنے پرہارجی بدین۔ آئے گئی پرہار دہ پھت

<sup>11</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

بلو لیل، ناؤں، چتھے یا پُھٹلی اٹھئی پُھسرہ نکھزی پیر بین۔ آئے سے ول  
 آئے نو چہ اڑاؤ، پھیل گہ بھانگے پٹھ زک زک تھے، ووئی دہ چار بری اٹے،  
 مجی گی گہ پُھک وی کھکشی تھے، پئی سنے پر بارجی گڑین۔ پئی پُوش  
 دیزو بُجیش راتی گہ سُوری مجی دُو چوٹ بدل تھین۔ آئے گئی پر بارے  
 بادخوری، ناؤں، لیل گہ پوس نکھزی رُو جنی اینی، آن پر بارے دُر گہ کم پیو  
 بوجانی۔ پُوش دیزو جنی پتو اک وخ چوٹیاں دُت دہ بق بق تھے، پئی سنے  
 پر بارجی گڑین۔ [4] اڑاؤ پٹھو قہوہ سنے پیون گئی مدافعتی قوت بسکینی۔



❁ کوسٹینو نوم: اسپاٹھے

سائنسی نوم: [12] *Phyla nodiflora* (L.)

Greene

تاثیر: چھہوؤں

کُموت: پٹھ

قسم: گوڑی

ناروغتیا: لہیلی، کٹی گہ پیلی اسپا، کلہ، بڑی پر بار، دُدے چوٹ۔

سنون گہ کُمون: [1] اسپاٹھے پٹھ لہیلی، کٹی گہ پیلی اسپاٹھے مرضے کریا لا مٹنی

کلجن۔ آئے سے پٹھ چُکھے، پیلہ سنے، سُجو ٹکے دہ پُشے دیزہ مجی دُو چوٹ  
 ایک ایک پیلہ ووئی ادو مریض دین کھانسٹ کٹی، لہیلی یا پیلی اسپاٹھے مرض بی۔

<sup>12</sup> Muhammad Hamayun, Sumera Afzal Khan, Ilyas Iqbal, Gohar Rehman, Tariq Hayat and Mir Ajab Khan "Ethnobotanical Profile of Utror and Gabral Valleys-

آئے سے پیلہ ووئی گئی اسپائے مرضہ چھیلین، آن ارامتیا اینی۔ [2] دڈے چوٹ یا بڑی پرہارے کریا اسپائے، جُشے، شُگلُو، چوٹیاں گہ بلیڑو چُکٹے مجی ایی مقدارے گڑ گہ خابون ٹل تھے، گی دہ روٹی، ٹپی دہ چھاٹ تھے آئے سے ملہم سنہ پرہارے کریا پئی سنین۔ [3] پھو یا کُلو کریا اسپائے نیلہ پٹھ چُکٹے، چھاٹ تھے گاؤلو گی دہ مشری ملہم سنہ پلین۔ [4] اسپائے ملہم لیکھو بال سُنِت تھے تُجوجی پلینے کریا لئی غورہ کلین۔ آئے سے ملہم سنونے کریا پٹھ چُکٹے مجی اپو ہو بلیڑو ٹل تھے، گاؤلو گی دہ روٹی ملہم سنہ دیزہ مجی دُو چوٹ پلیگہ تو رُو جنی اینی آن بال ڈر من گہ نہ ینو۔ [5] اسپائے شوڑے، پیڑی آئے سے پُھک (سفوف) لوشکی گہ بیلاڑ تلی دون گئی لیلے تاؤ کم ینی، لیل صاف ینو۔ [6] آئے سے تلی گئی بدیادمے چومے مرضو کریا گہ لئی مٹنی۔ [7] زیڑے مرضے کریا گہ آ سے تلی لئی مٹنی کلین۔



### ✿ کوسٹینو نوم: اسپرکی

نباتاتی نوم: [13] *Thymus linearis* Benth

کموت: بی/کله، چہرش، پٹھ

تاثیر: تتی

قسم: مٹھو/گوڑی

ناروغتیا: ٹاکو، چھنسوں، شیشے دڑ، ڈیرے دڑ، مالے کورستیا، جھارا

<sup>13</sup> Plant name identified by Dr. Zafeer Saqib, 2003.

کم بون، ہضمہ، اُنیار، ریح، تلی، مہیکی، چیو مرض، پُہجیار، کٹنی کھو، ڈیر،  
دو دے دڑ، چھاڑی، چنبل۔

سَنون گہ گَمون: اسپرکی بی لے مرضو کریا کمجانو۔ مال مٹوڑو پندہوں  
کورستیا گہ مرضو داروئے آمودہ ولوجی سنین۔ اسپرکی ہر گوڑہ پکار ای  
داروئی۔ [1] مال کہ لچو ٹاکوئے مرضے کریا آئے سے پٹھہ چکٹے پُہکو مٹنی  
دہ ٹل تھے دون گئی مال ٹاکوئے مرض نوشانی۔ [2] چھنسون گہ شسے دڑے  
کریا ووئی دہ اپہا پٹھہ پھل تھے چاء سنے دیگہ تو دڑ کم بینی۔ [3] ڈیرے  
دڑے کریا اسپرکی ووئی سے تلی دیگہ تو ڈیرے دڑ نوشانی۔ [4] مالے مرضو  
کریا آئے سے پٹھہ روٹی مالے آنزئی دہ وی کھینن۔ [5] چالئی مالے جھارا نہ  
وتھو تو آئے سے پٹھہ دُت دہ روٹی، مجی اپھو ہو گڑ وی مالڑ دیگہ تو جھارا  
جنی وزانو۔ [6] چالئی مالے دُت کم بلو تو آئے ولجی دون گئی چھالئی مالے  
دُت لئینو۔ [7] اسپرکی چھرش ڈیرے دڑے کریا مڑینی۔ آئے سے چھرش  
چکٹے، ووئی دہ بانگ تھے، چھاٹ تھے، ڈیرے دڑے کریا آئے سے پیلہ  
دین۔ [8] آئے سے پیڑیلہ کُلو پُہک (سفوف) ہضمائے کریا مڑین، آئے گئی  
اُنیار بسکینی۔ [9] آئے سے تلی کھورسے مرضے کریا گہ مڑینی۔ ریح خارج  
تھینی۔ [4] آئے سے تلی گئی ہی فعالیت لئینی۔ [10] آئے سے استعمال گئی  
مہیکی جنی اینی۔ [6] چولیو مرض (حیض) نہ بلئی تو آئے سے استعمال گئی  
حیضے مرض اوزگارینی۔ [11] آئے سے استعمال گئی ژوک گہ مٹانہ دہ بٹوئی  
بلئی تو پُھٹی وزانی۔ [12] آئے سے استعمال اوشی شتو گہ اعصابو مریضوڑ لئی



بر (مجرّب) کلین۔ [13] آئے سے استعمال گئی جسم دہ کھاں مضر مادائے پت  
 بین، اسہ خور (تحلیل) بوئے نوشن۔ [14] کھاں منوڑے مک یا بت پاں جی  
 پُھڑجیار بلّی تو اسپرکی سفوف مچھی سے ٹل تھے کھیگہ تو پُھڑجیار نوشانی۔ [15]  
 کِٹنی کھوئے کریا اسپرکی ووئی دہ بلے، سم شان گئی چپے، پوش دیزو بُجیش چے  
 جوک شمار لوشکی گی بیلاڑ دُو وخ دین۔ [16] ڈیرے دڑ گہ بدہضمی کریا آئے  
 سے تلی لئی غورہ کلین۔ [17] آئے سے شہ ماشہ مقدار ہر چھک استعمال تھیگہ تو  
 صُرت دہ نرکتیا پائیدہ بین۔ [18] اسپرکی اپہہ ہا کُلہ چپے گُرٹ تھون گئی چھاڑی  
 بن بین۔ [19] اسپرکی کھون گئی چُکئی اُباکی آیون بن بین۔ [20] چُبو یا لُمی چپاؤ  
 زائی جی اسپرکی پیڑی بیدیگہ تو دڑ کم بین۔ [21] پیشے مرضے کریا چے ماشائے  
 اسپرکی گہ ایک ماشہ کلونجی موٹھو دُده سے دین۔ [22] بچی گہ ددرے کریا آسے  
 ملہم سنین۔ ملہم سنونے کریا چار جوک اسپرکی، ایک جوک خاوری، ایک جوک  
 نیلتھوتہ، کڑچا دہ اچا سات تیون پکارون چہ بیسے روگہ مجی کِٹیار ای، پتو چُٹو  
 پیڑی مجی واسلین ٹل تھے ملہم سنے پلین۔



❁ کوسٹینو نُوم: اسپغول (دیسی)

لاطینی نُوم: [14] *Plantago ovata* Forssk

تاثیر: چھہوؤں

کُموت: کُلہ، پٹ

قسم: مٹھو/گورڑی

<sup>14</sup> Plant name identified by Dr. Zafeer Saqib, 2003.

ناروغتیا: مہیکی دجون، بَیش، اُلیال، قبضی، ہی دجار، تھلیار کم

تھون، بَیش، شوگر، غوروالے نہون۔

سنون گہ گمون: مقامی اسپغول ائی بی ووئی دہ کھرہ ووی امودی شباچی پتو  
لوشکِجی استعمال تھین۔ صرتے کریا لو مڑنینو۔ اسپغول بر مُدا گہ ہر گوڑ  
استعمال تہجبانئ۔ آئے سے استعمال گہ جوک گہ کھچٹی اثر نہ بینئ۔ لیکھ  
بڑہ بٹو کریا مڑ کلجانو۔ اسپغولے استعمال لئی باگو پضمائے نظام سم تھونے  
کریا بینئ مگر آ گئی مٹہ طبی فائدائے گہ بشین۔ آئے سے تاثیر چھوئیں نی آ  
گئی وال آئے سے کمیار (استعمال) بسکی بینئ۔ [1] اسپغول گئی قبضے  
ناروغتیا نوشانی، آن پوئی یا نئی قبضی اوزگار بینئ، معدائے نظام عام حالت  
مرک بینئ۔ [2] صرتے بسکی تھلیار کم تھونے کریا گہ غورہ کلین۔ [3] آئے  
گئی منوڑے مدافوتی قوت بسکینئ۔ [4] پیشے مرضے کریا گہ اسپغول دین۔  
[5] معدہ یا ہی دجار نہانو۔ [6] شوگرے مرضے کریا گہ مڑنینو، بسکی شوگر  
کم تھون مجی بر کلین۔ [7] وجود دہ نوخصانی غوروالے مقدار کم تھینو۔  
[8] مہیکی دجونے مرض دہ استعمال تھیکہ تو دجار نوشانی آن مہیکی  
اوزگار شان گئی بینئ۔ [9] اسپغول دُو قسمو بینو، ایک کُلُو آن مُتو پٹ۔  
معدائے کریا اسپغولے پٹ بسکو غورہ کلین۔ آ گئی بضمہ سم بوئے اونڑیو  
پاکیات بینئ۔



❁ کوسٹینو نوم: اسپندر / اسپندر

نباتاتی نوم: [15] *Peganum harmala* L.

کُموت: چہرِش

تاثیر: تتو

قسم: گورِی

ناروغتیا: شال، ہی شو، پیش، کُھو، عرق النساء، کُٹیار، حیض۔

سَنون گہ کَمون: اسپندرے لیکھو ہو مُٹھو بینو، آئے سے پُھڑوئے دُڈورہ بین، پُھڑو مجی کُٹروگو بی بینو۔ [1] آئے سے چہرِش چُکٹے عرقے پیلہ سنرے دین۔ [2] ہی شوئے کریا آئے سے کُلو دُوم تھین۔ [3] پھچوئے گہ گورے کُمٹو کریا آئے سے کُلو دُوم تھین۔ [4] پیش، کُھو گہ بلغمے کریا آئے سے پیڑیلو بی (سفوف) ائی چے یا چار گرامے تلی دین۔ [5] عرق النساء ائی مرض دہ تپیارے کریا آئے تلی دین۔ [6] کُٹیارے کریا اسپندرے اپو ہو بی کاوے تیل دہ بری اٹے، چھہونجریے کوٹ دہ ایک یا دُو تھک تھین۔ [7] چیو مرض دہ سم شان گئی پوچہ بونے کریا اسپندرے بی ایک ایک تلی دیزہ مجی دُو چوٹ دیگہ تو اوزگار شان گئی پوچو مرض بین۔

<sup>15</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. Pharmacologyonline 1: 328-354-



## ❁ کوسٹینو نُوم: اسکنچی/اسکانچی

نباتاتی نُوم: [16] *Chichorium intybus* L.

کُموت: تام مُٹھو

تائیر: چھو


قسم: گوڑی

ناروغتیا: شال، بیش

سنون گہ کمون: آسے تام مُٹھو شال گہ بیشے مرضے کریا لو غورہ کلین۔

[1] آسے تام مُٹھو نکھلے، شوڑے، پیڑی پُھک (سفوف) سنے، شال گہ بیشے مرضے کریا ایک ایک لیکھنی خمخیا لوشکی، دزو گہ بیلاڑ بیلاڑ تلی دین، آسے استعمال گئی کھاں گہ قسمے شال چھجانی۔ [2] عام یا لیلے بیشے مرض بلئی تو آسے سفوف تلی دون گئی گہ بیشے مرض چھجانی۔ شال یا بیشے مرض بڑتھی/چھدی تو آسے تلی دون یہ تھون پکارن۔ [3] شال گہ بیشے مرضی بلئی کمزورتیائی کریا طاقتے خوراک کھون پکارن تو صُرت ده قوت اچی۔ [4] کوئے جک سہ آسے پٹھہ گہ پُھڑو شا بدے کھون۔ آسے شا صُرتے طاقتے کریا غورہ کلین۔

<sup>16</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-



## ❁ کوسٹینو نُوم: اَشانُو

نباتاتی نُوم: [17] *Aesculus indica*

(Wall. ex Cambess.) Hook

کُمُوت: کُلو، مغز، پٹھہ۔

تائیر: چھہو

قِسم: مُٹھو

ناروغتیا: خرے ڈیرے دڑ، کُھو گہ کِمٹہ، زیڑے، بتی پائیں پھہون، چومرے

مرض، صُرتے دڑہ گہ سِستے دڑ، رگو موٹقیار، باسیر، دجار۔

سَنون گہ کَمون: اشائے کُلو زیڑے گہ خرے ڈیرے دڑے کِریا لو غورہ کلین۔ [1]

اشائے کُلو پیڑی پُھکو سے ٹل تھے خرڑ کھیسگہ تو ڈیرے دڑ نوشانی۔ [2] لیچو

ڈیرے دڑے کِریا گہ اشائے کُلو اج آئے ولجی دین۔ [3] زیڑے مرضے کِریا اشائے

کُلو پیڑی دیزہ مجی دُو چوٹ ووئی سے تلی دون گئی زیڑے مرض نوشانی۔ [4]

اشائے کُله مغز نکھلے، دُت دہ پری ائے، آئے سے ایک گلاس دُت زیڑے مریضڑ

دیگہ تو زیڑے مرض نوشانی۔ [5] بتی پائیں پھیلہ تو آئے سے پٹھہ پیڑی، گی دہ

مِشری، مَلہم سنرے بت پونجی پلین غورہ کلین۔ [5] بندو دڑو کِریا چھرے پٹ

<sup>17</sup> Plant name identified by Dr. Rubina Rafiq, 1992-1995; Dr. Zafeer Saqib, 2003; Ahmad Khan, 2005. Palas Non-Timber Forest Products Project.

چُکڑے، پیلے سنے دیرہ مجی دُو چوٹ دینن۔ [6] مٹھے پٹ، چہرے پٹ گہ بی دارو کریا کِمجانو۔ [1] رگو موٹقیار، باسیر گہ ڈیرے دجارے کریا کِمجانو۔



## ❁ کوسٹینو نوم: اِشپیتی / اِشپت

نباتاتی نوم: [18] *Trifolium pratense* L.

Leguminosae

تاثیر: چہمہوئیں

کُموت: پٹھہ

قسم: شا

اسنوں گہ کمون: اِشپیتی ایک قسم کے لو مڑنی شانو۔ اِشپیتیے چٹہ چٹہ پٹھہ بینن۔ [1] جک سہ نیلہ یا شکھہ پٹھو شا بدینن۔ اِشپیتیے شا اُچی، شوڑے چھورے پھتینن آن کھاں گہ وخ دہ پیو بلو شا بدینن۔ [2] آگہ رزنن چہ اِشپیتی وجودے دجنی کریا کہ مڑنی نی۔ وجود دہ دجار بلی تو آسے شا بدے کھونن۔ [3] کُھو مرضے کریا گہ غورہ کلیگان۔

<sup>18</sup> Muhammad Amin, Muhammad Abdul Aziz, Andrea Pieroni, Abdul Nazir, Abdullah Ahmed Al-Ghamdi, Aleya Kangal, Khalid Ahmad, Arshad Mehmood Abbasi: Edible wild plant species used by different linguistic groups of Kohistan Upper Khyber Pakhtunkhwa (KP), Pakistan. Journal of Ethnobiology and Ethnomedicine, 2023.



## ❁ کوسٽینو نُوم: املک (کٽو)

نباتاتی نُوم: [19] *Diospyros lotus* L.

تاثیر: تتو

کُوت: پکھ کله

قسم: مُٹھو

ناروغتیا: کمزورتیا، چھپون، کھسے دڙ، اونڙیو زخم، بضمہ۔

سنون گه کَمون: املک دُو قسمو ٻینو، کٽو گه ٻیلو۔ کوسٽان ده کٽو املک بسکو ٻشینو آن ٻیلو املک اپو ٻشینو۔ جک سه کٽو املک شوڙے گوڙه پھتین گه مٺی دین۔ چھپونجارے کریا مڙنے کلین۔ املک کھون ده ٻئی گڙٹ نه تھون پکارن۔ لو گھڙ کھون گه مٺو نانو۔ [1] املک ده وٺامن اے، بی، سی، کیلشیم، فاسفورس گه پوٺاشیم امودی مقدار ده ٻینو کھاں مٺوڙے صُترے کریا لو مڙنینو۔ [2] کھسے دڙے کریا مڙنے کلین۔ [3] ٻڙی اونڙی اے مرض گه پُھڙجیار نهانو۔ [4] آگي بضمہ سم ٻینو۔ [5] اونڙیو زخم روغ تھینو۔ [6] پُھڙو ٻیله یا سفوف ٻیش، کُهو گه لیلے تاوے مرضے کریا غوره کلین۔

<sup>19</sup> Plant name identified by Dr. Zafeer Saqib, 2003; Dassu HP Project, 2013.



❁ کوسٽینو نُوم: اوبو

نباتاتی نوم: [20] *Decaspermum blancoi*

S.Vidal

کُموت: پٽھ

تاثیر: تَتو

قسم: مُٺھ

ناروغتیا: بی شو، پرہار، سُرمخے، ناسور

سَنون گہ کَمون: اوبے پٽھ بی شو، پرہار، سُرمخے، یگے گہ ناسورے مرضے کَریا غورہ کلین۔ [1] مال مَنوڑوڑ بی شو بلو تو اوبے پٽھو دُوم تھین۔ آئے سے دُومے اثر گئی بی شو نوشانو۔ [2] کَلو یا پرہارے کَریا اوبے پٽھ شوڑے، پیڑی پُھک سنے کَلو یا پرہارجی شَر شَر تھیکہ تو پرہار شوڑجی رُو جنی اینی آن پرہار دہ ناؤں گہ نہ پَت بینو۔ [3] سُرمخے کَریا اوبے پٽھ پیڑی اسہ سے تلی دون گئی سُرمخے مرض نوشانی۔ بال لیکھو بلو تو ملے دُت خَمخیا دہ وی پاک ہگوئی گئی مشری دون پکارن۔ [4] اوبے میوہ گہ کھون۔ [5] یگہ گہ ناسورے پرہارے کَریا اوبو، کچھلے لوگنی چُچی گہ آئیلے واز ٹل تھے، سم شان گئی چُکٹے پتو بتے تلی دہ لیکھو چُھپتو تھے پرہارجی بدین۔ آئے گئی پرہار روغ بینو۔ [6] پٽھو چاء گہ سنین۔ گبیر گہ جِحیالے لام دہ لو ہشینو۔

<sup>20</sup> Himalayan Jungle Project Palas, Indus Kohistan, 1992-1999.





کوستینو نوم: اُون

نباتاتی نوم: [21] *Viburnum cotinifolium*

D. Don

تاثیر: چھہو

کُموت: پُھڑ، پُھوئے، کلہ

قسم: مٹھو

ناروغتیا: گپے دجنی، بال وزن۔

سنون گہ کمون: [1] آئے سے پُھڑ گہ پُھہ چئو گپے دجارے کریا مڑی کلین۔ پُھڑ گہ پُھوئے شوڑے، پیڑی، لوٹکی لوٹکجی ایک ایک تلی پوش دیزی دون گئی گپے دجار نوشانی۔ [2] گپے بال اُران بونے پیل (خطرہ) بلی تو آئے سے سفوفے ایک ایک تلی لوٹکی گہ بیلاڑ دین۔

کوستینو نوم	نباتاتی نوم	تاثیر	کُموت	مرض
اُونچو/اُونچھو	؟	چھہو	چھرش	لہیلی، کٹی، پیلی اسپا

سنون گہ کمون: اُونچھے چھرش لہیلی، کٹی گہ پیلی اسپائے شال/مرضے کریا لئی غورہ کلیجانی۔ [1] اُونچھے چھرش چکٹے ووئی دی ٹل تھے، پاک پوجو دہ چھاٹ تھے پوش دیزو بُجیش دیزہ مجی دُو چوٹ ایک ایک گلاسے

<sup>21</sup> Plant name identified by Dr. Rubina Rafiq, 1992-1995.

پیلا اسپائے مریض ڈین۔ آئی گئی اسپائے مرض چھیلین، مرض شستہ گئی  
تو منورہ مرجانو۔



❖ کوسٹینو نوم: اولو

نباتاتی نوم: [22] *Cuscuta cassytoides*

Nees ex Engelm

تاثیر: بش/تنو

کموٹ: چھرش، سرائے

ناروغتیا: جوں پیڑو، زیڑے، مالے کموٹ۔

احتیاط: آس ده بش بینو، بال چھلوجی دور پھتون پکارن۔

سنون گہ کمون: اولوے چٹہ چٹہ سرائے گہ پٹھوئے بین۔ [1] اولوے چھرش  
گہ پٹھوئے چکڑے، ووئی ده ٹل تھے پیڑوئے گہ پھشتیو کریا گوڑہ خھر خھر  
تھین۔ [2] پیڑو کریا آئے سے سرائے گہ چھرشوئے شوڑے، پیڑی، پھک تھے  
بتھارجی شرسر تھین۔ [3] جوں کریا آئے سے پھک ششتانو گی یا برے تیل  
ده ٹل ترے شستہ پلین، آئے گئی جوں لیچ مری ٹھک بین۔

<sup>22</sup> Plant name identified by Dr. Zafeer Saqib, 2003.



کوسٹینو نوم: آلو

نباتاتی [ ] نوم: *Solanum tuberosum* L.

تأثیر: تتو

قسم: سبزی

کھوت: کلو، پٹھ

سنون گہ کمون: آلو ایک قسم کے شا مجی اینو۔ والکو بانڈوڑ جک سے لا گھٹ وین۔ کوئے جک سے لہائی علاقوڑ گہ تھین۔ آلو تام دنیے دہ کھجانو۔ آلو شا (سبزی) مجی ٹل گٹجانو۔ آس دہ بسکی خورکو اجزاء بین۔ کوئے روٹی جولی دہ ٹل تھے بدین۔ کوئی جک سے آلوئے ووئی دہ روٹی گچھی گہ کھون۔ بال چھل آسٹ لا کھوش بین۔ [1] آلوئے کھون گئی نیش سم شان گئی اینی۔ [2] آلو دہ پروٹین گہ پوٹاشیم بینو کھاا صرٹڑ بر کلین۔ [3] آسے استعمال کینسر، ذیابیطس، بیو گہ کولسٹرولے کریا گہ مڑنینو۔ [4] آسے دو قسمہ بین، شو آلو گی کٹو آلو۔ اجداتھ ایک قسمے آلو رزالہ بین، ایک رزالہ نہ بین۔ [4] مدافعتی نظام فعال تھے طاقت دینو۔ [5] کوئے حالت دہ لیلے تاؤ کم تھون دہ گہ بر کلین۔ [6] آسے استعمال گئی مونڑے اٹھئی کریں۔ [7] کوئے جک سے آلو دویے آسے چکلی اچھیو جی بدین، آ گئی اچھیو چارپیر بلی کٹیار بڑیجانی۔ [8] کوئے جک سے آلو بادخور کلین، آ گئی بسکہ نہ کھون۔



کوستینو نوم: آلوچا

ناتاتی نوم: *Prunus domestica* L

تائیر: چھوٹ

قسم: مٹھو

کھوت: میوہ، پٹھہ، کاٹھو

ناروغتیا: کمزورتیا، ڈیر اونتری مرض

سنون گہ کھون: آلوچہ دُو قسمو بینو، ایک لیکھو کُلو، ایک بڑو کُلو۔ بڑو کُلوڑ آلو بخارا گہ تھینن، آن لیکھو کُلوڑ آلوچہ تھینن۔ آسے میوہ لیے قسمو مرضو کریا غورہ کلینن۔ [1] آسے جوس پیون گئی منوڑے موتھو (دماغ) اے طاقت بسکیننی آن بداش کم نہ بینی۔ [2] ڈیر گہ اونتریو کوئے مرضو کریا آلوچہ غورہ کلینن، کھانس ڈیرے مضر بیکٹیریا بڑینو۔ [3] آسے استعمال گئی مُشلیو شت بسکیننی۔ [4] ذیابیطس، قبضی گہ کولسٹرولے مرضے کریا گہ مڑنینو۔ [5] والکو مُدا دہ آسے جوس یا شربت پیون گئی اُلیال نوشانی۔ [6] کوئے جک سہ آسے پٹھہ مالڑ گہ وینن۔ [7] کاٹھو دھوڑ پکار اینو۔

## ❁ کوسٽینو نُوم: آنرُو



نباتاتی نُوم: [23] *Prunus persica* (L.) Batsch

تائیر: چھوئو

قسم: مٿھو

کموت: کله، پٿھ، کاٿھو

ناروغتیا: پیو، معدہ، اُلیال، لیل، بضمہ، بَیش، شال، ذیابیطس۔

سَنون گہ گَمون: آنرے لے قسمہ بین۔ کم درجائے آنرُو دہ چُکیار بسکی  
بینی، ہٹی جنی پیر نہ بینی۔ مٿرے درجائے آنرہ گران گہ بین، سٿے رس گہ  
مہورو بینو۔ آنرے کلو رونگ پیلو یا پلاشو بینو۔ صُرتے کریا آئے لا مٿنہ۔ [1]  
آنرُس پیو گہ معداڑ طاقت دینو، اُلیال نہانو۔ [2] ڈیرے دجی گہ بضمائے  
کریا آنرُو مٿرے کلین۔ [3] بَیش، شال گہ ذیابیطسے مرضے کریا آنرُو لو  
مٿنہ۔ [4] آنرُس صُرت دہ لیلے مقدار لائینو۔ [5] کوئی جک سہ آنرے  
کلی نکھلے کھون گہ بنہ۔ [6] پٿھ مال سہ کھانی۔ [7] کاٿھو دہان۔

<sup>23</sup> Dassu HP Project, 2013.

## ❁ کوسٹینو نُوم: آؤزکے

نباتاتی نُوم: [24] *Zygophyllum creticum* (L.)

Christenh. & Byng

تاثیر: چھہوؤں

قسم: مٹھو

کموت: کُلو

ناروغتیا: شال، زیڑے، لیلے مرض، شِسے دڑ۔

سنون گہ کَمون: آؤزکے ایک قسم کے مٹھونو۔ آئے سے کُله شِسے دڑ، زیڑے، شال گہ لیلے مرضے کریا مڑنین۔ [1] کُلو شوڑے، احتیاط گئی پیڑی، رات نیڑجی مچھو ہوری خمخیا ووئی سے تلی دین۔ [2] لیلے مرضے کریا آؤزکے، پاڑا گہ مرڑنگ ایک شانیو ٹل تھے چکڑے، شوڑے، پیڑی دُده سے تلی دین۔ آئے سہ پتو میل گہ مٹھو دُجی پال پینی۔


## کوسٹینو نُوم: بٹبٹیں

نباتانی نُوم: [25] *Salix denticulata* Andersson

تاثیر: ؟

کموت: ؟

قسم: مٹھو



<sup>24</sup> Plant name identified by Dr. Zafeer Saqib, 2003.

<sup>25</sup> Plant name identified by Dr. Rubina Rafiq, 1992-1995.

سَنُون گہ کَمُون: آ سے پُھڑو دُوقسمانی۔ بیرو پُھڑو سَنا لیکھو بینو، سوچی پُھڑو سَنا بڑو بینو۔ پُھڑو سَنا رِگو گہ پیلروگو ہو بینو۔ بَٹِیَس بارد مُئی معلومات نہ ہِشلیانی۔

کَمُون	تَثیر	نباتاتی نُوم	کوستینو نُوم
پُٹھہ، کاتھو	تتی	؟	بٹریس

آئے بَئی ایک ادنی قِسمِن۔ مال سہ آئے سے پُٹھہ کھانی۔

کَمُون	تَثیر	سائنسی نُوم	کوستینو نُوم
پُٹھہ	تتو	؟	بہترنگو

ناروغتیا: ہرگی، پھلگی، پرہار، کُلو، بیچی۔

سنون گہ کَمُون: [1] ہرگی گہ پھلگی مرضے کَریا بٹ ہترنگے پُٹھہ چُکٹے وویئے پیلہ سنے دیزہ مجی دُو چوٹ ایک ایک گلاس عرق مریضڑ دینن۔ [2] پرہار گہ گلے کَریا آئے سے پُٹھہ شوڑے، چُٹہ چُٹہ پیڑی پرہارجی شرشر تھینن۔ آئے گئی ناؤں ششی رُو جنی اینی۔ [3] بیچی کَریا پُٹھہ شوڑے، پیڑی، ششائو گی دہ مشری پلینن۔



کوستینو نوم: بٹنگ

نباتاتی نوم: [26] *Pyrus pashia*

Buch.-Ham. ex D.Don

تائیر: چھوٹ

قسم: مٹھو


کومت: میوہ، کاٹھو

ناروغتیا: ذیابیطس، پی مرض، کولسٹرل، اشتیاری، قبضی، ڈیرے دڑ۔

سنون گہ کمون: [1] آسے میوہ ذیابیطسے مرضے کریا مڑنی کلینن۔ [2] پی مرض دہ آ کھون گئی مرض دہ دھاملی اینی آ شت اچینی۔ [3] آسے استعمال گئی کولسٹرل تومی مقدارڑ اینی آ پی مرضے پیل کم بینی۔ [4] آسے استعمال کینسرے مرضے کریا گہ مٹھن۔ [5] آس دہ وٹامن سی گہ وٹامن اے بسکی مقدار بینی۔ [6] کھاں مٹوڑے صرت لئی بسکی ٹھللی یا واز آلی تو آسے استعمال گئی وزن کم بینو۔ [7] قبضی، ڈیرے دڑے کریا مڑنینو۔ [8] کمزور ہضماڑ طاقت دینو۔ [8] کاٹھو دھونے کوم اینو۔

<sup>26</sup> Plant name identified by Dr. Zafeer Saqib.





❁ کوسٹینو نوم: بٹی / لہیلنی گوڑی

نباتاتی نوم: [27] *Ajuga integrifolia*

Buch.-Ham. ex D.Don

تاثیر: چھہوئیں  
کھوت: پٹھ  
قسم: گوڑی/مٹھو  
ناروغتیا: پیو گہ لیلے تاؤ، بضمہ۔

سنون گہ کمون: آئے سے نیلہ پٹھ بین، پٹھو ڈھنڈی ادنی لالاشی ہرے بین۔  
[1] آئے سے نیلہ پٹھ چکٹے، ووئی دہ وی، رات پھتے، لوشکجی نرونی  
کیجی پیگہ تو پیو گہ لیلے تاؤ کم پیو بوجانی، لیل صاف بینو، بضمہ سم  
بینو۔ [2] عرقے ایک ٹھک لیکھ بال چھلو کوٹے دڑے کریا گہ مڑنی کلین۔



❁ کوسٹینو نوم: بٹی

نباتاتی نوم: [28] *Ajuga integrifolia*

Buch.-Him. Ex D

تاثیر: چھہوئیں  
کھوت: پٹھ چہر ش  
قسم: گوڑی

<sup>27</sup> Plant name identified by Dr. Zafeer Saqib, 2003.

<sup>28</sup> Plants of Western Himalaya; Plants of Indus Kohistan.

ناروغتیا: جراثیم، لیلے تاؤ، شوٹو شِلون، دڑہ، زیڑے، پڑسوب۔

سَنُون گہ کَمون: آ ایک لیکھو ہو مٹھو یینو، کھاس سے ایک شونلے یینی، پٹھہ نیلہ ژگہ با یینن، شٹ دہ کھرہ چٹہ با پڑوئے شچن۔ [ ] آئے سے نیلہ پٹھہ چہرشو سے ساتی، چُکٹے، روٹی بوری بوری پیلہ لوشکی گہ پیلار یینن یا پٹھہ گہ چہرش شوڑے، پیڑی، سفوف سنے شینا کم ایک خمخیا ووئی سے گڑٹ تھین۔ آگئی لیلے تاؤ، شوٹو شِلون، دڑہ، زیڑے، پڑسوبے مرض نوشانی۔



✿ کوسیتینو نوم: بٹگورئی (?)

نباتاتی نوم: Arisaema flavum

(Forssk.) Schott

تاثير: تنی

کُموت: پٹھو، چہرش

ناروغتیا: پیش، ہی پھوپشی۔

سَنُون گہ کَمون: آئے مٹھو لیکھو ہو یینو۔ اخسر مالیوچی شینا لہاتی زیوڑ بشینو۔ آئے سے ایک ایک شونلو یینو، شش کھگرُو ہو یینو۔ [1] آئے سے چہرش مالے پیش گہ ہی پھوپشو داروئے کربا کِمجانی۔ چہرش نکھلے، چُکٹے، ووئی دہ روٹی، اسہ ووئی مالڑ دینن۔ آگئی مالے ہی پھوپشو گہ پیشے مرض نوشانی۔ [2] چہرش مٹھو دُت دہ یون گئی مٹھو دُت جینی اُران نہ یینو۔

## ❁ کوسٹینو نُوم: بُرْبُوْرُوْ



نباتاتی نُوم: [29] *Anthriscus nemorosa*

(M. Bieb.) Spreng

تأثیر: تتوْ

کُموت: پٹھہ

قسم: گورْی

ناروغتیا: چھوئیں شال، شیشے دڑ

سنون گہ کَمون: [1] چھوئیں شال گہ شیشے دڑے کریا آئے سے پٹھہ  
چکڑے، ووئی دہ بری اٹے، چھوئیں جریے دیزے مجی ایک ایک پیلہ دینن، آ  
گئی شال چھجانی۔ [2] شیشے دڑے کریا گہ آسے سنیلو پیلہ دون پکارن۔



## ❁ کوسٹینو نُوم: بِرْمُول

نباتاتی نُوم: [30] *Polygonatum multiflorum*

(L.) All

تأثیر: تتوْ

کُموت: ڈڈورُوْ

ناروغتیا: بچیں، کِمٹہ، لچو چھیک

<sup>29</sup> Plant named identified by Dr. Rubina Rafi, 1992-1995.

<sup>30</sup> Dr. Habib Ahmad, 2005; Tariq Khadim, 2006. NTF Products Project.

سَنُون گہ کَمُون: [1] برمولے ڈڈورُو ڈیرے کِمٹہ گہ بچیں مرضے کریا مڑنینو۔

کِمٹو کریا آئے سے ڈڈورُو چُکٹے ووئی سنے، راتہ نیچےجی مُچھو ایک گلاس ووئی ادو منوڑ دینن کھاں سے ڈیر دہ کِمٹہ بیئن۔ آئے سے پیلا ایک چوٹجی بسکو نہ دون پکارن۔ آئیس دہ بٹسے امل بیئی، لیکھہ بالوڑ دون دہ احتیاط پکارن۔ [2] مالڑ بچیں مرض بلی تو ڈڈورُو چُکٹے، ووئی سنے یا اسہ ووئی گئی پُھکو بئی تھے مالڑ دینن۔ [3] لیچوڑ چھیکے مرض بلی تو ڈڈورُو چُکٹے، ووئی دہ مشری لیچوڑ دینن۔



❁ کوستینو نُوم: بریت

نباتاتی نُوم: [31] Prunus cornuta:

(Wall. ex. Royle) Steud

تائیر: چھہو

کُموت: کُلہ، چھرش، کاٹھو

ناروغتیا: ڈیرے دڑ

سَنُون گہ کَمُون: بریتے مُٹھو میوہ کھونن۔ آئے سے کُلہ کٹروگہ آں لیکھہ لیکھہ بیئن۔ جک سہ کھوش بوئے کھونن۔ کُلو لو گھٹ رزالو نہ بینو۔ مگی گہ اُشکورس آئے سے میوہ کھونن۔ [1] منوڑے صُرتے کریا آئے سے میوہ بر کلینن۔ [2] آئے سے چھرشے پٹ چُکٹے، ووئی دہ ٹل تھے اسہ مالڑ رات رات دینن کھاں سے ڈیرے دڑ بی۔ [3] کاٹھو دہونے کریا کِمجانو۔

<sup>31</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

کوستینو نوم	سائنسی نوم	تائیر	کومت
بریت	؟	-	کچ

بریت ایک قسم کے کچن، مال سے کھائی۔



شینا نوم: بشمول/بشمول

نباتاتی نوم<sup>[32]</sup>: *Aconitum chasmanthum*

Stapf ex Holmes

کومت: چہرہ

قسم: گوڑی

تائیر: تتو

ناروغتیا: مالے ڈیرے کیمٹہ، چھنسون، زیڑے، شال، ددلو، شوٹو شلون۔

سنون گہ کمون: آسے چہرہ ده شناکک بٹسے اثر گہ بینو۔ [1] مال گہ

لیچو ڈیر ده کیمٹہ بلہ تو بشمولے چہرہ نیکھلے، چکٹے، ووئی ده مشری، اسه مالڑ ایک وخ دینن، آئے گئی ڈیرے کیمٹہ وزنن۔ سات سات نہ دون پکارن۔

[2] چھنسون، زیڑے، شال، ددلو گہ شوٹو شلونے مرضے کریا بشمولے تام مٹھو

نیکھلے، شوڑے، چکٹے، پیڑی پھک (سفوف) تھے لوشکجی پچھیں جی پتو ایک ایک تلی دینن۔ بسکو تلی دون پکار نانو۔

<sup>32</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354

بشے اترے وجہ گئی کوئے جک سہ آ سڑ مُرل گہ تھینن مگر مُریلے مُٹھو مُتن البت  
پُھڑے رونگ گہ مُٹھو ایک شانیو لیل یینو۔ آگہ بوبانی چہ مقامی جب دہ مُرلے دُو  
قسم بین، ایک مُرل آں مُتی بِشمول۔



❁ شینا نُوم: بِکھئیں

نباتاتی نُوم: [33] *Phyla nodiflora* (L.) Greene

کُموت: پٹھہ، کُله

تاثیر: تتنی

قِسم: مُٹھو


ناروغتیا: صُرتے دجنی، صفراء، کھوروس، بِشے اثر۔

سَنون گہ کَمون: [1] آئے سے پٹھہ کِمیلی کاوری دہ وی، سُم دہ کھرہ  
کھڑے، پَنزلموگو دیزجی پتو سُمجی نکھلے ہر چھک ایک گلاس ووئی  
استعمال تھینن۔ باسیرے مرضے کِریا آئے اُچھون کارن۔ آئے سہ پتو چُکئی گہ  
بادگیر خوراک نہ کھونن۔ [2] صرتجی پھو یا بڑو کُلو نکھتو تو آئے سے پٹھہ  
چُکھتے پھو یا کُلو جی گڑیگہ تو جنی پِچی بُس دِجانو۔

کوستینو نُوم	سائنسی نُوم	تاثیر	کُموت	مرض
❁ تکلے	؟	چھہوؤں	پٹھہ	-

<sup>33</sup> Plant name identified by Dr. Zafeer Saqib, 2003.

آ ایک قسم کے شا نو۔ ہشلو زائی دہ جک سہ شا تھے بدین۔



### ❖ کوسٹینو نوم: بنکے /بھنکے

نباتاتی نوم: [34] *Polygonum paronychioides*

C.A.Mey

تاثیر: چھہو

کموٹ: پٹھ، بی

قسم: مٹھو

ناروغتیا: بیش، چھاڑی، قبضی۔

سنون گہ کمون: بنکے پٹھ بیش، چھاڑی، قبضی گہ پالے کیریا لا مڑنین۔ [1]  
بیش گہ چھاڑیئے مرضے کیریا آئے سے پٹھ چکٹے، پیلا سنے مریضڑ دین۔ [2] پال  
مجی آئے سے شا روٹی کھون۔ [3] قبضی کیریا گہ آئے سے شائے جولی غورہ  
کلین، آکھون گئی قبضی نوشانی۔



### ❖ کوسٹینو نوم: بنی

نباتاتی نوم: [35] *Quercus baloot Griffith*

تاثیر: تنی

کموٹ: گرولی، پٹ، پٹھ۔

<sup>34</sup> Plant name identified by Dr. Rubina Rafiq, 1992-1995.

<sup>35</sup> Plant name identified by Dr. Zafeer Saqib, 2003 and Dr. Rubina Rafiq, 1992-1995, Muhammad Islam, 2005.



قسم: مٹھو

ناروغتیا: مہیکی دجون، نیڑجی مہیکی وزون، بیو دجون، فکر

بوجون، بیش، جریان، پرہار، مٹانئے مرض۔

سنون گہ کمون: بنی گرولیو طبی فائدائے مٹہ بٹہ شکہ میووجی بسکہ مڑنیار  
گہ طبی خواصو میوا کلجانو۔ گرولی وٹامن اے، بی، سی، کیلشیم،  
فاسفورس معدنیات گئی پوٹی خوراک بینی۔ آس مجی پروٹین گہ نشاستائے  
لئی مقدار بینی، کولیسٹول گہ لو کم مقدار دہ بینو۔ آسے گرولی مختلف  
قسمے دارو مجی ٹل تھے کمجانو۔ کوستان دہ بنی چار قسمانی۔ جریٹ،  
بنی، بٹریں، تھاپاڑ۔ مڑنی قسم جریٹیں، پتو بنی، کم درجائے بٹریں گہ  
تھاپاڑن۔ بنی ایک مشہور مٹھون۔ کھاں مال منوڑو بدہوں کیریا فائدناکن۔ [1]  
بنی گرولی مہیکی دجونے مرضے کیریا مڑنینی۔ گرولی بگار دہ جڑی یہ سے  
چوموگو باگو کلو مہیکی دجونے مرضے کیریا دینن۔ تاثیر دہ گرولی تنن۔ [2]  
گال یا چوٹ شچون گئی فکر گیاؤ تو بنی چہرٹے شو پٹ ووئی دہ روٹی،  
پیلا سنے دون گئی فکر اینو۔ [3] بیو دجونے کیریا گرولی یا پٹھہ چہے، رس  
گڑت تھون گئی ہی دجار نوشانی۔ [4] مٹشو مجی پروسٹٹ بینو، مہیکی  
تھون دہ ایک مخیزہ مہیکی نکھزی نہ بڑجانی خھاں گئی کوئے ول دہ لیل  
مچھینو۔ گرولی دہ موجود مادائے لیل خور تھوڑ مڑنی کلینن۔ [5] جڑیلی یا  
پیڑیلی گرولی شوگرے کیریا کمینن۔



کُموٲ	تاثير	سائٲسى نُوم	کوسٲيٲو نُوم
پٲه	گوڑى، شا	؟	بهُو

سَنون گہ کَمون: آئے اٲک قسَم کَے شا نو۔ پال مَجى آئے سَے شا بَدے کھوَن۔ صُرَتے کَریا سَم کلٲن۔



کوسٲيٲو نُوم: بَهانٲيل

نباتاتى نُوم: [36] *Impatiens glandulifera* Royle

تاثير: چَھوُ


کُموٲ: بى، پٲھوئے، پُھڑہ

قسَم: مٲھوُ/گوڑى

ناروغٲيا: لٲلے تاؤ، کاٹ، پربار

سَنون گہ کَمون: [1] بَهانٲيلے پٲھوئے گہ پُھڑہ چُکٲے، عرق نِکھلے لٲلے تاؤ گہ صُرَتے کٲٲے کَریا پٲلہ سَنے پٲن۔ [2] پٲھوئے گہ پُھڑہ شوڑے، پٲڑى، سفوف سَنے، لٲلے تاؤ گہ کٲٲے کَریا تلى دٲن۔ [2] پربارے کَریا سفوف پربارجى شَرشَر تھيگہ تو پربار شکرٲو جنى گى روغ بٲنى۔ آ مٲنى مرضو کَریا گہ کِمجانو مگر بسکى معلومات نہ ہشٲلٲانى۔

<sup>36</sup> Plant name identified by Dr. Zafeer Saqib, 2003.



## ❁ کوسٹینو نُوم: بھانگ (تھونچئی)

نباتاتی نوم: [37] Cannabis sativa L.

تاثیر: تنئی

کُموت: پٹھ، بکھیؤ پٹ۔

قسم: مٹھو

ناروغتیا: پی شو، سُرمخے، پڑسوب، اوشی، کمزوتیا، پیڑوئے، پھشتی، دُت کم بون، تیغے چوٹ، ناؤں، پوس، چتھے، پُھٹلی اٹھئی، مہیکی۔

سنون گہ کَمون: بھانگ بیقیس لئی مرضو کریا استعمال تھین۔ [1] پی شو، سُرمخے گہ اوشیئے مرضے کریا بھانگے شُکھو پٹے کھاپ گئی تانگ دین۔ پی شو، سُرمخے گہ اوشیئے مرضے کریا بھانگے کھاپے تانگ لئی غورہ کلیجان۔ کوئی تگو مجی دیزے کالو سر بُجیش لوٹی کھون گہ بت بلونے پال بین۔ [2] پُھڑجیارے مرضے کریا بھانگے پٹھ لیکھو بلے مہیکی دہ روٹی پُھڑجلی زائجی بدین مگر ادئی پُڑجلی زائے چہ پرہار یا زخم نہ بی۔ [3] مال اشتلی تو طاقے کریا بھانگے شُکھ پٹھ پیڑی دل دہ ٹل تھے مالو دین۔ آئے گئی اشتیار کم بوئے مال سہ لوم پیانی۔ [4] پھشتی گہ پیڑو کریا بھانگے

<sup>37</sup> Plant name identified by Dr. Zafeer Saqib, 2003; Dr. Rubina Rafiq, 1992-1995, Muhammad Islam, 2005.

پٹھہ ووئ دہ سم شان گئی روٹی شین گہ گوڑے تھل دہ خہر خہر تھین۔ آئے گئی پھستی گہ پیڑوئے نوشن۔ [5] ٹُبک یا تیغے بڑی پر بارے کریا بھانگے چار پوش پٹھہ پھیل گہ اڑاٹو سے ٹل تھے، چکڑے، ووئ دہ چار پوش بری اٹے، مجی شناکک پُھک ٹل تھے، کھکشی سنے، آئے سے پئی پر بار جی بدین۔ آئے گئی پر بار دہ پھت بلو لیل گہ ناؤں، چتھے یا پُھٹلی اٹھئی اے بچڑہ نکھزی پیر بین۔ آئے سے پئی پوش دیزو بُجیش راتی گہ سوری مجی دُو چوٹ بدین۔ [6] لیکھ بخھرو مہیکی بن بلی تو آئے سے پٹھہ چکڑے کھین۔ [7] بھانگے پٹھو نشائے پیلہ گہ سنین آں آئے سے ایک خاص طریقہ گئی چرس گہ سنین۔ [8] آئے سے بی جریان، انزال گہ احتلام رٹوئے کریا مڑنینو۔ ایک جوکے شہ موگو باگو استعمال تھین۔ [9] کوڑو شمار بھانگے بی توجی جڑی، چٹو چٹو پیڑی گوڑہ چھوڑے پھتیا۔ چٹی گال گیئی یا لیل وتھو تو ایک یا دُو ماشہ شمار چھہوؤں ووئی سے تلی دین۔

کوستینو نوم	سائنسی نوم	تائیر	کموٹ	مرض
❁ تونچ	؟	چھہوؤں	پٹھہ	-

سونن گہ کمون: آ ایک قسم کے زنگلی شا نو۔ بشلو زائی دہ جک سہ شا تھے بدین۔ صرٹڑ گہ مڑنی کلین۔

## ❁ کوسٹینو نوم: بہنگرا



نباتاتی نوم: [38] *Eclipta prostrata* (L.) L

تاثیر: تتو

کموت: پھڑو، کچ

قسم: مٹھو

ناروغتیا: بی شو، ٹاگو، کمزورتیا

سنون گہ کمون: [1] بی شوئے کریا بہنگرائے پٹھہ شوڑے دُوم تھین۔ [2]  
مالے کمزورتیا گہ اشتیارے کریا شکھہ پٹھہ بت دہ پیڑی پکھو سے ٹل تھے  
مالڈ دین۔ [3] ٹاگوئے مرضے کریا آسے کچ گہ پٹھہ چکڑے ووئے دہ ٹل تھے  
مالڈ دیگہ تو ٹاگوئے مرض نوشانی۔ [4] سفوف ہر قسمی مرضے کریا مڑینو۔



## ❁ کوسٹینو نوم: بیو

نباتاتی نوم: [39] *Salix tetrasperma* Roxb.

تاثیر: چھہوئیں

کموت: کُلہ، چھہرے پٹ۔

قسم: مٹھو

<sup>38</sup> Razwal Kohistani, 1997.

<sup>39</sup> Plant name identified by Dr. Zafeer Saqib, 2003.

ناروغتیا: شال، پُھتجیار، دڑہ، پرہار، بَیش، کُھو، چُھنسوں، ہُلک بن بون۔

سنون گہ کَمون: آئے سے کوئی مُٹھہ بڑہ کوئی لیکھ جھاقے شریا بین۔ [1]  
 لوگہ پٹھہ چُکٹے، عرق نکھلے شال، پُھتجیار، دڑہ، پرہار، بَیش، کُھو گہ  
 چُھنسوں بلو تو پیلہ سنہ دین۔ [2] کاٹھو دہون گہ نوٹنی خیزی سنوٹ پکار  
 اینو۔ [3] آئے سے چُٹنی بکھیو ٹُکری گہ سنین۔ [4] چہرِش گہ پٹ گئی چومڑ  
 رونگ دین۔ [5] کوئی جک سہ پمیلی گُوٹیوڑ آئے گئی رونگ دین۔ [6] آئے  
 سے چہرِشے پٹ نکھلے، چاء سنہ پیون ی شال چہجانی۔ [7] ہُلک بن بلو  
 تو چاء پیون گئی ہُلک اوزگار بینو۔

❁ کوستینو نوم: پاپڑا

نباتاتی نوم: [40] *Fumaria indica* (Hausskn.)

H. Pugsley

تاثیر: تتو

کُموت: پُھڑو، پٹھہ

قسم: گوڑی/مُٹھو

ناروغتیا: شال، دڑہ، لیلے مرض، بَیش، چاپی، قبضی، روگ (جزام)۔

سنون گہ کَمون: پاپڑائے پُھڑہ شال، دڑہ گہ لیلے مرضے کریا مڑنے کلین۔ [1] آئے  
 سے پٹھہ گہ پُھڑوہ شوڑے، پیڑی رات ووئی سے تلی دین۔ لیلے مرض، دڑہ گہ شالے

<sup>40</sup> Faizul Haq, Habib Ahmad, Mukhtar Alam, 2011. Traditional uses of medicinal plants of Nandiar Khwarr.

کریا دیرہ مجی دُو چوٹ پیڑیلو پا پڑائے تلی دین۔ [2] پا پڑائے تلی گئی معدائے دجنی نوشانی۔ ایک تلی رات دین۔ [3] پا پڑائے پٹھہ شوڑے، پیزی، گاولو ششائو گی دہ ٹل تھے ائکزیما گہ چنبل بنی زائی جی پلین۔ [4] آئے سے تلی گئی لیل گہ ہی افعال سم بین۔ [5] آئے سے استعمال گئی ژوک گہ مٹانہ دہ بٹوٹی نہ سنجن۔ [6] بیشرے مرضے دجنی کریا گہ لو غورہ کلین۔ [7] لہیلار گہ پُھڑجیارے مرضے کریا مڑنینو۔ لہیلہ چھاپو مرضے کریا مڑنینو۔ [8] آئے سے تلی دون گئی صُرت دہ جمع بلہ کھچٹہ مادائے نکھزی نوشن۔ [9] آئے سے استعمال گئی، ہلک اینو، دڑہ، بیش، قبضی نوشانی۔ [10] کوئی جک سہ بڑی مرضے کریا گہ آئے سے تلی دین۔



### ❁ کوسٹینو نوم: پاشکر

نباتاتی نوم: [41] *Lonicera caucasica* Pall

تاثیر: تتو


کُموت: چہرِش، پٹھہ

قسم: گوڑی

ناروغتیا: بیش، مہیکئی۔


سنون گہ کَمون: [1] پاشکر بیش گہ مہیکئیے رگو کریا مڑنینی۔ آئے سے چہرِش پیڑی بیش گہ مہیکئیے مرضے کریا تلی دین۔ [2] جک سہ آئے سے پٹھہ چُکٹے، پیلا سنرے لوٹکی لوٹکجی پین گہ بنہ۔

<sup>41</sup> Plant name identified by Dr. Rubina Rafiq, 1992-1995.

مرض	کُموٹ	تائیر	سائنسی نُوم	کوسٹینو نُوم
-	پٹھہ	چھہوُن	؟	توَنچ 

آ ایک قِسم کے شا نو۔ کوئے کوئے جک سہ شا تھے بدین۔ صرٹڑ مڑنی  
کَلجانو۔ پال مجی گہ آسے شا بدے کھوُن۔



 کوسٹینو نُوم: پتریس

نباتاتی نُوم: [42] *Aconitum heterophyllum*

Wall. ex Royle

تائیر: چھہوُنیں

کُموٹ: چھرش

قِسم: مُٹھو

ناروغتیا: ڈیرے دڑ، دجنی، شال، گھو، چھنسون۔

احتیاط: چھرش دہ بٹسے اثرات گہ بین، لئی نہ کھون پکارن۔

سَنون گہ کَمون: چھرش ڈیرے دڑ، بی دجنی، شال، گھو گہ بیو پيجونے

کریا مڑنی نی۔ چھرش نکھلے، شوڑے، پیڑی لوشکی گہ بیلاڑ اسہ سے

سفوفے ایک ایک تلی دین۔ چھنسون گہ کھوئے کریا آئے سے ایک چُنڈی

سفوف دُت دہ وی، بری اٹے دین۔ آگہ آ ناروغتیا ئی بڑجن۔

<sup>42</sup> Qamar Zamaan, Protected Area Management Project, Machyara N-Park.

کوستینو نُوم	سائنسی نُوم	تاثیر	کُموت	مرض
❁ چھوچھو	؟	چھوئوں	پٹھہ	-

آ ایک قسم کے زنگلی شا نو۔ ہشلو زائی دہ جک سہ شا تھہ بدین۔ صرٹڑ  
مڑنی کلین۔ کویہ جک سہ پال مجی گہ آسے شا بدے کھون۔



❁ کوستینو نُوم: پچھلی

نباتاتی نُوم: [43] *Hylotelephium ewersii*

(Ledeb.) H. Ohba

تاثیر: چھوئیں

کُموت: چہرِش، پٹھہ، پُہڑہ

قسم: گوڑی

ناروغتیا: شال، پرہار، لچوڑ لُوئی شچون

سَنون گہ کَمون: پچھلی ایک خودرو مُٹھون، آئے سے نیلہ پٹھو شا بدے  
کھون۔ شا جُولجی علاوہ لا جک سہ آئے سے مقامی دارو گہ سنین۔ [1]  
آئے سے پٹھہ شوڑے، پیڑی سفوف سنے دُجے پرہارجی شَرشَر تھِگہ تو  
پرہارے ناؤں شِشی پرہار جنی روغ بین۔ [2] شال گہ وجودے دجنی کِریا آئے  
سے پٹھہ چُکڑے، چھاٹ تھے، عرق سنے، لوشکی گہ بیلاڑ ایک گلاس  
پین۔ آئے گئی شال چھجی وجودے دجنی نوشانی۔ [3] لچوڑ لُوئی شتی تو


<sup>43</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.



چہرے پٹھہ گہ پُٹھہ چُکٹے، ووئی دہ مشری لیچوڑ دین۔ آئے گئی لوٹئی  
شچونے عمل کم بین۔

کوستینو نوم	سائنسی نوم	تائیر	کُموت	مرض
❖ پتکلیے	؟	چہہوں	چہرے	چہہوئیں شال

سَنون گہ کَمون: آئے سے پٹھہ چُکٹے عرقے پیلہ سنہ دیزہ مجی چے چوٹ  
چہہوئیں شالے مریضڑ دین۔ آئے گئی چہہوئیں شال نوشانی۔



❖ کوستینو نوم: پسونی/پہلچہ

نباتاتی نوم: *Populus nigra* L

تائیر: -

قسم: مٹھو

کُموت: کاٹھو

سَنون گہ کَمون: آئے سے مٹھو اخسر گہو لامڑ بینو، کاٹھو کچو بینو۔ آئے  
زنگلی سفیدائے ایک قسمن۔ آئے سے کاٹھو کچائی، پلائی، کریٹ وغیرہ  
سنونے کریا کِمجانو۔ کھس وخ دہ قلائے دون دہ آئے سے کاٹھو کِمیجاسو۔

کوستینو نُوم	سائنسی نُوم	تاثیر	کُموت	مرض
🌿 ژ کالی	؟	چھہوئیں	پٹھہ	-

سَنُون گہ کَمُون: آ ایک قسم کے شا نو۔ ہشلو زائی دہ جک سہ شا تھے بدین گہ کھونن۔ صرتر مڑنی کلجانو۔



کوستینو نُوم: پُشکے

نباتاتی نُوم: [44]۔ *Capsella bursa pastoris*

(L.) Medik

تاثیر: تتو

کُموت: بی، پٹھہ

قسم: مٹھو


ناروغتیا: چھہو، کھو، شال

سَنُون گہ کَمُون: پشکے ایک لیکھو ہو مٹھو بینو۔ [1] آسے شُکھو بی پیڑی اسہ سے پھک (سفوف) چھو شچون، کھو گہ شال بلی تو لو شکجی گہ بیلاڑ ایک ایک تلی دیگہ تو مرض نوشانی۔

<sup>44</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

کوستینو نوم	سائنسی نوم	تائیر	کُموت	مرض
پُشلمی	Borabo sp	چھہوئیں	شا	-

سَنون گہ کَمون: آئے ایک قِسم کے زَنگلی شانوَ۔ کوئے جک سہ اُچی شوڑے شا بدے کھونن۔ آس دہ گہ صحت مند اجزاء بینن۔



کوستینو نوم: پَشوٹ

نباتاتی نوم: *Parrotiopsis jaequimontiana*

(Decne.) Rehder<sup>[45]</sup>

تائیر: تتو

کُموت: چھرش، کاٹھو

قِسم: مُٹھو

ناروغتیا: ٹٹو، اشپو، خرے کمزورتیا

سَنون گہ کَمون: [1] کوئے جک سہ آئے سرے بکھو دوٹو گہ کُدالی سنینن۔

[2] ایک دُو جک سہ پشوٹے چھرشے پٹ نکھلے، چُکٹے، ووئی دہ ٹل تھے

پولو خر، ٹٹو یا اشپوڑ دینن، آگی خر، ٹٹو یا اشپوئے قوت بسکینن۔

<sup>45</sup> Plant name identified by Dr. Zafeer Saqib, 2003; Dr. Rubina Rafiq, 1992-95.



## ❁ کوسٹینو نُوم: پُشیئے

نباتاتی نُوم: [46] *Myosotis alpestris*

F.W.Schmidt

تائیر: چھہوئیں

کُموت: پٹھہ، پُھڑہ، چھہرش

ناروغتیا: کلہ، تاؤ، پر بار

سَنون گہ کَمون: آئے سے لیکھو ہو مُٹھو ینو، نیلہ نیلہ پٹھوئے، اسمانے روگے  
شَریا سِدَچھہ سِدَچھہ پُھڑوئے بینن۔ [1] آئے سے پٹھہ گہ چھہرش شوڑے،  
پیڑی پر بار جی شَرشَر تھیکہ تو پر بار روغ بینن۔ [2] وجودے تاؤے گہ صُترے  
چُٹہ کُلو کریا آئے سے نیلہ پٹھہ گہ چھہرش چُکٹے، پیلہ سننے نیرونئی کیجی  
پیگہ تو وجودے تاؤ نوشانی۔



## ❁ کوسٹینو نُوم: پُلپُلک

نباتاتی نُوم: [47] *Koenigia alpina*

(All.) T.M.Schust. & Reveal

تائیر: بَش


کُموت: چھہرش، پٹھہ

<sup>46</sup> Plant name identified by Dr. Rubina Rafiq, 1992-1995.

<sup>47</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

ناروغتیا: جریان، لیلے خرابتیا، پیڑوئے، پھشتیئی

سنون گہ کمون: آئے سے دُو قسمانی۔ ایکے شے پُھڑہ، مُتے لہیلہ پھڑہ بین۔ شو پُھڑو ہُنک چٹھو، لہیلو پُھڑو ہُنک رازالو رسے بینو۔ [1] پیڑوئے گہ پھشتیئو کریا پُلپلکے پٹھہ چُکٹے، ووئی دی بری ائے شینوجی یا پھشتیئی گہ پیڑو زائے دہ اسہ ووئی شہر شہر تھین۔ [2] چُھوئے پیونے کریا آئے سے پٹھہ چُکٹے، چُھہ بنہ زائی دہ ووئی رٹے، بن وی، اسدی مجی چُکٹیلو پُلپلک وی، ڈِگرو گئی ووئی جھڑقین۔ اپنی شبا جی چُھوئے مری اجاڑ مَرک بین۔ [3] پُلپلک بٹسے مُٹھن۔ آئے سے پٹھو مجھی سخ بش بینو۔ لیکھ بال چہلوجی دُور پھتون پکارن۔ [4] آئے سے پٹھہ چہیجا شوڑے، ساتی اسچا اسپاٹسے پٹھہ ٹل تھے، پیڑی چہورے پھتین۔ ضرور تے وخ دہ بوری خمٹیا ووئی سے استعمال تھین، آئے گئی لیل صاف بینو۔



❁ کوسٹینو نوم: پَلون

نباتاتی نوم: [48] *Allium humile* Kunth

تاثیر: تنی

کُموت: کلو، لگہ، چہر ش۔

قسم: گوڑی

<sup>48</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

ناروغتیا: اشتیاری، مقوی باہ، ژوک، مٹانائے بٹوئی نکھلون، چُکئی، اُباکئی،  
 زیڑے، باسیر، اُنیار، بی مرض، لیلے تاؤ، بڑے مرض، چُھنسون،  
 کٹئی کُھو، بیش، مُک یا بدنے چابی، ڈیرے دڑ، نوٹھو بو۔

سَنون گہ گَمون: پلوں زنگلی پیازے ایک مڑنی قسَم، اُتھلی مالِیوجی لئی  
 پینی۔ [1] پلوں مالے اشتیارے مرضے کریا مڑینی۔ آئے کھون گئی مال  
 طاقتمن پینی۔ عام جک سہ اشتی مالڑ پلوں کھینن۔ [2] دُدے پاکیات گہ  
 دُت مچھریونے کریا گہ پلوں مِٹٹی کلین۔ [3] کوئی چیرے سہ پلوں شوڑے  
 چھورے پھتین، ضرورتے وخ دہ کمین۔ [4] آئے ایک قسم کرے زنگلی  
 پیازن، آئے گئی جُولی دہ تڑکا گہ دین۔ [5] پلوں اُتھلی مالِیوڑ پینی۔ مالیو سیل  
 تھون دہ جک سہ گچھی گہ کھون۔ [6] مُشلیو طاقتے (شہوت) کریا گہ  
 مڑنی نی۔ [7] متعدی/وبائی مرضو کریا مڑینی۔ [8] بڑی بھارے جاک  
 (تکلیف) پلئی تو کچی پلوں کھون گئی تکلیف نوشانی۔ [9] ژوک گہ مٹانائے  
 بٹوئی پھوٹینی۔ [10] چُکئی اُباکئی رِٹینی۔ [11] آئے سے اچار سنے کھیگہ تو  
 زیڑے مرض نوشانی۔ [12] باسیرے مرضے کریا مڑینی۔ [13] آئے سے دو  
 جوک مقدار عام پیازے ووئی دہ پلے، شوڑے، پیڑی، سفوف تلی دیگہ تو بن  
 مہیکی اوزگار پینی۔ [14] آئے سے تلی گئی ژوک گہ مٹانائے بٹوئی پُھٹی  
 نکھزن۔ [15] آئے سے عرق نکھلے، اسچا مجی مچھی ٹل تھے، بگارجی  
 اچا روڑے چہ ہوری پھت بی، ترے کھری ولے چھنجرے، لوٹکی گہ بیلاڑ  
 ایک خمخیا دُت سے استعمال تھون گئی قوت باہ بسکینی۔ [16] پلوڑے

استعمال ہی مرضہ رٹونے کریا غورہ کلینن۔ [17] پلوٹے ڈڈورؤ شون شون تھون  
 شوٹے غڈود، کٹئی کھو، پیش گہ بڑے مرض گہ چھنسونے کریا لو مڑنینو۔  
 [18] مک یا بدنجنی کٹہ چاپی بلہ تو پلوٹے عرق پلین گئی چاپی نوشنن۔  
 [19] بهیری یا لڑمی چپاؤ زائی دہ پلوٹے ووئی پلیگہ تو زہارے اثر نوشانو۔ [20]  
 ڈیرے دڑے کریا پلوٹے ڈڈورؤ مَمون دہ اپی شبا پُھسٹے اسہ سے تنورس پیگہ  
 تو ڈیرے دڑ نوشانی۔



### کوستینو نوم: پلوئی

نباتاتی نوم: [49] *Malus domestica*

(Suckow) Borkh

تائیر: چھوٹ

کُوت: کلو

قسم: مٹھو

ناروغتیا: پیو گہ انٹھیو کمزورتیا، دڑہ، شال، اشتیار۔

سنون گہ گمون: کوستان دہ دو قسمے پلوئی ہشینی۔ ایک زنگلی پلوئی، مٹی  
 باگی۔ بدہوں مجی لئی مقدارے طاقتے اجزا موجود بین کھان منوڑے صُرتے  
 کریا لا ضرورین۔ [1] صُرت دہ کولیسٹرولے مقدار لئیلی تو پلوٹے کھون گئی  
 کنٹرول بینی۔ [2] ہی کمزورتیا گہ امراضو کریا آئے سے استعمال لئی غورہ

<sup>49</sup> Plant name identified by Dr. Zafeer Saqib, 2003.

کلینن۔ [3] پلو سہ صُرت دہ کینسرے خلاف مدافعتی طاقت پائدا تھینو۔  
 [4] استعمال گئی اٹھی گرین، بندو دڑہ کم بینن۔ [5] آمختہ کھون گئی  
 بڑے لئی قسمو مرضہ نوشن۔ [6] شال بلی تو پلو دون پکارن، آئے گئی صُرت  
 دہ چھہونجیار پائدا بوئے شال کم بینن۔ [7] دماغے کریا پٹھو چاء سنے،  
 مچھی گہ لیموئے رس ٹل تھے پیون مڑینی۔



✿ کوسٹینو نوم: پُتر

نباتاتی نوم: [50] *Inula royleana* DC

تاثير: تتی

کُموت: چهرش

قسم: مٹھو

ناروغتیا: کٹنی کھو، قبضی، ڈیرے دجار، مہیکنی، معدہ، انیار۔

سنون گہ کمون: آسے دو قسمہ بینن۔ پُترے لیکھو بو مٹھو بینو کھاں سے

شٹ دہ کھرہ پیلروگو پھڑو بینو۔ آئے مٹھو زنگلی سوری مکھیا سنگ پارسے  
 پھڑے ولے ایک متی قسمن۔ [1] کٹنی کھوئے کریا مڑینو۔ [2] بی قبض  
 کشانو۔ بی جڑی استعمال تھیکہ تو قبضی نوشانی۔ [3] ڈیرے دجارے کریا

<sup>50</sup> Plant name identified by Dr. Rubina Rafiq, 1992-1995.



سفوف ووئی سے تلی دین۔ [4] آ سے تام مٹھو نکھلے، شوڑے، پیڑی سفوف سنے پھتین۔ ضرورتے وخ ده ڈیرے دڑ، قبضی، کٹی کھو، ڈیرے دجنی، انیار کم شچون، مہیکئی سم شان گئی نہ آیون آن معدائے مٹیٰ نجورٹیو کریا لوشکی گہ رات نیڑے وخ ده ایک ایک تلی دین۔ دائے پنزیلے دیزی استعمال تھے جمعہ ہوری نہ کھون پکارن۔



❁ کوسٹینو نوم: پھیل / (پھلیل)

نباتاتی نوم: [51] *Mentha royleana*

Wall. ex Benth

نباتاتی نوم: [52] *Mentha longifolia* (L.) L

تاثیر: چھہوئیں

کموت: پٹھہ

قسم: گوڑی

ناروغتیا: بادے ڈرہ، پلاک، چھاڑی، بیش، ڈیرے دڑ، جھارا، پرہار، ناؤں،

چتھرے، اٹھئی اے پھسرہ، ہی دڑ، کھوروس، بیو، باش، ژوک گہ

معدائے مرض، ریح، بدبضمی، ایلال، پیشے ڈک، لیلے مرض،

<sup>51</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

<sup>52</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

ٲوک گہ مٲانائے بٲوٲی، چولیوٲ مرض (حیض)۔

سَنون گہ گَمون: پهل بادروری، پلاک، چهاڑی، ڈیرے دڑ، چالی مالے  
جھارا وزون، ٹبک یا تیغے پر بار، ناؤں گہ پھٹلی انٲھی اے پُسرہ نکهلونے  
کریا مڑنینی۔ [1] مہش، گاؤ، ائی یا ایجے چونجی پتو جھارا نہ وتھو تو  
پهلے پٲھ ووئی دہ روئی، بری اٲے، چھوٲجرے، اسہ ووئی دین یا اسہ ووئی  
دہ پُھکو مٲی تھے کھینن۔ آٲے گئی جھارا وزانو۔ [2] بادے مرضے کریا  
پهلے پٲھ ووئی دہ روئی دیزہ مجی دُو چوٹ ایک ایک گلاس سنیلو ووئی  
دین۔ [3] ڈیرے دڑ، پلاک یا چھاڑی اے مرضے کریا آٲے سے پیلہ سنہ  
دین۔ [4] ٹبک یا تیغے بڑی پر بارے کریا پهل، بھانگ گہ اڑاٲو سے ٹل تھے،  
چُکٲے اسہ سے پئی سنہ بدین۔ آٲے گہ پر بار دہ پٲت بلو لیل، ناؤں، چُتھے  
یا انٲھی اے پُسرہ نکھڑی پیر بین۔ پئی سنونے ترتیب آئی نی چہ پهل، اڑاٲو  
گہ بھانگے اپہ ہا پٲھ زک زک تھے، ووئی دہ چار پُوش بری اٲے، پتو مجی  
پُھک وی، گئی دہ کھکشی تھے اسہ پر بارجی گزین۔ آٲے سے پئی پُوش دیزو  
بُجیش راتی گہ سوری مجی دُو چوٹ بدل تھین۔ پر بار شکھڑی تو پتو ایک  
وخ آٲے آن مُتو وخ چوٹیاں دُت دہ بق بق تھے اسہ سے پئی پر بارجی گزین۔  
[5] بیشے مرضے کریا آٲے سے پیلہ غورہ کلین۔ [6] پهل، خربوزائے بی گہ  
گاؤلو گئی چے چے ماشائے، میچی ایک تولہ مشری کھون گئی اُنیار لئینی۔  
[7] آٲے سے عرق نکھلے، کوٲ دہ ٹھک تھیگہ تو کوٲے کِمٲہ مری نوشن۔  
[8] پهل سہ معداڑ طاقت دینی۔ [8] بدبضی گہ بیضہ دہ پهلے پیلا سنہ

دین۔ [10] پھیل سہ اُلیال نہائی۔ [11] پھیل اے پیلہ بیسے ڈکائے کریا گہ  
 مڑینو۔ [12] پھیلے تلی لیل تلنیریونے کریا مڑینو۔ [12] باش گہ ڈیرے  
 جراثیمو کریا پھیل لو مڑنی کلین۔ [14] ہضمائے کریا پھیلے قہواہ ہر چھک  
 لوشکی گہ بیلاڑ پیون شفا بخش کلین۔ [15] پھیل سہ ژوک گہ مٹاناے بٹوئی  
 نکھلونے کریا مڑینو۔ [16] چیو خاص مرضے کریا پھیلے پیلہ غورہ کلین،  
 آئے گئی چولیو مرض تومو وختڑ (ککڑ) بوجانی آن بے وخ پوچہ بون رٹجانی۔

کوستینو نوم	سائسی نوم	تاثیر	کموٹ	مرض
پھروں	؟	تتی	چہرش	شال

سنون گہ کمون: چھوئیں سلے کریا آئے سے چہرش چکٹے، چھاڑ تھے،  
 عرقے پیلہ دیزہ مجی ایک چوٹ دین۔



کوستینو نوم: پھکڑ/قکڑ

نباتاتی نوم: [53] *Gymnosporia royleana*

Wall. ex M.A. Lawson

تاثیر: چھو

کموٹ: پٹھہ، چہرشے پٹ

ناروغتیا: بیش

<sup>53</sup> Plant name identified by Dr. Zafeer Saqib, 2003; Dassu HP Project, 2013.

سنون گہ کمون: [1] آٹے سے نیلو پٹ چُکڑے ایک گلاس پیلہ سنے پیشے  
مرضے کریا دینے۔ آگئی پیشے مرض کم بیو نوشانی۔ [2] آسے پٹھہ لچ گہ  
مال سہ کھانی۔

❁ کوسٹینو نوم: پھگوئی / پھگئی

نباتاتی نوم: <sup>54</sup> *Ficus palmata* Forssak ssp .

*virgata* (Roxb.) Browicz



تاثير: تتی

قسم: مٹھو

کھوت: دُت، کُلہ، چہرِش، کاٹھو۔

ناروغتیا: پرہارے کھچٹو موس، شال، کمزورتیا، قبضی، کھو، کھوروس،

بیش، تلی پھرجیار، مُشلیو قوت، میخ، کوڑو، باسیر، ہی مرض،

آنزنی ششون، لیلے تاؤ، ہی مرض، انٹھیو گریار، بلغم۔

سنون گہ کمون: پھگوئی میوائے شان گئی کھون۔ پھگوئی دُو قسمہ بین۔

ایکے کُلو کٹہ آں مٹے کُلو شو بینو۔ شیئی پھگوئی کُلو سنا بڑو بینو۔

شوژیلی شیئی پھگوئی بازار دہ گہ بشین۔ انسانے صُرتے کریا بدہو خواص

مڑن۔ آٹے سڑ جنتے میوہ گہ تھین۔ [1] پھگوئی دہ مناسب مقدارے

کیلشیم، فاسفورس، پروٹین گہ معدنی اجزا بین۔ [2] پھگوئی کھون گئی

جسم تھلینو۔ [3] قبض اوزگار گہ نہونے کریا مرنین۔ [4] کھو گہ بلغم نہونے

<sup>54</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

کِریا گہ مڑنِی۔ [5] بیو گہ تلی مُضر مادائے خارج تہینی۔ [6] ژوک گہ  
 مٹانائے بٹوئی پھوٹے نکھلینی۔ [7] بَرے پُھڑجیار نہانی۔ [8] اونڑیو نظامڑ  
 طاقت دے فعال سینی۔ [9] پوئی قبضے کِریا پھگوئی چار کُلہ رات ووئی  
 دہ وی پھتے، لوشکجی زروئی کیجی کھون گئی پوئی قبضی نوشانی۔ [10]  
 دودو طاقتے کِریا گہ مڑنِی۔ [11] پھگوئی دُدے چار پوش قطرائے برصے  
 چاپجی گاڑون گئی چھاپ نوشانو۔ [12] پھگوئی سہ لیلے لہیلہ ذرات لئیرے،  
 لیلجی مُضر مادائے خارج تہینی۔ [13] کھسے دڑے کِریا ہر چھک چار پوش  
 کُلہ کھون گئی دڑ کم ینی۔ [14] پوئی یا نئی باسیرے مرضے کِریا گہ  
 پھگوئی استعمال لو غورہ کلین۔ [15] پھگوئی دُت تپے، نرئی، پھو یا بڑو  
 کُلوجی بدیگہ تو جنی پچی بُس دینو۔ [16] پھگوئی دُت میخ، کورؤ  
 نکھلون گہ کھچٹو پرہار کھیونے کِریا گہ مڑنِی۔ پاں یا بت دہ گياؤ کورؤ نہ  
 نکھتو تو اسے زائے دہ پھگوئی دُت شیون گئی کورؤ اکے نکھزانو۔ [17]  
 پرہارے کھچٹو موس کھیونے کِریا گہ پھگوئی دُت مڑنِی۔ پرہارجی آئے سے  
 دُت پلیون گئی کھچٹو موس کھے بڑینو۔ [18] پھگوئی کھون گئی اونڑیوڑ  
 طاقت گہ حرکت ہشینی، کھاں گئی قبضی گہ باسیرے مرض نوشانی۔ [19]  
 پھگوئی دہ ادا ہارمون بین کھاں چیئے مُشیو شوڑیارے مرض یا نقص نہان۔  
 [20] پھگوئی میوہ دہ ادا اجزاء بین کھانس ہی مرض گہ ہی اٹیک کم جی  
 کم تھونے کِریا مڑنی کلین۔ [21] شال دہ مریضے آنڑی لئی ششانی، ادا پلی  
 تو آنڑی دہ پھگوئی کُلو پیسے چڑون پکارن، آگئی آنڑی نہ ششانی۔ [22] مُشیو

طاقتے کریا گہ آسے میوہ غورہ کلین۔ [23] آ گئی انٹھی گہ کُریں۔ [24]  
 خرتھی کاغذ یا اسدو مُتو خیز ائیکھتریونے کریا آئے سہ لیے کوم دینو۔ [25]  
 کوئے جک سہ چُٹی چہرِش چہائے مرضے کریا شک دہ گزین۔ [26] کاٹھو  
 دہونے کوم اینو۔



### ✿ کوسٹینو نوم: پُھلا / کِکر

نباتاتی نوم: [55] *Senegalia modesta*

(Wall.) P.J.H.Hurter

کُموت: پٹھہ، چہرِش، کویں

قسم: مٹھو

تائیر: چہوؤں

ناروغتیا: پرہار، بلغم، چُھنسون، بیش، جریان، احتلام۔

سَنون گہ کَمون: [1] پُھلا/کِکرے ائے بالکل تازہ/لوگی کویں کھائیٹو مجی

بی نہ سنجیئے، چسے، شوڑے، مجی چینی ٹل تھے، پُھک/سفوف سنے شہ

گرام بُجیش ہر چھک زرونی کیجی دُت سے کھیگہ تو صرت نرک

سنیجانئ۔ [2] پٹھہ گہ چہرِشے پٹ دُجن پرہارو کریا مڑنینو۔ [3] کویں بلغم

گہ کھورسے مرضے کریا مڑنینی۔ [4] آئے سے کلیل بی مرضہ، چُھنسون،

سوزاک گہ بیشے مرضے کریا غورانو۔ [5] آئے سے لوگہ پٹھو سے ابھی ہرے

<sup>55</sup> Plant name identified by Muhammad Islam, 2005.

کِٹنی کالزیری ٹل تھے چاء سنے پین۔ [6] کِکرے تازہ کوویں جریان گہ  
احتلام رٹونے کِریا مڑنینی۔



### ❁ کوسٹینو نُوم: پُهلُوڑو

نباتاتی نُوم: [56] *Cedrus deodara*

(Roxb. ex. Lamb.) G. Don

تاثیر: تتو

قسم: توم/مٹھو

کُموت: کلیل، تیل، چُپنی، کاٹھو۔

ناروغتیا: رڑی، کاٹ، سُرْمخے، جُون پِٹرو، بهوروڑہ، شروٹ۔

سَنون گہ کَمون: [1] پُهلُوڑے چُٹنی دئی سُرٹوئی تھے، سُمے بوٹ دہ کھرہ

وی، بگارجی بدے روٹیکہ تو چُٹیوجی تیل نکھازانو، کھانسڑ کیلو تھین۔

مال یا لیچوڑ رڑی بلئی تو کیلو پلین۔ سخ کٹے کِریا گہ جک سہ صُرْتجی

کیلو پلین۔ بت، پاں یا دوٹیوجی لئی کاٹ دتی تو گہ کٹے زائے دہ پلین۔

کیلو سخ بینو احتیاط گئی کم ہو پلیون پکارن۔ [2] پُهلُوڑے کلیل چپونے کِریا

کَمجانو۔ [3] کیلو جُون پِٹرو کِریا گہ مڑنینو۔ بتھاری یا شینجی یون گئی جُون

پِٹرو مری نوشن۔ [4] سُرْمخے کِریا سُوپ چُھپ کیلو دہ ہلابو کھرڑ تھے اسہ

<sup>56</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

ایک ٹھک گلاس دت ده ووی دین۔ [5] مال مہیشوجی پلیگہ تو کیلے گوں گئی پھچوئے کھگیڑ نہ این۔ [6] بہوروڑہ بلی زائے ده یون گئی بہوروڑہ مری ٹھک بین۔ [7] لچوجی شروٹ پلتھہ تو آئے پلیون گئی مری ٹھک بین۔ [8] پُھلوڑے دئی لہی بگارے چلے کریا پوٹو زمانوجی پتور کمیجان۔ غم خادی ده آئے سے توڑہ گہ تھین۔ کھس شو قدرڑ آئے سے توڑہ تھے بلی نوٹس۔ [9] گوڑی دون گہ قبری سنونے کریا آئے سے کاٹھو لو کمیجانو۔



کوستینو نوم: پیلو املک

نباتاتی نوم: *Diospyros kaki* L.f.

تاثیر: تتو

کموت: میوہ

قسم: مٹھو

ناروغتیا: شوٹو شلون، چھنسوں، شوپیار، نظریے کمزورتیا، اشتیاء،

بندو دڑہ، بضمہ، اونٹریو زخم، قبضی۔

سنون گہ کمون: آ اصل ده جاپان اے میوہ کیلجانو مگر پاکستان ده ہر زائی

ده ہشینو، جگا آ سے کٹو املکے مٹھو سے پائون تھیگان۔ آ سے میوائے رونگ پیلو آں کلو بڑو ڈڈورو بینو۔ کچو نہ کھجانو، پکھو تو تے کون۔ کھون ده رزالو بینو۔ [1] شوٹو شلالو یا زخم بلو تو آ سے میوہ کھون گئی شوٹو روغ



ہینو۔ [2] چھنسون گہ زکام دہ گہ آسے میوہ سہ فائدہ دینو۔ [3] اپنڈکس اے  
 نجوڑتیا دہ پیلو املک دہ فائدہ دینو، [4] لو کوم تھی منوڑو شودو تو شویرے  
 کریا آ میوہ غورہ کلین۔ آس دہ ادا وٹامن بینن چہ صُرت دہ شت اچارن۔ [5]  
 آسے میوہ دہ ادا اجزاء بینن چہ اچھیو نظرڑ طاقت دے اچھیو نظر کم بون  
 ریٹنو۔ [6] لیلے مرضے تاؤ (فشار) بلی تو آ میوائے استعمال گئی لیلے تاؤ کم  
 ہینو۔ [7] آ کینسرے مرض دہ کھون دہ گہ لو فائدہ دینو۔ [8] صُرتے پٹھوڑ  
 طاقت دینو۔ [9] بندو دڑو کریا مڑنینو۔ [10] ہضمائے کریا مڑنینو۔ معدا  
 طاقت دینو، [11] معدہ دہ السر بونجی ریٹنو۔ [12] آ قبض کُشا گہ ہنو، آ  
 سے استعمال گئی قبضی نوشانی۔ [13] لیکھی اوڑی یا تھلو دہ بلو زخم روغ  
 تینو۔ شکھی اوڑیوڑ غوڑ والے اچھینو۔



### ❁ کوسٹینو نوم: تیر

نباتاتی نوم: [57] *Zanthoxylum armatum* DC.

تاثیر: تتو

کُموت: کُله، پٹھہ

قسم: مٹھو

ناروغتیا: چھنسون، دودے دڑ، چولیو مرضے دڑہ، بت پون بگویی

<sup>57</sup> Plant name identified by Dr. Zafeer Saqib, 2003.

نلیون، بادی باسیر، نیش نی آیون، السر، دجنی، شال نہ

چھجون، لچو شک پھیری مرض۔

سنون گہ گمون: تیرے مٹھو کوڑلتو بینو، نیلہ نیلہ چٹہ چٹہ کلٹوئے بین۔ تیرے پھڑو، پٹھہ، بی گہ چرٹسے پٹ مختلف قسمو مرضو کریا، مختلف طریقو گئی استعمال تھین۔ [1] چھنسونه مرضے کریا تیرے پٹھہ چسے شوں شوں تھون گئی چھنسون نوشانو۔ [2] آئے دودے دڑے کریا گہ مڑینو۔ [3] لچوڑ شک پھیری مرض شتی تو شک مرک بوئے پھٹانو۔ آئے مرضے کریا تیرے پٹھہ چکٹے، مکئی دہ دل تھے، ٹل تھے دین۔ [4] کوئی جک سہ تیرے کُلہ پیڑی پُھک دہ ووی، ٹکئی تھے کھون، لئی رزالی بین۔ [5] تیرے کُلہ گہ لوگہ پٹھہ چکٹے چٹنی گہ تھے کھون۔ [6] دُت مودون دہ تیرے ڈگری گئی چکون لو غورہ کلین۔ [7] تیرے کُلہ پیش، باضمہ گہ بیشے مرضے کریا مٹی گوڑیو سے ٹل تھے کمین۔ بت پون بگوئی نللی تو آئے سے استعمال بت پون بگوئی روغ بین۔ [8] رگو مچی لیل یازونے کریا برن۔ [9] بادی باسیرے مرضے کریا مڑینو۔ [10] چولیو مرضے دڑو کریا گہ مڑینو، آ سے استعمال گئی دڑہ نوشن۔ [11] بندو دڑہ، شوٹو شلون، چھنسون، جاک، ملیریائے شال، باش گہ صُرتے چومے مرضو کریا اچھون کارن۔ [12] بدن دہ قوت مدافعت پائدا تھینو۔ [13] دودے دڑے کریا مڑینو۔ آ سے پٹھہ یا نیلہ کُلہ آنری چپے پیگہ تو دودے دڑ نوشانی۔ [14] نیرے کریا گہ مڑینو۔ [15] ڈیر پھڑجونے مرضے کریا گہ مڑینو۔ [16] ڈیرے السرے زخم گہ دجنی کریا لو

غورہ کلین۔ [17] بال چھلو ڈیرے دڑے کریا مڑنینو۔ [18] کھاں مریضے  
 شال نہ چھدی تو سہ سڑ دینن، آسے استعمال گی شال چھجانی۔ [19] آ  
 سے پھڑو، بی گہ پٹھہ مصالحہ ائے شان گئی تگہ کمونن۔ [20] آسے ڈگری  
 گئی دُون گاڑی گہ سنینن۔ [21] تیرے نیلہ کُلہ اچی سُوری جی شوڑے  
 چھورے پھتے گہ تو کھاں گہ وخ دہ پکارن اینن۔

کوستینو نُوم	سائنسی نُوم	تاثیر	کُموت	مرض
❁ تیتیر	؟	تتی	گوڑی	کِھسے دڑ، اشتار

سَنُون گہ کَمُون: کِھسے دڑ گہ کمزوتیائے کریا تیتیرے گوڑی شوڑے، پیڑی،  
 گی دہ بق بق تھے رات کھونن۔ آئے سہ پتو جنی ووئی نہ پیونن۔



❁ کوستینو نُوم: تریپاتھ

نباتاتی نُوم: [58] *Trillidium govanianum*

Wall. ex D. Don

تاثیر: چھہوئیں

کُموت: پٹھہ، کُلُو

قسم: مُٹھو/گوڑی

ناروغتیا: کمزورتیا، دجنی، دڑ

<sup>58</sup> Plant name identified by Dr. Zafeer Saqib, 2003,

سَنُون گہ کَمُون: تریاتھے پٹھہ مقامی دارو گہ شا بددوئے کریا کِمَجَن۔ تاثیر  
 ده آئے سے پٹھہ چھہوئے کلین۔ [1] وجود گہ معدائے دجی، دڑہ گہ  
 کمزوتیائے کریا آئے سے پٹھہ چُکٹے لوشکی گہ بیلاڑ ایک گلاس پین۔ [2]  
 شا بدے تگہ کھون۔



❁ کوسیتینو نوم: ترک

نباتاتی نوم: [59] *Populus alba* L.

کُموت: پٹھہ، کاٹھو

تاثیر: چھہوئے

قسم: مٹھو

آ سفیدائے مٹھے ایک زنگلی قسمن، پٹھہ لیچوڑ وین، کاٹھو دہون گہ گوش  
 دونه کریا کِمجانو۔

کوسیتینو نوم	سائنسی نوم	تاثیر	کُموت	مرض
❁ کوئی	؟	چھہوئے	مشروم	اشتیار

آ مشرومے نسلجی ایک قسم کن۔ کوئے زائی ده آ سڑ کھوگھٹ گہ تھین۔  
 کوئے زائی شوں مھیکئی۔ آئیٹے گہ جُولی بدیے کھون۔ صرتے کریا لئی غورہ  
 کلین۔ آئیٹو مجی کوئے قسمة بلسلتی بین، اسہ کھون گئی مٹوڑو مریجانو۔

<sup>59</sup> Plant name identified by Dr. Zafeer Saqib, 2003.



## ❁ کوسٹینو نُوم: تَرَنُ

نباتاتی نُوم: [60] *Rosa brunonii* Lindl.

تأثیر: چھہوُن

کُموت: پُھڑہ، بکھئی

قسم: سرائے

ناروغتیا: کان، ہضمہ، قبضی۔

سَنُون گہ کَمُون: زنگلی گلابے قِسمو مجی تَرَنُ گہ زنگلی گولابے ایک قِسمِن۔  
[1] بدنرے کٹے کِریا آئے سرے پٹھہ چُکٹے کان دی زائی جی گاژن۔ [2] آئے سرے  
پٹھو عرق ہاضمہ گہ ہی مرضو کِریا مڑنی کلین۔ [3] قبضی کِریا آئے سرے تازہ پٹھہ  
دائے مِلٹ بُجیش ووئی دہ روئی، پاک ٹپی دہ چھاٹ تھے، ایک پیلہ عرق کُری  
قبضی کِریا استعمال تھین، آئے گئی قبضی اوزگار بینی۔



## ❁ کوسٹینو نُوم: تَرُونُ

نباتاتی نُوم: [61] *Zanthoxylum armatum* DC.

تأثیر: تتی

کُموت: بی/کلہ

قسم: مٹھو

<sup>60</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

<sup>61</sup> Plant name identified by Dr. Zafeer Saqib, 2003.

ناروغتیا: ٹی بی، کھوروس، دُون گہ ڈیرے دڑ، اُرُوئی پچال۔

سَنُون گہ کَمُون: [1] کھوروس گہ ٹی بی مرضے کِریا ترنے بی/کُلہ شوڑے، احتیاط گئی پیڑی، میچھی دہ ٹل تھے، رات رات نیڑجی مُچھو دُو دُو خمخِیائے دینن۔ آئے گئی کھوروس گہ ٹی بی مرض کم بیو نوشانی۔ [2] ڈیرے دڑے کِریا آئے سے شرائے چُکٹے، پیلہ سنے دینن۔ [3] دودے دڑ گہ اُرُوئی پچال بلی تو پٹھو ووئی شموٹو تھے آنری دی رٹے تھو تھینن۔ آئے گئی دودے دڑ گہ اُرُوئی پچال نوشانی۔



کوسٹینو نُوم: تُلُسی / تُلُسی

سائنسی نُوم: *Ocimum basilicum* L.

تاثیر: چھہوؤئی

قسم: مُٹھو

کُموت: چہرِش، پٹھہ، بی

ناروغتیا: کمزورتیا، کینسر، جینیاتی خربئی، کولسٹرول، لیلے تاؤ (فشار)،

جراثیم، ذیابیطس، بندو دڑہ، تیزابیت، بضمہ، کھچٹہ مادائے،

شال، گُھو، مدافعتی نظام، بچال، کمزورتیا۔

سَنُون گہ کَمُون: اسے وطن دہ آئے سے دُو قِسْمہ بین۔ اِیکے شو پُھڑو بِنُو،

مُترے شِنا کِٹروگو بو۔ کھسکو وخ دہ آئے سے اِیک مذہبی اہمیت گہ اِیلن۔

[1] آس ده وٹامن، معدنیات، کیلشیم، وٹامن کے گہ کینسرے مرضے کریا غورہ اجزاء بین۔ [2]۔ آئے سے استعمال گئی جینیاتی خربئی بڑجانی۔ آن صُرتے ڈی این اے تومی مڑنی حالت ده قائم پھت بینو [3] آ سے پٹھو استعمال گئی کولسٹرول کم بینو۔ [4] چنیاں سہ رزنن چہ تلسی پٹھو استعمال گئی لیلے تاؤ (فشار) کم تھوڑ مڑنین۔ [5] آس ده اینٹی بیکٹیریا خواص بین، کھاں گئی صُرتے کھچٹہ جراثیم بڑجن۔ [6] ذیابیطسے مریضوڑ آ سے سنیلو پیلہ لو غورہ کلین۔ [7] بندو دڑو کریا گہ آ سے پٹھ لا مڑنی کلین۔ [8] آئے سے استعمال گئی معدائے تیزایت بڑجانی آن بضمائے نظام سم بینو۔ [9] آئے سے پٹھو استعمال یا چُکٹیلہ پٹھو پیلہ سہ ہی جی پائدا بلئی واز پیر تھینو آن لیل ده موجود کھچٹہ مادائے نکھلے پیر تھینو۔ [10] کوئے زیوڑ آ سے شا پے تگہ کھون۔ [11] آ سے پٹھ پیڑی مجی ابو بو ششائو گی ٹل تھے ملہم سنے پچال بلئی زائی جی پلیون گئی پچال نوشانی۔ [12] شیتلی شال گہ کھوئے کریا آ سے پٹھ روئی، اسہ پیلہ مریضر دین۔ [13] آئے سے پٹھو رس یا عرقے استعمال گئی منوڑے مدفعتی شت بسکینی۔ [14] مُشلیو طاقتے کممتیائے مرضے کریا آ سے پٹھو عرقے استعمال گئی مُشلیو کمزورتیا بڑجانی۔ آئے سے کریا تلسی تا مُٹھو گہ چہرش ووئی ده روئی عرق سنے 20 دیرو بُجیش لوٹکی گہ بیلاڑ ایک ایک پیلہ پیون۔

## ❁ کوسٹینو نُوم: تَلَمِرا / تَرَمِرا


نباتاتی نُوم: [62] *Nasturtium officinale*

W.T.Aiton

تاثیر: شا چھہوُن، بی تتوُ

کُمُوت: بی، پٹھہ

قِسم: شا



ناروغتیا: کاٹ، دجار، دڑہ، بادخوری، قبضی۔

سَنَوَن گہ کَمُون: تَلَمِرائے شا لو مشہوُرُن۔ جک سہ کھوش بوئے کھوُن۔  
تلمیرا شاجی علاوہ بیسے مُتہ گہ لا فائدان۔ [1] تَلَمِرائے تیل گہ نکھلینن  
کھاں صُرتجی پليون گئی اِیک قسم کے دجار گہ بینی۔ آئے سے تیل پليون  
گئی صُرتے کاٹ نوشانی، تیل سہ صُرتے جراثیمی مَرینو۔ [2] آئے سے اِہوُ اِہوُ  
بی ہر چھک کھون گئی صُرتے دڑہ نوشنن۔ [3] صُرتے کٹے کِریا آئے سے بی  
کھون گہ صُرتے پليون گئی کاٹ نوشانی۔ [4] ڈیرے دجارے کِریا آئے سے شا  
لو غورانو۔ [5] آئے سے استعمال گئی معدہ سم بینو، ڈیر دہ بادی نہ بینی۔  
[6] تلمیرائے اِہوُ مقدارے بی لیل لئیرین، مُشلیوُ کمزورتیا، قبض گہ ریح کِریا  
مُزنینو۔ [7] آئے سے پٹھو سلا د سنے کھوُن۔

<sup>62</sup> Plant name identified by Dr. Zafeer Saqib, 2003, Muhmmad Islam, 2005.





❁ کوسٹینو نوم: تَمکُو (ڈٹ تَمکُو)

انگریزی نوم: *Irnic*

تاثیر: تتو

کُموت: پٹھ

قسم: گورئی

ناروغتیا: ددے خرابتیا، چھنسون، قبض، مہیکی، ہلک، پرہار، کُھو۔

سنون گہ کَمون: تَمکُو دُو قِسمو پینو۔ ایکڑ ڈٹ تَمکُو مُتوڑ پُوٹو تَمکُو تھین۔  
 پُوٹو تَمکُو دہ ہش لو پینو، لئی احتیاط پکارن۔ آئے سے بڑہ پٹھہ بین۔  
 سوسم دہ رِگی ڈھنڈی پینی۔ عام جک سہ روٹن گہ بنہ۔ آئے سے چہر شوجی  
 ارنیکائے تیل نکھلین۔ [1] دُت خراب بون بلو تو آئے سے چہر ش نکھلے  
 ددے کلئی دہ وین۔ آئے گئی دُت نہ اُران پینو۔ [2] آئے سے پٹھو تپے، پوٹئی  
 پرہارجی بدے گہ تو پرہار جنی روغ پینی۔ [3] کُھوئے کریا پٹھہ شوڑے،  
 پیڑی، اپو بو تتو ووئی سے تلی دون گئی کُھو نوشانی۔



## ❖ کوسٹینو نُوم: تھاپاڑ


نباتاتی نُوم: *Baloot sp*

تاثیر: تتی

کُموت: پٹھہ، کاٹھو

قسم: مُٹھو

سون گہ کُمون: آبنی ایک ادنیٰ قِسمین۔ آسے بُٹھو مال سہ کھانی۔ کاٹھو دہان۔ کوہستان دہ بنی چے چار قِسمانی، اسٹو مجی آ ایک قِسم گہ بنی۔



## ❖ کوسٹینو نُوم: تھولیش/تھلیش

نباتاتی نُوم: *Pinus geradiana* [63]

نباتاتی نُوم: *Pinus gerardiana* [64]

Wall. non Lamb.

تاثیر: کلی تتی

کُموت: گلیل، کلی، کاٹھو

قسم: توم/مُٹھو

ناروغتیا: بیش، زیڑے، پرار۔ بداش، بنی، پٹھو، اعصابی گہ اٹھو

<sup>63</sup> Tariq Khadim, 2006. *Palas Non-Timber Forest Products Project*.

<sup>64</sup> Plant name identified by Dassu HP Project, 2013.

کمزورتیا، اُنیار نہ بون، کُھو، ذیابیطس، کولسٹرول، کینسر۔

سنون گہ کمون: [1] تھولشے کلیل پیشے مرضے کریا مڑنیو۔ آئے سے کلیل بلے، روٹی، مجی گڑے ووئی ٹل تھے ایک لولیکھو کھٹو پڑے شوک تھین، آئے گئی پیشے مرض نوشانی۔ [2] تھولشے کلی میوائے شان گئی کھون، بازار دہ مٹی گہ دین۔ [3] تھولشے کلیل بڑی پرارو کریا ملہم سنون دہ مٹی گوڑیو سے ٹل تھے ملہم یا پئی سنونے کریا کمین۔ آئے سے کلیل چئی کلیلجی غورانو۔ [4] آئے سے کلی کھون گئی ژوک گہ بیوڑ طاقت ہشینی۔ [5] آ گئی ہداش مجی مڑنیار اینی آن ہداش بسکینی۔ [6] چلغوزائے کھون گئی منوڑے پٹھائے گرین گہ شیتلین۔ [7] آ گئی اعصابی کزورتیا بڑجانی۔ [8] چلغوزائے کھون گئی اُنیار بسکینی۔ [9] آ سے استعمال زیڑے مرضے کریا غورہ کلین۔ [10] کُھوئے کریا چلغوزہ پیڑی، مچھی مجی مشری استعمال تھون گئی کُھوئے مرض نوشانی۔ [11] چلغوزائے استعمال قوت بسکینی۔ [12] چلغوزہ بسکہ کھون پکار نان۔ [13] آ سے استعمال ذیابیطسے مرضے کریا گہ مڑین۔ آ گئی ذیابیطس تومی مقدارڑ اینی۔ [14] آ کولسٹرول کم تھوڑ گہ مڑین۔ [15] چلغوزائے دماغے خلیو کریا گہ لا بر کلین۔ [16] آئے گئی کینسرے مرض کم بین۔ [17] انٹھیو طاقتے کریا بر کلین، آ کھون گئی کمزور انٹھیو گرین۔

کوستینو نوم	سائسی نوم	تائیر	ناروغتیا
تلی	-	تتی	پرار، گال

سنون گہ کمون: تلی پتھہ پر بار گہ ٹیکے چوٹے کر یا ملہم سنون دہ کمجنن۔ کوڑو  
سُمار تلی، اسپا بٹے گہ جُشے پٹھہ، کستی چہرِش، تماکے ٹھو، چوئی کلیل،  
چکنی، چوٹیاں چُکٹے، گی دہ روئی پر بارے کر یا ملہم سنینن۔



❁ کوسٹینو نوم: تُونَدَل

نباتاتی نوم: [65] *Rhamnella gilgitica*

تاثیر: چہہو

کُموت: کُلہ (میوہ)

قِسم: مٹھو

ناروغتیا: اشتیار

سنون گہ کمون: آ ایک زنگلی مٹھون کھاں کم بسکو کاؤ سُمار بینو۔ آ  
سے پٹھہ شِنا چُٹوڑیگہ بینن۔ [1] آ سے میوائے کُلہ بینن، کھائیٹے رونگ شِنا  
پیلور وگو ہو بینو۔ آ میوہ دہ مختلف قِسمو صحت مند اجزاء بینن، کھاں کھون  
گئی منوڑے صُرٹڑ قوت گہ فائدہ ہشینو۔

<sup>65</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.



## ❁ کوسٹینو نوم: ٹانگو / ٹانگور

نباتاتی نوم: [66] *Pyrus pashia Ham*

ex. D. Don.

تاثیر: تنو

کُموت: کُلہ، کاٹھو

قسم: مٹھو

سنون گہ کمون: زنگلی ٹانگو یا ٹانگورے مٹھو لہاتہ جیلوڑ عام ہشینو۔ آئے بٹنگے ایک ادنی قسمین کھاں زنگلوڑ اکوڑا کرے پائدا بینو۔ کوستان دہ زنگلی ٹانگو یا ٹانگورے دو چے قسمہ بین۔ ایکے کُلو شِنا بڑو بینو، مٹے کُلو شِنا لیکھو گہ کٹروگو بینو۔ باغی ٹانگوئے کُلہ بڑہ گہ رزالہ بین۔ [1] آس دہ غوڑوالے گہ کولیسٹرول نہ بینو۔ [2] آئے ہی دجار گہ قبضی کریا مڑنینو۔ [3] آئے سے استعمال گئی لیلے تاؤ کم بین۔ [4] آگہ رزن چہ آئے کرہ کرہ کھون گئی گزٹے مرض سہ حملہ نہ تہینی۔ [5] آس دہ وٹامن، پوٹاشیم، کیلشیم، چمر، میگنیشیم وغیرہ بین کھاں منوڑے صُفرتے کریا مڑنین۔ [6] آئے انٹھیو کریا گہ قوت مندَن، تے چہ آس دہ کاپر، کیلشیم، فاسفورس گہ میگنیشیم آمودی مقدار دہ بین کھاں انٹھیوڑ فائدا کن۔

<sup>66</sup> Plant name identified by Dr. Zafeer Saqib, 2003.



## ❁ کوسٽینو نُوم: بُکھوئی / بُکھوئی

نباتاتی نُوم: [67] *Jasminum humile* L.

تائیر: چھوئیں

کُوت: بکھئی، چھرش

قسم: گوڑی

ناروغتیا: لھمبا

سَنون گہ کَمون: آئرے سے نیلی بکھئی پھوٹے، چکڑے، موتھو دُت دہ  
ایکھترے کھاں زائی جی لھمبائے مرضے اثر بی اسدی پلیگہ تو لھمبائے  
مرض نوشانی۔



## ❁ کوسٽینو نُوم: ٹیریں

نباتاتی نُوم: [68] *Euphorbia wallichii*

تائیر: تتی، بش

کُوت: دُت، چھرش، بکھئی

قسم: گوڑی

<sup>67</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

<sup>68</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

ناروغتیا: پچال، خھیرو، ناسور، چَمَن، کھچٹو موس، پھو۔

سنون گہ گَمون: [1] ٹٹریں دُت پچال گہ خھیرے کِریا مڑنیںو۔ پچال بلی زائے دہ دیزہ مجی دُو چوٹ ٹٹریں دُت پلین۔ [2] آئے سے کِریا خھیرو دویے، لیل ولے، چُٹنی پرہار سنے اجی ٹٹریں دُت پلیگہ تُو خھیرو نوشانو۔ [3] ناسورے کِریا گہ آئے سے دُت مڑنیںو۔ ناسورے پرہار دہ ایک ایک تھک تھین۔ آئے گئی ناسورے پرہار روغ بینی۔ [4] لچوڑ چمٹے مرض بلی تُو ٹٹریں چہریش چُکٹے، ووئی دہ روٹی آنیلوڑ پلیگہ تُو چمٹے مرض نوشانی۔ [5] پرہار اُران بلی تُو کھچٹو موس کھیونے کِریا ٹٹریں اپو ہو دُت پرہارجی پلیگہ تُو کھچٹو موس کھیے پیر تھینو۔ [6] آئے سے چہریش مُتئی گوڑیو سے ٹل تھے پرہارو کِریا پئی سنے بدین۔ [7] بت پوں دہ گياؤ کوڑو نہ نکھاتو تُو آئے سے دُت تھک تھیکہ تُو کوڑو جنی نکھازانو۔ [8] پھو یا بڑو کُلوجی آئے سے دُت دیزہ مجی دُو چوٹ پلیگہ تُو پھو/کُلو پچی بُس دیجانو۔ [9] آئے سہ دہ بَش بینو، کھونے کِریا استعمال نہ تھین۔ لیکھ بال چھلوجی دور رچھون پکارن۔

کوستینو نوم	سائنسی نوم	تائیر	کُموت	مرض
❁ ٹُخنی	؟	چھہوئیں	بکھئی	ہگارے دجنی

سنون گہ گَمون: ہگارچی دجنی کِریا آئے سے بکھیو پئی/مہل سنین۔ بکھی ہگار دہ جُوک جُوک تھے یا توجی اچا دہانن چہ شو نہ بیئن، پتو پیڑی، مجی

گاؤلو گئی ٹل تھے مَلَم سنے ددی زائی جی پلین، آئے گئی دجنی کم پینی،  
آں جنی رُو اینی۔

کوستینو نوم	سائنسی نوم	تاثیر	کموت	مرض
متکُلون	؟	چھہوؤں	پٹھہ	-

سنون گہ کمون: آ ایک قسم کے شا نو۔ ہشلو زائی دہ جک سہ شا تھے  
بدین۔ صرتر مڑنی کلجانو۔



کوستینو نوم: ٹوکتو

نباتاتی نوم: [69] Geum elatum Wall.

کموت: پٹھہ

تاثیر: چھہوؤں

قسم: گورڑی

ناروغتیا: کاٹ، گلہ، پرہار، چاپی، اسپا

سنون گہ کمون: آئے سے پٹھہ صرترے کاٹ، گلہ، پرہار گہ چاپو کریا غورہ  
کلین۔ [1] کٹے کریا آئے سے پٹھہ چکڑے، چھاٹ تھے، پیلہ سنے رات  
پُرخرجی پھتے لوٹکجی نرونئی کیجی ایک دیس پھتے پین۔ آئے گئی صرترے

<sup>69</sup> Plant name identified by Dr. Zafeer Saqib, 2003.



کاٹ نوشانی۔ [2] صُرتجی کُلہ نکھتہ تُو آئے سے پٹھ چُکٹے پِلا سنے دون گئی کُلہ نوشن۔ [3] پرہارے کِریا آئے سے پٹھ شوڑے، سم شان گئی پیڑی، گاؤلو گئی دہ مشری ملہم سنے پرہارجی شئین۔ [4] صُرتجی لہیلہ چاپی یا لہیلی اسپائے مرضِ بلی تُو آئے سے پیلہ دون گئی مُوڑو روغ بینو۔ [5] مرکب داروئے سنونے کِریا گہ آئے کمجانو۔



### ❁ کوسٹینو نُوم: ٹھوکتھو کوئی

نباتاتی نُوم: [70] *Caltha alba* Ranunculaceae

تائیر: چھہوئیں

کُموت: پٹھ

قِسم: گوڑی

ناروغتیا: پچال، چھنسوں، پرہار۔

سَنون گہ کَمون: [1] ٹوکتھو کوئے پٹھ صُرتے پچلے کِریا مڑنہ۔ [2] آئے سے نیلو پٹھو بگارجی تپے دیزہ مجبی جے چوٹ پچلجی بدیگہ تو پچال نوشانی۔ [3] چھاڑی تھیونے کِریا آسے پیلہ سنے دین۔ [4] پرہارجی آئے سے سفوف سنے شرشر تھینن۔

<sup>70</sup> Plant name identified by Dr. Rubina Rafiq, 1992; Dr. Zafeer Saqib, 2003.



## ❁ کوسٹینو نُوم: ٹوکُو

نباتاتی نوم: *Cucurbita*

تائیر: چھہو

کُموت: پٹھہ، ٹوکُو، بی

قسم: ٹوک

ناروغتیا: اچھیو نظر، مدافعتی نظام، اونڑیو کمزورتیا گہ نظام، لیلے تاؤ

(فشار)، جسم دہ وٹامنو کممتیا، پروسٹیٹ، کینسر، چچی گہ

بڑے مرضہ، انسولینے کممتیا، رگو موٹقیار، بال نہ بہت بون، بالو

پائڈخی نقص، نیش نہ آیون، انٹھیو کمزورتیا، ڈپریشن۔

سنون گہ کمون: ٹوکُو والکُو مُدا دہ مکئیے فصل سے ساتی پچانو۔ جک سے

شا جُولیئے کِریا آئے سے لوگہ پٹھو جُولی بدے، کرہ کرہ تب دے مکئی یا

گومے ٹکئی سے کھونن آن کچہ ٹوکُو جُولی گہ بدین۔ کھاں ٹوکہ بڑیوئے پکھہ

تو جس تھے چھورے پھتینن آن یوڈکو مُدا دہ آئے سے جُولی بدے یا چکلن

روٹی کھونن۔ ٹوکے نُوم لو لہوکن مگر آئے سے کمال لئی بڑن۔ [1] آس دہ

اچھیو نظرے روغتیائے مددگار وٹامن اے، کیروٹینائیڈز، لیوٹین Lutein گہ


زیکسینتھین zeaxanthin ٹوکُو دہ بسکہ بینن۔ کھانس گئی اچھیو نظر کمزور

بونے خطرہ کم تھینن۔ [2] آس دہ پروٹین، واز، فائبر، کیلشیم، چُمر،

میگنیشیم گہ وٹامن سی اجزاء بینن۔ [3] آس دہ فائبر گہ بینو، کھانس منوڑے

صُرتے مدافعتی نظام گہ اوٹریوڑ فائدہ دینو۔ [4] آس دہ فائبر مے ایک جُز پینو کھانس معدائے نظام مڑنیار گہ فعال تھینو آن اوٹریوڑ حرکت گہ کوْم لیارانو۔ [5] آس دہ موجود پوٹاشیم، کیلشیم گہ میگنیشیم سہ لیلے تاؤ (فشار) کنٹرول تھون دہ فائدہ دین۔ آس دہ سوڈیم لئی کم پینے، آ گہ لیلے تاؤ نہ لئینے۔ [6] آس دہ وٹامن سی، زنک، سیلینیم، آن ووئی پینو کھان مُنوڑے لومے کریا غورہ کلجن۔ [7] آس سے پٹ گئی معدائے رطوبت کم پینے۔ [8] آئے سے استعمال سہ کینسرے مرضے خطرائے کم تھینو۔ [9] آئے سے جُولی بدینے، کوئے جک سہ آئے سے حلوا گہ سنینے، یون ٹوکے چکلی سنے ووئی دہ روئی کھون۔ [10] ٹوکو معدنیات گہ وٹامنو خواص گئی پُونو پینو خھان مُتی خوکو سے ساتی ٹل بوئے صُرتڑ فائدا دین۔ [11] ٹوکے بی دہ غذائی اجزاء لا گھن پینے، کھون گئی صُرتڑ فائدہ پینو۔ [12] ٹوکے بی کھون گئی چچی، باش گہ پروسٹیٹے کینسرے خطرہ کم پینو۔ [13] کوئے جک سہ رزن چہ ٹوکہ لا کھیگہ تو ڈیرے پُھڑجار گہ ڈیر دہ دڑ گہ بوبانی، تے چہ آس دہ فائبر بسکی پینے۔ [14] ٹوکے بی دہ لو گھن زنک پینو آن زنک سہ مُشلیو طاقتے بارمون لائینو۔ [15] ٹوکے بی مغز سہ ہی طاقت لئیرینو۔ [16] رگو موٹقیار بڑینو کھان گئی رگو مجی لیلے گردش بسکینے۔ [17] کھان تورئے گپ دہ بال نہ پھت بی، سہ گہ سہ سے مُشاس ٹوکے بی مغز نکھلے ہر چھک دُو دُو خمخائی کھون تھ، آ گئی طاقت اچیوئے شو ووئی چبی گہ بسکینو آن گپ دہ بال پھت بونے ماحول پائدا پینو۔ [18] کھان چیی امید گئی پینے، سہ سو ٹوکے

بی کھیو گئی تو سہ سے پائدا بی بال نرو پائدا بو، صُرت دہ نقص نہ پھت  
 بو۔ [19] آئے سے بی مغز کھون گئی انیش مٹوڑ لئی مڑنی نیش اینی۔ [20]  
 کھاں مٹوڑ ڈپریشن بلو تو آئی ﷺ سے استعمال گئی ڈپریشب کم بیو بوجانو۔  
 [21] انٹھیو کمزوتیائی کریا گہ آئے سے بی لو مڑنینو۔ انٹھیو مجی بھرجونے  
 مرض آئے سے استعمال گئی کم بیو بوجانی۔ [22] چچیو کینسرے مرضجی  
 رچھجونے کریا آئے سے بی استعمال تھین۔ [23] آئے سہ دہ ادا وٹامن بین  
 کھانس ششے بالوڑ طاقت دین، آن شش نہ نکھزانو۔ [24] آئے سے بی  
 استعمال گئی مشو مجی پروسٹیٹے غدود بڑیونجی رٹجن۔



### ❁ کوسٹینو نوم: جاجو/جاچ/ژاچو

نباتاتی نوم: [71] *Criscium falconeri*

تائیر: چھہو

کموت: چھرش

قسم: گوڑی

ناروغتیا: لیلے خرابتیا، لیلے تاؤ۔

سنون گہ کمون: جاجے چھرشے پیلے لیلے خرابتیا کریا مڑنینو۔ آئے سے  
 چھرش چکڑے، پاک پوچو دہ چھاں تھے آئے سے عرقے پیلے دیزہ مجی دو

<sup>71</sup> Plant name identified by Dr. Zafeer Saqib, 2003.

چوٹ ایک لیکھنی پھلی دون گئی لیل صاف بینو آں تاؤ گہ کم بینی۔

کوستینو نوم	سائنسی نوم	تائیر	کُموت	مرض
❁ ہبریتے	؟	چہہوئیس	پٹھہ	-

سنون گہ کممون: آ ایک قسم کے شا نو۔ ہشلو زائی دہ جک سہ شا تھے  
بدینن۔ صرتر مژنی نو۔

❁ کوستینو نوم: جاؤ / زاؤ

نباتاتی نوم: *Artemisia scoparia*

تائیر: تتو

کُموت: چہریش، پٹھہ

قسم: مٹھو

ناروغتیا: پرہار، بیش، چھاڑی، شال

سنون گہ کممون: آئے سے پٹھہ گہ چہریش پرہار، بیش گہ چھاڑی/بیشائے  
مرضے کریا غورہ کلین۔ [1] پرہارے کریا آئے سے چہریش یا پٹھہ چکڑے، پتو  
گی دہ بق بق تھے، چہہونجریے پرہارجی بدے گڑین۔ آئے سے پئی بدون  
گئی پرہار جنی روغ بینی۔ [2] بیش گہ چھاڑی کریا چہریش شوڑے، چکڑے،

پیتڑی، ووئی دہ بری اٹے، اسہ ووئی دیزہ مجنی دُو چوٹ ایک ایک پُھلی پیلہ  
دین، آگی چھاڑی گہ بیشے مرض نوشانی۔



کوستینو نوم: جدرگوڑی

نباتاتی نوم: *Aquilegia nivalis* (Baker)

Falc. ex B.D.Jacks

تائیر: چھہوئی

کُموت: پٹھوئے، شونلی، چھرش

قسم: گوڑی

ناروغتیا: جدرائے بَش شچون

سنون گہ کَمون: آئے ایک لیکھو ہو مُٹُون، کھاس سے ڈوگنی ڈوگنی شونلی  
بین، شونلو پُھٹیڑ نیلاشہ با پٹھوئے یا پُھڑوئے بین۔ [1] پٹھوئے، شونلی گہ  
چھرشے پیلہ یا سفوف اسہ منوڑوڑ لو مڑنینو کھانس جدراس ٹک تھی آں  
صُرت دہ بَشے اثر خور بی، آسے لوشکی، بیلاڑ ایک پیلہ یا سفوفے ایک  
شمخیا دیگہ تو بَشے اثر نوشیو بوجانو۔



## ❁ کوسٹینو نوم: جرِیٹ

نباتاتی نوم: [72] *Quercus floribunda* Lindley

تائیر: گرولی تنی

کُموت: گرولی، پٹھ، کُلہ، کاٹھو

قسم: مٹھو

ناروغتیا: بیش، بیش، بدبضمی۔

سنون گہ گمون: بنی گی جرِیٹ ایک نسلے مٹھان مگر جرِیٹ بنی جی بر کلین۔ آئے سے تفصیل ”بنی“ باب دہ چکیا۔ [1] جرٹے کلو میوہ گہ پینو، کھاں جک سے کھون گہ بنہ۔ آئے سے میواڑ ”جرِیٹ پلوئے“ تھین۔



## ❁ کوسٹینو نوم: جُشے/جُشے/ژشے

نباتاتی نوم: [73] *Cynoglossum* sp

تائیر: چھوٹ

کُموت: پٹھ

قسم: گورٹی

<sup>72</sup> Plant name identified by Dr. Zafeer Saqib, 2003; Dr Rubina Rafiq, 1992-1995; Sipat Gah HP Project, 1997.

<sup>73</sup> Muhammad Islam, 2005.

ناروغتیا: ڈڈو/تیغے چوٹ، بڑی پرہار، کاٹ، برص، بجی، بٹے تریاق۔

سنون گہ کمون: جُشے دُو قِسمو ینو۔ چہرَش چُٹی ڑگی ینی، چہرَشے رونگ لہیلو ینو۔ جُشے پٹھہ مُتی گوڑیو سے ٹل تھے بُک یا تیغے بڑی پرہارو کریا ملہم/پئی سنین۔ آئے سے ترتیب آئے نی چہ جُشے، اسپاٹے، شُگلُو، چوٹیاں گہ بلیڑو چُکٹے، مجی ابو گڑ گہ خابون ٹل تھے، گی دہ روٹی، پئی دہ چھاں تھے، آئے سے ملہم سنے بڑی پرہارجی پلین۔ آئے گی پرہارے دڑ کم ینی، جنی رُو اینی۔ [2] ایک مُتی قِسمے ملہم دہ کوڑو سمار جُشے گہ اسپاٹے پٹھہ، کستی چہرَش، تماکے ایک پٹھو، چوئی یا تھولشے کللی، ایک تلی میچھو، دُو دُو تلی چوٹیاں گہ چُکنی، کوڑو سمار آئیلے واز ٹل تھے، چُکٹے، پتو گاولو گی دہ روٹی ملہم سنین۔ آئے گی رُو جنی روغ ینی۔ پرہار دہ لیل، ناؤ، پوس یا متو نقص نہ پھت ینو۔ [3] جُشے چہرَش چُکٹے، ووئی دہ بری اٹے، آسے پئی جُدر، لثم یا چُبوئے چاؤ زائے جی گڑیگہ تو بٹش رُٹجانو۔



کوستینو نوم: جُگلُوٹو

نباتاتی نوم: [74] *Viburnum grandiflorum*

Wall. ex DC.

تاثیر: تتو

کُمت: چہرَش، پٹھہ، کُله

قِسم: مُٹھو/جھول

<sup>74</sup> Muhammad Islam 2005; Razwal Kohistani, 1997, P-36.



ناروغتیا: چھائے، کزورتیا

سنون گہ کمون: کوہستان دہ جُگلوٹو لو مشہور میوہ کلجانو، پکھو تو آسے کلہ کٹہ بینن، مٹھو بڑو جھول ہو بینو۔ [1] جُگلوٹے نیلی چہریش چھائے مرضے کریا غورہ کلینن۔ چہریش نکھلے چھا گیاؤ بلے شک دہ تعیز سنے گزینن۔ [2] آئے سے نیلی چہریش چُکٹے، ووئی دہ چھاٹ تھے، عرقے پیلہ سنے، چھائے مرضے ست دیزو بُجیش دیزہ مجی ایک چوٹ دینن۔ چھائے مرضے کریا ازملو دارونو۔ [3] میوہ رزالو گہ مہورو بینو۔ [4] آسے شکہ کاٹھ دہان گہ بنہ۔

کوستینو نوم	نباتاتی نوم	تائیر	کُموت	مرض
جَلجالی	؟	چھوئیں	پٹھہ	اشتیار

سنون گہ کمون: آئے ایک قسم کے زنگلی آن اکوڑا کرے جائے شانو۔ اخسر چیئی بال سہ آشا تھے اسہ سے جُولی بدینن۔ بدادمے صُرتے کمزورتیائے کریا آمڑنی کلینن، آس دہ مختلف قسمو خورکے اجزاء بینن، کھانس طاقت دے شوپیار نہانن۔



## ✿ کوسٹینو نُوم: جلد دھٹیال

نباتاتی نُوم: [75] *Torilis leptophylla* Rechb.f

تاثیر: تتو

کُموت: کُلہ، پٹھہ

قسم: مُٹھو/گوڑی

ناروغتیا: اوشی، دڑہ، کھسر

سنون گہ کَمون: آئے چے چار قسمو بینو۔ ائکے پٹھہ لیکھہ، متے سنا بڑہ بین۔ آئے سے ایک شونلجی پوش پٹھوئے یا پُٹڑہ بین۔ پُٹڑو دہ مجی چُٹہ چُٹہ بی کُلہ بین۔ [1] آئے سے تیل سنونے کِریا جل دھٹیال چُکڑے، ووئی نکھلے، آئے سہ دہ تیل ٹل تھے، اسہ بُجیش ہگارجی تاؤ دینن چہ ووئی شِشرے، پھت بِلک آئے سے تیل بینو۔ آئے گئی اوشی شتی بندوڑ مالش تھینن۔ [2] آئے سے چُکٹیلہ پٹھو ووئی کھسرے مرضے کِریا مڑنینو۔ آئے گئی کھسرلتو شش دجریگہ تو کھسرے مرض نوشانی، ششیجی بالہ اینن، بسکو استعمال تھون پکارن۔

<sup>75</sup> Muhammad Amin, Muhammad Abdul Aziz, Andrea Pieroni, Abdul Nazir, Abdullah Ahmed Al-Ghamdi, Aleya Kangal, Khalid Ahmad, Arshad Mehmood Abbasi: Edible wild plant species used by different linguistic groups of Kohistan Upper Khyber Pakhtunkhwa (KP), Pakistan. Journal of Ethnobiology and Ethnomedicine, 2023

❁ کوسٹینو نُوم: جمیٹ / (تماکؤ)

نباتاتی نُوم: [76] *Hoyscyamus niger* L.



تائیر: چھہوئیں

کُموت: چہرِش، کُلہ

قِسم: گورِی

ناروغتیا: دماغی مرض، گزٹ، پوٹی کُھو، بیش، پڑک، دودے دڑ، ہضمہ،

ڈیرے کِمٹہ، ژوکے دڑ/بٹوٹی، کوٹے دڑ، بلغم، ڈیرے دڑ۔

احتیاط: آسے پٹھہ گہ بوقو بشلتو بینو، احتیاط پکارن۔

سنون گہ کُمون: جُمیٹ خراسانی خودرو مٹھو پاکستان دہ ہر زائی دہ ہشینو،

ہر گوڑہ آسے استعمال بینی، لے مرضو کِریا لو غورہ کلینن۔ آسے چہرِش گہ

کُلو پُھک (سفوف) کِمجَن۔ [1] ڈیرے دڑے کِریا چہرِش چُکٹے، ووئی دہ

بانگ تھے، چھاٹ تھے ایک پیلہ پیون گئی ڈیرے دڑ نوشانی۔ [2] کوٹے جک

سہ ڈیرے دڑے کِریا آسے تلی گہ دینن۔ [3] کھیلو دودے دڑے کِریا آسے

سفوف پُھلُو دُون دہ بدون گئی دڑ نوشانی۔ [4] ڈیرے کِمٹہ، ژوکے بٹوٹی/دڑ،

بدبضمی، پڑک بون، پھوٹی کُھو گہ بلغمے کِریا پیڑیلی جُمیٹے لوٹکی گہ

<sup>76</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

بیلاڑ ایک ایک تلی دین۔ [5] دودے دڑے کریا جمیٹے جوشاندہ سنے،  
 شموٹو تھے اپنی شبا آنزی دہ رٹے تھو تھون گئی دڑ نوشانی۔ [6] چئی مٹشو  
 نفسانی طاقتے کریا بر کلین۔ [7] بریٹ بھاشہ دہ پیر آ سڑ تماکو تھین۔



## ✽ کوسٹینو نوم: جن سنگ

نباتاتی نوم: [77] *Orchidam sp* (Orchidaceae)

تاثیر: تنو

کموت: چہریش

قسم: گوڑی

ناروغتیا: مُشلیو کمزوتیا، لیلے تاؤ، ذیابیطس، دماغی کمزورتیا،  
 چولیو مرض، چھنسوں، کولسٹرول، شویار، آولات نہ بون۔


سنون گہ کمون: آ ایک لئی گران گوڑی کلجانی، کھان بازار دہ گران ملئی  
 بوجانی۔ پالس دہ نباتاتو ایک سروے دہ آ گوڑی لیل پلن، آن آ سڑ جناب  
 محمد اسلام ای پاکستانی جن سنگے نوم داؤن۔ [1] مُشلیو کمزورتیائے  
 کریا آ گوڑی کمجانی۔ [2] آس بدیامے جسمے خلیو عمر لیارانی۔ [3] کوئے  
 ملکو مجی آسے ملہم آن کوئیٹو مجی جوشاندائے صورت دہ ملئی بوجانو۔  
 [4] کوئے ملکو مجی آس مُشلیو طاقتے گوٹ کلین۔ [5] آگہ رزن کھس

<sup>77</sup> Plant name identified by Muhammad Islam, 2005.

وخ ده آسے استعمال صرف باچھان سہ تھینن، عام مُنُوڑوئے آسے استعمال تھاءُ تو سہ سڑ پھانسی دجاسی۔ [6] آس لیلے تاؤ (فشار) کم تھینو۔ [7] آسے استعمال گئی دماغے طاقت لئینی۔ [8] کھو گہ چھنسون نہانو۔ [9] آسے استعمال گئی چولیو مرضے کمزورتیا نوشانی۔ [10] شوگرے مرضے کریا گہ استعمال بینو۔ [11] شوبیار گہ کمزورتیا آ گئی نوشانی۔ [12] آسے استعمال گی کولسٹرول گہ شوگر تومی مقدار جی بسکی نانی۔ [13]۔ آسے استعمالے طریقہ آئے نو چہ آسے چھرش نکھلے، شوڑے، پیڑی چھورے پھتیا۔ دیزہ مجی ایک چوٹ ایک خمخیا دُت سے ساتی استعمال تھوئن۔ [14] کھاں چینی مُشائے آولات نہ بین سیٹے کریا لو مڑے کلینن۔

کوستینو نُوم	نباتاتی نُوم	تاثیر	ناروغتیا
❁ شیلی	-	تتی	پرہار، کُله

سنون گہ کمون: آسے پٹھو تپے کُلو یا پریارجی گڑین۔ آ گئی کُلو یا پرہارے ناؤں نکھزی رُو جنی اینی۔



❁ کوستینو نُوم: جھو / جھوڑو

نباتاتی نُوم: *Artemisia fragrans*

تاثیر: تتو

کُموٹ: پٹھہ

ناروغتیا: کِمٹہ، کوٹ گہ دودے دڑ

سنون گہ کمون: جہوئے لیکھو ہو مُٹھو بینو کھاس سے چُٹی چُٹی بکھی یا شوئی بین۔ [1] آ سے گہ نکھلجانو کھانس دہ جراثیم کش گہ اینٹی بیکٹیریل اثرات ثابت بلان۔ [2] آ سے چُٹہ چُٹہ پٹھوئے چُکٹے، ووئی دہ چھاٹ تھے عرق سنے چھورین۔ [3] آئے سے عرق ڈیرے کِمٹو کریا مڑینو۔ لیکھو بالڑ چے موزو مجی ایک چوٹ دون پکارن، بسکو نیس۔ [4] کوٹے دڑے کریا آئے سے عرقے ایک یا دو ٹھک کوٹ دہ تھیکہ تو دڑ کم بوئے نوشانی۔ [5] دودے دڑے کریا آ سے عرق سموٹو تھے، اپنی شبا آنزی دہ رٹے، مشری تھو تھون گئی دودے دڑ نوشانی۔ [6] کھیلو دون دہ کیس نی تو اسہ گہ مرجانی۔



✿ کوسٹینو نوم: جھاڑگوڑی

نباتاتی نوم: [78] *Ricinus communis* L.

تائیر: تتی / بشلتی

کُموت: پٹھ

قسم: گوڑی

ناروغتیا: قبضی

<sup>78</sup> Plant name identified by Dr. Zafeer Saqib, 2003.

سنون گہ کَمون: آ ایک بِش لِتو مُٹھو نو۔ يہ سرے بکھٹوئے، پٹھہ چہرِش بُتو جوک دہ بِش يِنو۔ کَمونے کَرِيا احتياط پَارن۔ [1] پٹھہ مالڑ ديگہ تو مالے قبضی اوزگار يِنی۔ [2] پڑسوبے کَرِيا پٹھو تپے بديگہ تو آ گئی پڑسوب وزانی۔



### ❁ کوسِتيَنو نُوم: جوڑِي / ژوڑِي

نباتاتی نُوم: [79] *Betula utilis* D. Don

تأثير: تنی

کُموت: جُوش

قِسم: مُٹھو

ناروغتیا: پربار، اوشی، بی شو۔

سنون گہ کَمون: جوڑِيئے مُٹھو کَہس وختوڑ لو اہم کلیجاسو۔ کَہسکئی مذہبی گہ مُتی لئی قِسمو کتابی جوڑِيئے کاغذجی لکھینس۔ [1] کَہس گہ چیئے بُجیش لا جَک سہ جُوڑِيجی تعیزہ لکھین۔ جوڑِيجی لکيلہ بُدھ مذہبے کَہسکے کتابی گلت دہ ہشیلان۔ [2] پربار یا اوشی شتو بَن تپونے کَرِيا، مالش تھے اجی جُوش گَرین۔ [3] والو کو گِیو بوکی گُرونے کَرِيا گہ جُوش کَمین۔ وال بانڈوجی ٹبرہ وزون دہ جَک سہ گی بوکی جُوش دہ گُڑے ولین۔ [4] بی شوئے کَرِيا آسے دُوم گہ تھین۔

<sup>79</sup> Plant name identified by Dr. Zafeer Saqib, 2003.

کوسٹینو نُوم	سائنسی نُوم	تاثیر	کُموت	مرض
جولوس	Chladophora crispate ?	چھہوؤں	پٹھہ	-

آئے ایک قِسم کے زنگلی شانو، جُولی بدے کھجانو۔ صُرتے کِریا مڑنی نو۔



کوسٹینو نُوم: جومنی / ژومنی

نباتاتی نُوم: [80] *Urtica dioica*

تاثیر: تتی

کُموت: چھرش، پٹھہ

ناروغتیا: چھہوئیں شال

قِسم: گوڑی، شا

سَنون گہ کَمون: [1] جومئے چھرشے عرق چھہوئیں شالے کِریا مڑنی کلینن۔ آئے سے

چھرش نکھلے، چُکٹے، ووئی دہ کھرہ بری اٹے، چھاٹ تھے، راتہ ایک

گلاس عرق شال بنی مُورژ دینن، آ گئی شال نکھزانی۔ [2] آئے سے شا گہ

بدینن۔ [3] جومنی جی ہت پاں سَتو تو دجنی پینن

<sup>80</sup> Plant name identified by Dr. Zafeer Saqib, 2003; Dassu HP Project, 2013.



## ❁ کوسٹینو نُوم: جوٹھیل



نباتاتی نُوم: *Artemisia indica*

تاثیر: تتو


کُموٹ: پٹھہ

قِسم: گوڑی

ناروغتیا: معدہ، حیض، ہی مرض، زیڑے، رعشہ، باسیر، باؤگری،

بدبضمی، پیش، دماغی اشتیار۔

سَنُون گہ کَمُون: [1] ایک پاؤ سمار پٹھہ رات وئی دہ بلے پھتیا، لوشکیجی وئی دہ روئی ہوری پھت بلو تو پاک ٹپی دہ چھاں تھے آئے سے عرق نکھلیا۔ آئے بادامے عرق سے لوشکی لوشکیجی چار چار خمٹھائے استعمال تھیگہ تو آئے گئی ہی ورم کم بینو، ہی مرضے کریا غورہ کلینن۔ [2] پٹھہ چکڑے، صُرت دہ پھڑجلی زائی جی پلیگہ تو پھڑجیار نوشانی۔ [3] مالے پر باروجی پٹھہ چکڑے گزینن، پر بار روغ بینی۔



❁ کوسٽینو نُوم: جُوئی (جوروٽو)

نباتاتی نُوم: [81] *Prunus armeniaca* L.

تاثیر: چھڻو

قسم: مٿھو

ڪموت: ڪله، ڪلي، پٿھ، ڪليل

ناروغتيا: اشتیار، قبضی، معدہ، سرطان، دڙھ، شوٽو شلون، آنڙي پچال۔

سَنُون گه ڪَمُون: جوروٽے دو بڙي قِسماني، ايڪ زنگلي، مٿي باغي۔ آئيٽو مجي برقيس لے قسمه بينن۔ ڪوبستان ده عام زنگلي جوروٽه بشينن۔ زنگلي جوروٽه اپه با چڪه بينن، عام مٿوره جوروٽو ولجي نه بينن۔ لا جڪ سه اش بيله باغي جوئي بٽها دينن۔ جوروٽه تازه گه شڪهه بيئي كهجنن۔ [1] آئے سه صُرٽر طاقت دين آ آئے گي ليل لئينو [2] آئے سه استعمال گي قبضي اوزگار بيني۔ [3] جوروٽس ڏيرے ڪمٽه گه مرين [4] معداڙ طاقت دينن۔ [5] آئے سه بسكو استعمال گي سرطانے مرض رٿجاني يا نه بيني۔ [6] آئے سه استعمال گي صُرترے دڙه ڪم بينن۔ [7] جوڙوٽے تازه پٿه ووئي ده سم شان گي روئي بيلار بيلار اسه ووئي ليڪهه بلور ديگه تو ڏيرے هر قسمه پاڪيات بيني۔ [8] چهنسون، شوٽو شلون گه آنڙي پچلے ڪريا دائے جوروٽه كهيه پٽيٽو تني چاء پيگه تو منورو جني روغ بينو۔ [9] جوروٽے ڪلي گه نڪهله

<sup>81</sup> Plant name identified by Dr. Zafeer Saqib, 2003; Dassu HP Project, 2013.

کھونن۔ [10] یون آئے سے تیل گئی بت یوں مالش تھیگہ تو لو فائدہ یینو۔  
[11] کلیو تیل شستے کریا لو مڑنی کلین۔ [12] آئے سے کللی گہ چپین۔



کوستینو نوم: جاسمین (پلگورئی)

نباتاتی نوم: [82] *Chrysojasminum leptophyllum*

(Rubina Rafiq)

تاثير: تنی

کموت: پٹھہ، پھڑہ

قسم: گورئی

ناروغتیا: پیڑوئے

سنون گہ کمون: آ پھڑو قسمو مجی ایک نئی قسم ہشیلن، کہاں ڈاکٹر روبینہ رفیق او  
تومی پی ایچ ڈی تحقیق دہ پالُس روم دہ اروڑے معلوم تھیگن۔ [1] پھٹو دُوم گئی  
پھچوئے گہ پیڑوئے نوشنن۔



کوستینو نوم: جیلگبی

اردو نام: عشق پیچان

انگریزی نوم: *Morning Glory*

تاثير: تنی

<sup>82</sup> Dr. Rubina Rafiq, 1992-1995.

کُموت : پٹھہ

قسم : گبی / شرائے

ناروغتیا : ذیابیطس، مہیکی

سنون گہ کمون: آئے گبیئے ایک قسم کن، آئے گبی مُٹھو جی اُکھزانی، دوقسمو پٹھہ بین، ایک قدرے دُورہ، مُتہ چیکٹہ، زنگل دہ عام ہشینو، آئے سے چودہ کٹہ کُٹوئے بین۔ [1] آئے سے پٹھہ چسے، چھیجا شوڑے، پیڑی پُھک / سفوف سنے پھتیا۔ آئے سے سفوف ذیابیطس گہ سات سات مہیکی آیونے مرضے کریا مڑنینو۔ لوشکی گہ بیلاڑ ایک ایک تلی ووئی سے کھون۔



کوستینو نوم : چٹور / چاٹور

نباتاتی نوم : *Calluna vulgaris*

تائیر : چھہو

کُموت : پُٹھہ، پٹھوئے، بکھئی

قسم : مُٹھو / گوڑی

ناروغتیا : کان، بيش، رگو موٹقیار، چومے مرض، مہیکی، کُھو،

چھنسوں، مٹانہ گہ ژوکے مرض، بندو دڑہ۔

سنون گہ کمون: آئے ایک لیکھو بو پُٹھو دار مُٹھونو، لیدی، چوڑ، مڑو،

سپٹ گہ مُتی اُتھلی مالیو لامڑ لو بینو، بکھیو جی شرے گہ لَلاشہ با پُٹھوئے

بینن، اُمُودى مرضو کِریا آئے سے پُھڑے، پُٹھوئے گہ بکھپائے کِمِجَن۔ کوئی زیوڑ آئے سے مُٹھو لیکھو پینو کوئی زیوڑ شِنا بڑو۔ [1] کاٹ، بیش، رگو مؤتقیار، چوم، مہیکئے دجار یا کم آيون، گھو، چُھنسون، بندو دڑے، مثانہ گہ ژوکے مرضے کِریا آئے سے سفوف تلی دینن یا عرقے پیلہ سنے لوشکی لوشکجی استعمال تھینن۔



### ✿ کوسٹینو نُوم: چُکنی

نباتاتی نُوم: [83] *Jurinea dolomiaea* Boiss.

تَثیر: تَتی

کُمُوت: چہرِش


قِسم: گوڑی

ناروغتیا: کِھسے دڑ، پرہار، اشتیار، تَٹے دڑ، شال۔

سَنون گہ کَمون: چُکنی ایک مُٹھو بیرو پینو، مُتو سوچی۔ بیرو مُٹھو جی پُھڑو پینو، سوچجی پُھڑو نہ پینو۔ چُکنی گوڑی کِھسے دڑ، اشتیار گہ پرہارے کِریا ازملو دارو کلینن۔ [1] کِھسے دڑے کِریا چُکنی گوڑی چُکٹے، مُچھو وئی دہ روٹنن، پتو مجی اپو ہو گی وی پھری روٹنن۔ رات نیش تھونجی مُچھو اپی ہے کھونن۔ لئی نہ کھون پکارن - پتینیو جنی وئی پیون پکار نانو۔ آئے کِھسے

<sup>83</sup> Plant name identified by Dr. Rubina Rafiq, 1992-95; Dr. Zafeer Saqib, 2003.

دڑ گہ کمزورتیائے کریا لئی مڑنیں۔ آئے تومی اثر دہ لئی تئی یینی۔ آئے کھے کوم گہ نہ تھوئن۔ [2] چُکینی وجودے پرہارے کریا گہ دین۔ آئے گئی وجودے ہرہار یا چوٹ روغ یینی۔ [3] چُکینی مُئی گوڑو سے ٹل تھے دارو گہ سنین۔ آئے سے ترتیب آئے نی چہ کوڑو سمار اسپائے گہ جُشے پٹھہ، کستی چہرَش، تماکے پٹھو، اپو ہو چوئی کلیل، ایک تلی مچھو، دُو دُو تلی چوٹیاں گہ چُکینی، کوڑو سمار لوگو آئیلے واز ٹل تھے، چُکٹے، پتو گی دہ روٹی ملہم سنے پرہارو جی بدین۔ آئے گئی پرہارے دڑ کم یینی، پرہارے رُو جنی اینی۔ [4] چُکینی چہرَش چُکٹے، پیڑی، مجی گاؤلو گی ٹل تھے بڑی یا لیکھی پرہارجی پلین۔ [5] چُکینی ملہم پھیلو پائیں کریا مڑنی نی۔ [6] چہرَشے ووئی چکٹے، ووئی پیلہ سنے شالے کریا دین۔



### ❁ کوسٹینو نوم: چُکینی

نباتاتی نوم: [84] *Rumex hastatus* Don

تائیر: چہہوئیں

کُوت: پٹھہ

قسم: مُٹھو

<sup>84</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

ناروغتیا: بی دجار، گرمکئی، قبضی، کاٹ، زیڑے، پلاک، اونٹریو

زخم، لڑمے پش، برص، چومے مرض، اُلیال۔

سنون گہ گمون: آئے سے پٹھوئے بی دجار گہ گرمکئیو کریا غورہ کلین۔ [1]  
 پٹھ چُکٹے، عرق سنے، نیزجی مُچھو اُیک پیلہ دین۔ [2] چُکی گہ پھیل  
 بہاسیا تھے، پتو میل دہ شا بدے کھون۔ آئے سے روٹیلو شا قبضی کریا  
 اُچھون کارن۔ [3] پٹھ چُکٹے اُیک پاؤ ووئی نکھلے، سیر چینی مجی وی،  
 ہگارجی بدے، روئی شربت سنین۔ آئے سے دُو خمٹھائے شربت لوشکجی  
 نروئی کیجی دین، آئے گئی لڑمے زہارے اثر نوشانی، برصے مرض کم پیو  
 بوجانی، صُرتے کاٹ، زیڑے مرض گہ اُلیال شچون نوشانی۔ اونٹریو نقص پیر  
 بینو، پلاک/چھاڑی آيون رُجانی۔ آئے گئی وجودے تاؤ نوشانی۔ بی ٹھم ٹھم  
 عام مقدارڑ اینی آں وجودے مُضر مادائے خارج بین۔



❁ کوسٹینو نوم: چُکی

نباتاتی نوم: [85] *Oxalis corniculata* L.

تاثير: چھہوئیں

کُموت: پٹھ

قسم: گوڑی

<sup>85</sup> Plant name identified by Dr. Zafeer Saqib, 2003; Dassu HP Project, 2013.

ناروغتیا: شال، دجنی، بضمہ۔

سنون گہ کمون: چُکی گوڑی سُمجی خور پینی، نیلہ پٹھوئے، پیلہ پٹھوئے بین۔ [1] کوئے علاقوڑ آکچے شان گئی کمجانی۔ [2] دیسی مرکب داروئے سنون دہ آس ٹل تھے داروئے سنین۔ [3] شال، دجنی گہ بضمائے مرضو کریا آئے سے پٹھہ گہ چہرِش چُکٹے، پیلہ سنے لوٹکی گہ بیلاڑ ہوری ہوری گلاس پین۔ [4] آئے سے بسکو استعمال سہ منوڑوڑ نوخصان گہ پینو، آگی احتیاط پکارن۔ [5] آسے پٹھو شا گہ بدین۔



❁ کوستینو نوم: چُکی بیوں

نباتاتی نوم: [86] *Celtis caucasica* Willd

تاثیر: چھہوئیں

کُموت: پٹھہ

قسم: مٹھو

ناروغتیا: لیلے تاؤ، لیلے خرابتیا

سنون گہ کمون: آئے سے پٹھہ لیلے تاؤ گہ خرابتیاے کریا غورہ کلین۔ پٹھہ چھہوئیں وئی دہ چُکٹے، چھاٹ تھے، دیزہ معجی چے چوٹ ایک ایک گلاس عرق مریض

<sup>86</sup> Plant name identified by Dr. Rubina Rafiq, 1992-1995; Dr. Zafeer Saqib, 2003; Dassu HP Project, 2013.



دینن۔ آئے گئی تاؤ کم بوئے لیل صاف بینو۔



❁ کوسٹینو نوم: چلاکئی/چلکئی

سائنسی نوم: [87] *Iris kashmiriana*

تاثیر: تنی

کُموت: ڈُڈورُو، پُھڑہ

قسم: گوڑی

ناروغتیا: پچال، کُله

سنون گہ گمون: [1] چلاکئی ڈُڈورُو نکھلے، چُکھڑے، کُلو، پچال یا پھوجی صرف ایک چوٹ پلین، آئے گئی راتنی سُوری مجی کُلو یا پھو بُس دِجانو۔ ایک چوٹجی بسکو یا لو گھٹ نہ پلین۔ [2] چلاکئیو شیئے پُھڑہ بین۔ آڈُڈورُو قَبْرَجی بٹھا دِجانو۔ [3] چلاکئی پُھڑون گہ اُجئی دونے مُدا اینو۔

کُموت	تاثیر	سائنسی نوم	کوسٹینو نوم
چہریش	چہہوئیں	؟	❁ چُٹی گوڑی

ناروغتیا: وجودے تاؤ، لیل، پرہار، چُٹہ کُله، سوزاک

<sup>87</sup> Razwal Kohistani, 1997, P-38.

سنون گہ کمون: آئے سے مُٹھو جھاڑی دار بینو۔ لیکھ لیکھ سرائے بینن، چہریش چُٹی بینی۔ [1] آئے سے چہریش نکھلے شوڑے، پیڑی سفوف سنے ایک ایک خمٹیا لوشکی گہ بیلاڑ ووئی سے استعمال تھینن۔ آئے گئی وجود گہ لیلے تاؤ کم بینی، سوزاک، پر بار، صُرتے چُٹہ کُله، گہ پتے کریا مرنینو۔

کوستینو نُوم	سائنسی نُوم	تائیر	کُموت	مرض
چھاگوڑی	؟	چھہوئیں	چہریش	چھا

سنون گہ کمون: [1] چھاگوڑی چھائے مریضے کریا مڑنینی۔ کوئی جک سہ رزنن۔ چہ آئے سے چہریش صرف اسہ مُلئی سہ نکھلون پکارن کھاں زبائل نہ تھیلی بی۔ مگر گبیرے سبیل پچا سہ آئے گوڑی اکے نکھلیسو۔ آئے سے چہریش نکھلے، تعیز تھے چھا بلی مُنوڑے شک دہ تھینن۔ گبیر دہ سبیل پچا سہ آئے گوڑی جُمعہ چھک نکھلیسوآن پُوش جُمو بُجیش ہر جُمعہ چھک نئی گوڑی نکھلے، شک دہ تھیسو۔ شک دہ گزیلی چہریشے تعیز جُمعہ جی جُمعہ بُجیش بلوننی، ششون نہ پھتوننی۔ [2] کھاں بلو صُرت چُٹیو بوجانی آن سم شان گئی لوم نہ بینن، سیٹوڑ اخسر چھائے مرض بینی۔ ادو بلجی چھائے تانگ گہ دینن آن چھاگوڑی چہریش نکھلے چھا گئی بال یا مُلئیے شک دہ گڑے پھتین، آگئی چھائے مرض نوشانی۔



## کوستینو نوم: چہلی / چلی

نباتاتی نوم: [88] *Juniperus macropoda*

نباتاتی نوم: [89] *Juniperus excelsa*

تائیر: چہوئیں

کُوت: کُلو، چُپی

قسم: توم/مٹھو

ناروغتیا: ژوکے دڑ، ہی شو، سورے، مہیکی دجون، باسیرے مرض۔

سنون گہ گمون: آئے سے دُو قِسمانی، بیدہوں کوم ایک شانیونو۔ [1] چہلیئے

چُپی گہ کُلو ژوکے دڑ، ہی شو، سورے گہ مہیکی دجونے مرضے کریا مڑین۔

[2] ژوکے دڑے کریا آئے سے کُلو ووئی دہ روئی، اسہ ووئی دیزہ مجی دُو

چوٹ دین۔ آئے گئی ژوکے دڑ نوشانی۔ [3] ہی شو گہ سورے مرضے کریا

چُپیو سے اپہ ہا پُھک ٹل تھے دُوم تھین، آ گئی سورے مرض نوشانی۔ [4]

مہیکی دجون یا بن بلی تو کُلو شوڑے، پیڑی، دیزہ مجی دُو چوٹ ووئی سے

تلی دین۔ آے گئی بن بلی مہیکی اوزگار بینی۔ [5] رگو مجی لیل یازیونے

کریا مڑنی کلین۔ [6] آ گئی ملہم گہ سنین۔ [7] آسے دارو جراثیم کشن۔

[8] مہیکی سم شان گئی اوزگار تھینو۔ [9] باسیرت مرضے کریا گہ بر کلین۔

<sup>88</sup> Plant name identified by Dr. Zafeer Saqib, 2003; Sipat Gah HP Project, 1997.

<sup>89</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

[10] مہیکئے رگو انفیکشن نہانؤ۔ [11] صُرت گہ پٹھو دڑو علاج دہ مڑنیؤ۔  
 [12] اسہ جک کھاں لیلے تاؤ، ژوک گہ اعصابی مریض بین سیٹوڑ آ بالکل نہ  
 کھونن۔ [13] ضعیف جک یا 3 کالوج کم عمرے بالوڑ گہ بالکل نہ دونن۔  
 [14] آئے سے شو نوسار دہ کمجانؤ۔ [15] گِلت دہ دیاںل (شامن) سہ آئے  
 سے دُوم سُون سُون تھے چپے موڑی پشینؤ۔ [16] کھس زُمنہ دہ آ مٹھو مذہبی  
 شان گئی لو گھٹ برکتلو کلباسو آں مختلف مذہبی رسمو مجئی آئے سے  
 استعمال تھینس۔ تبت، لداخ گہ گِلت دہ آس برکتلو گہ سَجو مٹھو گئینن۔



### ❁ کوسٹینو نؤم: چھلیون

نباتاتی نوم: [90] *Dioscorea deltoidea*

تائیر: چھہو

کُموت: پٹھہ/سرائے

قسم: مٹھو

ناروغتیا: ڈیرے کِٹھ، قبضی، مانع حمل، بیش، بندو دڑہ، لیچو رڑی۔

سنون گہ کَمون: چھلیون لیکھو بو مٹھو بینو، ٹخی ہرے بکھئی بینن، پٹھو  
 ہللی شقلے بینو، بکھئیو جی شناکک پیلروگہ ہا پُھڑوئے بینن۔ [1] آئے سے  
 چہرش چُکٹے، روٹی اسہ سے ووئیے ایک گلاس نیش تھونجی مچھو اسہ

<sup>90</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

منوڑوڑ دینن کھاں سے ڈیر دہ کِمٹہ بین۔ [2] آئے سے پیلہ قبضے مرضے کریا گہ مڑنے کلینن، آگئی قبضے مرض نوشانی۔ [3] آمٹو دیسی مرکب دارو سے ٹل تھے کوئے مٹنی مرضو کریا کِمجانو۔ [4] آئے سے چُکٹیلہ پٹھہ گہ چہرشو سَنیلو پیلہ یا چہرشو گہ پٹھو سَنیلو سفوفے ایک تلی استعمال تھیگہ تو تورسریئے گپ دہ بال نہ پھت پینو، آئے گئی آسے دارو ایک قسم کے مانع حمل کلجانو کھاں سے استعمال گئی زبائل تھیلی تورسریئے گپ دہ بال نہ پھت پینو۔ [5] آئے سے پیلہ یا سفوفے دارو صُرتے مٹنی مرضہ، پیش گہ بندو دڑو کریا گہ استعمال تھینن، مگر ادئی زبائل تھیلی تورسری کھاں سے موٹ دہ بال نہ بی سیس نہ کھونتھہ آن کھاں سے موٹ دہ بال بی سیس کھوبانی۔ [6] چھلیوٹے پٹھوئے گہ شرائے رُڑیئے مرضے کریا مڑنے کلینن۔ لیچوڑ رُڑی بلی تو پٹھہ/شرائے چُکٹے، روٹی، ووئی چھہونجریے لیچوڑ پلیگہ تو رُڑی نوشانی۔



### ✿ کوسٹینو نوم: چھورو / چورو

نباتاتی نوم: [91] *Angelica glauca* Edgew

تاثير: تتو

کُموت: چہرش

قسم: مٹھو

<sup>91</sup> Plant name identified by Dr. Zafeer Saqib, 2003; Dr. Rubina Rafiq, 1992-1995.

ناروغتیا: جاک، کھو، انیار، بضمہ

سنون گہ کمون: چھورو ایک لیکھو بو نازک مٹھوٹ۔ یہ سے چٹنی شولنیے  
بین، شٹ دہ کھرہ پھڑو خور خور چو بین۔ [1] آئے سے چہریش نکھلے،  
چکڑے، شوڑے، پیڑی کھو، باضمہ گہ جکو کریا کٹو مڑچ ٹل تھے ایک  
چنڈی ووئی سے کھون۔ [2] موس روٹونے کریا چہریش تھلوئی دہ وین۔



کوستینو نوم: چوٹیاں

نباتاتی نوم: [92] *Rheum webbianum* Royle

تاثیر: تتی

کموٹ: چہریش

قسم: گوڑی

ناروغتیا: پرہار، گال، جھاڑ، قبضی، اشتیار، پھڑجیار، جھارا۔

سنون گہ کمون: چوٹیاں لئی قسمو مرضو کریا ایک آرمیلو دارونو۔ [1] قبضی  
کریا آئے سے گوڑی ووئی دہ بری ائے، گی، لوٹی، مکیشے پھک ٹل تھے،  
بئی تھے مریض دین۔ آئے گئی قبضی اوزگار بین۔ [2] چالنی مالے جھارا نہ  
وتھو تو چوٹیاں چکڑے، مجی اپھو ہو گڑوی آئے سے چٹنی گولیے سنے  
ایک مخیزہ بی یا بہیو دائرے گولیے مالڑ کھین۔ [3] منوڑے وجودے گال

<sup>92</sup> Plant name identified by Dr. Rubina Rafiq, 1992-1995; Dr. Zafeer Saqib, 2003.

گیئی تو گہ اج آئے ولجی گولیئے سنرے پزیرے یا بی گولیئے دین۔ گبرے  
 سبیل پچا سہ مریضوڑا خسر آئے سے استعمال تھیسو۔ آئے کھیرے پتینو جنی  
 ووئی نہ پیون۔ [4] عام پرہارے کریا چوٹیاں چکھے، دت دہ بق بق تھے،  
 پی سنے، دیزہ مجی ایک چوٹ پرہارجی بدین۔ [5] دڈے چوٹ یا بڑی  
 پرہارے کریا چوٹیاں، شگلوائے پٹ، اسپائے، جُشے گہ بلیڈو چکھے، مجی  
 گڑ گہ اپو ہو خابون ٹل تھے، گی دہ روٹی، پتو پی دہ چھاں تھے، آئے سے  
 سنیلے ملہم بڑی پرہاروجی بدے گزین۔ [6] ایک متی قسمے ملہمے کریا  
 کوڑو سمار اسپائے گہ جُشے پٹھ، کستی چہریش، تماکے ایک پٹھو، اپو ہو  
 چوئی کلیل، ایک تلی میچھو، دُو دُو تلی چوٹیاں گہ چکنی، کوڑو سمار  
 لوگو آئیلے واز ٹل تھے، چکھے پتو گی دہ روٹی پرہارے کریا ملہم سنین۔  
 [7] انیار نہ شتی تو آئے سے غندل چپے کھون گئی انیار شچانی۔ غندلو مڑے  
 رس بینو، جک سہ عام کھون۔ [8] پرہار، سخ زک بلے یا پھڑجلی زائے جی  
 آئے سے گوڑی چکھے، گی دہ روٹی، گڑیگہ تو دڑ گہ کم بین، آں پھڑجیار  
 گہ نوشانی۔ [9] گوڑی شوڑے، پیڑی سفوف سنے، پاں ہگوویو مجی بلے  
 پچلجی شرشر تھین۔ [10] سفوف لیکھہ بلو گیتی گہ پھٹالیو مجی شرشر  
 تھیکہ تو گیتی گہ پھٹالیو مجی زخم نہ سینیجانو۔



## ❁ کوسٹینو نُوم: چوڈن (لہیلو)

نباتاتی نُوم: [93] *Taxus wallichiana* Zucc

تأثیر: تتو

قسم: توم/مٹھو

کُموت: بکھی، چہرِشے پٹ، کاٹھو

ناروغتیا: بگرہ، دڑہ، شال، بیش۔

سَنون گہ کَمون: [1] مکئیے فصلِ بگرائے مرض شتی تو لہیلو چوڈنے بکھیئی پھوٹے ڈولی مجی ٹوک سے چوکی گزینن، آئے گی بگرائے مرض نوشانی۔ [2] صُرتے دڑو کریا لہیلو چوڈنے چہرِشے پٹ ووئی دہ روٹی، چھاٹ تھے، اسہ ووئی دہ بئی تھے، مجی گی وی، دیزہ مجی ایک چوٹ کھونن، آئے گی صُرتے دڑہ نوشنن۔ [3] آئے سے پٹ گہ پٹھو عرق دیسی دارو مجی ٹل تھے کِمجانو [4] دیسی دارو مجی شال، شِسے دڑ، بیش، اعصابی نظام، پُٹھلی انٹھیئے کریا کِمجانو۔ [5] چوڈنے چہرِشے پٹ گی چاء گہ سیننن۔ [6] آئے سے لہیلوگو بو کَلو گہ بینو۔

<sup>93</sup> Plant name identified by Dr. Zafeer Saqib, 2003; Dr. Rubina Rafiq, 1992-1995; Muhammad Islam, 2005.





❁ کوسٹینو نُوم: چوڈنُ (شو)

نباتاتی نُوم: [94] *Taxus baccata*

تاثیر: تتو

کُموت: چہرش، پٹھہ

قسم: توُم/مُٹھو

ناروغتیا: دڑہ، پیش، کُھو، کینسر۔

سنون گہ کَمون: [1] چہرشے پٹ نکھلے، چُکٹے، ووئی دہ ٹل گہ چھاٹ  
تھے دیزہ مجی ایک گلاس پوش دیزو بُجیش دین، آئے گئی پیش، کُھو گہ  
دڑو مرض نوشانی۔ [2] آئے سے پٹ گہ پٹھو مجی اہم اجزا بین، کھاں  
گپ، چچی گہ بڑے کینسرے مرضو داروئے سنون دہ کِمجن۔



کوسٹینو نُوم: چنار

نباتاتی نُوم: *Platanus orientalis* L.

تاثیر: چہمہو

کُموت: چہرشے پٹ، کاٹھو

قسم: مُٹھو

ناروغتیا: پیش

<sup>94</sup> Plant name identified by Mr. Abdul Ghafoor.

سنون گہ کمون: آ ایک بڑو مُٹھو بینو، اخسر زیوڑ بیٹھا دیلو ہشینو۔ آ سے چھیش لو بڑو بینو، مال مُنوڑو کریا لو بر کلینن۔ کشمیرے قومی مُٹھون۔ [1] آ سے کاٹھو دہونے کوم اینو۔ [2] چہرے پٹ بیشے مرضے کریا مڑنی نو۔ چہرے پٹ چکڑے، ووئی دہ روئی، چھاں تھے لوٹکی گہ بیلاڑ ایک ایک پیلہ دیگہ تو بڑو مُنوڑو یا لیکھو بال بیشے نجوڑتیا جی روغ بینو۔ [3] کوئے جک سہ آ سے فرنیچر گہ سنینن۔



❁ کوستینو نُوم: چورو / (چیوڑ)

نباتاتی نُوم: [95] *Debregeasia salicifolia*

(D. Don) Rendle

تاثیر: تتو

کُموت: چہرے

قسم: مُٹھو

ناروغتیا: بیش، چھاڑی، ژوک/مٹانائے بٹوئی، ہی دڑ، بٹو دافع، چولیو مرض، کِمٹہ، کھسے دڑ، دُت کم بون، دُورے اچھون۔

سنون گہ کمون: چہرے جی بالو ولے سرائے بین۔ مُٹھو گز سمار ڈوگو بینو۔ پُھڑے شو چو بینو۔ پٹھہ تلٹہ گہ نیلہ بین۔ [1] دُورے مچیارو کریا چورے

<sup>95</sup> Plant name identified by Dr. Zafeer Saqib, 2003.

گوڑی چُکٹے، ڈورے اچھوٹجی پلیگہ تو آئے سے گوڑجی میچی میچہاری  
 ڈورڑا این۔ [2] مالے ڈیر دہ کِمٹہ بلہ تو چورے گوڑی چُکٹے، گی گہ پُھک  
 ٹل تھے مالڑ دیگہ تو کِمٹہ وزن۔ [3] چئے سہ ششے بالہ ژگریونے کریا  
 چورے گوڑی پیڑی، برے تیل دہ مشری ششڑ پلین، آئے گئی ششے بالہ  
 ژگین۔ [4] دُت لئیریونے کریا آئے سے گوڑی دُت دہ روٹی چالی مالڑ دیگہ تو  
 چُھوت چُھوت دُت لیو بوجانو۔ [5] کھسے دڑے کریا چورے چہریش پیڑی،  
 دُت دہ بق بق تھے دُو وخ کھون گئی کھسے دڑ نوشانی۔ [6] بیشے مرضے  
 کریا چہریش چُکٹے، ووئی دہ مشری، چھاٹ تھے پیلہ سنہ دین۔



### ❁ کوسٹینو نوم: چوٹل / چوٹھل

نباتاتی نوم: *Rheum Emodi*

تائیر: چھوٹیں

کُموت: ڈھنڈی، چہریش

قسم: گوڑی

ناروغتیا: معدہ، دڑہ، ہی مرض، کمزورتیا، زیڑے، حیض، مہیکئی،

پرہار، ژوک، تلی، لیلے تاؤ، گڑشول، دجی۔

سنون گہ کَمون: آئے سے مٹھو ایک گز سمار ڈوگو بینو، شونلے ششجی

چپترہ چپترہ پٹھہ بین۔ آئے سے ڈھنڈی چپے کھجانی، آں چریش داروئے کریا

کَمِجَانِي۔ آئے سے چہرہ نکھلے، شوڑے، پیڑزی سفوف سنے پھتین، آں  
مختلف مرضو کریا آ سفوف کَمِجَانُو۔ [1] آئے سے سفوف معدہ گہ ہی  
مرضے کریا مڑنینو۔ [2] آئے سے دارو گئی ہی طاقت لئینی۔ [3] آئے سے  
سفوفے تلی استعمال گئی بیو، اونٹری گہ تلی اصلاح تھینو۔ [4] اونٹریو مضر  
مادائے خارج تھینو۔ [5] آئے سے تلی زیڑے مرضے کریا مڑنی نی۔ [6] چولیو  
مرض بن بلی تو آئے سے سفوفے تلی گئی پوچہ اوزگار بین۔ [6] آئے سے  
استعمال گئی بن بلی یا کم ای مہیکی اوزگار بین۔ [7] اونٹریو زخم روغ تھینو۔  
[8] آئے سے سفوف پھو یا کُلوجی شرشر تھیکہ تو پھو گہ کُلہ شیشی روغ  
بین۔ [9] ڈیرے دڑ یا گڑشول آئی تو آئے سے تلی گئی منورو روغ بینو۔ [10]  
زُوک یا مہیکیئے رگ دہ بٹوئی بلی تا شتی تو پھوئے نکھلینو۔ [11] زُوکے  
مرض نہیں اصلاح تھینو۔ [12] تلی بڑلی تو کم تھے تومی زیڑ اٹینو۔ [13]  
لیلے تاؤ (فشار) کنٹرول تھینو۔ [14] آئے سے سفوف بڑی بھارے مرضے کریا  
مڑنینو۔ [15] آئے سے پیلہ یا سفوف جھاڑے کریا گہ دین۔ [16] ہی، ڈیر  
گہ صُرتے دجنی بلی تو آئے سے پیلہ دون گئی دجنی نوشانی۔ [17] زیڑے گہ  
قبضی کریا چہرے پیلہ مڑنی کلین۔ [18] ایک لیکھی خمخیا سفوفے تلی  
لوشکجی نیرونی کیے جی، راتکی ٹکی کھیرے پتو تنو بووئی سے دین۔

## ❁ کوسٹینو نوم: چوئی



نباتاتی نوم: [96] *Pinus wallichiana*

تاثیر: تتی

کموت: کلیل، چینی، کاٹھو

قسم: نوم

ناروغتیا: پرہار، پھو/کلو، تھری پھون

سنون گہ کمون: [1] چوئی کلیل دوئیچلی زائے یا پرہارے کریا مڑینو۔ کلوچی کھچٹو موس کھیونے کریا گہ مڑینو۔ کلو یا پرہارجی اپو ہو پلیے گڑین۔ [2] چوئی کلیل بڑی پرہارو کریا ملہم سنون دہ مٹی گوڑیو سے ٹل تھے کمجانو۔ آئے سے ترتیب آئے نی چہ کوڑو شمار اسپاٹے گہ جشے پٹھہ، کستی چہرہش، تماکے ایک پٹھو، اپو ہو چوئی کلیل، ایک تلی میچھو، دو دو تلیئی چوٹیل گہ چکنی، کوڑو شمار آٹیلے واز ٹل تھے، چکٹے، گی دہ روٹی بڑی پرہارو کریا ملہم سنے پلین۔ آئے گئی پرہار دہ لیل گہ نہ پھتینو آ جنی رو اینی۔ [3] کاٹھو گوڑی دون گہ دہونے کریا کمجانو۔ [4] کوئی جک سہ گولگوچہ دہان گہ بنہ۔ [5] چینیو اولی شرٹے چوٹجی اجی وین۔

<sup>96</sup> Plant name identified by Dr. Zafeer Saqib, 2003; Dr. Rubina Rafiq, 1992-1995, Dassu HP Project, 2013.



## ❁ کوسٹینو نُوم: چین

نباتاتی نُوم: [97] *Acer caesium* Wall

نباتاتی نُوم: *Acer cappadocicum* Gled.

قسم: مُٹھو

ناروغتیا: -

سنون گہ کَمون: چینے کاٹھو دہون گہ کاٹھے بوٹی سنونے کِریا کِمجانو۔ روم رومے اکھری سہ جگو کِریا آئے سے کاٹھے خمخائے، پُھلی، کوٹھئے گہ مُتہ بوٹی سنین۔ آسے کاٹھے بُبکو کُندہ گہ چھپورہ گہ سنین۔

کوسٹینو نُوم	سائنسی نُوم	تائیر	کُموت	مرض
❁ چُسو	؟	تتو	کُله	شے کِمٹہ (پٹھوئی)

سنون گہ کَمون: چُسے کُله شیئے کِمٹہ / پٹھوئی کِریا لا مڑنین۔ آئے سے کُله شوڑے، پیڑی، راتہ تلی دیگہ تو ڈیرے کِمٹہ وزن۔ ایک چوٹ تلی دیگہ تو ایک موس بُجیش پھری نہ کھوئن۔ چویو دیزو مجی دُو چوٹ تلی دوئن۔ آئے گئی کِمٹہ ٹھک بوئے وزن۔

<sup>97</sup> Dr. Rubina Rafiq, 1992-95; Dr. Zafeer Saqib, 2003; Muhammad Islam, 2005.

## ❁ کوسٹینو نوم: چیپٹھو

نباتاتی نوم: [98] *Trillium govanianum*



تاثیر: تتو

کُموت: چہرِش

قسم: گوڑی

ناروغتیا: مُشلیو کمزورتیا

سنون گہ کَمون: آ ایک قیمتی گوڑین۔ آسے سُم دہ کھرہ ڈُڈورُو یا چہرِش بینی، باہر چے پٹھہ بنین، آ گئی چیپٹھو تھین۔ لو گران مُلی بوجانو۔ [1] کوئے جک سہ رزن آ گوڑی گئی مُشلیو طاقتے کِریا داروئے سِنجن، آں مُشلیو شت لیارانی کھاں گئی مُشلیو شو ووئی چینو۔ [2] کھسے دڑ گہ مُشلیو طاقتے کِریا آسے چہرِش نکھلے، شوڑے، پیڑی رات رات دُت سے ساتی ایک خمخیا سُماری تلی دین۔ [3] آ گہ رزن چہ بڑے کینسرے کِریا آ سے انگری داروئے سِنجن۔ [4] آسے پٹھو شاگی بدین۔

کوسٹینو نوم	سائنسی نوم	تاثیر	کُموت	مرض
❁ خاربولی	؟	چہہوئیں	چہرِش	چہائے

<sup>98</sup> Plant name identified by Dr. Zafeer Saqib, 2024 (internet communication).

سنون گہ کمون: آسے گوڑی گہ چہر شے سفوفے تلی گہ تعیز چہائے مرضے  
کریا غورہ کلیجانی۔ چہائے مرضے کریا گوڑی نکھلے، تعیز تھے شک دہ  
تھینن یا گوڑی پیڑی دیزہ مچی دُو چوٹ تلی دین۔



❁ کوسٹینو نوم: شلیٹ/شلیٹھ/شلیٹھنی

نباتاتی نوم: [99] Plantago major L

نباتاتی نوم: [100] Plantago ovata Frossk

تائیر: چہہو

کموت: بی، پٹھہ۔

ناروغتیا: بیش، بدبضمی، ڈیرے دڑ، قبضی۔

سنون گہ کمون: آئے سے لیکھو بو مُٹھو بینو، چُٹی شونلیئی بین، چپتر پٹھو  
بینو، شونلجی بی کُله بین۔ [1] آئے سے بی کُله آمودی شبا ووئی دہ بلے  
پھتے پتو اسہ ووئی پیگہ تو قبضی، ڈیرے دڑ، بدبضمی گہ بیشے مرض  
نوشانی۔ [2] نیلہ پٹھو شا بدے تگہ کھونن کھاں صُرتے کریا مڑنی گنجانو۔

<sup>99</sup> Plant name identified by Dr. Zafeer Saqib, 2003.

<sup>100</sup> Plant name identified by Dassu HP Project, 2013.





## ❁ کوسٹینو نوم: خھیرؤ

نباتاتی نوم: *Achyranthis aspera*

تاثیر: تنؤ

کُموت: کچے ڈگری

قسم: گوڑی/کچ

ناروغتیا: گڑشول، باسیر، چوم گہ اچھیؤ مرض، کھوروس، بضمہ،

ششے دڑ، پرہار، پیش، نیڑجی جوم اُران بون۔

سنون گہ کمون: [1] ڈیرے گڑشولے دڑ بلی تو آئے سے کچے ڈگریئی  
جُکڑے، عرقے پیلہ سنے دیگہ تو ڈیرے گڑشول نوشانی۔ [2] خھیرے تازہ  
چھرش شوڑے، پیڑی، دُو جوک ووئی دہ ٹل تھے، نرونئی کیجی کھیگہ تو  
مشانائے بٹوئی پھٹی وزن، آن دڑ گہ کم پیؤ بوجانی۔ [3] احتلامے مرض بلی  
تو خھیرے نئی چھرش نکلے، شوڑے، پیڑی، مجی بوری جوک مصری یا  
چنی ٹل تھے، لوٹکی گہ بیلاڑ دودہ سے تلی دینن۔ آئے گئی احتلامے مرض  
کم پیؤ نوشانی۔

## ❁ کوسٽینو نُوم: خرڌڪ / خرڌگ

نباتاتی نُوم: [101] *Varbascum thapsus* L



تائير: ڇههڻو

ڪموت: پڻه

قسم: مڻهو

ناروغتيا: ڪاڻ، ڪله، ڪهو، دڙه، باسير، ڪوڻ شلون۔

سنون گه ڪمون: خرڌڪ پڻه صُرتي ڪاڻ گه ڪلو ڪريا مڙينو۔ [1] ڪلو ڪريا خرڌڪ پڻه غوڙ تهي ڪلوجي بدين، آئي گي ڪلو جني بس دجانو۔ [2] صُرتي ڪٽي ڪريا خرڌڪ پڻه چڪڙي، عرق پيله تهي دين، آئي گي ڪاڻ ڪم بيو نوشاني۔ [3] خرڌڪ مڻهو سنڪڙي جي ماني بيجيش هر زائي ده بشينو۔ آئي دُو قسمو بينو۔ ايڪجي شيشو بينو، متوجي شيشو نه بينو آ پڻه بڙه بين۔

ڪوسٽينو نُوم	سائيسي نُوم	تائير	ڪموت	مرض
❁ ڏيرے دڙے گوڙي	؟	ڇههڻوئیں	ڇهرش	گڙشول

سنون گه ڪمون: آئي گوڙي اصل نُوم معلوم نه ٿي۔ اخسر جڪ سه آئي سڙ ڏيرے دڙے گوڙي تهين۔ ڏيرے دڙے ڪريا ڇهرش نڪهلي، شورے، پيڙي ديزه مڃي دُو چوڻ ووئي سه تلي دون گي ڏيرے دڙ نوشاني۔

<sup>101</sup> Plant name identified by Dr. Zafeer Saqib, 2003; Dassu HP Project, 2013.

## ❁ کوسٹینو نُوم: دَنُوئی / دَنُو

نباتاتی نُوم: [102] *Punica granatum*



تائیر: چھہو

کُموت: کُلو، دَنُشاک

قِسم: مٹھو

ناروغتیا: چُھنسُون، کُھو، شال، شوٹو شِلون۔ مِھیکی دجون، شال۔

سَنُون گہ کَمُون: دَنُوئی دُو قِسمانی۔ ایک زنگلی، مٹی باغی۔ بیٹے قسمہ  
مُئوڑے بدنے کِریا لئی غورانی۔ [1] دَنُوئی پڑ دَنُشاک تھین۔ دَنُشاک  
چُھنسُون، مِھیکی دجون، کُھو گہ شوٹو شِلونے مرضے کِریا مڑنینو۔ دَنُشاک  
پیڑی دیزہ مجی دُو چوٹ تلی دین۔ آئے گئی مِھیکی دجون، کُھو گہ شوٹو  
شِلونے مرض نوشانی۔ [2] شالے کِریا گہ دَنُوئی نیلہ کُلو پیلہ سنے ایک ایک  
گلاس ووئی دیزہ مجی دُو چوٹ مریضر دیگہ تو شال چھجانی۔ [3] لیلے  
کمی کِریا دَنُوئی کُله کھونن، آئے گی صُرت دہ لیل لئینو۔ [4] دَنُشاکے پٹ  
ووئی دہ کھرہ سم شان گئی روئی اسہ گئی شیئی پمیلی گوئیوڑ رونگ گہ  
دین۔ [5] دَنُوئی کُلو مجی وٹامن سی، وٹامن بی فایو، پوٹاشیم گہ فائبرے  
ایک مِسٹٹی مقدار موجود بین کھاں مُئوڑے صُرتے کِریا لئی غورہ کلینن، آئے  
سہ دہ اینٹی آکسیڈنٹس گہ جراثیم کش خواص بین۔ [6] آئے گئی ڈیرے

<sup>102</sup> Plant name identified by Dr. Zafeer Saqib, 2003, Dr. Rubina Rafiq, 1992-95.

بضمائے نظام گہ مضبوط پینو آں قبضی گہ نہ نوشانی۔ [8] دٹوئے جوس پینو گئی مٹوئے چومجی نکھتہ چوٹہ چوٹہ کله نوشی تازگی پائدا پینی۔ [9] آس دہ موجود فیٹی ایسڈ شیشے بالو گئی کرریونے کریا گہ مڑنینو کھاں گہ مٹوئے بالہ نہ وزن۔ [10] دٹو دہ نیلی چاء جی بسکو اینٹی آکسیڈینٹس موجود پینو، اُمختہ استعمال گئی چچیو، اونتری تھلو گہ مٹانائے کینسرے کریا مدافعتی نظام مضبوط تھینو۔ [11] دٹشاک دہ الیجک ایسڈے ایک خاص مقدار موجود پینی کھاں سہ مٹوئے جلدی کینسر رٹون یا کم تھونے کریا لو غورہ کلین۔ [12] دٹو سہ بیموگلوبن اے سطح لائیریونے کریا لو مڑنینو۔ [13] اُمید گئی بین چیو کریا آئے سے استعمال گئی انیمیا گہ صُرتے موثقیارے مرض کم پینی۔ [14] آس صُرت دہ کولیسٹرل گہ لیلے تاؤ (فشار) کم تھین۔



❁ کوسٹینو نوم: دُومپٹھو (نمیر؟)

نباتاتی نوم: [103] *Skimmia laureola* (DC)

Sieb & Zucc. ex wall

تاثیر: تتو

کُوت: پٹھ

قسم: مٹھو

ناروغتیا: پی شو، شال، جاک، ڈیرے کِمٹہ۔

<sup>103</sup> Plant name identified by Muhammad Islam, 2005.

سَنُون گہ کَمُون: آئرے سے مُٹھو ہمشہ نیلو بینو، لیکھ لیکھ نیلہ پٹھوئے بین۔  
 [1] ہی شو گہ سورے کریا آئرے سے پٹھو دُوم تھین۔ [2] آئرے سے پٹھہ  
 شوڑے، پیڑی پُھک/سفوف سنے، گی دہ حلوا سنے کھیگہ تو بندو دڑہ  
 نوشن۔ [3] شال گہ جکو مرضے کریا آئرے سے پٹھہ شوڑے، پیڑی ووئی سے  
 لوشکی گہ بیلاڑ تلی دیگہ تو منوڑو روغ بینو۔ [4] مالے ڈیرے کِمٹو کریا پٹھہ  
 چُکٹے، ووئی دہ مشری دین۔ [5] کوئے جک سہ ہی شو بلو تو آس سے  
 ساتی چوک مُوک گہ خرشنہ ٹل تھے دُوم تھین، آگئی ہی شوئے اثر نوشانی۔



### ✿ کوسٹینو نُم: دُون گوڑی

نباتاتی نوم: [104] *Nerium oleander* L.

تاثیر: چھہوُنیں

کُموت: پٹھہ، پُھڑہ، چہرش

قسم: گوڑی

ناروغتیا: مہیکئی، لومے بَش، بیش، مرگی

سَنُون گہ کَمُون: آئرے ایک لیکھو ہو ٹخو مُٹھو بینو، ڈھنڈی ٹخی گہ رُگہ  
 بینو، پٹھہ رُگہ رُگہ بین، شٹ دہ کھرہ لہیلو ہو پُھڑو بینو، ہر پُھڑے پوش  
 پٹھائی بین آں سوسم دہ شو ہو غوئے بینو۔ [1] آئرے سے پٹھہ، شونہلی گہ

<sup>104</sup> Plant name identified by Muhammad Islam, 2005; Dassu HP Project, 2013.

چہرہ ش چُکڑے پیلہ سنین، یا شوڑے، چُکڑے، پیڑی سفوف سنین۔ [2] لڑمی  
 چپاؤ تو بٹسے کریا آئے سے استعمال تھین۔ [2] مہیکئی سم شان گئی اوزگار  
 تھونے کریا گہ آئے سے پیلہ پین۔ [3] بیو، بیش گہ مرگی مرضے کریا گہ آئے  
 سے دورو پین یا تلی دین۔ [4] مہیکئی سم شان گئی اوزگار نہ آئی تو آئے  
 سے استعمال گئی مہیکئی اوزگار بوئے اینی۔ [5] آس دہ بٹسے اثر گہ پین  
 احتیاط گئی اپو اپو کمون پکارن۔

کوستینو نوم	سائنسی نوم	تاثیر	کموت	مرض
❁ ڈپیلون	؟	چہہوئیں	پٹھہ	ٹاکو

سنون گہ کمون: ڈپیلون ائے پٹھہ مالے شال گہ ٹاکوئے مرضے کریا مڑنین۔  
 مالڑ شال یا ٹاکوئے مرض بلئی تو پٹھہ چُکڑے، پُھکو سے ٹل تھے مالڑ دین۔

کوستینو نوم	سائنسی نوم	تاثیر	کموت	مرض
❁ ڈپیلون	؟	تتی	؟	؟

سنون گہ کمون: ڈپیلونے گوڑی یا مٹھو پلونے ایک دُموگئی یا ادنیٰ قسم آئے  
 سے خواص گہ کم یا بسکہ پلونے شریان۔

## ❁ کوسٽینو نُوم: رائیں / رائیں

نباتاتی نُوم: [105] *Abies pindrow*

تائیر: ؟

قسم: توم/مٹھو

کُوت: کاٹھو۔

ناروغتیا: -



رائیں/رائیں ماحولياتی توازن قائم تھون مجی ائک اہم توم کلجانو۔ [1] رینے  
دو قسمو گولگوچو بینو، ایک بیرو متو سوچی۔ بیرو گولگوچو لیکھو بینو  
آن پلاشو گورو بینو۔ سوچی گولگوچو شینا بڑو بینو کھاں اول ده نیلو آن  
بڑیوئے شینا گرینو۔ بی ہنک سوچی گولگوچو ده بینو کھاں نکھزی اوشی  
گی اوره پیره خور بینو۔ [2] لئی چل (کھس) زمنه ده آ مٹھو برکتلو کلجاسو  
آن آئے سے ایک ثقافتی گه مذہبی اہمیات گنجانس۔ [3] کھاں زائے ده  
پھلوڑے توم نه بلو تو اسدی جک سه رائیں توم گئی گوڑی دین۔ سوری گه  
جھڑی ده لچ گه مال ریں توبو کھری بیانی۔

<sup>105</sup> Plant name identified by Dr. Rubina Rafiq, 1992-1995, Sipat Gah HP Project



## ❁ کوسٹینو نُوم: رَتراتی

نباتاتی نُوم: [106] *Arnebia benthamii*

نباتاتی نُوم: [107] *Arnebia benthami*

(Wall. ex. G.Don.) I.M. Johnston

تاثیر: چھہوئیں

کُموت: پٹھہ، پُھڑو

قسم: گوڑی

ناروغتیا: سُرُمخے، کِھسے دڑ، ڈیرے دڑ، نکریزی، جاک،

چُھنسوں، مہیکی دجون، شال، شوٹو شلون، بی مرض۔

سَنون گہ گَمون: رَتراتی اے پٹھہ نکریزی سنون، سُرُمخے، کِھس گہ ڈیرے

دڑے کِریا مڑنہ۔ [1] سُرُمخے کِریا آئے سے پٹھہ شوڑے، پیڑی لیکھہ بلوڑ

دیزہ مجی دُو چوٹ ووئی سے تلی دئین۔ [2] کِھسے دڑے کِریا آئے سے

پٹھہ چُکٹے، بئی تھے دیزہ مجی دُو چوٹ دین۔ [3] ڈیرے دڑے کِریا آئے

سے شُکھہ پٹھہ پیڑی دیزہ مجی دُو چوٹ تلی دین۔ [4] آئے چُکٹے بتو کِریا

نکریزی گہ سنین۔ [5] جَکو (نمونہ) کِریا آئے سے چاء سنے پین۔ [6]

<sup>106</sup> Plant name identified by Dr. Rubina Rafiq, 1992-1995.

<sup>107</sup> Plant name identified by Dr. Zafeer Saqib, 2003..



چُھنسُونی کِریا گہ آئے سہ چاء سہ پیگہ تُو مُنُوڑُو روغ پینُو۔ [7] شال، شوٹُو  
شَلون گہ ہی مرضیہ کِریا سفوف تلی دون غورہ کلین۔



❁ کوسِتیَنو نُوم: رَتَّجُوک/رَتَّجُوک

نباتاتی نُوم: [108] *Geranium wallichianum*

تاثیر: دُوْمُوگی درجہ دہ تتی

کُموت: چہرِش، پٹھہ۔

قسم: گوڑی

ناروغتیا: کھسے دڑ، دُت کم بون، طاقت، بیش، حیضے دڑ، ژوکے  
دڑ، مٹانہ کہ ژوکے بٹوئی، زیڑے، پوئی شال، دافع صفراء،  
چومے مرض، لیل، ڈیر، کھس، دوئی، دُون گہ بندو دڑہ۔

سَنُون گہ کَمُون: رَتَّجُوک کھس گہ دوئیُو دڑ، دُت لئیریون گہ خِلخِتیُو مجی  
مُتہ دارو سہ ٹل تھہ کمیجانی۔ [1] کھس گہ دوئیُو دڑے کِریا آئے سہ  
چہرِش/گوڑی شوڑے، پیڑی، بی تھہ، مجی گی وی، رات نیڑجی مُچھو  
دین، آئے گئی کھس گہ دوئیُو دڑہ نوشن، قوت لئینی۔ [2] چالی مالے دُت  
کم بلو تُو آئے سہ چہرِش پیڑی، دُت دہ وی مالڑ دیگہ تُو دُت بَسکیُو  
بوجانو۔ [3] چاتھر یا مُوٹ دہ بال بنو چیُو کِریا گہ آئے سہ گوڑی لئی مڑینی۔

<sup>108</sup> Plant name identified by Dr. Rubina Rafiq, 1992-1995, Dr. Zafeer Saqib, 2003; Muhammad Islam, 2005; Dr. Habib Ahmad, 2005.

ادیئے چیوڑ آئے سے چہرِش/گوڑی شوڑے، پیڑی، بی تھے، گی وی دیگہ تو  
دُت گہ لیئو آں اشتیار گہ کم پیو بوجانی۔ [4] خلیختی چیوڑ حلوا سنون بلو  
تو آئے سے کم مقدارے پیڑیلو سفوف حلوا ده ٹل تھین، طاقتے کریا لو  
مڑینو۔ [5] کھسے دڑے کریا آئے سے سنیلو حلوائے چار خمخیاںے لوشکن  
لوشکجنی کھیگہ تو کھسے دڑ نوشانی۔ [6] آئے سے چہرِش چکٹے، سرکہ  
ٹل تھے، چومے مرضے کریا پلین۔ [7] اہو تتو وئی سے پیڑیلو سفوف تلی  
دیگہ تو لیل صاف بینو۔ [8] آئے سے ایک خمخیا سفوف وئی سے تلی  
دیگہ تو ڈیرے دڑ نوشانی۔ [9] آئے سے چہرِش یا پھڑے ہوری جوک شوڑے،  
پیڑی، تتو وئی سے تلی دیگہ تو بن بلی چولیو مرض اوزگار بینی۔ [10]  
دوڈے دڑے کریا گہ کمجانو۔ [11] آئے سے قطرائے اچھیو مرضے کریا مڑنے  
کلین۔ [12] بندو دڑو کریا پٹھ چکٹے دڑ بی زائے جی گڑین۔



❁ کوسیتینو نوم: رَسَمَار

نباتاتی نوم: ؟


تائیر: چھہوئیں

کُموت: پٹھ

قِسم: مٹھو/گوڑی

ناروغتیا: دیاییطس

سَنُون گہ کَمُون: [1] آئے سے لوگہ پٹھہ چپون گئی شوگرے مرض کم بینئ۔  
[2] پٹھہ شوڑے، پیڑی لوشکی گہ بیلاڑ آسہ سے ایک ایک تلی گہ دینن۔



❁ کوسیتینو نُوم: رَنگسالو

نباتاتی نُوم: [109] *Lonicera myrtillus*


تاثیر: چھہوئ

کُموت: کُلہ

ناروغتیا: دجار، کاٹ

سَنُون گہ کَمُون: [1] رَنگسالوئے چہرَش گہ پٹھوئے کاٹ گہ دجارے کِریا مڑے  
کلینن۔ آئے سے چہرَش گہ پٹھہ چُکڑے، پیلہ سنے لوشکجی استعمال تھینن،  
آئے گئی صُرتے کاٹ گہ دجار نوشانی۔ [2] کُلو میوہ کھونن۔ جدید تحقیق دہ  
معلوم بلینئ چہ آئے سے میوہ کھون گئی DNA خلیوڑ نوخصان کم بیڑ بوجانو۔

<sup>109</sup> Plant name identified by Dr. Rubina Rafiq, 1992-1995.



❁ کوسٹینو نُوم: رُون/رُون/شیئی گوڑی؟

نباتاتی نُوم: [110] *Achillea millefolium* L.

تاثیر: چھوئیں

کُموت: پٹھہ

قسم: گوڑی

ناروغتیا: شال، دڑ، کان، معدہ

سنون گہ کَمون: آ ایک لیکھو ہو مُٹھو پینو، چُنئی بکھیو جی شے شے پُھڑو چو بین، پٹھوئے نیلہ نیلہ بین۔ [1] شالے کریا نیلہ پٹھوئے چُکٹے، پیلہ سنے لوشکی گہ بیلاڑ دین۔ [2] کوٹے دڑے کریا اَک یا دُو قطرائے کوٹ دہ تُھک تھین۔ [3] دودے دڑے کریا اِبی بے شبا ووئی شموٹو تھے آنزی دہ رُٹے تھو تھین، آئے گئی دودے دڑ نوشانی۔ [4] صُرتے کان گہ دجنی کریا آئے سے پیلہ سنے لوشکی لوشکی جی پین۔



❁ کوسٹینو نُوم: رُیاں

نباتاتی نُوم: [ ] *Hericium edible*

تاثیر: تتی

کُموت: تام رُیاں

ناروغتیا: اشتیار، مہیکئی دجون

<sup>110</sup> Plant name identified by Dr. Rubina Rafiq, 1992-1995; Dr. Zafeer Saqib, 2003; Muhmmad Islam, 2005.

قسم: فنگی

سنون گی کمون: رَئیاں چوکو یا ژیک تو بجنی اکوڑا کرے جانی۔ کوہستان دہ  
اخسر زیو جیلو مجی ہشینی۔ آ اردو ”کھمبی“ مجی ایک جُدا قِسْم۔  
کوہستان دہ چینی قام سہ آ سے جُولی بدین۔ [1] آ سے سوپ/کڑی اثر تنو  
بینو، مہیکئے رگے اوزگار تھینی۔ [2] صُرتے طاقتے کریا مڑنی نی۔



❁ کوسٹینو نُوم: ریٹ (بڑی ریٹ)

نباتاتی نُوم: [111] *Bistorta amplexicaulis*

(D. Don) Green

تاثیر: چھہوئیں

کُموت: چھہرِش/گوڑی

ناروغتیا: پرہار، ہگارے دجنی، تُّٹے دڑ، اشتیار۔

سنون گہ کمون: ریٹ لے قِسْمو مرضو کریا مڑینی۔ [1] تُّٹے دڑے کریا آئے  
سے چاء سنے دین۔ [2] عام کمزوتیا گہ اشتیارے کریا گہ آئے سے چائے  
استعمال غورہ کلین۔ [3] پرہارے کریا ریٹے چھہرِش شوڑے، پیڑی پرہارجی

<sup>111</sup> Plant name identified by Dr. Rubina Rafiq, 1992-1995, Dr. Zafeer Saqib, 2003, Muhmmad Islam, 2005.

شرشر تھین۔ آئے گئی پر بار شکریو جنی روغ بینی آں مجی ناؤں یا پوس گہ  
نہ بہت پینو۔ [4] آسے شا گہ بدین۔



### ❁ کوسٹینو نوم: ریٹ (لیکھی ریٹ)

نباتاتی نوم: *Bistorta affinis*

تائیر: چھوئیں

کموت: چھرش/گورٹی

ناروغتیا: ٹٹے دڑ، اشتیار

سنون گہ کمون: ریٹے آئے قسم بسکی اُتھلی زیوڑ بینی۔ [1] آئے سے چھرشے  
چاء سنے ٹٹے دڑ گہ عام صُرتے اشتیارے کریا دین۔ ریٹ بڑی گہ لیکھی سینجانی۔  
[2] آسے شا بدے نگہ کھون۔



### ❁ کوسٹینو نوم: زروخل

نباتاتی نوم: *Malva parviflora* [112]

تائیر: چھوئیں

کموت: پٹھہ/شا

<sup>112</sup> Plant name identified by Dr. Rubina Rafiq, 1992-1995, Dassu HP Project-

قسم: شا

ناروغتیا: قبضی، پُھڑجیار، جاکو شیشیار، السر۔

سنون گہ گمون: [1] زروخلے شا قبضی مرضے کریا مڑنینو۔ شا عام پال پربیز  
دہ گہ مرضوڑ دین۔ [2] زروخلے پٹھہ شوڑے، پیڑی آئے سے پُھک/سفوف  
پرہار گہ دُجے کُلوجی شَرشَر تھیکہ تو پرہار شکھریو جنی روغ بینی۔ [3]  
پُھڑجیار بلئی زائے جی آئے سے پٹھو تپے بدیکہ تو پُڑجیار کم بیو نوشانی۔ [4]  
بی کُھو گہ السرے کریا کمجانو۔ [5] شیشے بالو شیشیارے کریا چہرَش گہ  
پٹھہ چُکٹے، ووئی دہ ٹل تھے، شیش دجریگہ تو خُشکی نوشانی۔



❁ کوستینو نوم: زَلَالُو

نباتاتی نوم: [113] *Isodon rugosa*

تائیر: چھہو

کُموت: پٹھہ

قسم: گوڑی

ناروغتیا: دُون گہ ڈیرے دڑ، بادخوری، دڑہ، بیش، معدہ، بیو۔

سنون گہ گمون: زلالے مٹھو دہ بیرو گہ سوچی بیئی خاصتے بین۔ زَلَالُو  
آمودی مرضو کریا کمجانو۔ [1] دودے دڑے کریا چہرَش گہ مٹھو چُکٹے،

<sup>113</sup> Plant name identified by Dr. Rubina Rafiq, 1992-1995.

ووئی شموٹو پُرمے، اپنی شبہ آنڑی دہ رٹے تھو تھون گئی دڑ کم بیو بوجانی۔  
 [2] بادخوری، صُرتے دڑہ، پیش، معدہ گہ ہی مرضو کریا سفوف سنے دیزہ  
 مجی دُو چوٹ تلی دین۔



❁ کوسیتینو نوم: زلگلے / زلگلا

نباتاتی نوم: [114] *Ranunculs* sp

تائیر: چھہو

کُوت: پٹھہ، چھرش

ناروغتیا: بچی، شال، پیش، دڑہ۔

احتیاط: تازہ مٹھو بشلِتو بینو، سُکھو

سنون گہ کَمون: [1] چھرش گہ پٹھہ شوڑے، پیڑی، شال، پیش گہ دڑو کریا  
 لوشکجی ووئی سے ایک ایک تلی دین۔ [2] چنبلے کریا پٹھہ شوڑے، ووئی  
 دہ چُکٹے اسہ ووئی گئی چنبل ہنی زائے دِجارنن، دِجری آئے سے سفوف  
 گاؤلے ششاٹو گھی دہ ٹل تھے پلین۔

<sup>114</sup> Plant name identified by Muhmmad Islam, 2005.





## ❁ کوسٹینو نُوم: زَلّی

نباتاتی نُوم: [115] *Clematis vitalba*

تاثیر: تتی

کُموت: پٹھہ

قِسم: مُٹھو

ناروغتیا: دڑہ، رگو موٹقیار، اٹھیو اشتیار، ششے دڑ۔

سَنون گہ کَمون: آئے سے پٹھہ شوڑے، چُکٹے، پیڑی ہوری ہوری خمخیا  
لوشکجی ووئی سے تلی دین۔ آئے گئی بندو دڑہ، ششے دڑ، رگو موٹقیار گہ  
اٹھیو اشتیارے مرض نوشانی۔ بسکو استعمال نہ تھون پکارن۔ رزن بسکو  
استعمال تھون گئی دارو ابوم اینیو۔



## ❁ کوسٹینو نُوم: زنگلی بھنڈی

نباتاتی نُوم: *Abelmoschus ficulneus*

تاثیر: تتی

کُموت: چہریش

قِسم: مُٹھو

<sup>115</sup> Plant name identified by Muhmmad Islam, 2005.

ناروغتیا: ڈیرے دڑ، ڈیرے مرضہ

سنون گہ کمون: آئے سے قسم زنگلی ہُگی ائے شریا بینی۔ آئے سے شوئلنی یا بکھیننی نہ بین۔ لئی ڈوگنی مالیوڑ بینی۔ آئے سے چہریش مال منوڑو داروئے کریا کمیجانئ۔ [1] آئے سے چہریش پیزی سفوف سنے استعمال تھین۔ ڈیرے دڑ گہ ڈیرے مٹنی مرضو کریا ہوری خمخیا پُھک/سفوف ووئی سے تلی دین۔ [2] مالے ڈیرے دڑے کریا چہریش چُکٹے، ووئی دہ ٹل تھے دین۔



زنگلی پالک: نُم

نباتاتی نُم: Rumex dentatus

تثنی: تاثیر:

کُموت: پٹھہ، چہریش۔

ناروغتیا: بیش، چومے مرض

سنون گہ کمون: [1] زنگلی گوبھی کوئے مرضو دارو کریا مٹنی گوڑیو سے ٹل تھے کمیجانئ۔ دیسی دارو دہ بیش گہ چومے مرضے کریا کمین۔ [2] کوئی زائی دہ آگوڑیئے شان گئی آن کوئے زیوڑ شائے شان گئی کمیجانئ۔ [3] آس دہ کھاں اجزاء ہشین، اسہ کینسر، صُرتے دجار گہ ایگزیمائے مرضو داروئے کریا مڑنے کلیگان۔



## ❁ کوستینو نوم: زنگلی پستہ

نباتاتی نوم: Pistacia integerrime


کُموت: کُلہ، پٹھہ

تاثیر: تتو

قسم: مٹھو

ناروغتیا: بی شو، سورے، کمزوتیا

سنون گہ کمون: آئے سے مٹھو کوستان دہ اکلوئی اکلوئی زیوڑ ہشینو۔ بسکو کورو میرو مجی پاندا بینو۔ آئے سے مٹھو لیکھو آں بکھہ رگہ بین، کُلہ لا چٹہ بین۔ اخسر منگ کہ اُسکورس کھون۔ [1] آئے گئی بی شو گہ سورے کریا دوم تھین۔ [2] پٹھہ کوئے دارو مجی ٹل تھے کمجن۔ [3] آئے سے سوچی گہ بیرو پھڑو جدا جدا مٹھوجی بینو۔



## ❁ کوستینو نوم: زنگلی پلو

نباتاتی نوم: Malus himalaica (Max) Schn.

تاثیر: چھہو

کُموت: کُلو،

قسم: مٹھو

ناروغتیا: لیلے خرابتیا، کمزورتیا، دڑہ، معدائے مرض۔

سنون گہ کمون: آ ایک قسم کے زنگلی پلوئے مٹھو بینو، کہاں سے کُلہ پکھہ تو شینا لہیلروگہ بین۔ [1] آمیوہ صُرتے کریا مڑینو۔ [2] کُلہ کھیگہ یا جوس سنے پیگہ تو لیل صاف بینو، دڑہ کم بین، ڈیرے مرضہ نوشنن، ہضمہ سم تھینو۔

❁ کوسٹینو نوم: زنگلی پیاز

نباتاتی نوم: *Allium humile* Wall. Ex Baker

تاثیر: تتو


کُوت: پُھڑو، پُھوئے، چہرِش

قسم: گوڑی

ناروغتیا: ہضمہ، گیس، معدہ

سنون گہ کمون: زنگلی پیازے پُھڑو، پُھوئے گی چہرِش مُتی گوڑیو سے ٹل تھے تگہ کوئے مرضو کریا داروئے سنجن۔ [1] آئے سے پُھڑو گہ چہرِش چکٹے، سفوف سنے معدہ، ہضمہ گہ مُتی مرضو کریا لوشکنی گہ بیلاڑ ایک ایک تلی دینن، آئے سے استعمال گئی ڈیرے اوشنی (گیس)، معدائے دجنی گہ ہضمائے مرض نوشانی۔





❁ کوسٽینو نوم: زنگلی راگم

نباتاتی نوم: *Lathyrus lanegatus* L.

نباتاتی نوم: *Lathyrus pratensis*

تاثیر: تتو

کُموت: پٹھ، چهرش

قسم: گوڑی

ناروغتیا: خرگن پر بار/زخم،

سنون گہ کمون: [1] آئے سے شونلی گہ پٹھو شا بدینن، کوئے جک سہ  
کچی گہ کھونن۔ [2] بی جڑی، پیڑی پھکو سے ٹل تھے، ٹکی تھے  
کھونن۔ [3] سفوف یا پیلہ ژوک، چھنسون گہ کھوئے مرضے کریا استعمال  
تھینن۔ [4] کوئے قسمو مچی بش گہ یینو، بسکو کھیجلو تو بندو مرضہ  
پٹھن، لئی احتیاط تھون پکارن۔



## ❁ کوسٽینو نوم: زنگلی شرمی / میو

نباتاتی نوم: *Primula denticulata* Smith

نباتاتی نوم: *Primula macrophylla* Don.<sup>[116]</sup>

تائیر: چھوئو

کُموٽ: چھرش، ڏهنڊی، پھڙو۔

قسم: گوڙی

ناروغتیا: آچھئی شلون، صُرت یا معدائے دجی، جُون پٿرو۔

سَنون گہ کَمون: آ ایک ٿخو ہو کچو مٺھونو، شونلی ٿخی گہ چٽی ڏوگی بینن، شونلیو ٻٽ ده کهره شو ڏڏورو ہو پھڙو بینو۔ [1] آ سہ چھرش، ڏهنڊی گہ پھڙو شوڙے، پیڙی تیل ده مشری سٿٿر پلیگہ تو شیشے جُون لیچ مری بڙيجانی۔



## ❁ کوسٽینو نوم: زنگلی گوبھی

انگریزی نوم: *Dandelion*

تائیر: تنی (شکھی)

کُموٽ: پٺھ، چھرش

<sup>116</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

ناروغتیا: باسیر، جریان، لیلے تاؤ/فشار، شیشے دڑ، اچھیے شلون،  
 زیڑے، بضمہ، بیش، پڑسوب، دڑ، لیل وزن، جُدرائے بش،  
 کاٹ، پھو، چنبل، بلغم، شیش گہ ڈیرے دڑ، اچھی گہ  
 کوٹے دڑ، کھسے دڑ، سوزاک، مہیکی تھک بون،

سنون گہ کمون: زنگلی گوبھی دُو قسمہ بین، رس دہ شنا چٹھیار بین۔ [1]  
 جریان گہ شو ووئی بوجون رٹونے کِریا آئے سے چہریش گہ پھٹوئے چکٹے،  
 شوڑے، پیڑی سفوف مٹہ دارو سے ٹل تھے سنین مگر آئے سنونے ترتیب شنا  
 گران، آئے گئی مقامی سطحاجی نہ ہشین، آئے وجہ گئی تفصیل نہ لکوٹس۔  
 [2] آئے شنا بادگیر گہ بین، کم استعمال تھون پکارن۔ [3] زنگلی گوبھی  
 سہ بلغم گہ کھوروس رٹینی یا نہانی۔ [4] دودے اُرُوئی کِریا مڑینی۔ [5] آئے  
 سے کم مقدارے استعمال باسیرے مرضے کِریا مڑینی۔ [6] مہیکی ائے  
 دجارے کِریا گہ مڑینی۔ آ مرضو کِریا آ سے پٹھو جُولی/شا بدے اپو ہو  
 کھون۔ [7] زنگلی بھنڈی بضمہ، باسیر، کاٹ پھو، چنبل گہ لیلے تاؤے  
 کِریا مڑینی۔ [8] شیش، ڈیر، اچھی، کوٹ گہ کھسے دڑے غورہ کلین۔ [9]  
 کاٹ، پھو چنبلے کِریا مِشٹن۔ [10] بلغم گہ زیڑے مرضے کِریا کھون۔ [11]  
 آ سے تازہ عرقے دُو قطرائے اچھی گہ کوٹے دڑے کِریا دیہہ مجی دُو چوٹ  
 تھک تھون گئی دڑ نشانی۔ [12] آ سے سفوف سونف سے ایک شانیو  
 استعمال تھون گئی کھسے دڑ نوشانی۔ [13] تام مٹھو چکٹے اسہ سے سنیلو  
 پیلہ پیون گئی سوزاکے مرض نوشانی۔ [14] زنگلی گوبھی جُولی پیو گہ

معدائے کرِیا مُضر کِلجائی۔ کھاں جگو بیو کمزور بی سیٹوڑ کرہ گہ نہ کھون پکار۔ [15] آسے عرق دہ سُرْمہ پیڑی اچھیو بُئی مرضو کرِیا غورانو۔ [16] آسے چہر شے نکھلے، شوڑے، چُکڑے، سفوف سنے دیزہ مِجی ایک یا دو ماشہ بُجیش تلی دون پکارن۔



### ❁ کوسٹینو نُوم: زنگلی گولاب

نباتاتی نُوم: Wild Rose (Rosa spp).

تائیر: چھوؤ

کُوت: پُھڑہ

قِسم: مُٹھو

ناروغتیا: بَیش، قبضی۔ بیو، موتھو (دماغ) گہ معدائے کمزوتیا۔

سَنون گہ کَمون: زنگلی گولاب دُو قِسمو بیو۔ ایک شو، مُتو لہیلو۔ [1] آئے سے پُھڑو پُٹھوئے رات ووئی دہ وی پھتے، لوشکیجی اسہ ووئی اچا بری ائین چہ ووئی ہوری پھت بی۔ پتو پاک ٹپی دہ چھاٹ تھے اسہ عرق چھورے پھتن۔ بضمائے کرِیا لو مڑنینو۔ ایک یا دُو خمِخیائے ووئی دہ وی پین۔ [2] آئے سے ایک پاؤ سُمَار پُھڑہ، چے پاؤ سُمَار چینی ٹل تھے، آئے سے عرق سَنے گہ تو چے دیزوجی پتو گُلُقند تیار بوئے استعمالے قابل بیو۔ معدہ گہ دماغے طاقتے کرِیا دُو خمِخیائی استعمال تھین۔ [3] قبضی کرِیا گہمڑنینو۔





## ❁ کوسٹینو نُوم: زنگلی برو

نباتاتی نُوم: *Sinapis arvensis*

تاثیر: تتو

کُموت: بی

قسم: مُٹھو/گوڑی

ناروغتیا: معدہ، بلغم، انیار، چومے مرض۔

سَنُون گہ کَمُون: آئے سے مُٹھو ایک فٹ سمار ڈوگو پینو، چٹنی کوئیں دہ بی پینو، پٹھو رِگو آں پُٹھو پیلاشو ہو پینو۔ [1] زنگلی برے بی معدہ، بلغم گہ چومے مرضو کریا مڑنپنو۔ [2] آئے سے بی نکھلے، چٹو چٹو پیڑی، ہر چھک بورئ خمخیا کم روٹیلو ہٹوجی شرسر تھے کھون۔ آئے گئی معدائے مرضہ، بلغم، انیار گہ مُتی جلدی مرضہ نوشن۔ [3] آئے سے بی تیل گہ نکھلجانو۔



## ❁ کوسٹینو نُوم: زنگلی بُگنی

نباتاتی نُوم: *Allium ursinum*

تاثیر: تتنی

کُموت: ڈُڈورو

ناروغتیا: بٹسے تریاق، پیش، مہیکی۔

سَنُون گہ کَمُون: زنگلی بُگئی اے مٹھو ہورئ گز سمار ڈوگو پینو، پٹھہ نیلہ، پُھڑو لہیلاشو ہو پینو۔ اُتھلی مالیوڑ عام ہشینو۔ [1] آئے سے ڈڈورہ نکھلے پھتیا۔ تم مچھنو دیز اپہ ہو استعمال تھیا۔ ہر چھک اپی اپی مقدار بی دیزو بُجیش لئیرئو بوجن، پھری کم تھیو کم تھیو اولے دیزے مقدار ائین۔ آئے اوشی/فالجے مرضے کریا لئی مڑنینی۔ [2] زنگلی بُگئی گہ ادرك ایک مقدارے چُکٹے، چٹنی سنے کمین۔ ڈیرل منوڑے واز بلے کم تھینی۔ [3] زنگلی بُگئی ہضمائے نظامے کریا مڑنینی۔ [4] اُنیار نہ شتی تو آئے سہ اُنیار پائدا تھینی۔ [5] ہی حرکتو فعال سم تھینی۔ [6] صُرتے غیر ضرورڑی تھلیار گہ وزن کم تھینی۔ [7] کولیسٹول کم تھینی۔ [8] لیلے تاؤ/فشار کم تھونے کریا مڑنینی۔ [9] اونٹریو مرضو کریا مڑنینی۔



کوستینو نوم: زُونُ

نباتاتی نوم: [117] *Artemisia maritima* L.

تاثير: تتو

کُموت: چھرش

ناروغتیا: بٹسے تریاق، بيش، بیش، مہیکی دجون، شال، دڑہ۔

<sup>117</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354 (2009)

سنون گہ کمون: [1] لیلے بیشرے کریا زوٹے چہرِش نکھلے، چُکٹے آئے سے عرقے پیلہ سنرے دیزہ مجی دُو چوٹ دین۔ آئے گئی لیلے بیشرے کم بوئے مریض روغ بینو۔ [2] بیش، مہیکی دجون، شال گہ بندو دڑو کریا آسے تام مُٹھو گہ چہرِش نکھلے، شوڑے، چُکٹے، پیڑی، پُھک (سفوف) تھرے چنی یا میچھی سے ساتھی ایک ایک لیکھی خمخیا کھون۔، آ گئی بیش، مہیکی دجون، شال گہ بندو دڑو مرض نوشانی۔



❁ کوسٹینو نوم: رچ (شیئی/کٹی)

انگریزی نوم: Wild Graps

اتاثیر: تتی

کموت: کلہ، لوگہ پٹھہ

قسم: گبی

ناروغتیا: اشتیار، اچھی شلون، بادخوری، گٹھو دڑہ۔

سنون گہ کمون: انسانے صُرتے کریا رچ لئی غورہ کلین۔ [1] رچے رَس شِلا اچھی کریا مڑنینو۔ آئے سے کُلو رَس نکھلے، نلتھوت سے ٹل تھرے، رات نیڑجی مُچھو اپھو ہو سلی گئی شِلا اچھیڑ پلین۔ [2] رچے چار روگنی بین۔ کٹی، شیئی، جامنی گہ نیلی۔ کوسٹان دہ کٹی گئی شیئی رچ بین۔ [3] رچ اینٹی آکسائیڈنٹس گئی پوٹی بین۔ آئے سے استعمال گئی ہی مرضہ کم بین۔

[4] کوئی مخصوص قسمے کینسرے مرضو خطرہ گہ کم ینئ۔ [5] آئے گئی جسمے مضر مادائے جمع بونجی رُجَن۔ لیلے رگو حالتر مڑینئی آئے گئی لیلے تاؤ/فشار کم ینئ۔ [6] رچ دہ پوٹاشیم ینئ۔ کھاس سہ صُرتر فائدہ دینئ۔ لیلے تاؤ گہ کولیسٹرول کٹرول ینئ۔ [7] رچ سہ بادخوری مرض گہ کم تھینئ۔ رچ کھون گئی اچھیؤ قرنیو دہ نوخصنی مالیکیولزو نکھزونے خطرہ کم ینئ۔ [8] رچ سہ انسانے DNA نوخصان کم تھے مِشئہ خلیاتوڑ تحفظ دینئ، کھاس گئی اچھیؤ نظرتر فائدہ ینئ۔ [9] رچ سہ دماغی کیمارے خطرہ گہ کم تھینئ۔ آئے خطرائے الزائمرے مرضہ سہ منسلک ینئ۔ [10] آئے سہ استعمال گئی کٹھے بندو دڑہ کم ینئ۔ آئے سہ دہ موجود اینٹی آکسائیڈنٹس سہ کٹھو حرکت گہ لچک دہ مدد دینئ۔ [11] رچ دہ ادا انزائمائے ینئ کھاس سہ صُرتر دہ پھڑجیار ایون نہ پھتینئ۔



### ❁ کوسٹینو نوم: رُکِیٹئی

نباتاتی نوم: [118] *Rubus niveus* Hk.f.

تائیر: چھہوئیں

کُموت: پٹھہ، میوہ

ناروغتیا: بت پاں پھہون، ذیابیطس، تا

سَنون گہ کَمون: [1] آئے سہ پٹھہ بتی پائیں پھہونے مرضے کریا مڑنین۔ آئے

<sup>118</sup> Plant name identified by Dr. Rubina Rafiq, 1992-95, Dr. Zafeer Saqib, 2003.

سے پٹھہ شوڑے، چُکٹے، پیڑی، اِپھو ہو گی ٹل تھے مَلہم سنے ہت پوٹ  
 پلین۔ [2] ذیابیطسے مرضے کریا آئے سے پٹھہ چُکٹے، پیلہ سنے لوشکی  
 لوشکجی پیگہ تو ذیابیطسے مرض رُٹجانی۔

کوستینو نُوم	سائنسی نُوم	تائیر	کُموت	مرض
🌿 ژوٹ	؟	تتو	چہرِش، پٹھہ	لہیلہ کِمٹہ

سَنون گہ کَمون: ڈیرے لہیلہ کِمٹو کریا آئے سے چہرِش گہ پٹھہ مڑنین۔ آئے  
 سے چہرِش گہ پٹھہ چُکٹے، کِخوڑو دہ سیں، تھلوئی دی وی، مجی دَو  
 روٹی، اسہ دَو کھونن۔ آئے گئی ڈیرے لہیلہ کِمٹہ ٹھک بوئے وزن۔ (پتو)  
 کِخوڑو نکھلے محفوظ زائی دہ نارہ دیا مجی بَشے اثر پینن)۔

کوستینو نُوم	سائنسی نُوم	تائیر	کُموت
🌿 ژئیں	؟	تتی	چہرِش

ناروغتیا: ڈیرے دڑ، جہارا، بادخوری، لیلے ہیش۔

سَنون گہ کَمون: [1] ڈیرے دڑے کریا آئے سے چہرِش شوڑے، پیڑی، دُت  
 دہ روٹی اسہ دُت پینن۔ [2] چالی مالے جہارا جنی نہ وتھو تو آئے سے چہرِش  
 دُت دہ کھرہ روٹی، چہہونجریے چالی مالڑ دیگہ تو جہارا جنی وزانو۔ [3]  
 چہرِش لیلے دستو کریا گہ مڑنینی۔ چہرِش چُکٹے، مجی اِپھو ہو کُڑ وی

عرقے پیلہ سنرے دینن۔ [4] مالڑ بادخوری مرض بلی تو دُت دہ روٹی مالڑ دینن،  
آئے گئی بادخوری نوشانی۔

کُوت	تائیر	سائنسی نُوم	کوستینو نُوم
چہرِش	تتی	؟	سُخو بٹی

ناروغتیا: مالے کُله، جلدی مرضہ، مال نہ گُتجون، پُھٹلی اٹھی۔

سنون گہ کَمون: آئے سرے شو پُھڑو بینو، پٹھہ چنارے پٹھوجی بڑہ بینن،  
چہرِش ملی ائے ولجی بینن۔ [1] منوڑے اٹھی پُھٹی کھگری پائون بلی تو،  
سُخو بٹی چہرِش چُکٹے، اسہ اٹھجی چے دیزو بُجیش گڑیگہ تو کھگری  
ایکھتلی اٹھی دُبرہ جُدا بینن، آتھ ست دُبار سم تھے گہ گڑیگہ تو پائون  
سُونچھنو۔ [2] مالجی کُله نکھتہ تو آئے سرے چہرِش چُکٹے کُلوچی پلیگہ تو  
کُله نوشنن۔ [3] مہش، گاؤ، ائی نہ گُتجلی تو چہرِش چُکٹے، چھا تھے،  
ووئی دہ مشری دیگہ تو مال جنی گُتجانی۔

کُوت	تائیر	سائنسی نُوم	کوستینو نُوم
چہرِش	چہہوئیں	؟	سِرگوڑی

ناروغتیا: مقوی باہ، معدہ، اشتیاری۔

سنون گہ کَمون: سِرگوڑی ائے چہرِش / مقوی باہ، معدہ گہ اشتیاری کریا  
غورہ کلینن۔ [1] سِرگوڑی، رتجوک، غوڑ گوڑی ایک شانیو شوڑے، چُکٹے،

پیڑی گولیئی سنرے لوشکی/بلاڑ دُو گولیئے کھونن، معدائے مرضہ گہ اشتیار  
نوشانی آن مُشلیو قوت بسکینی۔ [2] چہریش مُوتھو دُت دہ وی مودیگہ تو گی  
لو اینو۔



کوستینو نوم: سُرمی (?)

نباتاتی نوم: [119] *Chenopodium album*

تائیر: چہہو

کُوت: پٹھہ

ناروغتیا: شیشے دڑ، ہضمہ، اشتیار۔

سنون گہ کمون: [1] آشائے قسمے ایک مُٹھو نو، آسے شا بدے کھونن۔  
[2] شیشے دڑے کریا آئے سے پٹھہ چُکٹے پیلہ سنرے دینن۔ [3] انسانی  
صحتے فائدائے کریا آس دہ چے چار قسمو مڑنے اجزاء ہونے رزن کھاں مُتہ  
مرکب داروئے سے ٹل تھے کمینن۔

<sup>119</sup> Keith H Morriss, 2004. PCDP Kohistan.



## ❁ کوسٹینو نُوم: سِزَنُ

نباتاتی نُوم: [120] *Zizyphus oxyphylla* Edgew

نباتاتی نُوم: [121] *Zizyphus sativa* Gaertn

تاثیر: چھہوئیں

کُموت: چہرَش، پٹھ، میوہ، کاٹھو

قِسم: مُٹھو

ناروغتیا: لہیلی اسپا، ہی مرض، سورے، لہیلیار، چاہی۔

سَنُون گہ کَمُون: سِزَنُ چہرَش گہ پٹھ صُرتے چاہی، لہیلیار، بیو گہ لہیلی اسپائے مرضے کریا مَرنِین۔ [1] لہیلی اسپائے مرضے کریا سِزَنُ چہرَش چُکٹے، ووئی دہ چھاٹ تھے، ایک ایک گلاس عرقے ووئی دیزہ مجی ایک چوٹ دین۔ [2] ہی مرضے کریا سِزَنُ پٹھ چُکٹے، پیلہ سنے دیزہ مجی دُو چوٹ ایک ایک گلاس دین۔ [3] سورے کریا آئے سے چہرَش نکھلے، تعیز تھے شَک دہ تھین۔ [4] صُرتے چاہی گہ لہیلیارے کریا آئے سے پیلہ سنے رات پین، آگئی چاہی نوشن۔ [5] تازہ گہ شُکھو میوہ کھون۔

کوسٹینو نُوم	سائنسی نُوم	تاثیر	کُموت	مرض
❁ سفیرنُ (شو)	؟	تتو	چہرَش	دُت کم بون

<sup>120</sup> Plant name identified by Dr. Zafeer Saqib, 2003.

<sup>121</sup> Plant name identified by Dassu HP Project, 2013.



سَنُون گہ کَمُون: چالئی مالے دُدی مقدار جی کم بون بلی تو شو سفیرٹے  
چہرِش نکھلے، چُکٹے دُت یا ووئی دہ بری اٹے، چھوَنجریے چالئی مالڑ  
دینن، آئے گی دُت بسکیو بوجانو۔

کوستینو نُوم	سائنسی نُوم	تاثیر	کُموت	مرض
✿ سفیرٹ (لہیلو)	؟	تتو	چہرِش	رُڑی، مال نہ گِٹجون

سَنُون گہ کَمُون: [1] رُڑیے کِریا لہیلو سفیرٹے چہرِش چُکٹے، ووئی دہ بری  
اٹے، اسہ ووئی رُڑی بلی مالڑ پلینن۔ [2] مہِش یا گاؤ نہ گِٹجلی تو سفیرٹے  
چہرِش چُکٹے، پُھکو سے ٹل تھے، مٹی یا کوئی سنے دینن۔ آ گئی مہِش،  
گاؤ یا ائی تھیکڑ آبی گِٹجانی۔



✿ کوستینو نُوم: سکوجو (?)

نباتاتی نُوم: [122] *Heracleum candicans*

Wall. ex DC.

تاثیر: تتو


کُموت: پٹھہ، چہرِش

قسم: گوڑی/مٹھو

ناروغتیا: اٹھئی پُٹھون، مال نہ گِٹجون

<sup>122</sup> Plant name identified by Muhammad Islam, 2005.

سنون گہ کمون: آئے ایک لیکھو ہو ٹخو مُٹھون، آسے ڈھنڈی سنا رگی بینی،  
 شٹ دہ کھرہ شو پُھڑو چو بینو، پٹھہ رگہ بین۔ [1] آئے سے پٹھہ تپے اسہ  
 بندجی گزین کھاا پُھٹی ابون یا کھگرو ایکھتی۔ رات بندجی تہ پٹھہ گڑے  
 پھتے لوشکجی بند گڑے ماہر مُشا یا چیی دی گئیے تو سیس ست دُبار بن  
 پھوٹے، سونچھو تھے گزینو۔ [2] کھاا مال نہ گنجلی تو آئے سے چھرش  
 گہ پٹھہ چکڑے، ووئی دہ مشری اسہ مالڈ دین۔ آئے سے اثر تتی بون گی مال  
 جنی گنجانی۔ [3] آئے سے کوئے قسمہ بشلتی بین، آگی کمون گہ سیون  
 مجی لی احتیاط تھون پکان۔



### ❁ کوسٹینو نوم: سلزالو

نباتاتی نوم: [123] *Plectranthus ragosus*

تاثیر: چھہو

کُموت: بکھی، پٹھہ

قسم: مُٹھو

ناروغتیا: پھلو، اچھی شلون، میچی میچھاری اچون۔

سنون گہ کمون: [1] اچھی دہ پھلو بلو تو، آئے سے بکھی چکڑے، احتیاط  
 گئی چھاا تھے، پھلو بنو اچھی دہ ایک یا دُو تھک تھین۔ [2] آئے سے

<sup>123</sup> Plant name identified by Dr. Zafeer Saqib, 2003.

بکھئی چُکڑے مجی ہیشک گی مشری مچھاریو ڈورر پلین۔ آئے سے گوں  
گی مچھی مچھاری ڈورر این۔



❁ کوسٹینو نوم: سُمبل

نباتاتی نوم: [124] *Adiantum venustum* D. Don.

نباتاتی نوم: *Adiantum incisum* Forsk.

تائیر: چھہو

کُوت: پٹھ

ناروغتیا: شال، شسے دڑ، چھہو، دجنی، ذیابیطس۔

سنون گہ کمون: [1] آئے سے پٹھو عرق/پیلہ تتی شلے کریا مڑنینو۔ شلے کریا  
پٹھ چُکڑے، پیلہ سنے ایک گلاس عرق دین۔ آئے گی شال نوشانی۔ [2]  
آئے اینٹی بیکٹیریل داروئے شان گی تگہ استعمال یینو۔ [3] ہی لے قسمو  
مرضو کریا گہ آئے استعمال تھین۔ [4] ہی دجنی کریا گہ آئے استعمال  
تھین۔ [5] آئے سے پٹھ گہ بکھیو مجی ٹیرینائڈ، فائٹوسٹیرولز، فلاوونائڈ  
گہ سیپونین اے کیمائی اجزاء معلوم بلان کھانس کینسرے مرض کنٹرول  
تھین۔ [6] آئے سے ڈڈورو پیڑی دیزہ مجی دُو چوٹ شسے دڑ، چھہو، ہی  
دجنی، ذیابیطس گہ مہیکئے مرضے کریا تلی دین۔

<sup>124</sup> Plant name identified by Dr. Zafeer Saqib, 2003; Dr. Rubina Rafiq, 1992-95.



❁ کوسٽینو نُوم: سُمچُکُو / چُکُو

نباتاتی نُوم: [125] *Aconogonum alpinum*

تائیر: چھہوُن۔

کُموت: پٹھہ۔

قسم: مُٹھوُ

ناروغتیا: چھہوُئیں شال، (آیوک گہ بوُن کالے زنگ)

سَنون گہ کَمون: [1] آئے سے پٹھو پیلہ چھہوُئیں شَلے کِریا مڑنِیو۔ پٹھہ چُکٹے، دہ مشری، پاک ٹپی دہ چھاُن تھے نرونِی کیجی دین۔ [2] چُمروُ خِیزر زنگ شتوُ توُ پٹھہ گاڑی زنگ پیر تھین۔



❁ کوسٽینو نُوم: سنا

نباتاتی نُوم: [126] *Hypericum perforatum* L.

تائیر: تتی

کُموت: پٹھہ، پُھڑہ، چہرش

قسم: گورُی

ناروغتیا: معدائے مرضہ، چیوُ مرض، باسیر، گپے مرض، بیش، مہیکِی۔

سَنون گہ کَمون: آایک لیکھوُ ہو نازک مُٹھوُ بینو، پٹھوئے لیکھی لیکھہ بین،

<sup>125</sup> Plant name identified by Dr. Rubina Rafiq, 1992-1995

<sup>126</sup> Plant name identified by Dr. Zafeer Saqib, 2003.

شونلی یا بکھٹیا جی نیلہ نیلہ پٹھوئے بینن آن سٹ دہ کھرہ پیلروگہ ژگو بو پھڑو بینو، پھڑے پوش پریئے بینن آن پھڑے سٹ دہ کھرہ لگو بو سٹشو بینو۔ [1] آئے سے پٹھہ، پھڑہ گہ چہرٹ چکٹے پیلہ سنہ معدائے مرضہ، باسیر، گپ گہ صُرتے شیلیار، بیش، مہیکئی گہ ڈپریشن مریض دین۔ [2] آپشیلئی مرضو کریا آئے سے سفوف سنہ تلی گہ دین۔ [3] کھاں چیوڑ حیضے مرض نہ ہی یا تومو اصل وخجی مچھو پتو ہی تو سہ سڑ گہ اج آپیلہ یا سفوفے تلی دون پکارن۔ [4] لیکھہ بلوڑ بیشے مرض بلئی تو سیٹور شناک کم سفوف دون پکارن۔ [5] سنائے پیلہ یا سفوف سہ قبضی اوزگار تھینو۔ کھاں چیوڑ مون دہ لیکھو بال ہی سینس بیشے مرضے کریا استعمال نہ تھون تھہ، آگئی دُت پیا بالڑ گہ بیشے مرض بینو۔ [6] سنائے سفوف یا پیلہ سہ لیل صاف تھینو، ڈیرے کمتہ گہ مریو۔ [7] کھس گہ بندو دڑ گہ شال دہ استعمال تھین۔



## ✿ کوسٹینو نوم: سُوری مکھ/سنگ پارس

انگریزی نوم: Wild sun flower

تاثير: چھہو

کُموت: ہی

قسم: مٹھو

ناروغتیا: سوزاک، اُلیال، اشتیار، کٹی گھو، قبض، کینسر۔

سنون گہ کَمون: آئے زنگلی سُوری مکھ یا سنگ پارسے پھڑون۔ [1] آئے سے ہی چھیجا شوڑے پھتین۔ سوزاک گہ اُلیلے اے مرضے کریا آئے سے شوڑیلو

بی نوسارے چُنڈی سُمَار ووئی سے تلی دینن۔ [2] آئے سے بی دہ غذائی شرائے، پروٹین، وٹامن بی گہ ای، میگنیشیم اے اجزاء بسکہ بینن۔ [3] کٹی کھوئے کریا مڑنینو۔ [4] آئے سے بی سہ قبضی نہانو، قبض کشا نو۔ بی جڑی استعمال تھیگہ تو قبضی نوشانی۔ [5] ژوک گہ مٹانائے دجارے کریا مڑنینو۔ [6] کینسرے خلاف قوت مدافعت پائدا تھینو۔



کوستینو نوم: سون (پیشے گوڑی)

نباتاتی نوم: [127] *Ephedra gerardiana* Wall.

نباتاتی نوم: [128] *Ephedra gerardiana*

تاثیر: تتو

کموت: بکھٹیاے

قسم: گوڑی/مٹھو

ناروغتیا: چھنسوں، ہلک بن بون، شال، پیش، بندو دڑہ، آتشک۔

سنون گہ کمون: سون مٹھو اخسر شنا اٹھلی زیوڑ بینو۔ آ سے ٹخی ہرے بکھٹیاے بینن۔ آ سے پیلو یا للاشو ہو کلو یا پھڑو بینو۔ [ ] جلكوٹ گہ پالس

<sup>127</sup> Dr. Zafeer Saqib, 2003; Dr. Habib Ahmad, 2005. Hands-on Traiing Workshop Palas, NTFP Kohistan.

<sup>128</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

دہ آسے شُکھئی بکھٹیا ئے دہی شو تھے نوسار سنوٹڑ کمین، رزن آسے شو گئی نوسارے امل مڑنی بین۔ [2] چھنسون، ہلک بن بون گہ شال چھجونے کِریا آسے گہ لوگئی بکھٹیا ئے چُکٹے، ووئی دہ روئی، چھاٹ تھے لوشکئی گہ بیلاڑ ایک ایک پیلہ سنیلو ووئی دین۔ آگی بن بلو ہلک اوزگار بینو، چھنسون نوشانو آں نہ چھجی شال چھجان۔ [3] بادے دڑو کِریا آئے سے چھرش چُکٹے، ووئی دہ مشری، پاک ٹپی دہ چھاٹ تھے، پیلہ سنے رات رات پیون گئی دڑہ کم بین۔ [4] چُٹی مہیکی بن بلی تو کُلہ پیڑی تلی دون گئی مہیکی اوزگار بین۔ [5] چھنسون، کھو، پیش گہ انٹھیو دڑو کِریا چاء سنے بین۔ [6] آئے سے میوہ کھون۔ [7] شو نوسار سنون کمجانو۔



❁ کوسٹینو نوم: سُوین (کیہانر؟)

نباتاتی نوم: [129] *Datura stramonium* L.

تائیر: بَش، تنو

کُموت: بی، پٹھہ

قسم: گورڑی

ناروغتیا: السر، دڑہ، دجار، پرہار، شال، پیش۔

احتیاط: آئے سہ دہ بَش بینو، لو کم مقدار استعمال تھین۔

<sup>129</sup> Plant name identified by Dr. Zafeer Saqib, 2003; Dassu HP Project, 2013.



سنون گہ کمون: سوئٹھُ مٹھوُ عام سُم دہ ایک گر آں کُرُو مٹیش سُم دہ دو گر ڈوگو پینو۔ چہرِش شیئی بینی، شِسجی چٹہ چٹہ کوڑٹوئے بین، ڈھنڈی جی ایک کوڑٹوڑگو پھڑو یا ڈڈورو بو پینو۔ ڈڈرو دہ مجی بی پینو۔ [1] آئے سہ بی دہ بَشے اثر بینی، بسکو استعمال خطرناکن۔ آئے سے کریا آئے استعمال تھن دہ لئی احتیاط تھون پکارن۔ [2] السر، دڑہ، دجار، پرہار، پُہڑجیار، شال گہ پیشے مرضو کریا بی شوڑے، پیڑی پلو پلو ووی سے تلی دینن۔ [2] کوئے سہ لوگہ پٹھو شا بدے کھونن۔



❁ کوسٹینو نوم: شانِش/شونِش/شوانِش

نباتاتی نوم: [130] *Filipendula vestita*

تائیر: چھہو

کُموت: پٹھہ

قسم: گوڑی

ناروغتیا: پرہار، کُلہ، پُہڑجیار، شال، دڑہ

سنون گہ کمون: شانِشے پٹھہ پرہار، کُلہ، پُہڑجیار، شال، دڑہ، چٹنی گال گہ پرہارو کریا غورہ کلینن۔ چٹنی پرہارے کریا پٹھہ شوڑے، پیڑی شر شر تھینن۔ مٹی مرضو کریا پٹھہ گہ چہرِش چُکٹے، پیری پیلہ سنہ بیلار بیلار دینن۔

<sup>130</sup> Plant name identified by Dr. Zafeer Saqib, 2003; Dr. Rubina Rafiq, 1992-95.





## ❁ کوسٹینو نُوم: شَٹھیل (?)

نباتاتی نُوم: [131] *Crataegus oxycantha* Jacq

*Crataegus songarica* C. Koch

تَثیر: چھہوُن

کُموت: پٹھہ، کُلہ، مُٹھو

قِسم: مُٹھو

ناروغتیا: ژوکے بٹوئی، ہی گہ ہضمائے مرض، لیلے تاؤ۔

سَنون گہ کَمون: [1] آئے سے چُکٹیلہ پٹھو پیلہ ژوکے بٹوئی نکھلون، پیو گہ ہضمائے مرضے کریا مڑنینو۔ لوٹکجی ہوری گلاس پٹھو عرق پین۔ [2] آئے سے پٹھہ، میوہ گہ پُھڑہ کوئے مرضو داروئے سنون دی کِمَجَن۔ اسہ مرضو مَجی پیو، ہضمہ گہ پیشے مرض ٹلن۔ [3] آس دہ کھاں اجزاء بین، کھاں لیل یازریون گہ لیلے تاؤ (فشار) کم تھونے کریا لا غورہ کلین۔ [2] آسے میوہ کھجانو، کھاں صُرتے کریا مڑنینو۔

<sup>131</sup> Plant name identified by Dr. Zafeer Saqib, 2003.

## ❁ کوسٹینو نُوم: ششُو



نباتاتی نُوم: [132] *Dalbergia sissoo* Roxb.

انگریزی نُوم: *Indian Rosewood*

تاثیر: تتو

کُموت: چہرِش، پٹھ، کاٹھو۔

قسم: مُٹھو

ناروغتیا: جریان، شو ووی، کینسر، لیلے خرابتیا، روگ۔

سَنون گہ کَمون: [1] ششُو اے پٹھ کینسرے مرضے کریا گہ مڑنہ۔ پٹھ چُکٹے، رَس نکھلے، بورئ جوک سمار لوٹکی گہ بیلاڑ مریضڑ پنزیلے دیزو بُجیش دین۔ اسدیو پتو ہر چہک آئے سے اپہ اپہ پٹھ لوٹکی گہ بیلاڑ چپے رس گُڑت تھون، آئے گئی کینسرے مرض کم بیو بوجانی۔ [2] پٹھو رَس جریانے کریا لو مڑنینو۔ [3] صُرتجی شو ووی بوجون بلو تو آئے سے پٹھو عرقے اپہو رس استعمال تھون گئی لیکوریا مرض نوشانی۔ [4] اچھیو مرضے کریا آئے سے پٹھو عرق سلی گئی پلین۔ [5] چہرِشے پٹ روئی سوزاک گہ روگ/جزامے مرضے کریا پیلہ سنے دین۔ [6] کاٹھو دہون گہ فرنیچر سنونے کریا کوجانو۔ سنکڑی لاموڑ آ مُٹھہ بسکہ بین۔

<sup>132</sup> Plant name identified by Dr. Rubina Rafiq, 1992-1995.

## ❁ کوسٹینو نُوم: شُگلُو



نباتاتی نُوم: [133] *Berberis brandisiana* Ahrendt

نباتاتی نُوم: [134] *Berberis lycum* Royle.

نباتاتی نُوم: [ ] *Berberis pseudumbellata* R. Parker

تاثیر: تنو

قسم: مٹھو

کُموت: پٹ، چہرشے ڈگری، کلہ۔

ناروغتیا: پرہار، پچال، کھو، وجودے چوٹ، بُھٹلی اٹھئی، کھسے  
دڑ، آنزئے کلہ، شوٹو، اشتیار۔

سنون گہ کَمون: شُگلُوئے استعمال گہ فائدائے عام جگوڑ لین۔ ہر گوڑہ آئے  
سے پٹ یا پُھک (سفوف) چھوریلو بِنو۔ [1] شُگلُوئے پٹ نکھلے، شوڑے،  
پیڑی، پرہار، پچال یا کُلوجی شرشر تھین، آئے گئی پرہار یا کُلوروغ بِنو۔ [2]  
وجودے گال گئی یا اٹھئی بُھٹلی تو پیڑی تلی دین۔ [3] شُگلُوئے  
چہرشے شُکھو پٹ پیڑی کُنے سے ٹل تھے تلی دیگہ تو پوٹی یا نئی کھوئے  
مرض نوشانی۔ [4] کھسے دڑے کریا کٹو کُکوں مرے، شو سگو پیر تھے،  
ڈیر دہ شُگلُو پُرے، گی دہ روٹی چار وخ کھوئن۔ آئے گئی کھسے دڑ  
نوشانی، طاقت اچینی۔ [5] ڈڈے چوٹ گہ بڑی پرہارو کریا پئی سنون دہ  
شُگلُو مٹی گوڑیو سے ٹل تھے کمین۔ شُگلُوئے چہرشے پٹ، اسپاٹے،

<sup>133</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

<sup>134</sup> Plant name identified by Muhammad Islam, 2005.

جُشے، چوٹیاں گہ بلیٲو ٲل تھے، چُکٲے، مَجی سِناکک گُڑ گہ شاٲون وی، گَی دہ روٲی، پاک ٲیٲی دہ چھاٲ تھے مَلہَم سَنِئَن۔ [6] شُگلُوئے ٲٹ مڑدی شت گہ چیارے کَریا مڑَنِئَنو۔ آئے سَے کَریا دُو قسَموجی دارُو سَنِئَن۔ اِیک ہسان ول آئے نو چہ شُگلُوئے ٲٹ پیٲی، ہٲوجی شو ووئی پیر تھے، پِلو ووئی دہ پیٲیلو شُگلُو وی، مِشری، چُگلُوئے کھانَرُوجی پِجی، چھوَنجریے، دائے دیزو بُجیش ہر چھک نِیش تھونجی مُچھو اِیک اِیک ہٲو کھوئن۔ پَنزلیے دیزو بُجیش ہر قِسمی پال پِئنی، چِئنی گہ مُشا نہ اِیکھتِبانَن۔ [7] مُتو قِسمے دارو سنونے ول آئے نو چہ اٲکیوُ مَجی شُگلُوئے چُٲنی چُٲنی چھَرشہ نِکھلے، ٲٹ نہ پیر تھے، چھَرشو سَے تھلوئی دہ وی، ووئی دہ لوَشکَجی یِلاٲر بُجیش روٲنَن۔ کھاں وخ دہ ووئی سیر دُوک ٲھت بلو تو کھری ولے ٲشوئن۔ ٲشون دہ ڈگریئی پیر تھے شُگلُوئے ٲٹ ٲھتوئن۔ تے آئے سہ دہ مَجی اِیک سیر گاؤلو گَی وی، ٲھری روٲی، سیرک ووئی ٲھت بلو تو کھری ولے ٲھتوئن۔ دیزہ مَجی دُو وخ دُو دُو خَمخِیائے سَنِیلو دارو سَت دیزو بُجیش کھوئن۔ آئے گَی مُچھو مَنوٲو اِشِئِنو، ٲتو شَت لُیو بوجانَن۔ بائے دیزو بُجیش ہر قِسمی پال پِئنی، ووئی سِنا تَتو پِیوئن، ٲُکی گَی سَے کھوننی، چِئنی گہ مُشا اِیکھتِیون نان۔ [8] شُگلُوئے ٲٹے تیل نِکھلے ہر قِسمے صُرتے دِڑو کَریا آئے گَی مالش تھِئَن۔ [9] شُگلُوئے ٲٹ مُٲنی گوڑیوُ سَے ٲل تھے کَمِئَن۔ [10] شُگلُوئے ٲٹ نِکھلے، شوٲے، پیٲی چُٲنی مُٲنی ٲرباروجی شرشر تھِئَن۔ [11] آئے سَے تلی وجود گہ معدائے زخمو کَریا لئی مڑَنِئنی۔ [12] شوٲو شِلونے کَریا گہ آئے سَے تلی دِئَن۔ [13]

آنزى پكھى تو آئے سے تلى دین۔ [14] آئے سے میوه صُرتے كریا مژنین، اگلہ  
لا گھٹ كھیگه تو بول بن بونے خطرہ گه بینى، ایو كھون پكارن۔



❁ كوستینو نُوم: شلیٹ/شلیٹھى

نباتاتى نُوم: [135] *Plantago major* L.

نباتاتى نُوم: [136] *Plantago aitchisonii* Pilger

نباتاتى نُوم: [137] *Plantago ovata* Frossk.

تاثیر: تتى

كمُوت: پٹھه

ناروغتیا: كُهو، پیش، پرہار، پچال، كُله۔

سنون گه كمون: [1] كُھوئے مرضے كریا آئے سے پٹھو چاء سنه

پین۔ [2] آئے مٹی گوڑیو سے ٹل تھے تگه كمین۔ [3] آئے سے چاء سنه

پیون گى پیشے رگه اوزگار بین آن پیش كم بینى۔ [4] شلیٹھى ائے پٹھو پرہار

گه كُله كریا مژنینو۔ پٹھو تپے كُلو یا پرہارجى بدون گى ناؤں نكھزی پرہار یا

كُلو جنى روغ بینو۔ [5] ڈولى بهون گى بهاكے شك یا بوكى سارون گى

خرے كُھس دِلتھى تو شلیٹھى ائے پٹھه شوڑے، پیڑى، شك یا كُھسجى

شَرشَر تھون گى دِلتھى كُھس روغ بیو بوجانى۔

<sup>135</sup> Plant name identified by Dr. Zafeer Saqib, 2003.

<sup>136</sup> Plant name identified by Dassu HP Project, 2013.

<sup>137</sup> Plant name identified by Dassu HP Project, 2013.



❁ کوسٹینو نُوم: شمکے / شمکئی

نباتاتی نُوم: [138] *Origanum vulgare* L.

تاثیر: تتی۔

کُموت: پٹھہ۔

قسم: مُٹھو

ناروغتیا: چھوئیں شال، پتے چھاڑی، ڈیرے در۔

سَنون گہ کَمون: [1] شَلے کَریا آئے سے پٹھہ اپھرکاٹا/اقرکاٹا سے ٹل تھے، چُکڑے، چھاٹ تھے، پیلہ سنرے، دیزہ مجی دُو چوٹ ایک ایک گلاس سنیلو پیلہ دین۔ [2] کائے کھاوَجلی یا پتے چھاڑی تھیونے کَریا آئے سے پٹھہ چُکڑے، پیلہ سنرے دیگہ تو پتے چھاڑی بین۔ [3] آئے سے پٹھو عرق سنرے پین۔ [4] آئے سے پٹھہ شوڑے، پیڑی سفوف سنرے دَدی زائے جی شَرشَر تھون گئی دجار کم بین۔ [5] چِیُو مرضے کَریا آئے سے پیڑیلی ایک ایک تلی ووی سے کھیگہ تو پوچہ (حیض) جِنی بین۔ [6] آئے سے قہواہ گہ پین۔

<sup>138</sup> Plant name identified by Muhammad Islam, 2005.

## ✿ کوسٹینو نُوم: شَٹّی

نباتاتی نُوم: [139] *Malva sylvestris* L.

نباتاتی نُوم: [140] *Malva neglecta* Wallr.

تاثیر: چھہوئیں۔

کُموت: پٹھہ۔

قسم: شا

ناروغتیا: اشتیاری، پالے کِریا۔



سَنُون گہ کَمُون: [1] شَٹّی اے شا صُترے اشتیاری گہ پال مجی عام کِھجانو۔ لا جک سہ مکئیے ٹُکئی سے کھون کھوش تھین۔ [2] شَٹّیے اے لے قِسمہ بین۔ آئیٹو مجی موجود مِشٹی خورکے اجزاء گہ حیاتیاتی مرکباتو وجہ گئی آئے لے قِسمو دیسی دارو مجی ٹل تھے کمین آں بسکہ فائدناک کِلجنی۔ آسے شا متوازن غذاء دہ ٹل تھون گئی مُنورے صُترے لُومجی مِشٹی اثر بین۔ [2] آس دہ وٹامن اے، سی گہ کرے بین۔ [3] شائے استعمال کینسر گہ ہی مرضو کِریا مڑنی کلین۔ [4] آسے شائے استعمال گئی ڈیرے دجار کم بین۔

<sup>139</sup> Plant name identified by Dr. Zafeer Saqib, 2003.

<sup>140</sup> Plant name identified by Dassu HP Project, 2013.



❁ کوسٽینو نُوم: شڱو / (شڱو؟)

نباتاتی نُوم: [141] *Podophyllum hexandrum*

تائير: ٻش

ڪموت: ڇهرش

قسم: گوڙي

ناروغتيا: جُون، ليچ، ٻيڙو، دڙه، مالءِ مرضه، قبض، ڇهنسون، شال،  
پرهار، دجني، ٻاؤ گيري۔

سنون گه ڪمون: شڱيگوئي مٿهؤ ايڪ گه پوري فٽ بوجيش ڏوگو پينو، دو  
بکهي آڻ ايڪ ڪلو پينو، ڪهاڻ مڇهو نيلو پتو لهيلينو، ڪلو ڪهڪئي شمار  
پينو۔ آڻي سڌي ڇهرش پالڻ ده لئي هڻيني۔ [1] شڱيگوئي ڇهرش ڪهڪلي،  
ڇڪڻي، شوڙي، ٻيڙي، شين يا بتهار جي شرشر تهگه تو جُون ٻيڙو مري ٿهڪ  
پينو۔ [2] شڱي لڇه يا جُون ڪريا ڇهرش ٻيڙي، برے تيل ده ٿل تهه، شڱي  
پليگه تو جُون گه لڇه مري بڙجن۔ [3] گوڙي بازار ده مٺي گه بوجن۔ [4]  
آڻي سه ده بڻي لئي مقدار پيني، بال ڇهلوجي لئي دور پهتون گه احتياط گي  
ڪمون پڪارن۔ [5] شڱيگو، مامين گه نورعالم ڇهرش ايڪ ايڪ جوڪ،  
شوڙي، ٻيڙي سفوف سني، پچائين جي پتو آڻ رات ڪهونجي پتو، دوده سڌي

<sup>141</sup> Plant name identified by Dr. Rubina Rafiq, 1992-1995.



ایک خمّیائے چوموگو باگو خوراک بندی گہ کھسے دڑو کریا کھون۔ [6]  
قبض، چھنسون، شال، پرہار، ہی دجنی گہ ذہنی مرضو کریا گہ کھجانو۔



❁ کوسٹینو نوم: شٹیگوئی / شگئی

نباتاتی نوم: [142] *Podophyllum emodi* Wall.

تاثیر: تتی

کُموت: چہرِش، کُلہ

قسم: مٹھو

ناروغتیا: شال، مہیکی دجون، دڑہ، کینسر، بادخوری۔

سنون گہ کمون: شٹیگوئی چہرِش دڑہ، مہیکی دجون گہ شلے مرضے کریا  
مڑنی کلین۔ کُلہ میوائے شان گئی کھجانو۔ [1] شال، مہیکی دجون گہ دڑو  
کریا آئے سے چہرِش، نکھلے، چُکڑے، اپو مقدارے ووئی دہ مشری، پاک  
ٹپی دہ چھاڑ تھے، لوشکی یا بیلاڑ ایک ایک گلاس عرق مریضڑ دین۔ آئے  
گئی مہیکی دجون نوشانی، شال چہجانی، دڑہ کم بین۔ [2] آئے سے  
چہرِش مٹھو دُت دہ وی پھتیکہ تو بسکو وخ بُجیش اُران نہ بین۔ [3] آئے  
سے کُلوجی ہی نکھلے، پیڑی، پُھک سنے پیو گہ معدائے مرضے کریا  
لوشکی گہ بیلاڑ تلی دین۔ [4] بادخوری کریا آئے سے میوہ گہ کھون۔

<sup>142</sup> Plant name identified by Dr. Zafeer Saqib, 2003; Dr. Rubina Rafiq, 1992-95.



❁ کوسٹینو نُوم: شوٹ / شوٹھ/شوٹ

نباتاتی نُوم: [143] *Dodonaea viscosa* (L.) Jacq.

تاثیر: چھہو

کُوت: چہرِش، پٹھ، بی

قسم: مٹھو

ناروغتیا: پُھڑجیار، دجیار، کان۔

سَنون گہ کَمون: شوٹھے مٹھوئے چہرِش، پٹھ گہ کلہ پُھڑجیار، دجار گہ کٹے مرضے کِریا کِمجن۔ [1] آئے سے پٹھ پیڑی ہی دجنی کِریا لوشکی لوشکجی ووئی سے تلی دون گئی ڈیرے دجار نوشانی۔ [2] صُرتے پُھڑجیارے کِریا آئے سے چہرِش گہ پٹھ چُکٹے، ووئی دہ ٹل تھے، سم شان گئی چھاٹ تھے، لوشکی لوشکجی ہورئ گلاس عرق پوس دیزو بُجیش پین، صُرتے پُھڑجیار وزانی۔ [3] صُرتجی پُھڑجیارِ بلی تو چہرِش چُکٹے، روٹی پُھڑجلی زائی جی گزین۔ [4] صُرتجی اجی کھاں گہ بندوجی سخ دڑ بلی تو شوٹھے پٹھ چُکٹے، ووئی دہ بق بق تھے، دڑ بلو بندجی بدے گزین، آئے گئی دڑ لئی جنی نوشانی۔

<sup>143</sup> Plant name identified by Dr. Zafeer Saqib, 2003; Dassu HP Project, 2013.



❁ کوسٹینو نُوم: شِشئی (؟)

نباتاتی نُوم: [144] *Portulaca* sp.

تاثیر: چھہوئیں

کُموت: پٹھہ۔

قسم: شا

ناروغتیا: شِشے دڑ، ہضم، اشتیاء۔

سنون گہ کُمون: آ شائے قِسمے ایک مٹھونو، آسے شا بدے کھجانو۔ [1] آئے سے کوئے قِسمو سلا د گہ سنجانو۔ [2] دیسی داروئے سنونے کریا آسے کوئے قِسمہ مختلف مرضو مرکب داروئے سنونے کریا کُمجن۔



❁ کوسٹینو نُوم: شرشریں

نباتاتی نُوم: [145] *Cichorium intybus* L.

کُموت: پٹھوئے

تاثیر: چھہوئیں

قسم: گورئی

ناروغتیا: پرہار، ذیابیطس

سنون گہ کُمون: [1] آئے مٹھو پرہار گہ ذیابیطسے مرضے کریا غورہ کلین۔

<sup>144</sup> Keith H Morriss, 2004. PCDP Kohistan.

<sup>145</sup> Plant name identified by Dr. Zafeer Saqib, 2003.

- [2] پٹھوئے شوڑے، پیڑی آئے سے سفوفے ہوری خمخیا تلی دین۔ [3]  
 پر بارجی آئے سے سفوف شرشر تھین، آگی پر بار شکھریو جنی روغ بین۔  
 [4] جک سہ شا بدے تگہ کھون۔



✿ کوسیتینو نوم: شلیٹ/شلیٹھ/شلیٹھنی

نباتاتی نوم: [146] *Plantago major* L

تائیر: چھہوئیں

کُموت: بی، پٹھہ

ناروغتیا: بيش، بدہضمی، ڈیرے دڑ، قبضی۔

سنون گہ کمون: آئے سے لیکھو ہو مُٹھو بینو، چُٹنی شونلیئی بین، چپتر و پٹھو  
 بینو، شونلجی بی کُله بین۔ [1] آئے سے بی کُله آمودی شبا ووئی دہ بلے  
 پھتے پتو اسہ ووئی پیگہ تو قبضی، ڈیرے دڑ، بدہضمی گہ بیشے مرض  
 نوشانی۔ [2] نیلہ پٹھو شا بدے کھون۔

<sup>146</sup> Plant name identified by Dr. Zafeer Saqib, 2003.



## ❁ کوستینو نُوم: شیلو

نباتاتی نُوم: [147] *Ashpodelus*


تأثیر: چھٹوں

کُوت: پٹھ

قسم: گورڑی

ناروغتیا: اشتیار، مہیکی بن بون۔

سنون گہ کَمون: [1] آئے سے پٹھو شا بدے پال دہ کھونن۔ [2] اشتیارے  
کریا پیلہ سنرے دینن۔ [3] آئے سے عرقے پیلہ مہیکی اوزگار تھونے کریا مڑنینو۔



## ❁ کوستینو نُوم: شینٹھل

نباتاتی نُوم: [148] *Solanum surattense*

تأثیر: تنو

کُوت: میوہ

قسم: مٹھو


ناروغتیا: اشتیار

احتیاط: تنو شینٹھل کھون گئی آنرجی لکو وزانو، ہی مرض، لیل یازیون

<sup>147</sup> Plant name identified by Dr. Zafeer Saqib, 2024. (Verbal communication)

<sup>148</sup> Plant name identified by Dr. Zafeer Saqib, 2003; Muhammad Islam, 2005.

سَنُون گہ کَمُون: شینٹھل ایک زنگلی مٹھون۔ آئے سے میوائے کُلو رونگ  
لَلاشُو بِنُو۔ تتو تتو کھیگہ تو آنزجی لَکو وزانو، آئے گئی سم شان گئی  
چھہوَنجَلُو تو تے کھون پکارن۔ [1] صُرتے کمزوتیائی کِریا غورہ کلین۔ لو  
بسکو کھون پکارانو۔ [2] آئے سے پٹھہ گہ چہرے چُکٹے ووئی دہ روئی  
عرق سنے صُرتے دجارے کِریا کمین۔ [3] عرق دائمی مرضو خطرے کم  
تہینو۔ [4] آئے مختلف دورو مجی ٹل تھے انفیکشن گہ پرہارو کِریا لو مڑنی  
کلین۔ [5] جدید تحقیق دہ آئے گہ رزن چہ آسے عرق ذیابیطسے کِریا گہ  
مڑنینو۔ [6] عرق معدائے خرابتیا، پُھڑجیار آن ڈیرے دڑے کِریا گہ مڑنینو۔



### ❁ کوستینو نوم: شینٹھو

نباتاتی نوم: [149] *Daphne oleoides* Schreb.

تاثیر: تتو

کُموٹ: چہرے پٹ، پٹھہ/کُله۔

قسم: جھول

ناروغتیا: پھو، نرئی، کُلو، پُھڑجیار، دجنی، پرہار۔

سَنُون گہ کَمُون: آئے ایک لیکھو ہو مٹھون، آئے سے لیکھی لیکھی بکھٹوئے  
گہ چُٹہ چُٹہ کُلوئے بین، کُله پکھہ تو لہیلروگہ بین۔ پٹھہ چُکٹیکہ تو ہلانی  
پھینٹ

<sup>149</sup> Plant name identified by Dr. Zafeer Saqib, 2003.

سِنجانی۔ [1] آئے سے پٹھ چُکٹے پھو، نرئی، بڑو کُلو یا پُھڑجلی زائے جی  
 بدے گزین۔ [2] پٹھ مٹی گوڑیو سے ٹل تھے پرارو کِریا ملہم سنین۔ [3]  
 چُٹی پر بارجی پٹھ چُکٹے گزین۔ [4] کُلو/پھوجی پٹھو تپے گزین۔



❁ کوسیتینو نوم: شینمٹھو (کُتی لال)

نباتاتی نوم: [150] *Daphne papyracea*

Wall. ex Steud.

تاثیر: تتو

کُموت: پٹھ، چہرِش، کُله

قسم: مٹھو

ناروغتیا: نشہ، جب بنلیون

سنون گہ کَمون: آئے لیکھو ہو مٹھو، زمینجی اپو ہو ڈوگو یینو، پٹھ نیلہ رِگہ  
 بین، پٹھو سوسم دہ کھرہ ایک شو پُھڑو، یینو۔ [1] آئے سے پٹھو پیلہ گئی  
 مَنورُوژ نشہ یینو، نیڑے اثر پائدا یینی۔ [2] کھاں مَنورے جب بنلیی تو پیلہ  
 سنے دیزہ مجی دُو چوٹ لوشکی/بیلاڑ دین۔ [3] آسے میوائے کُله کھون۔  
 [کوئے جگا آسڑ نک گہ تھیگان مگر نک ایک مٹو مٹھو یینو تو بُش]

<sup>150</sup> Plant name identified by Muhammad Islam, 2005.



## ❁ کوسٹینو نُوم: شیئی گوڑی

نباتاتی نُوم: [151] *Achillea millefolium*

تاثیر: چھہوئیں

کُموت: پٹھوئے، بی

قسم: گوڑی

ناروغتیا: بیش، سوزاک، شال، دُون گہ کوئے دڑ۔


سَنُون گہ کَمُون: [1] آئے سے کُلہ شوڑے، پیڑی ائیک یا دُو چُنڈی سُمَار مریض دِیگہ تُو ہر قسمے دستو مرض نوشانی۔ [2] آئے سے مُٹھُو نکھلے، اسچاکک بنکے ٹل تھے، چُکٹے، چھاٹ تھے، عرق نکھلے سوزاک گہ بیشے مریض دِیگہ تُو روغ پینو۔ [3] تازہ پٹھوئے چُکٹے اسہ سے پیلہ شال، کوٹ گہ دودے دڑے کِریا کمینن۔

کوسٹینو نُوم	سائنسی نُوم	تاثیر	کُموت	مرض
❁ شَمکے	؟	تتو	پٹھہ	شال، بیش، ملیریا

سَنُون گہ کَمُون: [1] آئے سے پٹھہ چُکٹے، پاک ٹِپی دہ چھاٹ تھے عرق نکھلے ائیک پیلہ مریض دین۔ آئے گئی بیشے کھچٹہ مادائے نِکھزن، شال یا ملیریائے اثر نوشانی۔ [2] آگہ رزن آئے کُنینے گولیو برابر تیائے دارونو۔

<sup>151</sup> Plant name identified by Muhammad Islam, 2005.





## ❁ کوسٽینو نُوم: شِگائی / شِگائی

نباتاتی نُوم: [152] *Rosa webbiana Wall.*

Ex Royle

تائیر: چھوئیں

کُموت: پُھڑ، چھرش، کُله۔

ناروغتیا: بچی، اسپا

سَنون گہ کَمون: [1] بکھیؤ تیل بچی مرضے کریا لو مڑنینو۔ کیلوئے ولجی  
بکھیؤ تیل نکھلے بچی جی پلیگہ تو بچی نوشانی۔ [2] اسپائے کریا چھرش  
نکھلے، چکڑے، ووئی دہ مشری، ٹپی دہ چھاڻ تھے، پیلہ تھے دینن، آگئی  
اسپائے مرض نوشانی۔ [3] کُله میوائے شان گئی کھونن، صُرتر فائده دینن۔



## ❁ کوسٽینو نُوم: غانٹول

نباتاتی نُوم: [153] *Tulip gesneriana*

تائیر: چھوئیں

کُموت: تام مُٹھو

ناروغتیا: لیلے تاؤ، سُرْمخرے

<sup>152</sup> Plant name identified by Dr. Rubina Rafiq, 1992-1995; Dr. Zafeer Saqib, 2003; Muhammad Islam, 2005.

<sup>153</sup> Plant name identified by Mr. Abdul Ghafoor (Verbal communication)

سنون گہ کمون: غانٹولے مٹھو پیازے ولجی ینو۔ غانٹولے پھڑے لے قسّمہ بین۔ آئے سے مٹھو انش اینچ بُجیش ڈوگو ینو۔ آئے سے شٹ دہ کھرہ ایک پھڑو ینو۔ گومے فصلے مدّا دہ آئے سے پھڑہ پھڑین۔ [1] غانٹولے مٹھو گہ پھڑہ چہرّے سے ساتی نکھلے شوڑے، پیڑی لیلے تاؤ گہ سُرْمخے کریا تلی دین۔ [2] صُرت دہ بی دجی کم تھینو۔ [3] گٹھیاے مرضے کریا مڑینو۔ [4] پشّے مرضے کریا مڑینو۔ [5] ہی گہ کینسرے مرضو جی رچھجونے کریا مڑینو۔ [6] آئے سہ دہ جراثیم کش خصوصیات بین کھاں بیکٹیریل انفیکشنے علاج دہ فائداکن۔ [7] آئے سے عرق لو بسکو پیگہ تو اسس دہ پشّے اثر گہ بوبانی کھاں گئی کائ اُراں بون، چھاڑی گہ بیش بوبانی، آ گئی احتیاط برن۔



### ❁ کوسٹینو نوم: قیّمت گل

نباتاتی نوم: [154] *Taraxacum officinale* Weber

تاثیر: چھہو

کُموت: پھڑو

ناروغتیا: بی دھنوالی

سنون گہ کمون: [1] آئے سے پھڑہ چُکّے ہی دھنوالی کریا پیلہ سنے دین۔ آ گئی ہی دھنوالی نوشانی۔ [2] پھڑہ بازار دہ ملّی بوجن۔ [3] چہرّے، پٹھہ گہ

<sup>154</sup> Plant name identified by Dr. Zafeer Saqib, 2003.

پُھڑہ انسانی صحت کے کِریا مَنہ دارو مَجی ٹل تہے کِمَجَن۔ [4] بی مرضو کِریا گہ آس غورہ کلین۔ [5] بضمہ گہ قبضی کِریا گہ مَٹنِنو۔ [6] ڈیرے پُھڑجیار نہانوَ۔ [7] پھٹو شا گہ بدین۔



### ❁ کوسِٹینو نُوم: کاگہ ولنے

نباتاتی نُوم: [155] *Foeniculum vulgare*

تاثير: تتو

کُموت: بی، پٹھہ

قِسم: مٹھو/گوڑی

ناروغتیا: قبضی، کمزوتیا

سَنون گہ کَمون: کاگہ ولنے ایک مشہور مٹھون۔ ہر زائے دہ آئے سے استعمال بینو۔ لے مرضو کِریا کِمجانوَ۔ [1] قبضی کِریا آئے سے بی پیڑی پوش دیزو بُجیش لوشکی گہ بیلار وئی سے ایک تلی دیگہ تو قبضی مرض نوشانی۔ [2] جھاڑے دارو ابون آلو یا جھاڑجی پتو لئی اشتیار بلی تو طاقتے کِریا آئے سے پٹھہ چکٹے، چار دیزو بُجیش لوشکی گہ بیلار ایک پیلہ سنے دین۔ [3] کاگہ ولنے، بادام گہ مصری ایک شانیو ٹل تہے پیڑی ایک ایک خمخیا لوشکی گہ بیلار دُت سے استعمال تھون گئی اچھیو کمزوتیا نوشانی۔ [4] کاگہ ولنے گہ جُمین بائے گرام آں کٹئی لوئی شہ گرام پیڑی، ٹکئی پتو تلی

<sup>155</sup> Muhammad Hamayun, Sumera Afzal Khan, Ilyas Iqbal, Gohar Rehman, Tariq Hayat and Mir Ajab Khan 'Ethnobotanical Profile of Utror and Gabral Valleys.

دیگہ تُو معدہ گہ باضمہ سم پینو، کھیلی پیلی جنی بضم پینی۔ [5] ایک گلاس ووئی دہ کاگہ ولنے مشری، مجی شکر گہ شو مرچے پُھک ٹل تھے استعمال تھیکہ تُو ششے دڑ گہ گیر نوشانی۔ [6] چھنسونے کِریا ایک جوک کاگہ ولنے چُکٹے ہوری گلاس ووئی دہ بلے چار گھنٹوجی پتو ہگارجی بری اٹے، مجی چینی ٹل تھے لوشکی گی بیلاڑ استعمال تھیکہ تُو چھنسونے مرض نوشانی۔ [7] بیشے مرضے کِریا ایک جوک کاگہ ولنے، ہوری سیر ووئی دہ بری اٹے، مجی میچھی ٹل تھے دیگہ تُو بیشے مرض گہ پوٹی/نئی کُھو نوشانی۔ [8] شلے کِریا آئے سے جوشاندہ سنے مجی شہ ست کُہ لونگ وی پین۔ [9] چولیو مرضے (حیض) کِریا کاگہ ولنے دہ مجی اپھو ہو گڑ ٹل تھے، ہگارجی بری اٹے لوشکی گہ بیلاڑ استعمال تھیکہ تُو پوچو مرضے بے قاعدگی نوشانی۔ [10] آگنی ڈیرے دجنی کم پینی۔ [11] کاگہ ولنے ڈیر گہ دودے دڑے کِریا مڑنینو۔ [12] آئے سے استعمال گنی اچھیو نظر سم پینو



✳ کوسٹینو نوم: کالزری

انگریزی نوم: Omum

تاثیر: تتی

کموت: بی کُہ

قسم: گوڑی/مٹھو

ناروغتیا: باسیر، پُھتِجیار، کھوروس، معدائے دجنی، مہیکئی،  
بادخوری، اچھیو نظر، بڑک، کِمٹہ، دودے دڑ۔

احتیاط: کالیزری لئی گھٹ استعمال نہ تھین، لئی گھٹ استعمال  
گئی باش گہ اوٹریوڑ نوخصان بینو۔

سنون گئی کمون: آئے سے استعمالے لا فائدانہ۔ آئے سے خوراک ہوری  
جوک استعمال تھین۔ [1] وجود دہ گرمی اچارانی۔ [2] ریح گہ پُھتِجیار  
نہانی۔ [3] بلغم/کھوروس نکھلے پیر تھینی۔ [4] معدائے دجار کم تھے  
رطوبت پیر تھینی۔ [5] کالیزری ہوری جوک پیڑی، سُرْمہ سنے اچھیوڑ پلیگہ  
تو نظرے کمزوتیا نوشانی۔ [6] کالیزری پیڑی مُکھجی پلیے اپنی شبا پتو مُک  
دجریگہ تو رونگ صاف گہ تازہ بینو۔ دُو جُمو بُجیش استعمال تھین۔ [7]  
کالیزری گہ لوٹنی ایک شانیو ٹل تھے، پیڑی، آئے سے لیکھنی لیکھنی گولے  
سنے پُھکے بروٹ دہ پھتے گہ تو پُھک اُران نہ بین۔ [8] آئے سے سینیلی  
گولیئی کتابی یا کاٹھے سنیلو خیز دہ پھتہیگہ تو سیک نہ شچانی۔ [9]  
کالیزری گہ لونگ ایک ایک ماشہ پیڑی، جُولی دہ وی کھیگہ تو معدہ گہ پیوڑ  
طاقت دینی۔ [10] ڈیرے بادخوری کریا کھونجی پتو ایک ماشہ سفوف وئی  
سے کھیگہ تو بادخوری نوشانی۔ [11] کٹی کالیزری گہ آملائے پوست ایک  
شانیو ٹل تھے، پیڑی، مجی اپھی مچھی ٹل تھے لیکھہ بلوڑ دیگہ تو بتھارجی  
مہیکی تونے عادت نوشانی۔ آئے سے کریا رات نیڑجی مُچھو ایک خُمخیا  
دین۔ [12] کالیزری جوشاندہ سنے، غررائے تھون گئی دودے دڑ کم بین

[13] کالیزری ہڑک گہ ڈیرے کِمٹو کِریا گہ مڑنِینی۔ آئے سے کِریا کالیزری سرگہ دہ بلے، شوڑے کھون غورہ کلین۔ [14] ہوری پاؤ کالیزری، دائے سیر ووئی دہ بری اٹے، بڑو ٹپ دہ وی، کھان تھورسری اے گِجی (بچہ دانی) پُھڑجیار بلی تو ٹپ دہ ہر چھک چار دیزو بُجیش بیون گئی رحمے پُھڑجیار نوشانی۔ [15] باسیرے مرضے کِریا کِٹی کالیزری تپے، دائے دیزو بُجیش لوشکی گہ بیلاڑ بڑی بھارے زائے جی شباکک گڑے پھتگہ تو باسیرے مرض کم بیو نوشانی۔ [16] ہوری پاؤ کِٹی کالیزری گہ چینی ٹل تھے پیڑی، ووئی سے تلی دیگہ تو مہیکی اوزگار شانی گئی بینی۔ [17] قبضی کِریا گہ مڑنِینی۔ [18] کِٹی کالیزری، کِٹو مڑچ، سونٹھ، پھیل، پیلو ہریڑہ ایک کُلو، کِٹی لُونئی چے جوک ٹل تھے، پیڑی، سرگہ دہ بلے، پتو شوڑے پُھک/سفوف سنین۔ آئے سہ مجی میچھی ٹل تھے گہ تو ایک قسم گے معجون سنیجانو، سفوف بیل میچھی جی تلی گہ دین۔ باضمہ گہ معدائے کِریا لو مڑنِینو۔ [19] چُکئی اُباکی، بدبضمی، قبض گہ ہڑک ہونے مرضے کِریا گہ استعمال تھین۔ معدائے کِریا مڑنِینی۔

## ✿ کوسٹینو نوم: کاملا



انگریزی نوم: *Mallotus philippensis*

تاثیر: تتو

کُموت: چہرشو پٹ، کُلو، سفوف

قسم: گوڑی/مٹھو

ناروغتیا: دڑہ، ڈیرے کِمٹہ، پرہار، کھسّر، کانٹ۔

سَنون گہ کَمون: [1] کاملہ ہر قسمے دڑو مرضو کریا مڑنینو۔ آئے سے چہرشو پٹ نکھلے، چُکٹے، چھاٹ تھے، پیلہ سنے دین، آئے گئی دڑہ کم بین۔ آئے گبیر گہ جِجیالے لام دہ لو ہشینو۔ [2] آئے سے شُکھو کُلو دہ مجی پُھک ہو سفوف بینو کھاں مُتہ دارو سے ٹل تھے کِمجانو۔ [3] پرہار، کانٹ گہ کھسّرے کریا گہ مڑنینو۔



## ✿ کوسٹینو نوم: کاؤ

نباتاتی نوم: [156] *Olea ferruginea Royle*

تاثیر: تتی

کُموت: پٹھہ، کُله، کاٹھو

قسم: مٹھو

<sup>156</sup> Plant name identified by Dr. Zafeer Saqib, 2003; Muhammad Islam, 2005; Dassu HP Project, 2013.

ناروغتیا: معدائے زخم، باسیر، اوشی، پترے بٹوٹی، ہی دڑ، چومے  
مرض، بندو دڑہ، اونٹریو کِمٹہ.

سنون گہ گَمون: [1] کھاں ولجی پُھلوڑے کیلو (تیل) نکھلین اسہ ولجی  
کاؤے چُٹیو گہ تیل نکھلین۔ کاؤے کیلو دڑہ گہ اوشیئے مرضے کریا مڑنینو،  
آئے گئی مالش تھین۔ [2] کاؤے پٹھ دودے دڑے کریا گہ مڑنین۔ دودے دڑ  
بلی تو آئے سے لوگہ پٹھ چپون گئی دودے دڑ کم بیو نوشانی۔ [3] کاؤے  
پٹھ ووئی دہ روئی اسہ ووئی اپھی شبا آنزی دہ رٹے تھو تھون گئی دودے دڑ  
نوشانی۔ [4] شلا اچھی مجی سلی گئی کاؤے تیل پلیگہ تو اچھی شلیار کم  
بوئے نوشانی۔ [5] آنزی اے کُلہ یا زخمے کریا کاؤے نیلہ پٹھ چپین۔ [6]  
منوڑو ددو تو کاؤے نیلہ پٹھ چُکٹے، مجی ووئی گہ لوٹی ٹل تھے پلیگہ تو  
پھاندہ نہ بین۔ [7] انسانی چومے چمرٹیارے کریا کاؤے تیل دہ اپھی ہر  
چینی ٹل تھے آئے سے تھڑی سنرے بت پون جی پلیگہ تو چمرٹیار نوشانی۔  
[8] لیکھ بلو مالش، پھٹالیو لہیلیار گہ زخمے کریا مڑنینو۔ [9] کوٹو صفائی  
کریا ایک یا دو قطرے یون گئی کوٹے تھک پیر تھون ہسان بینو۔ [10] نرون  
کیجی آئے سے تیلے استعمال گئی صُرتے ٹھلیار کم بین۔ [11] نیرونی  
کیجی ایک خمخیا تیل کھون گئی جسمے خلیاتو رچھیار (حفاظت) بین،  
اونٹری گہ معدائے نظامڑ طاقت دینو۔ [12] اونٹریو سرطانی مرضے کریا لو  
مڑنینو۔ [13] کھس گہ اش بیلہ کاؤے کیلو سنرے کمین۔ [14] کاؤے دوٹہ  
گہ چھوٹی گہ سنین۔



## ❁ کوسٹینو نُوم: کتھن



سٹنسی نُوم: [157] *Wickstroemia canescens*

تائیر: ؟

کُموت: بکھٹیاں

قِسم: مُٹھو

ناروغتیا: -

سَنون گہ گَمون: آئے سے بکھیو گرلیئے دوم سنین۔ مُتی کھوجن نہ پلن۔



## ❁ کوسٹینو نُوم: کُجی/کُڑی

نباتاتی نُوم: [158] *Dryopteris stewartii*

تائیر: نیس تتی/نیس چھوئیس

کُموت: چہرِش، پٹھ

قِسم: مُٹھو

ناروغتیا: کِمٹہ، تپ دق، بدبضی، کُھو، دمہ، شال، روگ، اشتیار۔

سَنون گہ گَمون: کُجی شا لو مشہورن۔ کھٹاری وطنے جک سہ وال کُجی

تھے شوڑینن، یون جُولی بدے کھونن۔ [1] کُجی چہرِش ڈیرے لیکھ کِمٹو

<sup>157</sup> Plant name identified by Dr. Zafeer Saqib, 2003.

<sup>158</sup> Himalayan Jungle Project Palas, Indus Kohistan, 1992-1999

کریا مڑنیں۔ آئے سے چہرِش نکلے، چُکٹے، ووئی دہ بری ائے عرق نکلیں۔  
 کھاں بلو ڈیر دہ کِمٹہ بلہ تو سیٹوڑ مناسب مقدارے عرق دین، آئے گئی کِمٹہ  
 وزن۔ [2] تپ دقے مریضے کریا گہ آئے سے ایک ایک گلاس عرق لوشکی  
 گہ رات رات دین۔ [3] بدبضی، کُھو، پیش، شال گہ روگے مرضے کریا آئے  
 سے نیلہ پٹھو پیلہ لو غورہ کلین۔ [4] کُجی تازہ شا بازار دہ مُلئی بوجانو۔ یون  
 شُکھو شا بدے کھون۔ [5] کُجی دہ لا قسمو وٹامن بین کھاں  
 کمزور تیاے کریا غوران۔



### ❁ کوسٹینو نُوم: کچماچو

نباتاتی نُوم: [159] *Solanum nigrum* L

نباتاتی نُوم: [160] *Solanum villosum*

تاثیر: چھہو

کُموت: پٹھہ، کُله

ناروغتیا: چولیو مرض (حیض)، زیڑے، اُلیال، سوزاک، جراثیم،

دودے دڑ، چوم گہ ڈیرے مرضہ۔

<sup>159</sup> Plant name identified by Dr. Zafeer Saqib, 2003.

<sup>160</sup> Muhammad Amin, Muhammad Abdul Aziz, Andrea Pieroni, Abdul Nazir, Abdullah Ahmed Al-Ghamdi, Aleya Kangal, Khalid Ahmad, Arshad Mehmood Abbasi: Edible wild plant species used by different linguistic groups of Kohistan Upper Khyber Pakhtunkhwa (KP), Pakistan. Journal of Ethnobiology and Ethnomedicine, 2023

سنون گہ کمون: کچماچوئے مٹھو لیکھو ہو بینو، پٹھہ نیلہ بینن، پیلہ پیلہ کلٹوئے شچن۔ پٹھہ گہ کلہ داروئے کریا کمجن۔ [1] شلا دودجی آئے سے کلو دویہ بدین۔ [2] کچماچوئے تام مٹھو نکھلے، دجری، چکٹے، ووئی دہ اچا بری آئے چہ مجن بلاجیئے، پتو چھاٹ تھے، دُبرہ بگارجی بدے اسہ بُجیش روئنن چہ ووئی چبی۔ سوزاکے مرضے کریا ایک ماشہ مُشا اے صُرتجی پلیون۔ زیڑے گہ سوزاکے کریا آئے سے ایک ماشہ کھون گہ ہن۔ [3] آئے سے پٹھہ چکٹے اسہ سے عرق چومے مرضو کریا پلین۔ [4] پرہارہ صاف تھونے کریا آئے سے عرق کمین، جراثیمو اثر نہانؤ۔ [5] آئے سے کلہ شوڑے، پیڑی ڈیرے مرضو کریا تلی دین۔ [6] آئے سے تلی چیؤ مرضے کریا گہ مڑنینی۔ [7] کلہ کھون گئی مکھے پڑسوب وزانی۔



### ❁ کوسٹینو نوم: کچھل

نباتاتی نوم: [161] *Picea smithiana* (Wall.) Boiss.

تاثیر: تتو  
کموت: لوگی چپی  
قسم: توم/مٹھو  
ناروغتیا: ییگے پرہار

سنون گہ کمون: کچھلے لوگی چپی ییگے پرہارے کریا مڑنینی۔ [1] آئے سے

<sup>161</sup> Plant name identified by Dr. Zafeer Saqib, 2003.

لُوگنی چُپی، اوبے پٹھہ گہ لُوگو آئینلے واز ٹک ٹھے چُکٹے پرہارے مقدارے  
 چُٹو تھے پرہارجی بدے گزین، آگنی ییگے پرہار روغ بین۔ ییگے پرہار  
 صُرتجی کینسرے زخمڑ تھین۔ آ صرف خرگن پرہارے کریانو۔ [2] کچھلے  
 کلیل سُمے پُھٹلو بوٹجی گہ پلین، سم شان گنی پلیگہ تو وئی نہ نکھزانو۔



### ✿ کوسیتینو نوم: کدی گوڑی

نباتاتی نوم: [162] *Acorus calamus* L. Araceae

تاثیر: چھہوئیں

کُموت: پٹھہ


قسم: گوڑی

ناروغتیا: باسیر، لیلے خرابتیا

سنون گہ کمون: آئے مٹھوئے پُھڑو نہ بینو۔ پٹھہ جنگ نیلہ روگے بین۔ گون لو  
 کچٹو بینو، خرس کھوش بوئے کھون۔ [1] آئے سے پٹھہ چُکٹے، چھاٹ  
 تھے، وئی دہ مشری، دیزہ مجی ہوری گلاس بین۔ چے دیزو بُجیش پیون  
 گنی صُرتجی نکھتہ پھوپشی ششی روغ بین۔ [2] لیلے باسیرے کر یا آئے  
 سے پٹھہ شوڑے، پیڑی دیزے ہوری خمخیا وئی سے ایک موس بُجیش پیگہ

<sup>162</sup> Ahmad Khan, 2005. Palas Non-Timber Forest Products Project, Kohistan

تو باسیرے مرض نوشانی۔ [3] ہضمائے گہ دڑو مرضے کریا استعمال تھین۔  
[4] آگہ رزن چہ آس دہ ہشے اثر گہ بین۔



## ✻ کوسٹینو نوم: کربی

نباتاتی نوم: [163] Sorbaria tomentosa

تاثیر: تنی

کموت: پٹھہ، شیشو

قسم: مٹھو

ناروغتیا: بچی، کھسر، کینسر، معدہ، جوں پیڑو۔

احتیاط: ہشے اثر بینو، کم استعمال تھون پکارن۔

سنون گہ کمون: [1] آئے سے شیشو دبی، پیڑی، گاؤلو گی دہ ٹل تھے بچی  
جی پلین۔ [2] شیشو نہ ہشلو تو آئے سے پٹھہ پیڑی، گاؤلو گی دہ ٹل تھے  
پلین۔ [3] کھسرے مرضے کریا کربی پٹھہ شوڑے، پیڑی، تیل یا ششانو گی  
دہ مشری کھسرڑ پلین۔ آئے گئی کھسرے مرض کم بیو نوشانی۔ [4]  
ہضمائے کریا مڑنینو۔ [5] کینسرے علاجے کریا غورہ کلین۔ [6] جوں کریا  
آئے سے چہریش چکٹے، شوڑے، پیڑی، تیل دہ وی شستر پلیگہ تو لیچہ گہ

<sup>163</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

جُویں نوشن۔ [7] پیڑو کریا آئے سے چہرِش روئی اسہ ووئی شہر شہر تھین، آئے گئی پیڑوئے نوشن۔



❁ کوسٹینو نوم: کستی

نباتاتی نوم: [164] *Indigofera heterantha*

تاثير: چہہوئیں

کُوت: پٹھہ، چہرِش


قسم: مٹھو

ناروغتیا: لیل رٹون، ڈیرے دڑ، پرہار، شیئے کِمٹہ۔

سنون گہ کَمون: [1] چٹنی مٹنی گال گہ لیل وتھو تو کستی پٹھہ آنزی دہ چپے پرہارجی بدیگہ تو لیل رٹجانو۔ [2] ڈیرے دڑے کریا آئے سے لوگنی چہرِش چپے رس گڑت تھگہ تو دڑ نوشانی۔ [3] ڈیرے دڑے کریا آئے چہرِش چکٹے، پیلہ سنے تگہ دین۔ [4] بڑی پرہارے کریا کستی مٹنی گوڑیو سے ٹل تھے پئی گہ ملہم سنین۔ تریب آئے نی چہ کوڑو سمار کستی چہرِش، کوڑو سمار، اسپاٹے پٹھہ، تماکے ایک پٹھو، اپھو ہو چوئی اے کلیل، ایک تلی میچھو، دُو تلی چکنی گہ چوٹیل، کوڑو سمار لوگو آئیلے واز چکٹے، گئی دہ روئی ملہم سنین۔ آئے گئی رو جنی اینی، نُقص نہ پھت بینو۔ [4] کستی

<sup>164</sup> Plant name identified by Dr. Zafeer Saqib, 2003; Dassu HP Project, 2013.

چہر ش چُکٹے، ووئی دہ مشری، چھاٹ تھے اسہ سے عرق بڑو منوڑے کریا تام، لیکھو بالے کریا بورئ گلسو دینن۔ آئے گئی ڈیرے شیئے کِمٹہ ٹھک بوئے وزن مگر ست دُبار دُو موس بُجیش نہ دون۔ [5] آئے سے بکھیو گریلیں گہ سنین۔ [6] لہاتی زیوڑ جک سہ آئے گئی گوڑے بلی گزین۔



### کوستینو نوم: کسودر

نباتاتی نوم: [165] *Fraxinus xanthozyloides*

نباتاتی نوم: [166] *Fraxinus xanthoxyloides*

(Wall. ex G. Don) DC

تائیر: چھہو

کُموت: چہر شے پٹ، پٹھ

قسم: مٹھو

ناروغتیا: پیلئ اسپا، چابی، صُرتے لہیلیار، دجار، جَک۔

سنون گہ کَمون: کسودر بنی نسلجی ایک مٹھون۔ [1] کسودرے پٹ گہ

پٹھ پیلئ اسپائے مرضے کریا مڑین۔ پٹھ چُکٹے، چھاٹ تھے، دیزہ مجی دُو

چوٹ ایک پیلہ سنے ست دیزو بُجیش دین۔ [2] پٹھو پیلہ صُرتے دجارے

کریا گہ مڑینو۔ [3] جَکے دڑو کریا آئے سے چہر شے پٹے چاء سنے پیگہ تو

<sup>165</sup> Plant name identified by Dassu HP Project, 2013.

<sup>166</sup> Dr. Zafeer Saqib, 2003.



جکے دڑہ نوشنن۔ [4] نیلہ یا شُکھہ پٹھہ مالڑ وینن۔ [5] کاٹھو کُرو گہ ہگُرو  
یینو، ہل گہ دوٹو کِریا آئے سے کاٹھو کِمجانو۔



❁ کوسٹینو نُوم: کِکلو مکِبرسہ

نباتاتی نُوم: [167] *Atriplex lasiantha* Boiss


نباتاتی نُوم: [168] *Fragaria indica* Andr

. Rosaceae

کُموت: کُلہ

ناروغتیا: اشتیار

آ زنگلی مکِبرسو ایک دوموگنی قِسمِن۔ میوائے شان گنی کِہجانو، منوڑے  
ضُرتے کِریا مڑنی کِلِجانو۔ زنگلے جنسری سہ لئی کھوش گنی کھونن۔ اصل  
مکِبرسہ گہ آس مجی لو بسکو فرق نِش مگر اپو ہو ہنو۔



❁ کوسٹینو نُوم: کلیر

نباتاتی نُوم: *Sorbus microphylla*

تائیر: چہہو

کُموت: چہرٹسے پٹ

<sup>167</sup> Plant name identified by Dassu HP Project, 2013.

<sup>168</sup> Dr. Zafeer Saqib, 2003.




قسم: مٹھو

ناروغتیا: شال، اسپا، جھاڑ، باسیر۔

سنون گہ گمون: [1] جھاڑے کریا کلیرے چھرش چکڑے، چھاڑ تھے،

ایک یا دو تلی دین۔ [2] باسیرے مرضے کریا چھرش چکڑے، چھاڑ تھے،  
مچھی دہ ٹل تھے، مشری، گولیئی سنے پنزیلے دیزو بجیش دیزہ مجی دو دو  
گولیئی کھون۔ [3] شال گہ اسپائے مرضے کریا آئے سے چھرش چکڑے،  
چھاڑ تھے، پوش دیزو بجیش لوشکی گہ بیلار ایک ایک پھلو پین۔



کوستینو نوم: کٹو/کوٹو

نباتاتی نوم: [169] *Chenopodium album* L.

تائیر: چھو

کومت: پٹھ

ناروغتیا: کمروتیا

سنون گہ گمون: [1] کٹو ایک قسم کے شانو، آئے سے شا بدے کھون۔ لو

گھٹ یا ہر چھک کھون بر نہ کلین۔ [2] آس دہ پروٹین، وٹامن اے، کیلشیم،  
فسفورس گہ پوٹاشیم بسکو مقدار دہ پینو۔

<sup>169</sup> Plant name identified by Dr. Zafeer Saqib, 2003-

کوسٽينو نُوم	سائنسي نُوم	تائير	ڪمُوت
ڪڻڻس/ڪڻي	؟	؟	ڇهڙش

سنون گه ڪمون: ڪهس وڃ ده ڇاڻون نه پيسو۔ چيئس سه ڪڻڻس/ڪڻي ڇهڙش ڇڪڻس، پهڻ سنس آس گي تهڪلته پوڇه ڊجارس۔ اش بيله نه ڪمين۔

کوسٽينو نُوم	سائنسي نُوم	تائير	ڪمُوت	مرض
ڪهريس	؟	ڇهڙوئس	پڻه	شال، چاپي

سنون گه ڪمون: ڪهريس پڻه شال گه چاپو مرضس ڪريا مڙنين۔ [1] پڻه ڇڪڻس، ڇهان تهر، عرقس پيله پوڻ ديزو بڄيش رات رات نيش تهونجي مڇهو ايڪ گلاس پيون گي شال گه چاپو مرض نوشاني۔

کوسٽينو نُوم	سائنسي نُوم	تائير	ڪمُوت
ڪهڪڙا	؟	تنو (بش)	ڇهڙش

ناروغتيا: جُون، پيڙوئس، مٿانه، مڙدي، جريان، بٽوئي، اروئي ڊڙ، پُهڙجيار۔

احتياط: ڪهڪڙا ده بشس اثر بيني بال ڇهلوجي ڏور پهتيا۔

سنون گه ڪمون: آئس سس ڪوڙلته سرائس اُڙمڪس جي خور بينن، پُهڙو پيلو بينو۔ [1] آئس سس ڇهڙس پٺ نڪهلے، شوڙم، پيڙي، تيل يا گي ده مشري شِسٽر پليگه تو جويو گه لڇه مرجي ٿهڪ بينن۔ [2] پيڙو ڪريا آس ڇهڙس پٺ پيڙي شين، بتھاري گه گوڙم تهل ده شرشر تهگه تو پيڙوئس نوشنن۔



## ❁ کوسٹینو نُوم: کھگو

نباتاتی نُوم: [170] *Pistacia chinensis* subsp.

تائیر: چھو

کُوت: چھرشے پٹ، کُله

قسم: مٹھو

ناروغتیا: معدہ، زبڑے، تاؤ، جریان، بيش، کھو، پیش۔

سنون گہ کُمن: آئے سے چٹہ چٹہ نیلہ پٹھوئے بین۔ اُخہ گہ یو کھگوڑ لو بینو۔  
معدائے مرض، وجودے تاؤ، جریان گہ کُھوئے مرضے کریا مڑینو۔ [1] آئے سے نیلہ  
پٹھہ چسے، سم شان گئی چُکٹے، عرق نکھلے، مجی چینی ٹل تھے لوٹکی گہ  
بیلاڑ ایک ایک گلاس شربت بین۔ [2] کُھو گہ بیشے مرضے کریا آئے سے پٹھہ  
شوڑے، توجی جڑی، پیڑی، میچھی دہ ٹل تھے دیزے دُو دُو خمٹھائے نیڑجی مچھو  
دین۔ [3] جریانے مرضے کریا آئے سے شکھو کُلو پیڑی، مجی چینی ٹل تھے،  
لوٹکی گہ بیلاڑ دُو دُو خمٹھائے دُت یا ووئی سے ایک موز بَجیش استعمال تھین۔  
[4] بیشے اثر بینو، لیکھہ بَلوڑ نہ دیا۔

کوسٹینو نُوم	سائنسی نُوم	تائیر	کُوت
❁ کھگیو	؟	چھو	پٹھہ


سنون گہ کُمن: آئے ایک قسم کے شانو۔ جک سہ شا بدے کھون۔

<sup>170</sup> Plant name identified by Dr. Zafeer Saqib, 2003-

کوسٹینو نُوم	سائنسی نُوم	تائیر	کُموت
❁ گُٹشِرِیں	؟	تتو (پش)	چہرِش

ناروغتیا: کمزوتیا، شِسے مرض، لیل، ریا ح، شِسے دڑ، کُھو، عرق النساء، چولیو  
مرض (حیض)، چومے مرض۔

سَنون گہ گَمون: [1] آئے سے تیل کمزوتیا، کُھو، چولیو مرض، اوشی، رگو گہ  
بندو دڑو کریا مڑنینو۔ 2 ماشہ میچی سے ساتی استعمال تھین۔ [2] عرق النساء گہ  
صُرتے چومے مرضے کریا آ سے تیل گئی مالش تھیکہ تو چُھوت چُھوت فرق آئو  
بوجانو۔ [3] لیلے تاو، ریا ح، شِسے دڑ، کُھو گہ چولیو مرضے کریا چہرِش شوڑے،  
چُکٹے، پیڑی لوٹکی گہ بیلاڑ تلی دین۔



❁ کوسٹینو نُوم: کَہیانر

انگریزی نُوم: Thorm Apple

تائیر: چہہو

کُموت: چہرِش، پٹھ، کُلو

قسم: گوڑی

ناروغتیا: تتی، چہہوئیں شال، جریان، ددلو، شِسے دڑ، بیش، چُھسون

سَنون گہ گَمون: آئے سے چار قسمہ بین، کُلو کھکیئے جی شِنا بڑو بینو،

کوڑلتو ڈڈورو بی گئی پوٹو بینو، کُلو پکھو تو مجنیو گورو یا کٹو بی نکھزانو۔

[1] تتی گہ چھہوئیں شلے کریا آئے سے چہرہ چکڑے، چھاٹ تھے، پیلہ سنے دیزہ مجی ایک بوری گلاس ووئی دون گئی تتی یا چھہوئیں شال چھجانی۔ [2] کھیانر دہ نیڑے اثر بسکی بینی۔ [3] چھنسون نہانو مگر اشتو منوڑ نہ دوئن۔ [4] پیش (دمہ) ائے مرضے کریا آئے سے پٹھہ چلم دہ تماکے زائی دہ پیون گئی پیشے مرض کم بینی۔ [5] بندو دڑو کریا کھیانرے تیلے مالش لئی مڑنینی۔ [6] آئے سے رس تیل دہ ٹل تھے شستہ پلینگہ گو لیچ گہ جوویں مڑجن۔ [7] آئے سے بی 6 رتی جی بسکو کھیگہ تو پیشے اثر پائدا تھینو، احتیاط پکارن۔ [8] آئے سے تیل گئی مالش تھیگہ تو صترے کاٹ نوشانی۔ [9] آئے سے بی پوٹی کھو گہ چھنسونے کریا لو مڑنینو۔ آئے سے ابو بو بی سم شان گئی ووئی دہ روئی اسہ سے ایک لیکھنی ہرے خمخیا لوشکی گہ بیلاڑ دون گئی پوٹی کھو گہ چھنسونے مرض نوشانی۔ [10] بڑی پرہارے کریا آئے سے نیلہ پٹھہ گئی دہ دپی، اسدیو پتو گئی صاف تھے اسہ پرہارجی پلینگہ تو پرہار جنی روغ بینی۔ [11] چچیو دت لو گھٹ لیون گئی چچی شلالی یا پڑسوب آلی تو آئے پٹھہ روئی چچیو جی گڑیگہ تو چچی روغ بین۔ [12] بندو پھرجیار/پڑسوب بلی تو آئے سے پٹھہ گئی دہ غوڑ تھے، تپے پھرجلی زائی دہ بدیگہ تو پھرجیار نوشانی۔ [13] آئے سے پٹھہ چکڑے، ووئی نکھلے شستہ پلینگہ تو جوں لیچ مری نوشن۔ [15] دیسی دارو کریا آس سے پٹھہ گہ بی کمجانو۔ [16] شال گہ خسارے کریا مڑنینو۔ [17] شستہ دڑے کریا آسے

تیل گئی مالش تھین۔ [18] پیٹھے مریضے ڈکھ رٹونے کِریا آسے پٹھو دُوم تھینن یا چلم دھ تماکے زائی دھ شُوک تھین۔ [19] چھنسونے کِریا مڑنیو۔ [20] پھو گھ کلہ بُس دیونے کِریا آسے پٹھو شِیے تپے پھو یا کُلوجی گڑیگھ تو کُلو بُس دِجانو۔ [21] جرھ ضعیف جگو بندو دڑو کِریا مُتھ دورو سے ٹل تھے آسے اپو ہو بی دین۔ [22] آسے بی مُتو دارو سے ٹل تھے گولی سنے چُنسون گھ جریانے مریضڑ دین۔ [23] آئے سے بی تلٹو ایک جی چار کُلو بُجیش کھون، ادیو بسکو نہ کھون۔ آس دھ بَشے اثر بینی احتیاط گی استعمال تھون پکارن۔



### ✿ کوسٹینو نُوم: کورٹ

نباتاتی نُوم: [171] *Bergenia ciliata*

نباتاتی نُوم: [172] *Bergenia stracheyi*

تائیر: چھپو

کُموٹ: چھپش

قِسم: گوڑی

ناروغتیا: دڑھ، شوگر، بيش، مہیکي، السر، ژوگے بٹونی، کھسے دڑ، پرہار۔

<sup>171</sup> Plant name identified by Dr. Zafeer Saqib, 2003-

<sup>172</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354

سنون گہ کمون: کورٹے چے قسّمہ بینن۔ کورٹ اخسر بٹو مجی جانو، پٹھہ سنا بڑہ بینن، پُھڑو شو بینو۔ [1] کورٹے چہرّش چُکٹے، پاک ٹیئی دہ چھاٹ تھے، مجی گی وی ہر قسمے صُرتے دڑو کریا دینن۔ [2] آئے سے گوڑی دُت دہ یون گئی دُت لئینو۔ [3] ذیابیطسے مرضے کریا کورٹے چہرّشے پٹ نکھلے، لیکھہ لیکھہ پُھسرہ تھے، ووئی دہ سم شان گئی روئی، چھاٹ تھے ووئی بوتل دہ وی پتھنن۔ لوشکی لوشکجی ایک گلاس عرق ذیابیطسے مرضے کریا استعمال تھینن۔ لو چٹھو بینو مگر مڑنینو۔ [4] دڑو کریا آئے سے چہرّش پیڑی، گی دہ ٹل تھے کھونن۔ [5] آئے سے چہرّش چُکٹے، شوڑے، پیڑی بوری خمّشیا پُھک (سفوف) ووئی سے تلی دینن۔ [6] مالڑ چھیکے مرض شتی تو آئے سے چہرّش چُکٹے، چھاٹ تھے، ووئی دہ ٹل تھے دو چے وخ مالڑ دیگہ تو چھیکے مرض نوشانی۔ [7] ڈیرے دڑ، مہیکئی گہ السرے کریا چہرّش پیڑی، سفوف ششاٹو گی دہ ٹل تھے ووئی سے گُرٹ تھینن۔

کوستینو نوم	سائنسی نوم	تائیر	کُموت	مرض
کورکھاپ	؟	تتی	پٹھو	سُرْمخے، اوشی

سنون گہ کمون: [1] کورکھاپے پٹھہ تانگ دونے کریا کِمجنن۔ سُرْمخے گہ اوشیئے مرضے کریا آئے گئی تانگ دینن۔ [2] کھس وخ دہ بھانگے شریا آ گئی تگہ دینس، اش بیلہ بھانگے تانگ دینن۔ [3] کھس وختوڑ آ سے پٹھو ٹیخی سنے بگار گُھینس، اش بیلہ بگارے کریا کچاٹئی کِمجانن۔



❁ کوسٹینو نُوم: کورْ پلاؤں

نباتاتی نُوم: [173] *Seseli libanotis*

تاثیر: تتی

قسم: مٹھو

کموت: پٹھوئے

ناروغتیا: اوشی، سُرْمخے

سنون گہ کمون: [1] آئے سے پٹھو کھاپ اوشی گہ سُرْمخے تگو کِریا کِمجانی آن آ گئی تانگ دین۔ [2] گھس زُمنہ دہ جک سہ آئے سے ٹیخی سنے بگار گہینس۔ [3] گھس وخ دہ جک سہ آسے ژباٹی سنینس۔



❁ کوسٹینو نُوم: کورْؤ

نباتاتی نُوم: [174] *Cardamine macrophylla* Willd

تاثیر: چھپو

کموت: پٹھ

آ ایک قسم کرے شانو، جک سہ پال مچی شا بدے کھون۔ کوئے مُتہ داروئے سنون دہ ٹل تھے تگہ کمین۔

<sup>173</sup> Razwal Kohistani, 1997. Indigenous Use of Medicinal Plants in Kohistan.

<sup>174</sup> Plant name identified by Dr. Zafeer Saqib, 2003.



## ❁ کوسٹینو نوم: کوئڈیرو

نباتاتی نوم: [175] *Valeriana straceyi*



تائیر: چھہو

کُموت: پٹھہ

قسم: مٹھو/گوڑی

ناروغتیا: کوئے دڑ، کُلو، پھو، پرہار، تھتر، پچال، زیڑے، مہیکی  
دجون، دڑہ، چھاڑی، دماغ، اچھیو نظر، چومے مرض۔

سَنون گہ کَمون: آئے سے پٹھہ کوئے دڑ، کُلو، پھو، پرہار، تھتر گہ چُٹو بلے  
پھٹالیو پچلے کِریا مڑنیں۔ [1] کوئے دڑے کِریا آئے سے پٹھہ چُکٹے، ووئی  
چھاٹ تھے، اسہ سے ایک یا دُو قطرائے شِلا کوٹ دہ تھک تھین۔ [2] کُلو،  
پھو یا پرہارے کِریا آئے سے پٹھہ شوڑے، پیڑی، کُلو، پھو یا پرہارجی شَرشَر  
تھین۔ آئے گئی پرہار شِشی رُو جنی اینی۔ [3] آئے سے شُکھہ پٹھہ پیڑی،  
پُھک سنے لیکھہ بَلو پھٹالیو گُوٹ دہ شَرشَر تھیکہ تو پٹھالیوڑ پچال نہ بین۔  
[4] آئے سے شا تتی مرضو کِریا مڑنیں۔ ایک خمخیا خوراک صرف۔ [5] آئے  
سے پٹھہ دجری صاف تھے، چُکٹے، ووئی دہ وی، چُٹو بگارجی بری اٹون۔  
ایک دُو بری آئی تو دوگوٹ مقدارے چینی ٹل تھے شربت سنیں۔ آئے شربت  
اُلیال، بیو، معدائے تاو، مہیکی دجون گہ شَلے مرضے کِریا مڑنیں۔ [6] آئے

<sup>175</sup> Plant name identified by Dassu HP Project, 2013.

سے پٹھو سے ساتی اپہہ ہا پھیلے پٹھہ، اپہو ہو سونف، اپہو ہو کٹو مرچ گہ  
کٹو لوٹنی ٹل تھے، چکڑے چٹنی سنے کھون، معدہ گہ اُلیال شَچونے مرضے  
کریا لئی غورہ کلین۔ [7] آسے شا گہ بدین۔



کوستینو نوم: کوٹو (زنگلی بادام)

نباتاتی نوم: [176] *Prunus amygdalus*

Bell. Batsch.

تاثیر: کلو چھٹو، (تیل تنو)

کموت: کلو/کلی

قسم: مٹھو

ناروغتیا: قبضی، دڑہ، کمزوتیا، ششے بالہ گہ انٹھیو کمزوتیا، ذیابیطس۔

احتیاط: زنگلی بادامے تازہ پٹھہ گہ پٹھہ بش لہ بین مگر پٹھہ ششی  
وزن آن پٹھہ بڑیوئے تام بلہ تو بشے اثر بڑيجانو۔

سنون گہ کمون: آئے سے کُلہ اُچی، شوڑے، کُلو پٹ پیر تھین۔ زنگلی  
بادامے کُلہ شورجی شوڑے جھورین۔ یون یون کلی نکھلے کھون۔ [1] آئے  
سے کلی توجی اپھی ہے جڑے پتو ہگوئی گئی گاڑی گاڑی تیل نکھلین۔ [2]  
آئے سے تیل ششے بالو کریا لو مڑنینو، ششے بالہ کُرن گہ رگین۔ [3] زنگلی

<sup>176</sup> Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354-

بادامے تیل تتو پینو، صُرت گہ دڑو مالشے کریا مڑنینو۔ [4] آئے سے تیل ایک خَمْخِیا لوشکی یا بیلار استعمال تھیکہ تو قبضی نہانو۔ [5] تازہ پش لہ پٹھہ مالو کھیگی آں پشے اثر بلو تو پتینو جنی لُوٹی دین۔ [6] صُرتے طاقترے کریا زَنگلی بادامے کلی لے غورہ کلین۔ [7] آئے سے کلی کھون گئی وجود دہ کولیسٹرولے مقدار کم پینی۔ [8] کلیئی سہ ذیابیطس اے مرض گہ کنٹرول تھین۔ [9] ہضمائے نظامڑ طاقت دین۔ [10] آئے سے استعمال گئی انٹھی، دودی کُرن۔ [11] آسے استعمال گئی امشیارے مرض نوشانی۔

کوستینو نوم	سائنسی نوم	تاثیر	کُموت	مرض
گیا	؟	تتو	پٹھہ	بندو دڑہ، کھسے دڑ

سنون گہ گمون: کھسے دڑ یا عام ہر قسمے دڑو کریا آئے مڑنینو۔ [1] دڑو کریا آئے سے پٹھہ شوڑے، پیڑی، بئی تھے، مجی گی وی رات رات ست دیزو بُجیش کھون۔ آئے کھیے پتینو جنی ووئی نہ پیون، دائے دیزو بُجیش بگرو کوم گہ نفسے پال تھوننی۔



کوستینو نوم: گپے پھڑو

نباتاتی نوم: [177] *Senecio chrysanthemoides*

کُموت: تام مٹھو

تاثیر: تتو

<sup>177</sup> Plant name identified by Dr. Zafeer Saqib, 2003-

قسم: مٹھو

احتیاط: آس دہ بٹسے اثر بین، لئی احتیاط گئی کمون پکارن۔

سنون گہ گمون: آئے سے لیکھو کچو بو مٹھو بینو، پیلروگہ پھڑہ بین۔ [1]

آئے سے بسکئی استعمال مٹھئی نہ کلین۔ [2] پر بار، چوم گہ بٹسے مرضے  
کریا دیسی طریقوجئی کمجانو۔ [3] کوئے جک سہ عرق صُرتے کاں گہ  
دجنی کریا پلین۔ [4] آئے سہ دہ بٹسے اجزاء گہ بین آئے گئی لئی احتیاط  
گئی کمون پکان۔ [5] آئے مٹھو مال سہ کچے شان گئی کھانی۔ [5] کھس  
وخ دہ آئے مٹھو چُکٹے بوں کالوج غوڑوالے، تھک گہ زنگ پھیر تھینس۔  
[6] کھگریا کٹروجئی زنگ شتو تو آئے گئی گاڑی گاڑی پیر تھین۔



کوستینو نوم: گراچی/گراج (کئی)

نباتاتی نوم: [178] *Rubus ellipticus* Smith

نباتاتی نوم: [ ] *Rubus fruticosus* L. Rosaceae


کُموت: میوہ، پٹھہ، چہریش

قسم: مٹھو

<sup>178</sup> Muhammad Amin, Muhammad Abdul Aziz, Andrea Pieroni, Abdul Nazir, Abdullah Ahmed Al-Ghamdi, Aleya Kangal, Khalid Ahmad, Arshad Mehmood Abbasi: Edible wild plant species used by different linguistic groups of Kohistan Upper Khyber Pakhtunkhwa (KP), Pakistan. Journal of Ethnobiology and Ethnomedicine, 2023

ناروغتیا: اشتیاری، بداشے کمزورتیا، لیلے تاؤ (فشار)، اسپا۔

سنون گہ کمون: آئے سے میوائے کُلہ کوئی روموڑ/علاقوڑ کِٹہ، کوئی زیوڑ لہیلہ بین۔ [1] آئے میوہ بیو، معدہ گہ اوڑیوڑ طاقت دے اسٹو فعال تھینو۔ [2] جریار دہ مستی بداش قائم تھینو۔ [3] لیلے تاؤ (فشار) کم تھینو۔ [4] آئے سے پٹھہ گہ چہرَش مرکب دارو مجی کِمجن۔ [5] میوہ دہ وٹامن C,E غذائی اجزاء گئی پوٹو بینو۔ [6] کِٹی، لہیلی یا شیئی اسپائے مرضے کریا گراچی/گراچھئے پٹھہ سزئے چہرَشو سے ٹل تھے چُکڑے، چھاٹ تھے اسپائے مریضے کریا پیلہ سنہ دین۔ دیزہ مجی لوشکی گہ بیلار ایک گلاس ووئی روغ بیش دین۔ [7] آئے سے پٹھہ شوڑے، چُکڑے ملہم سنہ پریج پلیگہ تو پربار جنی روغ بین۔



❁ کوسٹینو نوم: گراچی/گراج (پیلی)

نباتاتی نوم: [179] *Rubus ellipticus*

Smith Rosaceae

کُموت: میوہ، پٹھہ، چہرَش

قسم: مٹھو

ناروغتیا: اشتیاری، بداشے کمزورتیا، لیلے تاؤ (فشار)، اسپا۔

<sup>179</sup> Plant name identified by Dr. Zafeer Saqab, 2003.

سَنُون گہ کَمُون: آ سے میوائے کُلُو پِلُو یِنُو۔ آ سے فائدہ گہ کِٹُو گراچی شَریانُو۔ [1] آئے میوہ بیو، معدہ گہ اونٹریوڑ طاقت دے اسٹو فعال تھینُو۔ [2] جَریار دہ مِسٹنی بداش قائم تھینُو۔ [3] لیلے تاؤ (فشار) کم تھینُو۔ [4] آئے سے پٹھہ گہ چہرِش مرکب دارو مجی کَمجنن۔ [5] میوہ دہ وٹامن C,E غذائی اجزاء گئی پُوٹو یِنُو۔ [6] کِٹنی، لہیلی یا شیئی اسپائے مرضے کریا گراچی/گراچھینے پٹھہ سِزٹے چہرِشو سے ٹل تھے چُکٹے، چھاٹ تھے اسپائے مریضے کریا پیلہ سنے دینن۔ دیزہ مجی لوشکی گہ بیلار ایک گلاس ووئی روغ بیش دینن۔ [7] آئے سے پٹھہ شوڑے، چُکٹے ملہم سنے پرہرج پلیگہ تو پرہار جنی روغ یِنی۔



✽ کوسٹینو نُوم: گُگخھیلی / گُگسیلی

نباتاتی نُوم: [180] *Morchella esculenta*

تاثیر: تتی

کُموت: تام (بیل چہرِشجی)

قسم: فنگی

ناروغتیا: اشتیار، دجنی، دڑہ، بیش۔

کھس وخ دہ گُگخھیلیو جُولی بدے کھونس۔ اش بیلہ بازار دہ پَنزیرے جی بی

<sup>180</sup> Plant name identified by Dr. Zafeer Saqib, 2003; Himalayan June Project.

زِر روپیو سیر مُلّی بوجانن۔ جگو آمدنِ ایک لو بڑو سیلانؤ۔ گُگِشِہیلی  
 اخسر بھارے مُلکوڑ چِیٹن۔ بھارے ملکو لا بڑہ گران بوٹلو مجی آئے سے  
 سوپ پیجانؤ۔ [1] کوئے گران مرکب داروئے سنون مجی گُگِشِہیلیئے اجزاء  
 ٹل تھین۔ [2] آئے کھون گئی وجود گہ صُرتے دجنی نوشانی۔ [3] بادے گہ  
 بندو دڑو کِریا مڑنی نی۔ [4] آئے سہ دہ مجی ادا اجزاء بین کھانس صُرتے  
 مدافعتی نظامے اصلاح تھین۔ صُرت دہ انفیکشن نہانی آں مرضہ رٹونے  
 قوت پاندا تھینی۔ [5] آس دہ پروٹین، فائبر، وٹامنز، چُمر گہ زَنک ہا معدنیات  
 بین کھاں گئی گئی پیسے مرض کنٹرول بینی۔

کوسٹینو نُوم	سائنسی نُوم	تاثیر	کُموت
گُگریئے	؟	چھہو	پٹھہ/شا

آئے ایک قسم کے شانؤ۔ جُولی بدے کھون، صُرت مڑنی کلین۔

کوسٹینو نُوم	سائنسی نُوم	تاثیر	کُموت	مرض
گُماری	؟	چھہوئیں	شرائے	گال

سنون گہ کَمون: گُماری ائے پٹھہ بت گئی زَرے، آنزی دہ چپے دوئیچلی  
 زائی جی بدے گڑون گئی پرہارے لیل رُٹجانؤ۔ چُٹی مٹی پرہارو کِریا مڑینی۔

## ❁ کوسٹینو نُوم: گہیں

نباتاتی نُوم: [181] *Elaeagnus angustifolia*



تاثیر: چھہوُن

کُموت: کُلہ، کاٹھو

قسم: مٹھو

ناروغتیا: بی مرض، لیلے بَیش، اشتیار، مالے ڈیرے دڑ۔

سَنون گہ کَمون: گہیں ایک مِنہال ہو کوڑلتو میواہ دار مٹھون۔ مانسہرہ، کوہستان، غذر گہ گلگت دہ اخسر ہشینو۔ میوائے کُلہ پکھ تو شِنا لہیلروگہ ہا لیل بین۔ آسے میوائے کُلہ جوگلوٹے کُلوجی شینا لیکھ بین۔ [1] آئے سے کُلہ ہی کریا لا محرک گہ مڑنین۔ [2] لیلے دستو معی آئے سے کُلہ کھون گئی دستو مرض چہجانئ۔ [3] آئے سے میوہ دہ لا قِسمو طاقتو اجزا گہ معدنیات بین، خاص شان گئی وٹامن اے، سی گہ ای۔ [4] آسے چہرِش چُکٹے، ووئی دہ مشری مالے ڈیرے دڑے کریا دین۔ آگئی مالے ڈیرے دڑ نوشانی۔ [5] لیلے بیشے مرضے کریا گہ آسے میوہ لو غورہ کلین۔ [5] صُرتے طاقتے کریا آسے میوہ کھون۔

<sup>181</sup> Plant name identified by Dr. Zafeer Saqib, 2003; Dr. Rubina Rafiq, 1992-95.





## ❁ کوسٹینو نوم: گھنار

نباتاتی نوم: [182] *Amaranthus hybridus* L.

نباتاتی نوم: [183] *Amaranthus caudatus* L.

نباتاتی نوم: [184] *Amaranthus viridis* L.

تاثير: تتی

کُوت: کُله، پٹھہ

ناروغتیا: پڑسوب، اوشی، جھارا، کھسے دڑ۔

سنون گہ کَمون: [1] آئے سے کُله روٹی صُرَتجی پڑسوب بلی زائے جی گزین۔ [2] چالی مالے جھارا نہ وتھو تو گھنرے اومی ہے ٹکی تھے مالڑ دین، آئے گئی جھارا جی وزانو۔ [3] کھسے دڑے کِریا آئے سے کُله پیڑی، پُھکو سے ٹل تھے، بئی تھے کھیگہ تو کھسے دڑ نوشانی۔ [4] شا بدے تگہ کھون۔ [5] کوئے جک سہ مکئی یون دہ ڈولیوڑ گھنار تھین۔ آسے شا گہ کھون آں کُله شوڑے، پیڑی کوئے ول دہ بئی تھے کھون، کوئے ول دہ ٹکی تھے۔ کھس وخ دہ جک سہ گھنار بسکی تھین، اش بیلہ اچا لئی نہ تھین۔

<sup>182</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

<sup>183</sup> Plant name identified by Dassu HP Project, 2013.

<sup>184</sup> Plant name identified by Dassu HP Project, 2013.



## ❁ کوسٹینو نُوم: گھنلی/گھندلی

نباتاتی نُوم: [185] *Sambucus wightianum*

تاثیر: تتی

کُموت: بکھئی، ڈِگری، چہرِش، پٹ

قسم: مٹھو

ناروغتیا: اوشی، سُرمخے، بادے دڑہ، چھیک، بادخوری۔

سَنُون گہ کَمُون: [1] آئے سے لوگی نیلی بکھئی دویے، شوڑے، پتو مَمُون دہ پُہسٹے، پٹ تچھی، کھاپ ہُون تھے، سُرمخے، اوشی گہ بادے دڑو کِریا تانگ دونر کمین۔ [2] مالڑ بادخوری بلی تو آئے سے چہرِش چُکٹے ووئی دہ ٹل تھے مالڑ دین، آگی مالے بادخوری کم بیو نوشانی۔ [3] لیچوڑ چھیکے مرض شتی تو آئے سے چہرِش چُکٹے، گی دہ ترسیے لیچوڑ دین۔



## ❁ کوسٹینو نُوم: گورت/گورتہ

نباتاتی نُوم: [186] *Sorbus lanata*

تاثیر: تتو (شناکک بِشِلِتو)

کُموت: کُلہ

<sup>185</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

<sup>186</sup> Plant name identified by Dr. Zafeer Saqib, 2003.

قسم: مٹھو

سنون گہ کمون: گورت ایک زنگلی گہ باری (پهلدار) مٹھون۔ میوہ رزالو نہ بینو۔ آگہ رزنن چہ آس مجی شناکک پشے اثر گہ بینو۔ لو بسکو کھون مٹھو نہ کلین۔ [1] آسے کم مقدارے میوہ کھون گئی ہضمہ سم بینو مگر بسکو کھون دہ نوخصان بینو آن کھاں گئی منوڑڑ پیش، جوش، کوما گہ کمزوتیائی مرض یا نکھہ خرگن بوبانن، آوجہ گئی لو بسکو کھون پکار نانو۔



کوستینو نوم: گولبو/نیلنی چھوٹی

انگریزی نوم: Jasmin [گل یاسمین]


تاثیر: تتو/تتی

کومت: پھڑہ

قسم: گوڑی

ناروغتیا: اوشی/فالج، مقوی اعصاب، موتھو (دماغ)۔

سنون گہ کمون: آئے سے مٹھو کوڑلتو، پٹھوئے چٹہ، پھڑو پلاسو یا شو بینو آن رس دہ چٹھو بینو۔ آئے سے دو قسمہ بین۔ ایکے شو پھڑو، متے پیلو پھڑو بینو۔ شو پھڑے مٹھو لو کمجانو۔ [1] نیلی چھوٹی پھڑہ گہ چمبیلی پھڑہ ایک شانیو وزن دہ چکڑے، آئے سے عرق نکھلے پھتین۔ عرق ہضمہ، اوشی، اعصاب گہ موتھے مرضو کریا مڑنی کلین۔



❁ کوسٹینو نُوم: گوَن بالُو (مُشک بالا)

نباتاتی نُوم: [187] *Valeriana jatamansi* Jones

تاثیر: تنوُ

کُموت: چہرَش

قِسم: گوڑی

ناروغتیا: کِٹنی کُھو، چولیوُ مرض، معدہ، پی دڑ، عرق النساء، جریان، زیڑے، پوئی شال، جُویں۔

سَنون گہ کَمون: آئے سے پُھڑو شو، پُھو چیکٹو، چہرَش کِٹنی بین۔ [1] آئے سے چہرَش پیڑی پتھین۔ اگلا لڑم یا جو خیزی چپاؤ تو پیزیلو پُھک ووئی دہ بلے اجی پلین، بَشے دڑ گہ دجار کم بیو نوشانی۔ [2] لیکھ بلوڑ کِٹنی کُھوئے مرض بلے تو گوَن بالُوئے (مُشک بالا) چہرَش پیڑی، نوسارے چُنڈی سُمَار دیزہ مجی ایک چوٹ ملے دُدہ سہ دین، آئے گئی کِٹنی کُھو نوشانی [3] آئے سے چہرَش شک دہ تھون گئی شِس گہ پوچو جُویں نہ بین۔ [4] مُشک بالُوئے گوڑی بازار دہ مُلے گہ بوجن۔

<sup>187</sup> Plant name identified by Dr. Zafeer Saqib, 2003; Dr. Rubina Rafiq, 1992-95.



## ❁ کوسٽینو نُوم: لگانُ

نباتاتی نوم: [188] Melia azedarach

تاثیر: تنی

کُموت: پٽھ، کُله، کاڻھو

قسم: مُٺھو

ناروغتیا: کِمٺ، پائیں پھون، دڙھ، باسیر، لیل، جُون پِٿرو۔

احتیاط: کُلو مَجی پشِ پینو، 7 کُلو جی بسکھ کھیگه تُو مُنُوڙو مَرَج گه بنو۔

**سَنون گه کَمون:** [1] لگتے پٽھ چُکڙے، پاک ٿیئ دہ گڙے، چوپو سنے، بڙی  
بھارے زائی جی گڙین، آئے گی باسیرے مرضے مسائے شیشی نوشن۔ [2] لگانُ  
گه نیمے کُله ایک شانیو ٿل تھے، چُکڙے، آئے سے چُٺی چُٺی گولیئے سنے لوشکی  
گه بیلاڙ نرونی کیے جی ایک ایک گولی کھون باسیرے مرضے کِریا لئی غوری  
کلین۔ [3] آئے سے پٽھ چُکڙے، پھیلہ پون جی گڙون گئی پائیں روغ بین۔ [3]  
بخھرو ڏیر دہ کِمٺ بلہ تُو آئے سے کُله چُکڙے، رات پُڙخ دہ پھتے، لوشکیجی دیگه  
تُو کِمٺ وزن۔ [4] کُله شو مغز داروئے کِریا استعمال پینو۔ [5] آئے لیل صاف  
تھون گه دڙو کِریا غورانو۔ [6] آئے سے پکھه کُله ووئی دہ روئی، اسه گئی شش  
دجریگه تُو جُویں ٿهک بوئے مَرجن۔ [7] کُلو مغز مُتہ دارو مَجی کَمین، اسه سڙ  
تُخم بکائن تھین۔ [8] پٽھ لیل صاف تھون، دڙھ گه باسیرے مرضے کِریا کَمجن۔

<sup>188</sup> Plant name identified by Dr. Zafeer Saqib, 2003; Dassu HPm Project.



## ❁ کوسٹینو نُوم: لیلیو / لیلیؤ

نباتاتی نُوم 1: [189] *Viola sp.*

نباتاتی نُوم 1: [190] *Viola biflora L.*

تاثیر: چھہوئ

کُموت: پُھڑو

قسم: گوڑی

ناروغتیا: سُرمخے، پی دھن والی، بی دجنی، لیلے تاؤ/فشار، چھنسون، کُھو، سرطان، شوٹو شلون، بلغم، قبضی، کُھو، شال، ژوک گہ مٹانائے مرض، اُلیال۔

احتیاط: لیلیوئے لا گھن پُھڑہ کھیگہ تو چھاڑی اینی۔

سنون گہ کمون: [1] سُرمخے کریا لیلیوئے پُھڑہ، شوڑے، پیڑی، ملے دُت دہ ٹل تھے دیزہ مجی چے چوٹ ایک ایک خمٹیا لیکھو بلڑ دین۔ [2] پی دھنوالی کریا لیلیوئے پُھڑہ چُکٹے، پیلہ سنے دون گئی پی دھنوالی نوشانی۔ [3] لیلیوئے شا بدے تگہ کھون۔ پال مجی آئے سے شا غورہ کلین۔ [4] لیلیوئے شُکھہ یا تازہ پٹھہ مختلف طریقوجی مرکب داروئے سنون دہ کمجن۔ [5] لیلیوئے پٹھہ چُکٹے آئے سے شربت گہ سنین۔ کُھوئے کریا آئے سے شربت لو مڑنینو۔ [6] لیلیوئے پٹھہ شوڑے، پیڑی آئے سے ملہم سنے سرطانے پرہارجی پلین۔ [7] آئے سے جوشاندہ سنے سرطانے مریضڑ لوشکی گہ بیلار دین۔ [8] شوٹو شلالو تو آئے سے چاء سنے رات رات پین۔ [9] آئے سے شربت یا چاء پی دجنی، کُھو گہ چھنسونے مرضے کریا مڑنینی۔ [10] آئے

<sup>189</sup> Plant name identified by Dr. Zafeer Saqib, 2003; Muhammad Islam, 2005.

<sup>190</sup> Plant name identified by Dassu HP Project, 2013.

سے پھڑو نہ ہیشلو تو پٹھو پیلہ گہ سنین۔ [11] آئے سے شکہ پٹھہ بازار دہ ملئی  
 بوجن۔ [12] آئے سے شربت یا عرق سہ لیلے تاؤ/فشار کم تھینو۔ [13] شستے دڑے  
 کریا لیوئے پھڑے شون شون تھین۔ [14] قبضے کریا لیوئے سفوف/پھک یا گلغند  
 سنے دین۔ [15] لا گھٹ پھڑے کھیگہ تو چھاڑی اینی، بسکہ کھون پکار نان۔ [16]  
 آئے سے پٹھو شربت لیکھہ بلو کریا غورہ کلین۔ [17] آئے سے پٹھہ شوڑے، پیڑی،  
 ایک جوک سمار، تتو وئی سے تلی دیگہ تو قبضی، معدائے خرابتیا گہ شستے دڑ  
 نوشانی۔ [18] آئے سے پٹھہ چکٹے، پاک ٹپی دہ چھاڑ تھر، آسہ عرق/شربت  
 شال، کھو، شستے دڑ، اچھیئے شلون گہ ژوکرے دڑے کریا لو غورہ کلین۔ [19] آئے  
 سے شا بدے تگہ کھون۔



### ❁ کوسٹینو نوم: لٹی

نباتاتی نوم: [191]. *Cotoneaster affinis* var.

تاثیر:	چھہوئیں
کُموت:	پٹھہ، کلہ، چھوٹی۔
قسم:	مٹھو
ناروغتیا:	لیل رٹون، اشتیار

سنون گہ کمون: [1] لٹی پٹھہ گہ کستی پٹھو شریا ڈوئیجلو بت پاں جی لیل

رٹونے کریا مڑنین۔ پٹھہ چپے، دوئیجلئی زائے جی بدیگہ تو لیل بن بینو۔ [2]  
 آئے سے نیلہ پٹھہ چکٹے، روٹی عرق سنے لوشکی گہ بیلاڑ بوری بوری گلاس

<sup>191</sup> Plant name identified by Dr. Zafeer Saqib, 2003; Dassu HP Project, 2013.

پیگہ تو آئے گئی گٹھیا مرض گہ دجار کم بیو بوجانی۔ [3] لٹی کلو میوہ گہ  
کھونن، صورتے کر یا بر کلینن۔



❁ کوسٹینو نوم: لوہ

نباتاتی نوم: [192] *Galium aparine*

تاثیر: تتو

کُموت: چہرِش، پٹھہ

قسم: گوڑی

ناروغتیا: گال، پرہار، پی دھنوالی، جبان بن بون۔

سنون گہ کَمون: [1] لوءے چہرِش یا پٹھہ چُکٹے، وئی یا گی دہ دی روٹی، چھاٹ  
تھے، پیلہ سنے اسہ منوڑوڑ دینن کھاں سے وجودے چوٹ، گال یا جوبل بی۔ [2]  
بی دھنوالی یا جبان بن بلی تو پٹھہ چُکٹے، پیلہ سنے دینن۔ [3] چہرِش چُکٹے، گی  
دہ روٹی، مقدارے چھہونجرے، پرہارجی گڑینن، آگڑون گئی پرہارے رو جنی اینی۔

<sup>192</sup> Plant name identified by Dr. Zafeer Saqib, 2003; Dassu HP Project, 2013.






## ✿ کوسٹینو نُوم: مالپٹھوئی

نباتاتی نُوم: [193] *Pedicularis* spp.

تائیر: چھہوئیں  
کُموت: پُھڑہ، پٹھوئے  
قسم: گوڑی

ناروغتیا: شو ووی بوجون، شال، دڑہ، مہیکی، لیلے تاؤ۔

سَنون گہ کَمون: [1] آئے سے پُھڑہ گہ پٹھوئے شوڑے، پیڑی، سفوف سنے،  
لوشکی گہ بیلاڑ ووی سے ساتی ایک ایک تلی دین۔ آئے گئی شال، دڑہ،  
مہیکیئے مرض، لیلے تاؤ گہ صُرتجی شو ووی بوجونے مرض نوشانی۔



## ✿ کوسٹینو نُوم: مامیخ

نباتاتی نُوم: [194] *Paeonia emodi*

تائیر: تتی  
کُموت: چھرش  
قسم: گوڑی

<sup>193</sup> Plant name identified by Dr. Rubina Rafiq, 1992-1995; Dr. Zafeer Saqib, 2003; Dassu HP Project, 2013.

<sup>194</sup> Plant name identified by Dr. Rubina Rafiq, 1992-95; Dr. Zafeer Saqib, 2003.

ناروغتیا: کھسے دڑ، اشتیاء۔

سَنُون گہ کَمُون: آئے سے پٹھو چپترو بینو، پُھڑو خشاشے پُھڑے ولجی شو بینو۔ آئے دُو قسمو بینو۔ ایکے چہرَش شیئی بینی، مُتے چہرَش سنا کِٹنی بینی۔ شیئی چہرَشے مامیخ لئی کَمجانی۔ بدہوں بی کِٹو مگر مَجنیو شو بینو۔ [1] کھسے دڑے کِریا لو مڑنیو۔ آئے سے چہرَش گہ بی چُکٹے، گاؤلو گی دہ روٹی، حلوه سنے ضرورت گہ برداش بی سمار کھون۔ [2] کھسے دڑ گہ کمزوتیائے کِریا مامیخے چہرَش چُکٹے، شوڑے، پیڑی، بئی تھے، مجی گی وی کھون۔ پتئیو جنی ووئی نہ پیون۔ [3] مالے کمزوتیائے کِریا آئے سے چہرَش پیڑی، دل دہ ٹل تھے مالڑ دین، آئے گی مال تھلینی۔ [4] جَک سہ وال نکھلے گوڑہ چھورے پھتین، ضرورت بلنی تو کمین۔ [5] گوڑی بازار دی مُلی بوجانی۔



❁ کوستینو نوم: مامیر / مامیرا

نباتاتی نوم: [195] *Primula epilithica*

تاثیر: تتو

کُموت: چہرَش، پٹھہ، دُڈورو

قسم: گوڑی

ناروغتیا: نظر، دودے دڑ، زیڑے، ریاہ، بیش، چومے مرض

<sup>195</sup> Plant name identified by Muhammad Islam, 2005.

سنون گہ کمون: مامرا آمودی مرضوڑ داروئے شان گئی کیمجانو۔ آئے سے چہرِش گہ بی کال بُجیش اُران نہ بینئ۔ آئے سے پُھڑو دو قسمو بینو۔ ایکے رونگ لہیلو بینو، متو بینگنی روگے بینو کھاں لو کیمجانو۔ آئے سے چہرِش بلیڑے چہرِشے ولجی بینئ۔ [1] آئے سے چہرِش نکھلے، شوڑے، پیڑی سُرہ سنے اچھیوڑ پلیگہ تو نظر تیز بینو۔ [2] آئے سے پٹھہ یا چہرِش چپون گئی دودے دڑ کم بینئ۔ [3] چہرِش چُکٹے، چھاں تھے مجی مچھی ٹل تھے پیگہ تو زیڑے، ریاح، بیش گہ چومے مرضہ کم بیو گئے نوشن۔



### ✽ کوستینو نوم: مامیری

نباتاتی نوم: [196] *Corydalis gowaniana* Wall

تاثیر: چھہوئیں

کموت: پٹھہ، چہرِش

قسم: گوری

ناروغتیا: مہیکئی، اچھیئے دجون/شلون

سنون گہ کمون: آئے ایک لیکھو ہو مٹھونو، نیلہ پٹھہ بین، آن پیلروگو پُھڑو چُھو بینو۔ [1] مہیکئی دجون گہ اچھیئے شلونے کریا آ سے نیلہ پٹھو ایک ایک پیلہ سنیلو ووئی لوٹکی گہ بیلار دون گئی مرض نوشانی۔

<sup>196</sup> Plant name identified by Dr. Zafeer Saqib, 2003.

## ❁ کوسٹینو نُوم: میچھو



نباتاتی نُوم: Fenugreek

تاثیر: تنو

کُموت: کله، پٹھہ

قسم: مُٹیو

ناروغتیا: اچھیو پلار، آنزیمے چٹھیار، لال وزون، چُکئی اُباکئی، بد  
بضمی، قبضی، بندو دڑہ، ذیابیطس، بلغم، چولیو مرض  
(حیض)، چچیو دُت کم بون، پیسے مرض۔


احتیاط: میچھو لو تنو پینو، اُمید گئی ہنی چیوڑ استعمال نہ تھون۔

سَنون گہ کَمون: میچھو لے قِسمو مرضو کِریا غورہ کلین۔ میچھو دہ وٹامن  
اے، بی، سی، فولاد، فاسفورس گہ کیلشیمے اُمودی مقدار پین۔ [1]  
میچھے پٹھہ گہ بی کوئی مرضہ گہ عام کھون پجون گہ اچارو مجی کَمجانو۔  
[2] آئے استعمال گئی اچھیو پلار نوشانی۔ [3] آنزیمے چٹھیار نوشانی۔ [4]  
آئے سے استعمال گئی آنزجی لال وزون بن پین۔ [5] آئے گئی اُنیار نوشانی۔  
[6] آئے سے استعمال گئی چُکئی اُباکئی نہ این، بدبضمی نہ پین آں قبضی  
گہ نوشانی [7] آئے سے استعمال گئی لیلے کَممتیا نوشانی۔ [8] آئے سے  
استعمال گئی بندو دڑہ نوشن آں کولیسٹرول کنٹرول پینو۔ [9] آئے گئی

ذیابیطس گہ کنٹرول ہوئے انسولین پاؤدا یینی۔ [10] آئے گئی بلغمی مرض کم یینی۔ [11] چولیؤ مرض تومو وخ ده کهره نه بلی تو آئے سے قہواہ/جوشاندہ پیون لو غورانو۔ [12] آئے سے استعمال گئی چچیؤ دت لئینو۔ [13] آئے سے کڑی (سوپ) گئی پیشے مرض کم بیؤ نوشانی۔ [14] پٹھو جولی گہ بدین۔

کوستینو نوم	سائنسی نوم	تائیر	کموت	مرض
مرزو	؟	چھہو	چھرش	بیش

سنون گہ کمون: پیشے مرضی کریا مراڑے چھرش چکڑے، ووئی ده روئی، پیلہ تھے دین۔ آئے گئی پیشے مرض کم بیؤ نوشانی۔



کوستینو نوم: مرزنگ

نباتاتی نوم: [197] *Myrsine africana* L.

تائیر: تتو


کموت: کله، پٹھ

قسم: مٹھو

ناروغتیا: بی دڑ، ہضم، کیمٹہ، جھاڑ، جراثیم۔

سنون گہ کمون: مرزنگی کله بی دڑ گہ ڈیرے کیمٹو کریا مڑنین۔ بی دڑ گہ کیمٹو کریا اپھہ با کله کھون۔ آئے سے لو استعمال نوخصنینو۔

<sup>197</sup> Plant name identified by Dr. Zafeer Saqib, 2003; Dassu HP Project 2013.



## ✿ کوسٹینو نُوم: مرگندی

نباتاتی نُوم: [198] *Xanthium strumarium* Linn.

تائیر: چھہوئیں

کُموت: پٹھہ

قِسم: مُٹھو

ناروغتیا: شال، دجار، بادخوری، شِشے دڑ، ملیریا، السر۔

سَنون گہ کَمون: آئے سے پٹھہ چُکٹے، پیلہ سنے شال، دجار، بادخوری،  
شِشے دڑ، ملیریا گہ السرے مرضے کریا لوٹکجی اِیک اِیک پِلا سنے دینن۔



## ✿ کوسٹینو نُوم: مرگیا / (مرگی چھرش)

نباتاتی نُوم: [199] *Aquilegia* sp

تائیر: چھہوئیں

کُموت: چھرش

قِسم: گوڑی


ناروغتیا: دڑہ، مرگی، شِشے دڑ۔

سَنون گہ کَمون: مرگیائے مُٹھو دُو فٹ بُجیش ڈوگو بینو، پُھڑو پلاسو گہ سنا  
رِگو ہو بینو، مُنُوڑے ولجی آئے سے دُو چھرشہ بینن۔ آئے سے دُو قِسمو مَجی

<sup>198</sup> Plant name identified by Dassu HP Project, 2013.

<sup>199</sup> Plant name identified by Muhammad Islam, 2005.

ایک پیرو مُتی سوچی بینی۔ [1] شیشے دڑے کریا مرگیائے چہرِش، جُمین، گولاب، شو صندل، خشخاشے ڈُورُو، ایک شانیو، پیڑی، سرکہ دہ وی چہورین۔ ضرورتے وخ دہ آئے سے دُو دُو قطرائے دین۔ [2] آئے سے چہرِش، نکھلے، چُکٹے، پیڑی، سفوف سنے پھینن۔ [3] چہرِشے سفوف زعفران سے استعمال تھیگہ تو دڑہ نہانو۔ [4] چہرِشے سفوف مچھی سے کھیگہ تو بدتر طاق دینو۔ [5] سفوفے تلی مرگی مرضے کریا غورہ کلینن۔ [6] آئے سے دہ بے ہوشی اثر گہ بینو، شینا احتیاط گئی کمون پکارن۔



### ❁ کوستینو نُوم: مُرل/مُرِل

نباتاتی نُوم: [200] *Aconitum heterophyllum*

Wall. ex Royle

تاثیر: بیش، تتو

کُموت: گوڑی

قسم: گوڑی

ناروغتیا: گزن، پوٹی کھو، مُشلیوشت، بیش، چہہوں، ملیریائے شال،

ڈیرے دڑ، نوتھو بو، ڈیرے دجار، کمزورتیا،

<sup>200</sup> Mohammad Islam, Inamullah, Israr Ahmad, Naveed Akhtar, Jan Alam, Abdul Razzaq, Khushi Mohammad, Tariq Mahmood, Fahim, Ullah Khan, Wasal Muhammad Khan, ishtiaq Ahmad, Idraf Ullah, Nosheen Shafaqat, Samina Qamar, "Medicinal Plants Resources of Western Himalayan Palas Valley, Indus Kohistan".

سَنُون گہ کَمُون: آئے سے دو قِسمانی، اِنکے گوڑی شیئی، مُتی گوڑی کِٹی  
 بیئی۔ بدبوں نُوم اِیکُن۔ کِٹی روگے گوڑی دہ بِشے اثر بسکی بیئی، شو روگے  
 گوڑی دہ بِشے اثر شِنا اپو بیئی۔ عام جَک سہ شیئی گوڑی کمین۔ بیل  
 احتیاجی کھاں گہ مقصدے کریا بیئی گوڑی نہ کمون پکارن۔ [1] آئے سے  
 چُٹہ چُٹہ پُھڑوئے چَسے، کُتھلو دہ گڑے، بوڈ دہ ایئن ولجی بلبل تھوئن چہ  
 بوئے تڑی سے نہ شچے۔ بوڈ دہ دُت وی بری آئیآ، دُدے روگ بدل بلو تو  
 نکھلے پھتیا۔ آئے سے تیل گئی بنیلہ اندامو مالش تھین آں گہ بندو دڑو کریا  
 گہ لو مڑینو۔ [2] آئے گئی قوت باہ لیئی۔ [3] کُھو، چُھنسون گہ امساکے کریا  
 مجرب دارونو۔ راتی سُوری مجی دُو گولیوُجی بسکی نہ کھونانی۔ [4] مُرل گہ  
 جائفل اِیک جوک، جاوتری گہ سلاجیت ہوری جوک، زعفران چے ماشہ، آئے بٹھہ  
 ٹل تھے، گولابے عرق دہ ناؤں گھنٹو بُجیش چُکٹوئن/پیٹوئن۔ اسدیو پتو کٹو مڑچ  
 کُلو سمار چُٹی چُٹی گولیئی سنے کھوئن۔ راتی سُوری مجی دُو گولیوُجی بسکی نہ  
 کھونانی۔ [5] بن یا کھٹوُجی یازے مُنوڑی اِپھو ہو کھیاؤ تو چھپوں نہ شچانو۔ [6]  
 کوئی جَک سہ آئے گوڑی تماکو دہ چُکٹے نوسار سنینن، آئے گئی نوسارے امل  
 بَسکینی۔ [7] آئے سے نیلہ پُھڑے، شونلو گہ چہرش چُکٹے، روٹی پیلہ سنے بیلاڑ  
 بیلاڑ ہوری گلاس پینن، کوئے جَک سہ نیلہ پُٹھہ گہ چہرش شوڑے، پیڑی ہوری  
 بوڑی خمٹیا بیلاڑ تلی دینن۔ آئے لے مرضو کریا مڑنی کلینن۔ [7] آئے سے سنیلو  
 پیلہ پیون یا سفوف تلی دون گئی بیش، ملیریائے شال، ڈیرے دڑ، نوتھو بو، ڈیرے  
 دجار، کمزورتیا، ڈیرے دڑ، بضمہ، گیر، بلغمے مرض دھاملی بوئے نوشانی۔





## ❁ کوسٹینو نُوم: مَروچ (کٹو/شو)

نباتاتی نُوم: [201] *Morus nigra* L

نباتاتی نُوم: [202] *Morus alba* L

تاثیر: نیں تتو، نیں چھہوؤں

کُموٹ: پٹھہ، کُله

قِسم: مُٹھو

ناروغتیا: چُھنسوں، شال، نوٹھے دڑ، اچھی، قبض، پیش، کُھو، پُھڑجیار،

لیلے تاؤ، ذیابیطس، دُودے دڑ، مدافعتی طاقت، مہیکی دجون۔

سَنُون گہ کَمُون: [1] مَروچ سہ باش گہ بیوڑ طاقت دے نو لیل پائدا تھینو۔

[2] خناقے مرضے کِریا آئے سہ چے چھٹاکی مقدار لوٹکی گہ بیلاڑ دو

موس بُجیش استعمال تھین۔ [3] پوٹی قبضی کِریا پچھائیں جی پتو آئے سہ

استعمال مڑنینو۔ [4] تازہ کٹو مَروچے رس دہ اپنی چینی وی، بگارجی روٹی

بوتل دہ چھورے پھتیا۔ چُھنسوں، شوٹو شلون گہ مُتی مرضو کِریا ایک ایک

خَمْخیا استعمال تھین۔ [5] مَروچے تازہ پٹھہ چَسے، بگارجی سم شان گئی

بری اٹے، شوٹے دڑ کہ شلونے کِریا غرارائے تھین۔ [6] دُودے دڑے کِریا

مَروچے چھرشے پٹ نکھلے، ووئی دہ بری اٹے، اپھی شبہ آنزی دہ رٹے تھو

<sup>201</sup> Plant name identified by Dr. Zafeer Saqib, 2003; Dassu HP Project, 2013.

<sup>202</sup> Plant name identified by Dr. Zafeer Saqib, 2003

تھیکہ تو دودے دڑ کم بو نوشانی۔ [7] کوئے جک سہ مروچے کُله شوڑے  
بازار ده ملى دين۔ [8] مروچے لُوگہ پٹھو شا گہ بدین۔



❁ کوسٲینو نُوم: مڑنا

نباتاتی نُوم: [203] *Malus baccata* (C.) Borkh

تائیر: چھہوُن

کُموت: کُله

ناروغتیا: شِسے دڑ، شال

سَنون گہ کَمون: [1] آئے سے تازہ یا شُکھہ کُله کھون۔ [2] شِسے دڑے کِریا آئے  
سے کُله پیڑی، ششاٹو گی ده ٹل تھے تالوجی پلین۔ [3] شال پلے تو آسے پٹھہ گہ  
پُھڑو پیلہ سنہ دین، آگی شال چھجانی۔



❁ کوسٲینو نُوم: مَزکُڑو

نباتاتی نُوم: [204] *Astragalus subumbellatus*

نباتاتی نُوم: [205] *Astragalus subumbellatus* Kl.

تائیر: تتو

<sup>203</sup> Plant name identified by Muhammad Islam, 2005.

<sup>204</sup> Plant name identified by Dr. Rubina Rafiq, 1992-1995.

<sup>205</sup> Plant name identified by Dr. Zafeer Saqib, 2003.

کموت: چہرِش، بکھئی

ناروغتیا: اسپا، شال، لیلے تاؤ، بيش، شوپيار، بيش، زيڑے، ہی کمزوتیا۔

سنون گہ کمون: مُکُڑو/مُکُڑوئے چہرِش گہ بکھئی اسپا، شال گہ دودئی صاف تھونے مسواکے کرِیا مڑینئی۔ [1] اسپا گہ شلے کرِیا آئے سے چہرِش نکھلے، چُکٹے، چھاٹ تھے، ووئی ٹل تھے، دیزہ مجی ایک گلاس ووئی اسپا یا شلے مریضڈ دین۔ [2] آئے سے بکھئی اے ڈگری گئی مسواک سنے دودئی صاف تھین۔ [3] لیلے تاؤ بلی تو آئے سے ایک پیلہ لوٹکجی پین۔ [4] آئے سے چہرِش روئی ایک قسم کے سوپ یا چاء تھے بيش، شوپيار، بيش، زيڑے گہ ہی کمزوتیائے کرِیا لوٹکجی ایک پیلہ دین۔



❁ کوسٹینو نُوم: مَکُرس/مَکُرسہ

نباتاتی نُوم: [206] *Fragaria nubicola* Lindl.

تاثير: چہہوئیں

کموت: کُله

قسم: شرائے

ناروغتیا: کمزورتیا

سنون گہ کمون: مَکُرسہ باغی سٹابری میوائے ایک قسم کن۔ آئے سے لہیلہ

<sup>206</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

لہیلہ کُله بینن۔ پٹھوشرائے اخسر سُمجی خور بینن۔ زنگلی مکبرسہ انسان، مَنگ گہ اُشکورو خوراکن۔ [1] تحقیق دہ رزنن چہ زنگلی مکبرسو مجی بسکہ وٹامنز بینن، کھان منوڑے بدنے کریا غورہ کلجنن۔ [2] دیسی داروئے سنون دہ مکبرسے کُله، پٹھوئے یا چہرِشہ کمجنن۔ [3] مکبرسے پٹھہ کرہ کرہ چاء سنونے کریا گہ کمجنن۔ [4] مکبرسو مجی غذائی قدر بسکی پینی، کھون گئی منوڑے صُرتر فائدہ ہشینو۔



### ❁ کوسٹینو نُوم: مگرچھی (اچھے رچ)

نباتاتی نُوم: [207] *Vitis jacquemontii* R. Parker

کُموٹ: کُله

تاثیر: تتی


قسم: مٹھو/گبی

ناروغتیا: بچی

سنون گہ کمون: آئے ایک قسم کے گبی پینی، مٹھو یا بلیجی آئے سے گبی یا شرائے خور بینن۔ آئے سے میوہ کھجانو۔ ماہرین سہ رزنن آہمالیائی زنگلی رچے ایک ادنی قسمین۔ [۱] مالڑ بچی مرض شتی تو پٹھہ چکٹے دینن، آئے گئی بچی مرض نوشانی۔

<sup>207</sup> Plant name identified by Dr. Zafeer Saqib, 2003; Dassu HP Project, 2013.

## کوستینو نوم: ملکالو



نباتاتی نوم: [208] *Bistorta affrica Himalayan*

تاثیر: تتی

کُموت: پٹھہ، پُھڑہ

قسم: گوڑی

ناروغتیا: بیش، بضمہ، پرہار


سنون گہ کمون: [1] آسے چہریش بیش گہ معدائے مرضو کریا مڑینئی۔ [2]  
تام مٹھو/پٹھہ شوڑے، پیڑی پریاروجی شر شر تھیکہ تو پرہار شکھریو جنی  
روغ بینئی۔ (ملکالے آقسیم شناکک بڑی ریٹ سے میشینئی۔ بُش آ بڑی ریٹے  
ایک متی قسم بی یا؟)۔

کوستینو نوم	نباتاتی نوم	تاثیر	کُموت	مرض
✳ مگو گوڑی	؟	چھہوئیں	چہریش	اشتیار، دڑہ، بضمہ

سنون گہ کمون: آئے سے مٹھو دُو فٹ ڈوگو، چٹہ پٹھوئے، چہریش شیئی،  
شیارو ہو پُھڑو بینو۔ [1] آئے سے چہریش نکھلے، چُکٹے، پیڑی، سفوف  
چھورے پتھین۔ ضرورتے وخ دہ ہوری خمخیا تنو دُت سے استعمال تھین۔  
آئے گئی صُرتے کمزوتیا نوشانی، طاقت اینی، بندو دڑہ نوشن، معدائے افعال

<sup>208</sup> Plant name identified by Dr. Rubina Rafiq, 1992-1995.

سَم بِنَن۔ چِئے گہ مُشو کِریا لئی غورانی۔ [2] مالڑ کھئیگہ تو گی دُت  
لِئِنو۔ [3] مگی سہ آئے گوڑی کھوش بوئے کھون۔ [4] آئے سے چہرِش  
چُکٹے، پیڑی، سفوف دُت سے تلی دین۔ اشتیار گہ دڑو کِریا مڑنینو۔ [5]  
زنگلے مگی سہ آئے سے چُٹی چُٹی چہرِشہ کھون۔



### ✿ کوسِتیَنو نُوم: مُمیری

نباتاتی نُوم: [209] *Corydalis gowaniana* Fedde

ساخت: گوڑی

تاثیر: چہہوئیں

کُموت: چہرِش

قسم: مُٹھو/گوڑی

ناروغتیا: اچھیو مرض، اُنیار، مہیکی

سَنون گہ کَمون: [1] لوگی چہرِش چُکٹے، عرق نکھلے، شِلا اچھی مجی  
ایک ایک قطرہ تھک تھین۔ [2] اُنیار شچونے کِریا پیلہ سنے دیزہ مجی ایک  
چوٹ پین۔ [3] مہیکی بن بلی یا کم آون بلی تو ایک پیلہ استعمال تھین،  
مہیکی اوزگار بین۔

<sup>209</sup> Plant name identified by Dr. Zafeer Saqib, 2003; Dr. Rubina Rafiq, 1992-95.



❁ کوسٽینو نُوم: مَنو

نباتاتی نُوم: [210] *Ulmus wallichiana*

(Himalayan elm)

تائیر: چھہوئ

کُموت: پٹھہ، چہر شے پٹ، کاٹھو۔

ناروغتیا: پُھٹلی اٹھی، بادخوری، بیش

ذیابیطس، لیلے تاؤ (فشار۔

سَنون گہ کَمون: آئے ایک نایاب بڑو مُٹھون کھاں پالس دہ کھب کوٹے زنگل دہ ہشینو۔ دُنیرے دہ آئے مُٹھو نایاب بیو بوجانو۔ آئے سڑ Himalayan elm تھین۔ آئے سے بڑہ پٹھہ گہ بکھہ بین۔ [1] مال منوڑو پُھٹلی اٹھی گزورے کِریا منوئے پٹھہ گہ چہر شے پٹ کِمجانو۔ [2] آئے سے چر شے پٹ ووئی دہ روٹی، پاک ٹپی دہ چھاٹ تھے، اسہ عرق چھورے پھتین۔ بادخوری، بیش، باسیر، دڑہ، نوتھو، دجنی، ذیابیطس گہ لیلے تاوے کِریا آئے سے عرقے ایک گلاس دیزہ مجی ایک چوٹ نرون کیجی استعمال تھین۔ [3] کھاں زائی دہ دھونے مُتہ کاٹھہ نہ ہشلہ تو بگارے کِریا آئے سے کاٹھہ کمین۔ ہمالیائی سلسلہ دہ آتوبے نسل کم بیو بوجانی۔ پالس دہ کھب کوٹے زنگل دہ آئے سے مُٹھہ ہشین۔

<sup>210</sup> Himalayan Jungle Project Palas, 1992-1999.



## ❁ کوسٹینو نُوم: مِثِیال

نباتاتی نُوم: [211] *Saussuria costus*

تاثیر: تتی

کُمُوت: چہرِش

قسم: گوڑی

ناروغتیا: بندو دڑہ، گُھو، بادخوری، بَیش، بیضہ، بضمہ۔

سَنُون گہ کَمُون: [1] بندو دڑو کریا مِثِیالے چہرِش، نکھلے، شوڑے، پیڑی، بئی تھے مجی گی وی، رات ایک چوٹ کھونن۔ آئے گی بندو دڑہ نوشن۔ [2] آئے سے چہرِشے تیل مُتو دارو سے کَمجانو۔ [3] چُکٹیلی چہرِشو پیلہ بادخوری، بَیش، چھاڑی گہ ہضمائے کریا مڑنینو۔ [4] مِثِیالے گوڑیئی بازار دہ ملی گہ بوجن۔



## ❁ کوسٹینو نُوم: مِٹیری

نباتاتی نُوم: [212] *Aconitum laeve Royle*

قسم: گوڑی

تاثیر: بَش

کُمُوت: چہرِش

<sup>211</sup> Plant name identified by Dr. Rubina Rafiq, 1992-1995.

<sup>212</sup> Plant name identified by Dr. Zafeer Saqib, 2003; Dr. Rubina Rafiq, 1992-95.



ناروغتیا: پیڑوئے، جوویں، پھشتیئی۔

احتیاط: آئے سہ دہ بٹسے لئی اثر بینی، بال چھلوچی دُور پھتیا۔

سنون گہ کمون: [1] مٹیرئیے چھرش/گوڑی نکھلے، شوڑے، پیڑی، تیل یا گی دہ ٹل تھے سٹٹ پلینگ تو سٹسے جوویں گہ لچہ مری ٹھک بین۔  
[2] پھشتیو گہ پیڑو کربا چھرش چکٹے، ووئی دی روئی شین یا گوڑے تھل دہ خھر خھر تھیک تو پیڑوئے گہ پھشتیئی مری نوشن۔



❁ کوسٹینو نوم: مورچھڑ (چورو؟)

نباتاتی نوم: [213] Angelica gla uca

تاثیر: تتو

کُوت: چھرش

قسم: گوڑی

ناروغتیا: چھنسون، سٹسے دڑ

سنون گہ کمون: آئے سے مٹھو منہال ہو

ڈوگو، پھڑو شو چودار، ڈھنڈی مجنیو پھوشی آں گون تیز بینو۔ مورچھڑے بی چھنسونے کریا مڑنینو۔ [1] آئے سے بی ہتے تلی دہ مڑے، شوں شوں تھون گئی چھنسونے مرض نوشانی۔ [2] آئے سے چھرش پیڑی نوسارے نشائے کریا شوں شوں تھین۔ [3] جوشاندہ سنونے کریا مورچھڑ گہ پھلے پٹھ ٹل تھے، شوڑے، پیڑی

<sup>213</sup> Plant name identified by Dr. Zafeer Saqib, 2003.

سفوف سنے چھورے پتھے ضرورتے وخ ده ايك چنڈى ووئى ده وى سم شان گى روئى، ششے دڑ گہ چھنسونه كريا شوک تھين۔ [3] مالو کوئى مرضو كريا آئے سے استعمال گہ تھين۔ [4] آئے سے چھرش چکھے، مچھى ڈورڑ پليگہ تو آئے سے گونجى مچھارى لے اين۔



❁ کوسٲينو نوم: مھو/سوں

نباتاتى نوم: [214] *Ephedra intermedia*

Schrenk and C.A Mey

تاثير: تتو

كموت: شونلى/بكهيائے

قسم: قسم كے كچ

ناروغتيا: بيش، كھو، تھليار، كزورتيا، بندو دڑہ گہ موٲقيا۔

سنون گہ كمون: آ ايك غوم چوك بو مٲھو بينو، كھان سُمجى ايك كز سمار ڈوگو بينو، آئے سے بكھيائى يا شونله سائى سائى بينن، لا ليكهه ليكهه پٲھوئے بينن، بكھٲيو شٲ ده كهره چٲو ٲگو بو شستو گہ بينو۔ [1] آئے سے نلى بكھى/شونلى چكھے پيله سنے لوشكى گہ ماخماٲ ايك ايك پيله بيش، كھو، تھليار، كزورتيا، بندو دڑہ گہ موٲقيار، مھيكنى گہ گہ صُرتے كزورتيائے كريا دينن۔ [2] آ سے بكھى/شونلى شوڑے، چكھے، پٲى، سفوف سنے تلى گہ دينن۔ [3] آ سوں سے ميشينى؟۔

<sup>214</sup> Plant name identified by Dassu HP Project, 2013.



## ❁ کوسٹینو نُوم: مہاری (؟)

نباتاتی نُوم: *Actonium chasmanthum*

تاثیر: تتی

کُموت: پُھڑہ، چہرِش

قسم: گوڑی

ناروغتیا: شال، جاک، بندو دڑہ۔

سَنُون گہ کَمُون: آئے سے لیکھو ہو مُٹھو پینو، لیکھنی چوکنی بکھنی جی پُھڑہ بینن۔ اخسر اُتھلی ملیوڑ پینن۔ [1] آئے پُھڑہ اُچی، مچھی دہ پھتے دبو دیزوجی پتو آئے سے ایک قسم کے مربہ یا دارو سنجانو، کھان یون جاک گہ شلے مرضے کریا لو مڑنی کلینن۔ [2] بندو دڑو کریا چہرِش شوڑے، پیڑی، ایسے یوں دہ وی، کھانرو جی جڑی کھیگہ تو دڑہ نوشنن۔ [3] کوئی جک سہ آئے سے چہرِش نوسارے ڈبی دہ وی پتھینن، آئے گئی نوسارے امل لیئینی



## ❁ کوسٹینو نُوم: نک

نباتاتی نُوم: *Jasminum leptohyllum* [215]

تاثیر: چہمپو

کُموت: پٹھہ

ناروغتیا: کاٹ، رڑی

<sup>215</sup> Plant name identified by Dr. Zafeer Saqib, 2003; Dr. Rubina Rafiq, 1992-95.

سَنُون گہ کَمُون: نِکے پٹھہ کاٹ گہ رُڑیئے مرضے کِریا مَٹنِیَن۔ [1] کُٹے کِریا پٹھہ چُکٹے، ووئی دہ ٹل تھے، کاٹ دی زائی یا رُڑی بلی لچوڑ پلین۔ [2] کھس آئے سے پٹھہ ووئی دی روٹی، بٹ بھوٹونے کِریا بَٹجی وِیس۔



❁ کوسٹینو نُوم: نمیر/نمیرو

نباتاتی نُوم: [216] *Skimmea anquetilia*

نباتاتی نُوم: *Skimmia laurifolia* Sieb.

and Zucc. ex Walp

تاثیر: تتو

کُموت: پٹھہ، پُھڑہ

ناروغتیا: بی شو، دُشکر، ٹاکو، جھارا، پچال، شال، دجار۔

سَنُون گہ کَمُون: نمیرو ہی شو گہ دُشکرے کِریا دُوم تھون عام کمین۔ دُوم دونے (دھونی) کِریا آئے سے پٹھہ لا گھٹ کِمجن۔ پوٹو وخ دہ آئے سہ مُٹھو برکتلو (متبرک) کلینس۔ رِگنی گہ گیوُ مجی آئے سے پُھڑو ذکر ہشینو۔ [1] نمیرے پٹھہ شوڑے پتھین۔ دُوم تھون دہ مجی ایہ با پُک گہ ٹل تھے لیکھ بلوڑ ہی شوئے کِریا دُوم تھین۔ [2] مالڑ ٹاکوئے مرض شتی تو پٹھہ پُھکو سے ٹل تھے مالڑ دون گئی ٹاکوئے مرض نوشانی۔ [3] چالی مالے جھارا نہ وتھو تو نمیرے پٹھہ چُکٹے، روٹی دون گئی جھارا جنی وزانو۔

<sup>216</sup> Plant name identified by Dr. Rubina Rafiq, 1992-1995.



## ❖ کوسٽینو نُوم: نورعالم

نباتاتی نُوم: [217] *Polygonatum verticillatum* All.

نباتاتی نُوم: [218] *Polygonatum humile*

. ex Maxim Fisch

تاثیر: تتو

کُموت: پٹھ، چہرِش

ناروغتیا: کُھو، بضمہ، چیو کمزورتیا

سَنون گہ کَمون: آئیک لکھو ہو مٹھو بینو، کھاں ائیک یا ائیک گہ ہوری پش  
سُمار ڈوگو بینو، ٹخی شونلی سے رگہ رگہ نیلہ پھٹہ بین، رگو دُورو ہو پُھو  
بینو۔ [1] کوئے دیسی داروئے دہ آسے پٹھ، پُھو یا چہرِش کَمجانی۔ [2]  
کُھو، بضمہ گہ چیو کمزورتیائے کِریا پٹھ شوڑے پیڑی سفوفے لوشکی گہ  
بیلاڑ ائیک تلی دین۔



## ❖ کوسٽینو نُوم: بتوئی

نباتاتی نُوم: [219] *Pteridium aquilinum*

(L.) Khun

تاثیر: تتی

<sup>217</sup> Plants of Western Himalaya.

<sup>218</sup> Plants of Western Himalaya.

<sup>219</sup> Himalayan Jungle Project Palas, 1992-1999.

بتویئے بسکہ مٹھہ کھٹے مالی گہ جیلو سوسم دہ پیرہ بینن۔ [1] آئے سے لوگی  
 خُکیو شا گہ بدے کھونن۔ [2] ناں گوڑی دون دہ بتوی دویے چوٹجی اجی سُم  
 رٹوٹر شرنجی وینن۔



کوستینو نوم: برہمبر

نباتاتی نوم: [220] *Hedera nepalensis*

تاثیر: -

قسم: مٹھو

کموت: کُلہ، پٹھہ

آسے پٹھہ مال سہ کھانی۔ [2] میوائے کُلہ آمودہ داروئے سنون دہ ٹل تھے کمجنن۔



کوستینو نوم: ہرگلی (کٹی/لہیلی)

نباتاتی نوم: [221] *Ribes orientale*

نباتاتی نوم: [222] *Ribes alpestre*

کموت: کُلہ

ناروغتیا: کمزورتیا

<sup>220</sup> Plant name identified by Dr. Zafeer Saqib, 2003.

<sup>221</sup> Plant name identified by Dr. Zafeer Saqib, 2003.

<sup>222</sup> Plant name identified by Dr. Zafeer Saqib, 2003

سنون گہ کمون: برگلی دُو قسمو بینی، ایک کٹی، ایک لہیلی، بیدہوں میوہ  
 بینو۔ [1] برگلی منورے صُرتے کریا لئی غورہ کلین۔ [1] آس دہ ادا معدنیات گہ  
 وٹامن بینن کھائس صُرتت قوت دین۔ [2] آئے سے کُلہ مٹہ دیسی داروئے سنون دہ ٹل  
 تھے کِمجَن کھاا گئی پیش گہ بضمائے مرضے علاج تھین۔ [3] میوہ، پٹھہ گہ  
 پھڑو مجی معدنیات گہ وٹامن بینن۔



### ❁ کوسٹینو نُم: بروئی

نباتاتی نُم: [223] *Euphorbia helioscopia*

ساخت: مٹھو/گوڑی

تاثیر: چھوئیں (بِشلتی)

کُموت: دُت

ناروغتیا: چومے مرض، پرہار۔

سنون گہ کمون: آئے مٹھو اخسر مالیو لام دہ ہشینو، چُٹہ چُٹہ نیلہ پٹھوئے بینن،  
 آخری وخ دہ پٹھوئے پلاشہ با بینن، پھٹو سوسم دہ چُٹہ چُٹہ بی کُٹوئے بینن۔ [1]  
 چُٹی بکھی چَس تھیگہ تو ایک قسم کرے دُت نکھزانو کھاا جسمجی اجی بلو  
 زخم گہ پرہار جنی روغ بونے کریا اھو ہو پلینن، دُدمے اثر گئی پرہار جراثیمو جی  
 رچھانی۔ [2] آگہ رزنن چہ دُت دہ ہشے اثر بینی، استعمال دہ لئی احتیاط پکارن۔

<sup>223</sup> Qamar Zamaan, Protected Area Management Project, Machyara N-Park.





❁ کوسٹینو نُوم: بَلُورِی

نباتاتی نُوم: [224] *Convolvulus arvensis* L

تاثیر: چھہوئیں

کُمُوت: پٹھہ

قسم: گوڑی

ناروغتیا: قبضی

سَنُون گہ کَمُون: آ ایک قسم کرے شرائے یا گُیئے قِسمِکِن۔ قبضی مرضے  
کِرِیا آسے شا روٹی دین۔ آئے سے استعمال گئی قبضی نوشانی۔ عام پال دہ  
گہ بلوریتے شا بدے کھون۔ مال سگہ کھانی



❁ کوسٹینو نُوم: بُنڈ

نباتاتی نُوم: *Taraxcum officinal*

ساخت: گوڑی

تاثیر: چھہوئیں

کُمُوت: پٹھہ (شا)

ناروغتیا: ڈیرے دڑ، قبضی، ہی دجار، ہضمہ۔

<sup>224</sup> Dassu HP Project, 2013.



سنون گہ کمون: آئرے سے گوڑی اخسر زیوڑ بشینی، پٹھہ ژگہ ژگہ بین۔ [1]  
 آئرے سے پٹھو شا بدے کھون۔ [2] ڈیرے دڑ، قبضی، ہی دجار گہ بضمائے  
 کریا آئرے سے شا غورہ کلین۔ [3] ذیابیطسے مرضے کریا آئرے سے پٹھہ چکٹے  
 پیلہ سنہ لوشکی گہ بیلاڑ ہوری ہوری گلاس ووئی بین۔



✻ کوسٹینو نوم: بوبوبل

نباتاتی نوم: [225] *Rumex nepalensis Spreng*

تاثیر: تتو

کموت: چہرہش، پٹھہ


قسم: شا

ناروغتیا: کاٹ، بیش، کھو، پھو، کلو، مالے کھو، کھس گہ ڈیرے  
 دڑ، اشتیار، مڑدی، جریان، مالے قبضی۔

سنون گہ کمون: آئرے مٹھو اخسر لہائی گہ مالیوڑ بینو۔ آئرے سے بڑہ بڑہ پٹھہ  
 بین۔ پھڑو ایک قسم کے کوڑلتو بینو، پوچو گہ مال سے پلجانو۔ [1] آئرے  
 سے نیلہ پٹھو شا بدے کھون۔ [2] چومجی کاٹ دتی تو آئرے سے نیلو پٹھو  
 گاڑون گئی کاٹ نوشانی۔ [3] مالڑ بیش یا کھوئے مرض بلئی تو آئرے سے نیلی  
 چہرہش چکٹے، ووئی دہ مشری لوشکی گہ بیلاڑ مالڑ دین۔ [4] پھو یا کلو

<sup>225</sup> Plant name identified by Dr. Zafeer Saqib, 2003; Dassu HP Project, 2013.

بُس دیونے کِریا آئے سے پٹھو تپے، غوڑ تھے پھو یا کُلوجی بدین۔ [5] مالڑ  
 کھوئے مرض شتی تو آئے سے چہرِش چُکٹے، ووئی دی روٹی مالڑ دیگہ تو  
 کھوئے مرض نوشانی۔ [6] چالی مالے دُت کم بلو تو آئے سے چہرِش  
 چُکٹے، دُت ده روٹی مالڑ دیگہ تو دُت بسکیو بوجانو۔ [4] ہوبوبلے شائے  
 استعمال گئی کھس گہ ڈیرے دڑ کم بینی۔ [7] آئے سے استعمال گئی مڑدی  
 ووئی چینو۔ [8] جریانے مرضے کِریا مڑنینو۔ [9] مالے قبضی بلی تو آئے  
 کھیون گئی قبضی اوزگار بینی۔



❁ کوسٹینو نوم: بولو

نباتاتی نوم: [226] *Oxyriadigyna Hill*

*polygonaceae*

تاثیر: چھوٹ

کموت: پٹھ

قسم: شا

سَنون گہ گَمون: آ ایک قسم کے شانو۔ عام حالت یا پال مجی بدے  
 کھون۔

<sup>226</sup> Muhammad Amin, Muhammad Abdul Aziz, Andrea Pieroni, Abdul Nazir, Abdullah Ahmed Al-Ghamdi, Aleya Kangal, Khalid Ahmad, Arshad Mehmood Abbasi: Edible wild plant species used by different linguistic groups of Kohistan Upper Khyber Pakhtunkhwa (KP), Pakistan. Journal of Ethnobiology and Ethnomedicine, 2023.



❁ کوسٽینو نُوم: بِیچھڑ/بِیچھڑ

نباتاتی نُوم: [227] *Desmodium elegans* D.C.

تائیر: چھوٹ

کُوت: پٹھ

قسم: مٹھو

آئے سے پٹھ مال گہ لچ سہ کھون۔ مٹو جو کھونے بارد کھوجن نہ بلن۔



❁ کوسٽینو نُوم: بیوں (کٹو)

نباتاتی نُوم: [228] *Bunium persicum*

نباتاتی نُوم: [229] *Bunium persicum* (Boiss.)

ساخت: گوڑی

تائیر: تتو

کُوت: بی

ناروغتیا: دڑہ، باضمہ، مہیکی، ٹھلیار، چچو دت کم بون۔

سنون گہ کھون: کٹو بیوں ایک قسم کے مشہور مصالحو مجی کلجانو۔ آئے

<sup>227</sup> Plant name identified by Dr. Zafeer Saqib, 2003.

<sup>228</sup> Tariq Khadim, 2006. *Palas Non-Timber Forest Products Project*.

<sup>229</sup> Dr. Zafeer Saqib, 2003.

کٹو بیوں اے زنگلی قسمن۔ [1] جُولیئے رس گہ خون بسکریونے کریا استعمال تھین۔ [2] کٹو بیوں دڑہ، بضمائے خرابتیا، مہیکی دجون یا کم آيون، صُرتے بسکے تھلیار گہ چچیو ددے کمی مرضے کریا لو غورہ کلیجانو۔ [3] کوئے چیئے سہ آئے سے لوگہ پھڑہ گہ ڈھنڈی چکٹے پیلہ سنے دیزہ مجی ایک چوٹ پین، آگنی چچیو دت لیئو۔



✻ کوستینو نُوم: بیوں (شو)

نباتاتی نُوم: [230] *Eluendia persica*

تاثیر: تتو

کُموت: بی

قسم: گوڑی/مٹھو

ناروغتیا: بادخوری، پھڑجیار، شوبیار، بیش، کھچٹہ مُضر مادائے۔

سنون گہ کَمون: شو بیوں گہ کٹو بیونٹے شریا جُولی، کڑی گہ پولائے باتو

مَجی لو کِمِجانو۔ خورکو مجی کَمونجی علاوہ آئے لے قِسمو مرضو کریا گہ کِمِجانو۔ [1] آس جِسمِجی بِشِلتہ مادائے نِکھلے پیر تھینو۔ [2] بیونٹے ایک خُمخیا ووئی دہ پری ائے استعمال تھون گنی صُرتِز فائدہ ہشینو۔ [3] ڈیرے

<sup>230</sup> Plant name identified by Dr. Zafeer Saqib, 2003.

بادخوری نہانؤ۔ [4] آسے پیلہ گئی شوپیار گہ گیر نوشانی۔ [5] پیشے مریضو  
کریا آئے سے پیلہ/قہواہ لو مڑنینؤ۔

## چلکئی گہ چوکئی فصلو نومی

**بدگن:** کوستان ده اش بیلہ اخسر جک سہ بدگنئی تھین۔ جُولی سنون گہ  
سلادے شان گئی کھون کھوش تھین۔

**بیؤں:** کوستان ده اکلؤئی اکلؤئی زیوڑ جک سہ بیؤئیں فصل تھین۔ دبو  
چویو کال مچھو کولئی، پالس، جلكوٹ گہ بریٹ ده عام تھینس۔ پالس ده  
پارہ گہ بدو کوٹ بیؤں فصل تھینس۔ اش بیلہ پالس گہ جلكوٹ ده شاید  
کوئے سگہ بیؤں نہ تھین۔

**پیاز:** کولئی، پالس، جلكوٹ گہ بریٹ ده کوئے جک سہ باغی پیاز تھین۔  
بریٹ ده استعمال لئی نی، آن سلاد سنے کھون آن تڑکا دونے کیریا کمین۔

**ٹوکویئے:** کوستانے جک سہ سبزیؤ مجی ٹوکویئے گہ تھین۔ لُگئی ٹوکویئے  
شا جُولی بدین۔ کوئے ٹوکویئے لے بڑی بین، اسٹے میل، ووی یا دُدے کیریا  
ٹوکویئے سنین۔

**چیں:** آ سُوئی قِسمج ایک مُئی فصلِیس، کھاں کھس وخ ده کوستان ده  
ڈولیوڑ تھینس، اش بیلہ آ فصل نہ تھین۔ آسے کُلہ روٹی کھجنس۔

**ڈھینگوئے :** وال مکئی فصل یون دہ جک سہ ڈھینگوئے بی گہ وینن۔ ہر ڈولی دہ ڈھینگوئے ہشینن۔

**راگم:** شو راگم ایک قسم کے مڑنی دالو مجی کلجانو۔ آسے استعمال مٹوڑے صُرتے کریا مڑنی نی۔ آسے استعمال گئی صُرتے اشتیار، دماغی کمزوتیا، لیلے تاؤ (فشار) گہ کولسٹرول کم تھون مجی فائدناک کلجانو۔

**سُن:** چل وخ دہ کوئے کوئے جک سہ مکئی یون دہ ڈولی دہ سُنے بی گہ وینس۔ آ ایک قسم کے پوٹو پٹسن قِسمے بی سو۔ سُن لونجی پتو آمودہ مُدا ووئی دہ پھتے پتو آسے رِگو رِگو پٹ نکھلینس، کھاں گئی دومنی سنینس۔

**سُوئی:** آ گہ ایک قِسم کے کھسکی فصلس مگر اش بیلہ کوئے سگہ نہ تھینن۔ آسے قِسم شِناکک گھنار سے میشینی۔ کھس کولی، پالس، جلاکوٹ گہ بھاشا بُجیش جک سہ تھینس۔ آسے کُلہ روٹی کِھجنس۔

**شونتل:** آ گہ ایک قِسم کے فصل بیسی۔ اش بیلہ می قیس کوہستان دہ کوئے سگہ نہ تھینن۔ بٹگرام گہ مانسہرہ دہ لئی تھینن، آن لے مالڑ وینن۔

**کَلت:** کَلت گہ راگمے شِریا ایک قِسم کے دالن۔ راگمے کُلو شِنا بڑو بینو آن کَلتے کُلو شِنا لیکھو بینو۔ [1] کَلتے کُلہ گہ کویش جُولی بدینن۔ [2] کَلت جُڑی، پیڑی اسہ سے ستو گہ تھینن۔ مُسفری دہ اخسر جک سہ اکو

سے ستو تھے ہرنس۔ [3] راگم گہ موٹائے شریا کُلت دہ گہ بسکئی پروٹین  
بینی کھاں موڑے صُرتے کریا بر کلین۔

**گوٹنی:** آگہ ایک قسم کے دالین۔ کوئے جک سہ اش بیلہ گہ ڈولیوڑ تھین،  
مگر کُلت، راگم یا موٹائے شریا لئی کھوش نہ تھین۔

**گوم:** کوہستان دہ لہاتی گہ تنی علاقو جک سہ اش بیلہ گہ گومے فصل  
تھین۔ کھس وخ دہ گومے فصل اُتھلی مالیوڑ گہ تھینس۔ وال ٹبرہ وزون دہ  
مُڑے نڑی دہ جک سہ گوم وی پھتینس، یودو لگجی ست دُبار مالیوڑ گئے  
گومے فصل لینس۔ اُتھلی زائیوڑ ”کابلے گوم“ تھینس۔

**مُرج:** گہ اخسر جک سہ تھین۔ کھس وخ دہ مُرج استعمال نہ پیسو، 1974ء  
اے بڑی میال دیتیج پتوڑ جگا مُرج مصالحہ استعمال تھون شیرو تھیگان۔

**مکئی** (شیئی/پیلی): کوہستان دہ عام مکئی دُو قسمو نی، ایک شیئی  
مکئی، دُوموگنی پیلی مکئی۔ بیدہوں مجی پھری دُو دُو قسمو بی نو۔ شیئی  
مکئی مجی ڈبل گہ چٹئی مکئی آں پیلی مکئی مجی منور گہ اوڑکھئی [231]۔

عام جک سہ لئی شیئی مکئی تھین مگر اُتھلی گہ چھہوئیں زبوڑ پیلی مکئی  
تھین، چہ جنی پچی لیجیئے۔ مکئی ٹکئی لیلے دیابیطس گہ انسولینے کریا

<sup>231</sup> Ruth Schmidt and Manzar Zarin, 1984. Discussions with Hariq: Land Tenure and Transhumance in Indus Kohistan, P-37.



لئی بر کلیگان۔ کھٹاری علاقوڑ مکئی اُونرے ائیک بڑی ذریعہ نی۔ آ سَرے خوراک گئی لیلے تاؤ نہ بسکینی۔

**مُلی (مُولی):** اش بیلہ اخسر جک سہ ڈولیوڑ مُلیئے تھین، آن بازار دہ مُلی دین۔ پٹھہ گہ مُلیو شا بدین۔ ٹکئی سَرے مولیئی چٹی تھے تگہ کھون۔

**موٹا:** لہیلو موٹا کوہستان دہ بر زائی دہ مکئی سَرے ساتی وین۔ آ کوہستانے ائیک خاص گہ مڑنی دالے قسمن۔ [1] صُرتے اشتیار یا صُرت دہ لیل کم بونے حالت دہ لہیلو موٹائے استعمال بر کلین۔ [2] موٹا دہ پروٹین گہ پوٹاشیمے آمودی مقدار پینی، وجہ گئی موٹا موزے زائی دہ گہ گٹن۔ [3] آ سَرے استعمال گئی بی رگو پٹیار سم بونے شیلین، آن صُرت دہ لیل سم شان گئی یازانو۔ [4] آ سَرے استعمال گئی بضمہ سم پینی آ صُرتجی بسکوچی کولسٹرول نکھلے پیر تھینو۔ [5] آ سَرے استعمال گئی دودو اُروئی گہ گرینی۔ [6] لیلے تاؤ (فشار) کم تھے تومی زیڑ اٹینو۔ [7] آ سَرے سوپ سنے پیون یا ٹکئی سَرے کھون لو مڑنی کلین۔ [8] لیکھہ بال چھلو کمزورتیا دہ آ سَرے استعمال گئی تھون پکارن۔

**بُگی:** کوئے جک سہ تومی ڈولیوڑ بُگی گہ تھین۔ جُولی بدون دہ بُگی بسکی کوجن۔

## کتابیات

1. رازول کوہستانی، 1997. کوہستان دہ ادویاتی گورنور وایتی استعمال، شینار یسرچ فورم، قراقرم
2. رازول کوہستانی، 1998. انڈس کوہستان: شین، یٹکن و کمین قبائل اور ان کا نظام معاشرت، شینار یسرچ فورم
3. رازول کوہستانی، 2008. انڈس کوہستان کا فوک لور، صوبہ سرحد کا ثقافتی انسائیکلو پیڈیا، لوک ورثہ اسلام آباد
4. رازول کوہستانی، 2021. کوہستانی شینا۔ اردو لغت، گندھارا اکیڈمی، پشاور
5. رازول کوہستانی، 2022. کوہستانی شینا قاعدہ (حیوانات و نباتات کا کوہستانی قاعدہ)، انڈس کوہستان پبلی کیشنز
6. Aasim Akhtar, 1997. The Distant Steppe, Rosette Printers, Karachi
7. Ahmad Khan, 2005. Collection and Labeling of Photographs of Medicinal Plants of Palas. NTFP Kohistan
8. Alexander Hellquist, 2004. Prospects for Eco-tourism in Palas Valley, Northern Pakistan
9. Are John Knudsen, 1995. Living with the Common: Local Institutions for Natural Resource Management. Chr. Miehelsen Institute, Norway.
10. Are John Knudsen, 2009. Violence and Belonging: Land Love and Lethal Conflict in the North-West Frontier Province of Pakistan (NIAS Press).
11. Chor Nala Hydel Development Conceptual Study, Final Report Vol-6, 19998
12. Chor Nala Hydel Development Conceptual Study, Vol-1 Report, 19998
13. Dasso Hydropower Project, Environmental Management Action Plan, Vol-3: Terrestrial Ecology, June, 2013
14. Dr. Ghulam Akbar & Dr. Surayya Khatoon, 2012. Floral Guide – Indus Ecoregion, WWF Pakistan
15. Dr. Habib Ahmad, 2005. Hands-on Training Workshop Palas, NTFP Kohistan
16. Dr. Rubina Rafiq, (1994). A preliminary botanical inventory and ethnobotanical checklist. Palas Valley, District Kohistan, NWFP. A report submitted to Himalayan Jungle Project (HJP).
17. Dr. Rubina Rafiq, (1996<sup>a</sup>). The flora of Palas valley and plant conservation priorities. Report on the botanical studies in Palas valley (1992-1995). Report prepared for Himalayan Jungle Project, Palas Valley, Kohistan.
18. Dr. Rubina Rafiq, (1996<sup>b</sup>). Taxonomical, Chorological and Phytosociological Studies on the Vegetation of Palas Valley. Ph. D. Dissertation Botany Department, National History Museum, Vienna, Austria

19. Dr. Rubina Rafiq, 1996. "Three New Species from Palas Valley, District Kohistan, North West Frontier Province, Pakistan." *Novon a journal of botanical nomenclature from the Missouri Botanical Garden*.
20. Dr. Zafeer Saqib Azeemi, "Long term support to the ethnobotanical programme" of PCDP. (Mid Term Report)
21. Dr. Zafeer Saqib Azeemi, 2003. Scientific Research Paper, PCDP Kohistan
22. Emily Woodhouse, 2006. Involving children and women in conservation & development projects: a case study of the Palas Valley, Pakistan
23. Faizul Haq, Habib Ahmad, Rahat Ullah, Zafar Iqbal, 2012. Species Diversity and Ethno Botanical Classes of the Flora of Allai Valley Battagram Pakistan. *International Journal of Plant Research* 2012, 2(4): 111-123.
24. Faizul Haq, 2012. The Critically Endangered Flora and Fauna of District Battagram Pakistan. *Advances in Life Sciences* 2012, 2(4): 118-123
25. Faizul Haq, Habib Ahmad and Mukhtar Alam, 2011. Traditional uses of medicinal plants of Nandiar Khuwarr
26. Francis Buner, 2007. Galliform monitoring & conservation Project in Pakistan's Palas valley, Kohistan
27. Francis Buner, 2008. Galliform monitoring & conservation Project in Pakistan's Palas valley, Kohistan
28. Ghulam Mujtaba Shah Hazara University, 2015. Medicinal Plants Used to Treat Respiratory Tract Illness in Kaghan Valley, Himalayan Region-Pak.
29. Joan L.G. Baart, Esther L. Baart-Bremer and Muhammad Zaman Sagar, Names of Plants in Kalam Kohistani (Pakistan). *SIL International and Frontier Language Institute*
30. Khan A, Ahmed M, Siddiqui MF, Shah M, Hazrat A. Quantitative description, present status and future trend of conifer forests growing in the Indus Kohistan region of Khyber Pakhtunkhwa, Pakistan. *Pak J Bot.* 2021;53(4):1343-53
31. Keith H. Morriss, 2004, Study Prospects of Vegetable Production. PCDP Kohistan.
32. Kifayatullah Khan, Alamgeer, Alia Erum, Bashir Ahmad, Muhammad Akram, Muhammad Anwar, Aarshad Junaid, Uzma Saleem, 2009. "Ethnobotanical Studies From Northern Areas of Pakistan. *Pharmacologyonline* 1: 328-354.
33. Masood Arshad, 2003. Review of Approaches to Species Conservation in Pakistan. Palas Conservation and Development Project (PCDP), Consultancy Report No, 9.
34. Medicinal plants resources of Western Himalayan Palas Valley, Indus Kohistan, Pakistan: Their uses and degrees of risk of extinction, 2015.
35. Muhammad Amin, Muhammad Abdul Aziz, Andrea Pieroni, Abdul Nazir, Abdullah Ahmed Al-Ghamdi, Aleya Kangal, Khalid Ahmad and Arshad

- Mehmood Abbasi- Edible wild plant species used by different linguistic groups of Kohistan Upper Khyber Pakhtunkhwa (KP), Pakistan- *Journal of Ethnobiology and Ethnomedicine* 2023,19(1):6
36. Muhammad Islam, 2005. Preparation of Herbarium Studies of Common Plants of Palas Valley.
  37. Muhammad Manzar Zarrin and Ruth Laila Schmidt, 1984. Discussion with Hariq: Land Tenure and Transhumance in Indus Kohistan, Lok Virsa, Islamabad
  38. Razwal Kohistani, (1994). A preliminary ethnobotanical checklist. Plants with socioeconomic value in Palas. In Rafiq (1994) A preliminary botanical inventory and ethnobotanical checklist. Palas Valley, District Kohistan, NWFP. A report submitted to Himalayan Jungle Project
  39. Razwal Kohistani, 1999-2000. Baseline Data Report (Social and Economic data of Palas Valley, Kohistan). Himalayan Jungle Project Palas. Compiled by Muhammad Shaukat, Edited by Rab Nawaz, Additional editing by Saeed-uz-Zaman and Klaus Euler. PCDP, Kohistan
  40. Spat Gah Hydel Development Reconnaissance Study, Vol-1, 1997
  41. Tariq Khadam, 2006. Palas Non-Timber Forest Products, NTFP, Kohistan
  42. Zabta Khan Shinwari, 2003. Document the proposed Enhancement of earnings of Non Timber Forest Products
  43. Zabta Khan Sinwari, 2002. Design an action plan for livestock keeping and management practices in two pastures. Consultancy No. 17. A report submitted to Palas Conservation and Development Project.
  44. Zafar Jamal, 2009. Biodiversity, Ethnobotany and Conservation Status of the Flora of Kaghan Valley Mansehra, NWFP, Pakistan



ISBN:978-969-9437-51-9